


De calido innato sive igne animali liber unus

Hermann Conring



$n - \frac{1}{2}$

H.N. 324.

H.N. 324

HERMANNI CONRINGII
DE
CALIDO INNATO
SIVE
IGNE ANIMALI
LIBER VNVS.



HELMESTADII
Impensis MARTINI RICHTERI excudit
HENNINGVS MULLERVS

CIO IO C XLVII.



ОДНОУМОВНОЕ

ПРИКЛАДНОЕ



ВЪВЕДЕНІЕ
ОБЪЯВЛЕНІЕ
ОБЪЯВЛЕНІЕ
ОБЪЯВЛЕНІЕ

MARCO AVRELIO SEVERINO

Philosopho ac Medico celeberrimo, & in

regio gymnasio Neapolitano Anatomes &
Chirurgiæ Professore.

S. P. D.

HERMANNUS CONRINGIUS.



Vantum ad amicitiam parandam ingeniorum valeat & studiorum similitudo, Severine clarissime, si non abunde jam aliàs nobis cōstaret, doceremur profectò solo ipsomet exemplo nostro. Natus tu es in extremis magnæ Græciæ oris ad Crathidem amnem, veterè Thuriorum coloniâ; ego in ultimo Oceani litore Frisico propè Amasum. Nec tu Italiâ, nec ego Germaniâ pedem extulimus: tantùm abest ut alter alterum coràm viderit. Simulac tamen aureum opus tuum de reconditâ abscessuum naturâ legere datum fuit, mirum quàm in amorem & cultum tui exarserim. Te vicissim non multò post meorum de Fermentatione & Sanguine librorum strenuum laudatorem nactus sum: quo tempore nullæ tamen adhuc inter nos literæ commeabant. Vbi hunc mutuum affectum utriq; significasset communis amicus noster Guilhelmus Schefferus vir clarissimus, illico arctissima colit animorum necessitudo. Ego sanè non tantum nihil in te po-

);(2

tui

tui ex eo desiderare eorum quæ amici solent, sed etiam muneribus amicitiae propè sum obrutus, Neque enim prædicare satis possunt Bodii fratres, leâissimum sanè & præstantissimum par juvenum, benevolentiam quâ illos peregrè adven- tantes, tantùm quod à me laudati venirent, exce- pisti. Ad hoc multùm laborasti, in doctissimorū ho- minum cùm aliorum tùm præcipuè Petri Castelli Philosophi & Medici Messanensis excellētissimi, & de republ. literariâ optimè meriti scriptoris, amici- tia mihi comparandâ. Quo nomine profectò pluri- mum tibi debeo: ut qui virtutis & doctrinæ lau- de præstantium hominum amorem in maximo fortunæ beneficio collocem. Accessit in cumu- lum opusculi elegantissimi in nomen meum edi- tio: cum ob honorem mihi habitum grata, tum gratissima quod volueris eo ipso Castellum *in nâru* perpetuâ mihi necessitudine conjūgere. Enimvero Severine, vox illa Frisiorum in Pompeji theatro Neronis ævo audita, *nullos mortalium fide ante Ger- manos esse*, quantum speraverim hodieque vera est, ego certè haud patior temerè amicitiae me of- ficiis superari: non possum tamen diffiteri in ære me tuo esse positum. Ne dubites autem bona fi- de expunctum iri quod contractum est nominis, hunc vadem tibi publicum sisto, meum de calido innato foetum, Quamvis enim haud dubitem me- liore

fiore illum apud te loco fore, quâ tû es benignitate & ergâ me affectu; tamen ego duntaxat cupio nunc haberi illum mei amoris fidejussorem. **Vtinam** verò itâ etiam ille sit ornatus, ut sine rubore in conspectum tuum possit prodire! Quæ etenim à te profisciscuntur omnia in admirationem quemvis rapiunt, & nō chirurgicæ tantum artis te facile principem probant, sed omni etiam philosophiâ medicinâque excultissimum: mea autem suæ sibi sunt tenuitatis conscia, eoque limatissimum iudicium tuum meritò reformidant. Ne quid tamen diffitear, multum in benevolentia tua spei mihi positum est: ut aliorum potius debeam linguam ac nares extimescere, quibuscum nullum mihi ejusmodi vinculum intercedit. Et sanè rem omnium quidem ore pervulgatam, scrupulosam tamen atque impeditam oppidò aggressus, more minime pervulgato ita tractavi, & contra vulgatas opiniones eâ disputavi libertate, ut in varias censuras non possim non incurrere. Neque verò quod Aristotelem ducem sequar, aut quod in illâ de ignea calidi animalis naturâ jam à viginti annis (nam & adolescens id defendi) nihil ipse erroris deprehenderim, benigna omnium judicia ausim mihi polliceri. Sordet enim multis ipsum Aristotelis nomen, imò quoniam ab illo est jam con-

remnitur, iis præsertim qui Galeni in verba quasi
juraverunt. Verùm hoc quidem genus hominum
non ejus est notæ ut ab illorum judiciis pendeas:
alii sive docti & rerum gnari sive indocti quid
sint existimaturi experiundum est. Si operæ feci
pretium assecuta veritate, ponam in lucro: sin
minus, saltem tibi, optime senex, amicum ani-
mum probavero. Vale decus patriæ tuæ & Conrin-
gio favere perge. Helmeſtadii Saxonum, ex Aca-
demia Iuliâ Ducum Brunſuico-Lüneburgensium,
quorum Serenissima familia ante hos ducentos
sexaginta amplius annos regno Neapolitano &
Tarentinæ provinciæ tuæ dedit Ottonem regem
& principem fortissimum, Ioannæ Calabricæ ma-
ritum. c15 15 c XLVII, x. *Kal. April.*

INDEX CAPITVM.

- CAP. I.** *Quid innati, quid calidi vocabulo significetur, accurate expenditur.* 1.
- II.** *Omnia animalia, imo & plantas ipsas, innato calido esse praedita.* 5.
- III.** *Sententia Galeni, de natura calidi innati, examen.* 10.
- IV.** *Examen sententiae Ioannis Fernely de calido innato.* 15.
- V.** *In Danielis Sennerti doctrinam de calido innato animaverso.* 21.
- VI.** *Calidum quod cordi est innatum probatur, ignem aliquem esse, à cordis substantia distinctum.* 32.
- VII.** *Doctrinam illam Hippocrati, Aristoteli, Platoni, immo omnibus olim sapientibus placuisse.* 46.
- VIII.** *De natura ignis quaedam maxime mira exponantur.* 59.
- IX.** *Ignem vitalem cordis esse mobilem ac leuem, adeoque tantum habere in corpore quo nutritur: id vero non esse humidum aliquod primigenium, aut radicale.* 79.
- X.** *Ignem vitalem cordis non ali aëre per inspirationem attracto in pectus.* 94.
- XI.** *Ignem vitalem cordis ali sanguine, non tamen omnibus eius partibus, sed aliquibus tenuioribus.* 109.
- XII.** *Quemadmodum cordis caro elychnij vice sit, ac seruet atque tueatur ignem nativum.* 120.
- XIII.** *Non in quavis parte aequaliter residere vitalem ignem; praecipuam illius vim esse in cordis septo medio, alibi vero magis minusque valere.* 130.
- XIV.** *Calidum aliquod eximium ipsimet cordis carni inharere, non tamen ut ea alatur: produci verò & conservari vi calidi mobilis vitalis.* 139.
- XV.** *Ignem vitalem cordis, quamvis sit flamma similis, non ea non lucere.* 149.

XVI. Cor propagare calorem in omne corpus : non fieri autem id per spiritum aliquem arterijs comprehensum, utpote qui nullus sit, nec ab antiquis scriptoribus in illum usum admissus. 159.

XVII. Cor partes alias calefacere, maxime per influentem sanguinem, in quo producit ignem aliquem mobilem, qui ibidem sanguinem consumit, quo comprehenditur. 173.

XIX. Sanguinis vitia, aut abstinentiam ab alimento diuturnam non obfarc, quo minus sit verum, vitale calidum sanguine nutriri. 183.

XIX. Calidum aliquod innatum, prater illud à corde influens, non omnibus partibus, non scorsim vel hepatis vel cerebro vel testibus esse proprium. 201.

XX. Cor esse unicum verum & primum omnis animalis calidi principium, esse tamen & principia quadam secundaria. 215.

XXI. Quemadmodum singula atq; universa corporis partes à sanguine cordis calefiant; & cujusmodi sit calidum illud partibus communicatum. 221.

XXII. De calidi nativi differentijs secundum sexum, aetatem, somnum ac vigiliam, motus animi, & aerem, earumque causas. 231.

XXIII. De calidi innati ortu & interitu. 244.

XXIV. De calido innato reliquorum prater hominem animantium & stirpium. 244.



CAPVT I.

*Quid innati, quid calidi vocabulo significetur,
accuratè expenditur.*



Calidi illius quod cum aliis animalibus ac viventibus tum homini inesse creditur, naturam omnem exposituris; initium tractationis ab expositione vocabulorum illorum *calidi & innati* faciendum est. Neque enim doceri quidquam rectè poterit nisi hanc operam præmiserimus: quum vocum illarum significationes obscuras admodum & incertas, non indocti tantum sed etiam ex doctissimis nonnulli, qui circa hoc argumentum sunt versati, reddidisse videantur. Omnium autem terminorum, quorum in docendo usus est, definitiones certas esse ponendas antequam docere quidquam aggrediamur, notissimum est, Et quidem hoc ipsum à Galeno etiam est observatum *cap. 7. eius libri*, quem contra Lycum scripsit in hoc ipso plane negotio: præmittit enim expositionem vocum atque ex illarum vi rei ipsius naturam studet exponere.

Cæterum ut à posteriore voce ordiamur, fortassis haud rectè nos docuit ipsemet Galenus noster, quid illa vox *ἐμφυτον* aut innatum sibi velit: illo enim contra Lycum libro τὸ ἐμφυτον idem esse exponit quod *δεχόμενον*. Hoc verò τὸ ἐξ *δεχῆς* *ὑποδεχον* τῆς *ὑποθέσεως*. Τὸ δὲ ἐξ ἂν τὴν πρώτην ἐχῆς *ὑποθεσιν*. Innatum igitur idem sit cum eo quod primo natum est. At hæc acceptio non profecto est scriptoribus vulgo

A

usita-

usitata. Ne apud Hippocratem quidem, quem sibi illo loco interpretandum sumpsit Galenus *τὸ ἐμφυτον* aut *ἐμφυὲς* semper primogenium aliquid notat. Ipsimet Galeno vox illa longè aliud quid identidem significat. Sic exempli gratia libro 1. de locis affectis cap. 2. scribit ab innatis rebus de locis affectis coniecturam sumendam. Quin in universum apud omnes vox illa significat nihil aliud, quam aliquid quod rei alicui inest, ita ut cum re illa sit natum, adeoque opponitur illi quod rei jam genitæ supervenit. In quam sententiam ipsemet Galenus loquitur libro 2. de differentiis febrium cap. 9. Rectè sentire videtur Aristoteles ab aliena caliditate fieri putredinem, vocat autem alienam extraneam non insitam neque nativam in quocunque genere rerum. In rebus ergo compositis quæ per partes generantur non id tantum innatum est quod primo est momento natum, sed etià id quod longè post est genitum modo sit productum antequam res plenè fuerit generata & absoluta. Ita animali omni illæ partes omnes sunt innatæ, quæ genitæ sunt in materno utero. Ideoque rectè Aristoteli libro 2. de partibus cap. 7. membra *σύνφυτα* & *ὡσπερ ἐν* sibi opponuntur. Sunt autem *ὡσπερ ἐν* illi, quæ edito jam in lucem animali nascuntur. Scilicet, quod Galenus in istà contra Lycum disputatione omnia, quæ primo animalis conceptu posteriora sunt, *ἐμφυτὰ* & adventitia velit dicenda non innata, insolens admodum est & ut alii scriptorum nemini temerè suetum, ita nec ipsi Galeno semper observatum: quippe cui passim viscera, venæ, nervi, tendines partes connatæ & innatæ audiunt. Sunt igitur *ἐμφυτὰ* multa quæ non sunt *ἀρχήζοντα*: siquidem illa sola appelles *ἀρχήζοντα*, quæ in rei cujuslibet generatione omnium primæ fiunt. Potest verò & hæc vox trahi ad omne illud quod natum est ante rei ultimam perfectionem.

Quo-

Quomodo omnia quæ factui perfectio insunt ἀρχήρια possint dici, nullo habito respectu primo an ultimo momento sint producta.

Videtur sane à Galeno nostro nec illius vocis significatio rectè satis exposita. *ἀρχήριον* enim interpretatur *corpus quod primus generandis adest, id est, ex quo primæ sortiuntur generationem.* Tale vero corpus nihil aliud est quam materia rerum generandarum. Materia verò in quantum talis non est aliquid natum, sed ex quo aliquid est generandum: adeoque nec materia verè dici potest ἀρχήριον rei generandæ. Porro omnis materies partim est non ens, hoc est aliquid carens entitate generanda, partim ens potentiale, hoc est potestate id quod est generandum; quorum prius per generationem perit, alterum manet, sed perficitur; & tamen ratione utriusque dicitur aliquid generari ex aliquo: & ex frigido scilicet fit calidum & ex eo quod potest calere. Esto ergo omne ex quo primo aliquid generatur sit ἀρχήριον, non omne perfectò ἀρχήριον fuerit aliquid rei generatæ insitum aut ἑμφυτον: quod enim perit per generationem, utiq; generatæ rei non inest. Ita frigidum non inest calido, aut tenebræ non insunt luci.

Igitur ἑμφυτον sanè aut innatum nihil aliud est quam quod ante diximus, aliquid nempe quod in re dum generatur est genitum. Tale autem omne etiam connatum rectè dicitur: ac proinde inter ἑμφυτον & σύμφυτον non ea est distinctio, ut aliquid possit esse ἑμφυτον quod non sit σύμφυτον. Hinc promiscuè vocabula illa apud scriptores usurpantur passim. Discrimen verò quod recentiores nonnulli inter hæc sunt commenti, vanum est & inane. Porro cum id quod ingenitum est vel plerumque vel semper non possit rei illi inesse secundum naturam, hinc innatum

plerumque & naturale est & secundum naturam. Quapropter & calidum quod in animalibus est, sepe etiam naturale audire solet aut *φυσικόν* quod nempe ijs aut omnibus aut plerisque sit ingenitum. Constat denique ad hunc modum & partes substantiales innasci & accidentia varia: unde manifestum est, vocem illam *ἰμφοῦν* aut *σῶμα* neutrum præ altero denotare: sed voce illa prolata, ambiguum esse adhuc quale quid innatum illud sit, substantia scilicetne an accidens.

Haud paulò melius de vocabulo calidi Galenus noster disseruit. Verba ejus sunt *in commentario ad aphor. 14. libri 1.* Hoc ipsum verbum calidum aliquandò transferimus ad qualitatem, cuius proprium nomen est caliditas; aliquando denominativè dicimus calidum à caliditate: estque hic modus loquendi plurimus in omni vita & fuit apud antiquos, veluti Theophrastus ostendit in eo libro, qui de calido & frigido inscribitur. Vtroque hoc modo vocem calidi accipi docetur etiam *lib. 1. de elementis cap. 6.* & rectissimè quidem: apud veteres enim etiam optimos scriptores, qualis profectò est Hippocrates, Aristoteles, Plato promiscuum hunc usum passim est observare. Porro quando calidum denotat substantiam calidam, & simpliciter vox illa collocatur, nunquam non solet apud optimos quosque autores notare, non quamvis substantiam calidam, sed quæ caleat insigniter & aliis caloris causa est. Par ratio est frigidi, humidi, sicci similiumque vocabulorum.

Calidum itaque innatum animalium significat sive qualitatem sive substantiam aliquam calidam, quæ causa est cur animalia caleant; est autem ipsis ingenita jam anteaquam ex utero prodeunt materno aut
alias producuntur in lu-

cem.

CA

CAPVT II.

Omnia animalia, imò & plantas ipsas, innato calido esse prædita.

Vocum calidi innatque acceptiones satis sunt expōsitæ. Omnibus verò animantibus, perfectioribus quidem, adeoq; & homini, calidum aliquid insitum esse & connatum tactu deprehenditur, ut argumento id ostendere non sit necessum. Omnia enim animalia etiam antequam in lucem eduntur, insignem in modum calent: neque illum deponunt calorem nisi cum vitâ. Adeo certè id evidens est, ut mirum sit à quoquam id vocatum esse in dubium, qui paulo fuerit rerum expertior. Galeus tamen libro de trem. cap. 6. scribit, *Erasistratum, Praxagoram, Philotimum, Asclepiadem, aliosque plurimos, calorem non insitum, sed acquisitum censuisse.* Fortassis autem rectius illi senserunt, quàm locuti sunt: neque enim solent viri docti temere ab iis quæ sensibus sunt obvia, abcludere. Quomòdocunque vero sese illorum habuerit doctrina: calidum aliquod cum animalibus perfectioribus quidem nasci, certissimum est.

Imperfectiorum animantium ut & plantarum adeoque omnium viventium eademne sit ratio, an diversa; haud perinde sensibus est manifestum. Sane ex recentioribus magni & ingenii & iudicii vir Thomas Fienus, haud dubitavit affirmare, plantis calorem nullum esse insitum. Nec tamen cuiquam id temerè persuaserit. Quoniam enim stirpes omnes, non minus atque animalia, propria virtute ab initio sui conceptus usque capiunt incrementum, incrementum autem omne ex cibis est humidis &

ficis, quorum concoctio & transmutatio vi caloris perficitur, necessum profecto est, ut stirpes quoque omnes perinde ut animalia, innato quodam calore sint præditæ. Quam demonstrationem etiam Aristoteles habet *lib. 2. de partib. animal. cap. 3. & 7*: nec non *lib. 2. de animâ textu 50*. In omnibus porro seminibus plantarum, postquam illæ primum germen ceperunt protrudere, insignem esse calorem, argumentò id est, quod ex omnibus illis, etiam quæ frigidis medicamentis annumerant medici, liquorem calidum & inflammationi aptissimum, quam aquam vitæ vulgò nuncupant, ope chymicâ liceat elicere. Constat porro stirpes nonnullas media brumâ interque nives & glaciem non virescere tantum sed & flores protrudere. Saltem itaque illæ calorem aliquem innatum habent, neque enim ab aëre consequuntur calorem, neque sine calore vel flos confici ac protrudi vel folium potest. Nonnullæ porro vim insitam caloris tactu produnt, ut urticarum species: plures gustatæ adurunt linguam: longe plurimæ pingues sunt, acri sapore atque odoratæ, qualia omnia esse calida certum est. Sed & usus medicus docet, plantarum multas calefaciendi, multas concoquendi & nutriendi, haud paucas etiam tabefaciendi vim hæctas esse. Omnia autem illa utique per calorem insignem efficiunt. Quare & has omnes præ aliis rectè pronuntiavit calidas Theophrastus *lib. 1. de caus. plant. cap. 27*.

Nec vero multum sunt difficilia solvendi, quæ contrà innatum stirpium calorem disputat Ficinus illo libro, quo Antonio Ponce Sanctacruz, respondit. Primum est in plantis non videretur esse ullus calor actus, nam si esset usque aliquo modo sentiretur: etenim calor est qualitas tangibilis & proprium tactus obiectum; ergo ubi est, necessaria percipi debet; nec potest sensus

sensui circa proprium suum obiectum errare, sicut color non potest non videri & sonus non audiri positu requisitu: ita nec calor non tangi, maxime cum inter qualitates tangibiles sit omnium actuosissimus. At vero non illa est tactus erga tactiles qualitates, quæ visus erga visibiles, ratio: quoniam sensorum tactus non potest esse liberum à tactilibus, ut sensorium visus à visibilibus; adeoque cum nullum sentiendi instrumentum percipiat alia, nisi quibus ipsum non est imbutum (habet enim sese erga obiectum ut potentia passiva erga actum causamque efficientem) necessum est omnem calorem frigusque ut & humiditatem & siccitatem fugere sensum tactus nostri, quæ non superant sensorii temperiem, ex qualitatibus illis tactilibus constitutam. Itaque cum stirpium calor sit inferior caliditate animantium, illarum calorem tactu deprehendi non posse, non est mirum. Sunt hæc jam olim ab Aristotele observata, & luculenter tradita, quæ cum liquido consentiant quotidiano rerum usui, primum profecto illud argumentum merito forte quis dixerit Fieniana eruditione indignum esse.

Est autem ejusdem notæ & alterum. *Sicut inquit pro parva plantulâ exiguo forte calor sufficeret, ita pro magna mulina requireretur; quomodo ergo talis in maxima nuce aut quercu non aliquo modo vel & acutissimo sensu perciperetur.* At vero non pro corporis magnitudine caloris semper est intensio, ne quidem in animalium ordine; quod infra clarius docebimus. Non ergo necessum est ut quercus aliqua prædita sit calore qui à nobis sentiri possit: nec ille qui sentiri non potest nullus est. Causam quare in animantibus omnibus multum adeo caloris requiratur præ plantis, infra itidem exponemus.

Majorem veri speciem habent quæ addit Fienus. *Si*
planta

plantæ viverent calore, crescentes & cum adhuc vivæ sunt, essent calidiores amputatis & emortuis: sicut & in animalibus omnibus fit: at contra potius virentes sunt emortuis frigidiores. Ergo. Est tamen & hujus argumentationis nec coniequentia satis firma, neque id omni ex parte verum, plantas mortuas vivis calidiores esse, quod in minore propositione assumebatur. Ad vitam enim certi caloris terminum pertinent: æque igitur deficere vitæ potest si calor nimium excreverit, quam si plus justo sit imminutus. Multo minus patet ratio illius sequelæ: si in animalibus cum vitæ calor interit, ergo idem in plantis fit. Porro & animal mortuum potest per causam aliquam externam aut violentam magis calere quam vivum, si comburas nempe cadaver aut alias exponas igni. Adeoque & plantæ mortuæ nonnullæ habent forte calorem aliquem majorem, aliis de causis productum. Caterum plantas vivas omnes mortuis esse frigidiores, haud profecto vero est consentaneum. Verè enim emortuæ demum illæ sunt, quæ prorsus aridæ & effoctæ omnem pristinum saporem odoremque amiserunt: illæ verò omnes frigidiores solito redditæ sunt. Neque enim eadem plantarum quæ animalium est ratio: quod horum vitæ & calor ab unica principe parte dependeat, illarum vis omnis per totum corpus sit dispersa. Hinc ramulis avulsis vis inest totam plantam producendi.

Quin & caudicibus scētis (mirabile dictu)

Truditur è sicco radix oleagine ligno.

Versus sunt Maronis *lib. 2. Georgic.* quibus cum consentit Theophrastus. *lib. 2. historia plantarum cap. 1. & alibi.* Verum hanc vitæ mortisque rationem in plantis exponemus singulari huius argumenti libello.

Sed pergit Fienus: *Calor & frigus sunt qualitates contrariæ & sui*

& sui mutuo destructiva, & maior ac intensior superat & corrumpit minorem: quomodo ergo ille in tam multis plantis & op hyeme perdurantibus à frigore externo non exstinguitur? Quomodo exigui ille in tenuibus plantis in aqua crescentibus perpetuoque manentibus frigiditati aqua resistit & Exstinguitur ab externo frigore hyemis calor infinitorum animalium, longe maior: ut patet quod cum insecta & parva ferè omnia animalia moriantur: cur non exstingueretur & plantarum si in ipsis aliquis esset? Vel cur igniculus ille spiritusque non tam bene fovetur in illis ab aëre, quam in istis parvis plantulis vel seminibus ipsarum? Ad eod ut satis verisimile sit plantas potius aliqua vivifica qualitate nobis occulta, à sole defluente, quam calore vivere. Sunt sanè calor & frigus qualitates contrariæ, soletque alterum ab altero corrumpi. At vero notum est, ut quid patiatur ab agente, utrumque debere conjungi. Hac de causa verò sæpe numero accidit, ut quod magnitudine excedit citius quàm corpus aliquod exiguum afficiatur; quod scilicet ipsa parvitas tueatur nonnulla ab insultu adversarii. Eadem ratione fit, ut exiguum aliquod tutius sit, modo valido quodam munimento cingatur, grandiore corpore sed cui nullum est munimen. Non itaque verum est, calorem plantarum, propterea quod sit minor calore animalium, facilius oportere interire. Causa verò quare haud perinde plantæ patiantur à frigore hyberno atque animalia, est: quod calor illarum in pinguiore & densiore corpore sit collocatus adeoque præ animalium calore septus insigni quodam munimento. Quod ipsum jam olim Aristoteles docuit & Theophrastus, nosque suo loco pluribus demonstrabimus. Nec tamen in universum quodque verum est, facilius à frigore laedi animalia quàm plan-

B

tas: multæ enim plantarum etiam leve frigus non ferunt, quale animalibus noxam nullam infert.

Falsum omnino autem & nullius momenti est quod ultimo loco adducit Fienus: *Animalia calore actuali etiam igneo vegetantur, vivificantur, delectantur; plantæ staccescunt, contabescunt, emoriuntur: nec in calidis thermis ulla crescunt.* Nempe nec animalia temerè in thermis nascuntur; quod illarum calor major sæpe sit, quam ut animalibus conveniat: calorem verò ignis vulgaris multum facere ad plantas vegetandas & conservandas, modò non iusto sit maior, nemini non hortulanorum cognitissimum est. Certe hæc quidem in re similis est plantarum & animalium ratio, tametsi eodem caloris gradu non delectentur.

CAPUT III.

Sententia Galenica, de naturâ calidi innati, examen.

SED adversus Fienianas obiectiones, insitus stirpium calor satis forassis est defensus. Consequens est ut ipsam innati calidi naturam atque essentiam investigemus. Quod ut eò rectius fiat, initio præclarissimorum quorundam hominum, qui circa hoc argumentum maximè laborasse videntur, sententias seorsim expendere ex usu fuerit. Ut si assecuti sunt veritatem, nos eos sequamur, sin minus ipsi novam veri indaginem instituamus.

Ac Galenus quidem vereor ut iustâ constantiâ calidi innati naturam prodiderit: quo nomine ipsum jam ante criminatus est Argenterius. Non est vero instituti nostri quæ a maximo illo viro in hanc rem passim sunt memoriæ tradita.

tradita huc congerere, quod ab aliis, nullo tamen interposito iudicio, est factum: præcipua tantum adferemus. Nullibi verò nec expressius vel exponere vel demonstrare sententiam videtur quam *libro adversus Lycum cap. 7.* ubi docet calidum innatum esse animantium primogeniū corpus mistum ex semine & sanguine menstruo: ut tamen in lenibus potius sit sanguis quam semen. Eodem faciuntque in comment. 1. ad Aphorismos. XIV. leguntur: *Substantiam caloris innati esse æream & aqueam*: id ipsum patere ex semine quod paucam omnino terream substantiam participat, plurimum autem aeris calidi humidique in se ipso continet. Alterum quoque generationis nostræ principium, sanguinem menstruum humidum natura esse. Idem quinq; de simplicibus medicamentorum facultatibus libro cap. 9. halituosum & calidum spiritum qui animantibus est innatus esse calidum nativum docet: nihil tamen prohibere sanguinem substantiam simulque seminalem unam cum spiritu calidum referre innatum. Alibi videtur aliter differere. Nullibi verò observare aliquam sententiæ probationem licet, præterquam libro isto contra Lycum.

Si tamen quod res est fatendum est; & nova est illa Galeni doctrina, & argumentis subnixâ imbecillimis. Infra sanè luculentissimum faciemus, eos qui ante Galenum fuerunt medicos & philosophos, inque his & Hippocratem ipsum, longe diversa docuisse. Quibus autem argumentis nitatur omnis illa doctrina, patet ex viri maximi sermone quo Lycum convellere conatur. Debuisse vult Lycum calidi corporis naturam indagaturum ex *amentis* scituere corporum quæ in nobis sunt, quodnam innatum sit i. e. æthereum, quod haud ignoret Lycus pro eo accipi corpore quod primitus generandis adsit, id est ex quo primum sortiuntur generationem. Quod, inquit, quid aliud queso sis quam sanguis, menstruum.

menstruus semenzque. & ego certe novi nihil præter hæc certum.
 Hisce paucis, nisi admodum fallor, continetur vis de-
 monstratiuum Galeni. Verum enim verò multa profectò
 hic sunt quæ apodictices peritus hæud temerè admiserit.
 Primum enim hic sumitur tanquam certum, calidum in-
 natum esse corpus aliquod: id vero sensibus & experien-
 tiæ compertum non est, neque ex vi vocum apparet, quod
 supra ostendimus; itaque non sumi sed probari oportuit.
 Neque Lyco id adeò certum fuisse videtur quantum col-
 ligere est ex ipsius verbis, quæ à Galeno satis prolixè reci-
 tantur aut dixeris, saltem apud Lycum non fuisse probati-
 one hac quicquam opus. Porro definitiones illæ *ὅτι τὸ θερ-
 μόν ἐστιν ἀπὸ τοῦ πυρὸς* multum à vero abeunt, ceu antè demonstra-
 tum. Iniquum ergò & illud postulatum: *Calidum innat-
 um esse illud quod primò genitum est.* Scilicet cum animanti-
 bus & homine nasci aliquod calidum, adeoque hoc signi-
 ficatu homini inesse aliquod innatum calidum, merito in-
 ter hypotheses potest adsumi, utpote quod sensu constet
 & nemini non sit notum; at animanti esse aliquod cor-
 pus calidum quod primò omnium sit genitum, sensa pro-
 fectò non habemus compertum, neque cui temerè in men-
 tem venit fortassis, ante Galenum. Et tamen sumitur et-
 iam hoc quasi certum, tantum propter malam definitio-
 nem illius vocabuli *ἐμφύτου*. Eiusmodi enim collectio est in-
 natum est id quod primò omniū est natum, calidum innat-
 um igitur est corpus primò natum. Est vero præter hoc &
 aliud in collectione illà vitium. Largiamur enim idem est
 se *ἐμφύτου* quod *ἀπὸ τοῦ πυρὸς*: fuerit ergò hæc quidem enun-
 ciatio vera: *Omne calidum innatum est corpus ἀπὸ τοῦ πυρὸς*; mi-
 nimè verò licebit hinc concludere per simplicem, ut Logici
 loquuntur, conversionem: ergo omne corpus ἀπὸ τοῦ πυρὸς est cali-
 dum.

innatum. Nec tamen aliter Galenus noster hoc quidem loco argumentatur; neque sine tali vitio, ex illis principiis ostendi potest, calidum innatum esse semen & sanguinem menstruum, vel quod ex utroque constituitur *κύμα*: quod tentantibus manifestum erit. Esto enim calidum innatum corpus aliquod *αρχή* quoniam id quod primo generatur non est simplex aliquid sed compositum, aut varietate quādam partium constans, necessum sanè fuerit aut omne hoc aut aliquid hujus esse calidum innatum; at ut omne illud sit calidum innatum, minimè profectò hinc consequitur. Quin & à nobis infra demonstrabitur: nārvum calidum esse substantiam aliquam corpoream & primo statim conceptu nasci: nec tamen asseruerimus ad omnem primum conceptum nomen illud pertinere.

Igitur non sanè ulla aliquā vel verisimili probatione nititur Galenica hæc philosophia: adeoque non est dubium rejiciendam illam esse vel isthoc uno nomine. Potest verò & multis alijs rationibus haud difficulter convelli, quas tamen omnes adferre in medium nullum est pretium operæ. Saltem nonnulla merentur imprimis expendi. Primò enim, cum calidum innatum sit aliquid à primo ortu ad seram usque ætatem permanens, *κύμα* autem illud primum statim transmutetur in varias animati corporis partes, non verò maneat superstes; quomodo quæso *κύμα* illud potest esse calidum animantium insitum? Neque enim verum est quod videtur dicere Galenus: mixturæ illi seminis & sanguinis menstrui supervenire ossa, venas, arterias, ligamenta, tendines, aliasque partes: sed; ut ipse alibi passim docet, sunt hæc aut omnia aut pleraque ex illa mistura tanquam ex materia & quidem non perma-

nente sed transeunte. Scilicet quando ex sanguine fiunt partes, non manet sanguis quod erat ante, sed ex parte mutat naturam & incipit esse quod non erat. Sanguis porro quem solum adultioribus vult Galenus esse pro calido innato, diversum quid est à sanguine menstruo unde primum partes sunt generatæ: quare ergo sanguis menstruus potius dicendus calidi innati nomine quam simpliciter sanguis? Ad hoc, ipsemet Galenus passim cor appellat calidi nativi focum, & fatetur inde diffundi calorem nativum in omnes partes, quod est longè verissimum: nectamen cor continet *πύμα* illud, neque ex corde vel semen vel sanguis menstruus vel utrumque in omne corpus promanat. Non videtur præterea hæc Galeni doctrina consentire satis iis, quæ de hepate & aeris temperie differit alibi. Vult scilicet aërem esse naturâ frigidum Stoicos secutus, aquam quoque fatetur naturâ frigere: paulò antè verò audivimus in Aphorismis Hippocratis illum docere calidum innatum aëream esse & aqueam substantiam, aliàs & spiritum ab illo nuncupari, quo nomine itidem quid aëreum significat. At profecto haud liquet, quomodo corpus aliquod naturâ frigidum, & omnis expertis caloris, secundum naturam in seram usque senectutem non caleat tantum, sed & toti corpori insignem calorem largiatur. Ita & hepar generari vult ante cor, ideoque indubiè maxima vis *πυήματος* fuerit non in hepate, sed in corde; quod tamen Galeno etiam iudice calidi nativi est fons & principium. Non adducam alia nunc in medium, ne illa quidem quæ à Cæsare Cremonino adversus Galenum sunt disputata: neque enim dubito cum imbecillitatem tum falsitatem Galenicæ sententiæ ex iis quæ

jam allata sunt abunde esse perspectam.

C A.

CAPVT IV.

*Examen sententia Joannis Fernelii
de calido innato.*

Post Galenum novam planè & insolentem doctrinam de calidi innati naturâ prodidit primus omnium Ioannes Fernelius, vir promovenda in melius artis medicæ studiosissimus. Eam ille prolixè proposuit integro penè quarto libro operis physiologici, & libro secundo de abditis rerum causis capit. VII. & IIX. Summa omnium est: in animantium & stirpium vivis partibus insitum quendam esse calorem, sed qui sit supra conditionem caloris elementaris adeoque cœlestis naturæ. Huic pro subiecto esse spiritum quendam ætheræ itidem essentia. Vtrumque ali ad modum flammæ, pingui quodam & oleo persimili humore, ex semine parentum orto, inque omnibus partibus solidis ab illa usque origine hærente; huic spiritum illum calidum cælestem insidere: hunc esse humidum primogenium. Ex hoc itaque humido spirituque calido constitui calidum innatum: quod idcirco definiri debeat: *humidum primigenium insito spiritu & calore undique perfusum.*

Cæterum hæc Ferneliana doctrina utut ingeniosè videatur excogitata, & eleganti verborum cultu plausibilis valde reddita, nihil tamen fortassis habet quod verò sit consentaneum. Vt enim de calore vitali ipso, omnium primò dicamus; hunc elementaris prorsus esse naturæ, argumento est infallibilis, quod frigus elementare habeat oppositum, per calorem elementarem foveatur & excitetur, nutriatur quoque elementari materia. Si enim essentia esset cœlestis, non utique possit foveri, non interimi,

rimi, non nutriri vi elementari: quum inter cœlestia & elementaria magnum adeo sit discrimen, quod & Fernellius quoque confessus est. Iam verò frigore elementari immiui, imò interimi, calorem vitalem, usu quotidiano compertum est. Id sanè qui negat dignus est qui nudo corpore inter nivem & glaciem horridi aquilonis violentiam aliquandiu experiat. Certe Fernellius id dum negat magis admirationem quam confutationem promeretur. Quin ipsemet eodem libro, eodemque capite, quo id negat, vi veritatis victus scribit: *animantia dum in vivis numerantur caloris temperie perfundi: hoc extincto, refrigerari. Item, plantas externo solis calore fatas, agere opera sua, impediri frigore.* Ejusdem libri cap. 8. ita loquitur: *quibus magna vi frigoris insitus calor repente extinguatur, quod hyeme per Alpes iter facientibus tempestas Aquilonia inferre solet.* Non adducam ipsius testimonia alia, re ipsa pro se loquente. Nihil notius porro quam igneo calore foveri & excitari posse debilem calorem nativum, sive stirpium sive animantium. Ipse denique Fernellius docet, calido nativo nostro oleosum humorem (elementarem utique) in nutrimentum cedere: adeoque elementaris quædam materia transmutatur in calidum nativum: namque in nutritione alimentum transmutatur in id quod alitur. Quid? quod calor nativus noster vel eo ipso quod ortui & interitui sit obnoxius, satis prodatur non cœlestis, non divina, se naturæ esse sed elementaris? Neque enim cœlestia vicissitudines hæc pati nata sunt.

Per quoque sunt levia argumenta, quibus grande illud *παράδοξον* persuadere nobis conatur Fernellius. Nam tria quidem priora nituntur probare, *frigus calori vitali non esse contrarium*, quod senectutis frigiditate, & frigido tempe-

temperamento serpentum, stirpiumque frigidarum, papaveris exempli gratia & mandragoræ, non tollatur calor ille qui tamen frigore isto est inferior. At vero in senibus, in serpentibus, in stirpibus frigidis præpollere frigiditatem falsissimum est. Sunt quidem senes, sunt serpentes frigidiores, comparatione instituta cum juvenibus aut aliis animantibus: at non simpliciter in illis exsuperat frigus. Illæ quoque stirpes omnes frigida medicis censentur, quæ refrigerare nostrum corpus possunt: quarum quidem aliquæ id præstant frigiditate sua, hoc est temperamēto quod cum nostri caloris vi collatum frigidum est; quædam tamen calorem nostrum tollunt virtute potius quadam suffocandi, quomodo etiam à calidissimo oleo ignem extinguere posse notissimum est; quædam aperiendo spiracula, ut eò evolent liberius calidiores igniculi; aliæ aliter. Neque verò vel papaveris succus vel mandragoræ impensè adeò friger. Opii amaritudo, pruritusque quem assumptum excitat in cure: ille quoque ingens ardor corporis, illa oris & linguæ ariditas quam creat mandragora, calorem potius illarum stirpium loquuntur quam frigus. Itaque aliâ ratione inducunt *παρεκκλι* & interimunt calorem vitalem quam frigore suo. Imò verò efficiunt hoc ipsum suffocatione quadam ignis nativi: quod jam olim Aristoteli visum esse haud obscure est intelligere ex iis quæ ille differit *lib. de somno c. 3.* Sed hoc larius ostendere nō est presentis instituti.

Falsissimum verò & illud est quod *quarto* loco opponit Fernelius: ab Aristotele quoque creditum esse calori nostro vitali non adversari frigus, eò quod opposuerit ille calido nativo extinctionē, *quæ eius ipsius tantum est privatio*. Longe aliam esse Aristotelis mentem, curvæ ignis conservationi opposita sit extinctio, quidve illa sit, in sequen-

C

tibus

tibus faciemus clarissimum. Ut verò ita senserit Aristoteles nudum ejus testimonium utiq; adferri non debuit pro argumento.

Quinta Fernelii ratio æquè est levis: tantum enim sumit, multa inanimata calere elementari calore & tamè vitali destitui. Vnde distinctio quidem aliqua colligi potest inter calorem inanimatorum & viventium, non tanta tamen ut aliud sit coelestis planè naturæ & ab elementari ordine semotus.

Nesextum quidem & ultimum argumentum aliud probat quàm calorem vitalem non esse illum cujus contemperatione constat mixtura singularum partium: id quod nos quoq; docebimus: at hinc minimè est colligere illud coelestis esse conditionis, quod probandum susceperat Fernelius.

Ceterum si calor noster vitalis est natura elementari non coelesti, concidit profecto suapte sponte omnis quoque illa Fernelii de æthereo spiritu philosophia, utpote quæ antecedenti illi de calore doctrinæ est superstructa. Neque vero necessum est alia adferre, quo probes etiam hanc Fernelii sententiam esse commentitiam: ruente enim fundamento omnia quæ illi sunt inædificata corruunt.

Observare tamen est, etiamsi ponas calorem illum æthereum esse, non benè tamen procedere Fernelii discursum. Duo enim probare ille debebat: primum, opus calori illi esse æthereo subjecto, alterum, opus esse subjecto spiritui. Neutrum verò probat. Non prius: quoniam sumit accidentis omnis ætherei subjectum quoque esse æthereum, elementaris elementare; quod quidem verum est si loquere de subjecto *ex quo* quod appellant, de subjecto autem *in quo* ignotum nec à quoquam hætenus est ostensum. Spiritus autem ille ex Fernelii sensu caloris vitalis subiectum est, non *ex quo* sed *in quo*. Est scilicet pari modo illius æthe-

ætherei spiritus subiectum oleosus humor, non æthereæ tamen sed elementaris essentia. Similiter nec posterius probatum est à Fernelio. Vt enim probaverit, influentis caloris subiectum spirituosum esse oportere quo iusta celeritate corpus omne possit trajicere; fixi vero caloris idem esse subiectum non probavit: hic verò ex Fernelii mente omnibus partibus commixtus potissimam totius calidi portionem constituit.

Adfert quidem verborum multum Fernelius, quibus probet spiritum ejusmodi esse necessarium, at vel leviter illa excutienti apparet, omnia niti fabulis Platoniorum, de corpore quodam intermedio, quo anima corpori colligatur: quibus nihil est vanius. Utque sint vera, hinc tamen haud est intelligere, caloris quoque vitalis subiectum esse æthereum aliquè spiritum, nisi calorem illum duxeris ipsam esse animam. Certè illis spirituum commentis instantur tumida ingenia & prope in impia placita præcipitantur. A quibus ne Fernelius quidem cavet si bifatis, ceu liquet ex hisce ejus verbis quæ habentur *lib. 2. de abdit. rer. caus. cap. 7. Quacunque* (inquit) *substantia intelligitur corporis expers, nostrosque sensus effugiens, ea suas vires nobis caducisque corporibus provehente spiritu impartit. Itaque ut vivens DEI & universa natura, sic & anima suus est spiritus. DEI spiritus occultam DEI maiestatem potestatemque præsens, per omnia sparsus permeat, ubique præsens omnia completitur: hic animos habet in potestate, & eos quocunque vult adducere potest.* Quid verò est à Christiana nostra fide remotius, quam non tantum omnes alias substantias incorporeas, sed etiam ipsum Deum subvehi spiritu quodam? Vectorem profecto ipsius Dei spiritum quempiam, qui liceat sine impietate asserere? Scimus sacrosanctæ trinitatis personarum

narum unam esse Spiritum sanctum : at ille non per omnia sparsus permeat, non provehit divinam majestatem. Haud ignoro neque olim defuisse & esse hodieque, qui lucidum quid Deo coæternum, & Dei habitaculum agnoscunt : certum verò est doctrinam illam à catholica fide esse remotissimam.

Sed non est hujus loci hæc confutare, nec operæ est pretium Fernelianum illum spiritum hic pluribus exagitare. Esto vero, ut calor ille ita & spiritus ætheræ naturæ; cum cælestia sint nulli generationi, nulli interitui obnoxia, quomodo interit ille spiritus? Quomodo flammæ instar, quæ perpetuò generatur & corrumpitur, nutrimento indiget? Quomodo oleosus elementaris humor in æthereum spiritum transmutatur? Quod si docuisset Fernelius: spiritum illum paulatim reverti in cælum, inque ejus locum sufficere oleoso humore, qui itidem ætheris plenus sit, similem cœlestem spiritum, rectius potuisset thesin tueri. Nunc autem supparem voluit esse illum flammæ: quod sanè vanum est & cum principiis positis non bene convenit. Nos verò infra pluribus docebimus, neque omnibus partibus corporis nostri vitalem calorem esse infixum; neque reperiri in corpore nostro humidum aliquod ex semine proveniens, quod in extremam senectutem perduret; neque igni nativò aliud esse pabulum præter humidum alimentarium: quæ omnia cum Fernelianis sententiis adversa fronte pugnant: itaque non est nunc quidem necessum, illa de oleoso humore placita operosè discutere.

Vnum addendum: capite vi. libri quarti doceri à Fernelio, substantiam calidi esse humidum illud primigenium oleosum: definiri item ab eodem calidum illud, humidum primogenium spiritum & calore persusum. Atqui ex ejusdem mente solus

te solus spiritus ille æthereus & calefactu & caloris omnis vitalis causa est; idem spiritus calidus substantia est; quidni ergo hic solus sit calidum innatum? Certè, intelligi non potest, quomodo substantia spiritus & caloris sit pabulum eorum. Nec verò ad definitionem rei alendæ essentiam describentem pertinet alimentum, multò minus illud haberi debet in definitione generis loco. Adeoque quàm vitiosa sit illa calidi innati Ferneliana definitio, manifestum est.

CAPVT V.

*In Danielis Sennerti doctrinam de calido
innato animaduersio.*

Affinem Fernelianæ, ex parte tamen aliam, Franciscus Valleriola, Iacobus Scegkius aliique sententiam de calidi nativi essentiâ attulerunt: sed non est necessum omnia illa seorsim sub examen revocare, quæ ex iis quæ partim jam disputauimus, partim mox subsequuntur, abunde liqueat, quantum absint à vero. Eadem de causâ nec Iohannis Baptistæ Montani, Ioannis Argenterii, Hieronymi Mercurialis aliorumque Galenicis viciniore placita, singulari censura jam prosequemur. Cæterum quæ à Daniele Sennerto nostro de calido hoc sunt prodita, fortassis haud ita licebit silentio prætereire. Etsi enim & illa haud multum recedant à Fernelianis, & in amicum advertere græue sit; quoniam tamen illa propria quædam habent, quæ propter auctoris existimationem, quam ille diligenti naturalis philosophiæ ac medicinæ culturâ meritò sibi peperit immortalē, faciliè conspiciant nonneminem in errores gravissimos, habenda est sanè ratio veritatis, & quoad licet erroribus eundum obviam.

Disseruit autem Sennertus noster de innato calido

cum alibi tum præcipue Institutionum medicarum libro primo cap. V. libri item quem de Chymicorum cum Aristotelicis & Galenicis consensu ac dissensu inscripsit capite XI. multis quidem verbis, obscurius tamen & nonnihil confusius; fortassis etiam haud satis constanter; neque enim senex probavit omnia, quæ juniori placuerunt, in Chymicorum placita magis magisque propendens. Ut fortè liceat ejus doctrinam ex discipulorum scriptis, quæ illi pro magistri placitis defendendis in hoc argumento ediderunt, rectius quam ex propriis petere. Et sane quantum colligere est, in hunc modum illa sese habet. Calor quidem, quo calent viventia, elementaris est naturæ, imò ut discipuli docent, igneæ; ignis scilicet est *πρώτον δεχτικόν* omnis adeoque & hujus caloris. Est verò præter hunc calorem in viventibus omnibus spiritus aliquis, diversâ ab elementaribus conditione, multarum reconditarum qualitarum subjectum; quo tanquam primario instrumento operationes animæ exercentur. Hic spiritus pro animarum varietate in animatis corporibus alius est atque alius, estque calidum ipsum innatum viventium omnium; neque certo aliquo loco circumscribitur, sed in omnibus residet corporis animati partibus; neque quidquam habet contrarii præter venena; vicissitudini tamen obnoxius paulatim deficit, imò in morte tandem absumitur: interim verò nonnihil conservatur per calidum influens, quod simili spiritu, aliquantò tamen deteriori, est præditum.

Hæc (nisi fallor) summa est Sennertianæ doctrinæ de calido innato, qualem placuisse jam seni verisimile reddunt discipuli, etsi iis quæ in Medicis Institutionibus alibi que differuntur, non omni ex parte conveniat. Verum cui-

cuiusque etiam hæc arriiserint, fortassis nihil continent veri. Etenim fateor quidem & ipsemet, calorem innatum esse igneæ naturæ; at omnem calorem esse igneum non profecto dixerim. Leve sanè est argumentum quo grande illud *περὶ τοῦ ὁρὶ* probare conantur: quod scilicet, ut omnium qualitatum ita & caloris, sit aliquod *πρῶτον δεικνύον*, ignem autem naturā & per se esse calidum constet, hunc igitur esse *πρῶτον δεικνύον* omnis caloris. Verum enimvero neque nos negaverimus, cujuslibet rei propriam esse materiam propriumque subiectum. Sed qualitates quæ uno communi nomine appellantur sæpe inter sese differunt plurimum, adeoque non simpliciter cujuslibet qualitatis, genericè ita sumptæ, unum est specie subiectum, sed & illa subiecta diversa sunt prout diversa est ratio illius qualitatis. Quomodo etiam ipsi diversis animæ facultatibus diversa subiecta tribuunt: quæ tamen omnes communi facultatum animæ nomine usurpantur. Iam verò caloris vox communis sanè est multis: sunt enim caloris plurimæ differentiæ: itaque ut unum sit specie omnis caloris *πρῶτον δεικνύον* vel una specie proxima materies *ἀδρανὴς* est. Igitur caloris maximi cum summâ levitate conjuncti, *δεικνύον πρῶτον* est quidem ignis: at in unumversum omnis caloris, etiam qui aliâ est conditione, nec levitatem illam summam adiunctam habet, unicum subiectum esse, ignem, minimè profecto hinc est consequens.

Cæterum (quod & antè sumus professi) fateamur, etiam ipsemet, calorem innatum igneæ naturæ esse: quin fateamur (quod & ipsi haud inviti fortè fatentur) in animalium omnium corporibus ignem quandam vitalem esse insitum. Quoniam verò hic ignis solus & calet & caloris origo

origo est, spiritus verò de quo loquuntur, neque ex se calet neque caloris ullius est causa, sed tota natura ab igne illo nativo est distinctus, qui sit cur ignem illum non appellent calidi nativi nomine? Cur nomen hoc maxime tribuunt illi suo spiritui omni calore destituto? Certe Fernellius hâc in re prospexit sibi rectius: spiritum subiectum statuens innati caloris: quale Sennerti spiritus non potest esse (quanquam & ipsemet ita loquatur in Medicis Institutionibus) præsertim si cum illo affirmes caloris subiectum esse ignem, qui utique cum sit substantia novo subiecto non indiget. Pupugisse videtur hæc difficultas etiam ipsum Sennertum: itaque libro de consensu Chymicorum scribit, *consultius videri cum Aristotele substantiam hanc spiritum appellare, quam cum medicis calidum nativum.* Injuria tamen reprehendit medicos, quippe quibus olim calidi nativi nomine nihil venit, præter id quod & actu calet, & totum animal facit calere, spiritum autem illum Sennertianum uti ignorarunt, ita nunquã calidi nativi titulo usurpaverunt. Quanquam verò caperit Sennertus videre, minus rectè spiritum illum dici posse calidum nativum, passim tamen loquitur aliter, & discipuli calidi innati nomine non nisi divinum suum spiritum significant. Caterum & de illo Spiritu non videntur quoque semper eadem docere. Libro quippe de Consensu scribitur, illum non tantum ad animalium atque vegetabilium, sed ad aliarum quoque rerum constitutionem pertinere; & licet Aristoteles saltem de animarum tractans huius spiritus mentionem faciat, ut in quibus ob evidentissimas animæ facultates & actiones maxime apparet, tamen & metallis, mineralibus, gemmis & lapidibus spiritus denegari non videri. In Medicis verò Institutionibus scribitur: per calidum innatum aliquid quod viventibus propri-

proprium est intelligimus: additur ratio: cum enim forma animarum nobiliores sint formis inanimatarum, & nobiliores ac præstantiores actiones quam inanimata edant, nobilior etiam & nobiliore & perfectiore modo dispositum subiectum & domicilium requirunt. Idem traditur à discipulis: multum verò abit ab illis quæ primò recitabamus.

Sed non venabimur contradictiones. Ne id quidem multum reprehendimus, quod sumant tanquam certum non autem ullo probent argumento, in viventibus corporibus esse aliquam tenuem substantiam corporeata, præcipuum animæ domicilium atque instrumentum: quod tamen cum sensu & experientia non constet, probari debuit rationibus, antequam quæras, sitne ille spiritus naturæ elementaris annon? At in illas rationes quibus spiritui illi conditionem assignant elementari diviniorem, majori jure fortassis inquisiverimus. Nec tamen diffiteor eam questionem hujus propriè instituti non esse: quippe cum spiritus ille verè ad calidum innatum, cujus naturam exponendam sumpsimus non pertineat, numve præter calidum innatum propriè ita dictum sit in viventibus spiritus aliquis vitæ mortisque fundamentum, aut aliquod spirituale animæ ejusque facultatum subiectum, alibi rectius disquiretur. Attamen cum spiritum illum calidi innati titulo insignire placuerit Sennerto, saltem absque vitio licebit nonnihil illum & heic sub examen vocare.

Et quidem spiritum illum supra elementarem esse conditionem triplici genere argumentorum conantur ostendere, prout rectè illa quæ confusus à magistro sunt allata discipuli digesserunt. *Primum* petitur ex operationibus spiritus illius, quæ ab elementari vi nequeant proficisci; ejusmodi esse expurgationem pravorum corporis humorum,

D

corro-

corroborationem naturæ; *ταχυων* & similia. Verum esto, nihil horum non superare vim tactilium qualitatum; licebit profecto argumento eodem probare, non tantum viventibus corporibus, sed & animâ carentibus spiritum aliquem elementis diviniorem inesse: & tamen hunc suum spiritum credunt viventibus esse proprium. Scilicet vis purgandi, corroborandi, & si quæ sunt similes. Sennerto alibi inter occultas relatæ qualitates, non solis viventibus competunt, sed etiam inaninatis communes sunt. Quod est notissimum. Nec simpliciter verò probandum erat, dari spiritum in corporibus vivis diviniorem elementis, sed spiritum illum a quo vita & mors dependet, qui potissimum est animæ instrumentum & calidi vitalis nomen promeretur, tam nobili esse origine. Quod profecto non indicant illæ quidem operationes, utpote quum ad vitam non pertineant nec ad animam quicquam faciant. Ut ergo quis largiatur; in vivis corporibus non minus atque in animâ carentibus spiritum reperiri occultarum aliquarum facultatum subjectum: nondum tamen convictus est, ut fateatur, hunc spiritum esse primarium illud animæ instrumentum. Verum enim vero falsissimum & illud est: vim *καθαρωτερην* aut *ραχωτερην* aut *καυδιωτην* similesque excedere tactilium qualitatum earumque temperamenti ordinem. Nos alibi multis ostendimus, nihil horum non effici posse a tactilibus: neque vim aliquam medicamenti reperiri quæ in horum temperie non sit constituta. Sanè, quo tanquam Achille utuntur, vires eiusmodi non proficisci à naturâ elementari, eò quoniam elementum aliquod quidpiam tale prestare non potest, levis est & sapientibus indigna collectio, utpote quæ nitatur absurdo illo Scaligeri effato: *nihil est in quapiam re quod non fuerit actu in suis principiis*

plis: principia namque esse actus eorum quorum sunt principia. Ita sane nec syllaba poterit quod non potest litera: nec vocabulum quod non potest syllaba: nec enunciatio aliqua quod non valet simplex dictio: nec integer sermo quod non præstat una enunciatio. Ita nec ex lateribus aut lapidibus struxeris domum, cum lateres & lapides singuli actu domus non sint: Ita omnis mistio, omnis compositio frustranea fuerit: quum idem possint simplicia singula quod potest compositum. Scilicet principiorum non est una eademque ratio, ut rector statuit philosophia. Materialia principia non nisi potentiâ sunt id quod ex ijs nascitur, minimè vero actu: efficientia verò actu vel emittenter id sunt quod producant. Alia non attingam. Sciligerò verò est de solis materialibus sermo: quod profectò tolerari non potest. Verum huius loci non est vel in hæc vel in arcana facultatum medicamentorum digredi: præsertim quum posita etiam occultâ illarum naturâ, non tamen pateat spiritum aliquem vitalem dari occultæ itidem conditionis: & hoc quoque posito, non sit necessum admittere aliquod calidum nativum divinius elementaribus.

Alterum argumentum capiunt à spiritus illius vitalis conditionibus ut loquuntur, quæ elementaribus longè sint nobiliores: calorem enim elementarem à frigore tolli, multas autem stirpes multa animalia temperamento frigere calore eorum integro: multas porro stirpes in nive ac gelu virere: frigus itaq; in calorem illum nihil posse, adeoque nec calorem illum esse elementarem: quam rem illustrant Fernelij testimoniis, quem eodem argumenti genere esse usum ante audivimus. Cæterum aut ludunt nos accipere verborum sensu, aut profectò sibi met ipsis adver-

fantur in hac suâ ratiocinatione. Falsi quippe sunt calorem omnem quem tactu percipimus igneæ adeoque elementaris esse naturæ: heic verò calorem vitalem esse alterius conditionis profitentur. Fortassis autem caloris nomine intelligunt heic spiritum illum suum: quasi nempe hic fit ille calor! vitalis ignei in medio frigore conservator. At non temerè termini profectò commutandi sunt, dum veritas quarritur, ipsa rei obscuritate satis nobis negotii facessente. Quomodocunque autem intelligi sua velint, nodus omnis iste à nobis & jam tum solutus est, quando contra Fienum & Fernelium disputavimus, & libro de vita & morte solvetur majore operâ: itaque non est cur nunc quidem addamus verbum.

Ad hoc alterum verò argumentum etiam id pertinet, quod arguantur de motu calidi nativi. *Cum enim, ajunt, elementorum motus sit vel ad centrum deorsum, vel à centro sursum, calidi illius motus potius cœlestia corpora imitatur, & sicut lumen ita & iste calor in orbem diffunditur.* At verò motus elementarium rerum alius est merè naturalis & connatus, alius à virtute alienâ pendet. Sic omne grave ferrum tendit deorsum, arte autem ferrea aut quavis ita concinnantur, ut in orbem plurimis modis pene indefinenter ferantur. Sic & corpus leve calidum omne sursum petit: at nonnunquam quasi vi facta tendit potius deorsum, aut ad latera. Par verò est ratio nativi calidi. Fertur illud in omnes partes, sursum, deorsum, ad latera: est verò ille motus à causa quadam propellente, à calido illo distincta, quod infra melius docebimus. Sanè ex illo diverso vario motu haud licet aestimare calidi illius cœlestem quandam conditionem, nisi & omni sanguini eadem

tribuen-

tribuenda sit, ut qui non minus varie atque calidum nativum agitur, & perpetuo circumfertur.

Aequè leve verò indicium capitur æthereæ illius naturæ ex celeri motu & vi penetrandi quâ polleat spiritus iste. Volunt enim leviores illum, & celeriores esse omni elementis summam quoque habere vim penetrandi. At profecto vel ignem flammeum constat perinde celeriter moveri & penetrare quàm maxime per omnia: etsi non ita ut duo corpora in uno sint loco: quod tamen nec suis æthereis corporibus spirituosus audeat Sennertus adscribere. Notandum porro, conditiones hæc quas vocant tantum competere calido influenti. Itaque etiam si doceant heic ætheream esse naturam influentis spiritus, non tamen hinc simpliciter licet pronunciare, omnibus partibus tale aliquid spirituosum inesse, quod ipsum illi tamen conantur persuadere. Viderunt fortassis hoc discipuli. Neque enim ultimis ullis ratiunculis voluerunt uti, contenti unica illa conditione priore: ut solent & aliâ magistro esse cautiore.

Tertium sententiæ suæ argumentum accipiunt discipuli ab animæ nobilitate: omnem quippe animam nobilioris diviniorsque esse essentiæ quàm sunt elementa: habere itaque & subjectum elementis nobilius. Verum, etsi hanc ratiocinationem quis admiserit, adeoque verum fuerit, animam proximè residere in spiritu quodam diviniore elementis: non convictum tamen est, calidum animantium nativum esse ipsum illum spiritum, quod tamen erat probandum. Ad hoc, cum velit Sennertus, alias omnes in universum corporum naturalium formas substantiales elementis esse nobiliores, & hæc Iulii Caesaris Scaligeri verba: *quin istis edico simul, omnem formam cuiuscunque perfecte mixti, etiamsi non est anima, ut in adamante, naturam*

esse quintam, longe aliam à quatuor elementis, frequenter habeat in ore; nec aliud doceant discipuli: licebit profecto eodem illo argumento omnibus corporibus, etiam inanimatis, spiritum ejusmodi & calidum innatum adscribere: quem tamen illi volunt animatis esse proprium. Si autem non licebit; utique nec poterit illo adstrui spiritus aliquis divinius viventium. Equidem haud diffiteor, illam de formis substantialibus omnibus absurdam mihi videri sententiam; non minus atque Scaligri illud *edictum* merito ridet schola libera philosophica, sed & alias singulari libro formarum substantialium inanimatarum essentiam non nisi complexu sensibilibum facultatum absolvi, demonstramus: non dubitandum tamen est, aut nobiscum sentiendum de illis substantialibus formis, aut abstinendum hoc argumenti genere, aut denique non solis animatis ejusmodi spiritus esse attribuendos. Caterum nec probari ullo verisimili potest argumento: omne quod elementis est divinius confidere proximè in subjecto elementis diviniore, si loquaris de subjecto non *ex quo*, sed *in quo* quod appellatur: ceu jam supra monuimus. Est autem ille spiritus, quem animæ volunt esse habitaculum, subjectum non ex quo anima est producta; sed in quo residet, ex illorum sententia. Frustra verò adducunt ad partes Aristotelem; quasi & ille eundem in modum sit argumentatus lib. H. de generat. animal. cap. III. Illi enim sermo est de subjecto aliquo animarum ex quo producuntur: quod infra illustrabitur. Sanè, si nihil quod divinius est elementis habet domicilium quod non sit iridem elementis nobilissus; spiritus vero ille est divinius, utiq; etiam ille postulabit divinius habitaculū, & procedet id ipsum in infinitum; nec fieri tandem poterit, ut aliquid nobilissus elementis insit
habita-

habitu elementari. Imò posita illius principii veritate, conficitur, spiritum illum esse elementari conditione quum insit proximè corpori elementari. Licet enim illud simpliciter, uti loquuntur Logici, convertere ad hunc modum: *nihil quod haeret in habitu elementis non diviniore, est elementis nobilius.*

Quam levia itaq; sint illa argumenta, quibus calido innato spiritualementem aliquam & superelementarem conditionem adstruere conantur, nemini non manifestum est. Proditur verò doctrinae hujus vanitas etiam ipsis illis quæ de hoc spiritu ab autoribus commemorantur. Ajunt enim, deficere illum paulatim, inque ejus locum ex alimento sufficere alium. At si spiritus ille alius est atque alius, prout animæ aut magis aut minus sunt nobiles, si nulla sit vera transmutatio cibi in corpus quod alitur, sed nutrimento omnino efficitur per separationem ex cibo (quæ eorum est philosophia) quæ fieri poterit ut spiritus animæ plantarum quibus voscimur sint domicilium aut animæ sensitivæ in brutis, aut animæ rationalis in homine? Similiter docent spiritui, suo nihil esse contrarium præter venena, & tamen fatentur illum sensum corrumpi. Impossibile autem est, ut quid corrumpatur nisi ab eo quod ipsi est contrarium. Si sola ergo venena sunt spiritui illi contraria, à solis illis poterit elidi, adeoque naturalis mortis imò senii & deficientis calidi causa unica foret venenum; quo nihil est falsius.

Nihil juvant autem hanc Sennertianam doctrinam testimonia quæ laudant vel Hermetis, vel Platoniorum, vel Aristotelis, vel Stoicorum, aliorumque. Præterquam enim quod ejusmodi testimoniis nulla scientia comparetur: Stoicorum quidem spiritus merè igneus est; Platonici verò & Ægyptij veteres spiritum animæ habitaculum à calido

à calido nativo diversum quid esse apertè professi sunt; nec Aristoteli *lib. III de animalium generat. cap. III.* (quem locum designant) spiritus aliud quid significat, quam æthereum quid. Quod omnè infra demonstrabitur. Ne illi quidem ex chymicorum ordine, quos caelestem aliquem spiritum animalibus adscripsisse multis refert Albertus Magnus *lib. XX. de animalibus cap. V.* eundem crediderunt esse calidum nativum. Et vero aliàs totum illud spirituum negotium accuratè est excutiendum: itaque cum nunc quidem non nisi de calido nativo agere permittat institutum, non est cur huic rei amplius immoremur.

CAPVT VI.

Calidum quod cordi est innatum probatur, ignem aliquem esse, à cordis substantia distinctum.

ERroribus qui maximè obscurant hujus negotij veritatem discussis, planior fortassis erit jam ipsa veri investigatio. Quam ut eò rectius tandem instituamus, initium operæ, à calido illo quod cordi perfectorum animantium inest, facere par est. Scilicet num reliquis partibus sive omnibus sive aliquibus iphæreat calor aliquis quem à corde non acceperint, in dubio est; cordi verò innatum aliquem calorè esse, & usu docemur, & à nemine vocatur in controversiam. Hinc sanè, antiquissimus autor libri *πρὸ ἀρχῶν*, aut ut alii scribunt *πρὸ οὐρανῶν* (est autem fortè non Hippocrates sed Democritus, quantum conicere est ex ijs quæ habet Laërtius) *scribit venis & cordi uberrimum calorem inesse, ipsum vero cor in corpore omnium esse calidissimum.* Hinc & Aristoteli, multis in locis, cor dicitur *principi-*

principium caloris. In eandem sententiam adeò frequenter loquitur Galenus, ut loca omnia adducere in medium, fuerit facem in meridie accendere. Sufficiat notasse insignia ejus verba, quibus & lib. VII. *Administr. Anatom. cap. IIX. & lib. V. de locis aff. cap. II. & lib. VI. de usu part. cap. VII. & XV. & XXII. Lib. de usu resp. cap. V. lib. X. methodi med. cap. X.* utitur, cor appellitans caloris nativi veluti fontem quendam; sicut lib. de fetus format. cap. III. cor esse dicitur ignis focus. Post Galenum (quod sciam) hâc de re dubitavit nemo. Itaque id quidem tanquam extra controversiæ aleam positum, pro certo ac rato disquisitionis nostræ principio licet adumere: adeoque & tractationis initium à calore cordis faciendum meritò est: ut si aliquis proprius alijs partibus non insit calor, hujus unius naturâ investigatâ acquiescamus, si verò quis fuerit, illum ad hunc tanquam ad notiores possimus examinare. Eleganter scilicet, ut omnia, Aristoteles in *Historia animal. cap. VI.* ἀποδείκναι τὸ νομισματὸς πρὸς τὸ αὐτὸς γνωρισμάτων δοκιμάζειν, ὥστε διὰ τὰς αἰτίας; ut nummos ad id quod cognitissimum est vulgo probant, ita & ceteris in rebus agendum est.

Quum omnis ergo affectio rei naturalis ortui & interitui obnoxia in subiecto aliquo corpore subsistat, ex quo & producta est, calor verò cordis non minus atque alius omnis generetur & corrumpatur, necessum sanè est & illum in subiecto aliquo corpore, sive simplici, sive ex simplicibus commisto subsistere. Et quidem hæere illum proximè in solida carnosa cordis substantia, ejusque temperiem propriam ex parte constituere, sunt qui affirmant, quorum partibus accedit & Cæsar Cremoninus, in illâ apologia quam de calido innato pro Aristotele

E

adver-

adversus Galenum inscripsit. Verisimile etiam id ipsum cupiam videatur, primum eo quod tota cordis substantia caleat, ut quæ tota vivat, vita verò non sit sine calore: deinde, quod cor extincto calore computrescat: soleat verò putredo aut misti dissolutio contingere, calore qui ad temperamentum cujusque rei pertinet deperdito.

At verò potest omnis caro cordis incalescere, ut tamen causa ejus caloris sit aliquid à carne illà distinctum: quomodo à sanguine calido influente partes omnes calefiunt, quæ tamen à sanguine diversum quid sunt. Neque demonstrari potest, omnes cordis partis æqualiter calere, aut maximum calorem vitalem omni cordis carni inhære. De maximo autem calore, quem cor continet questio est, num proximum illius subjectum sit caro cordis: non autem de quovis etiam minore. Similiter usus docet, calore influente deperdito, corpus omne contabescere, nec tamen influens calor ille ad mitionem pertinet singularum partium. Vnde patet collectionem illam cum priorem tum posteriorem minus probè institui.

Imò verò certissimum est & compertissimum, carnem cordis non resolvi statim in tabem, mitionemque ejus perire, quando vitalis calor interit. Itaque hinc ex adverso colligere est, calorem illum non fuisse partem mitionis illius elementaris ex quo caro cordis conflatur. Neque enim mistio alicujus corporis & compositio salva est, calore sive integrè sive potissimà ex parte percunte: quod profectò in morte contingit. Contabescit quidem tandè post mortem ut reliquum corpus ita & cor: videtur autè id fieri à putrescentib^{us} humorib^{us}, qui corpore continentur, hi autè putrescunt non tam quod calore vitali quàm quod motu careant, nec liberè ut ante dissol-

tur.

tur. Hinc sanè cadavera sicca haud faciliè putrescunt, humidiora citissimè: quam differentiam in cadaveribus Romanis & Persicis rectè noravit Ammianus Marcellinus: hinc & Africæ arenis obruta corpora exsiccantur, sine omni tabe. Neque alia de causa sive sal sive fumus carnem omnem à putredine munit. Quod indicium certissimum est, putredinem illam partium solidarum in cadaveribus, potissimum à putredine humorum proficisci. Et sanè notissimum est humida præ siccis computrescere faciliè, maximè sistent immota, nec dissidentur. Quiescit verò sanguis omnis à morte in remotissimis & angustissimis vasibus, qui ante hac perpetuo motu circumferebatur. Tantum abest igitur ex putredine cordis, quæ mortem subsequitur, colligi posse calorem ejus vitalem proximè ad substantiam ejus pertinere, ut potius hinc quam maxime clarescat, illum à carne cordis diversum esse.

Quid? quòd ea sit caloris illius vitalis vis & vehementia, ut non possit cum aliis elementaribus unam temperiem constituere. In mistione enim refringitur qualitarum elementarium omne quod excellit, & ad insignem moderationem reducitur per contrarium. Itaque ad nullius prorsus corporis misti temperiem calor ille pertinet: ne quis prætendat in cordis meatibus esse aliquod compositum corpus, cui proximè calor iste inhæreat.

Simplicis itaque corporis alicujus affectio est calor ille vitalis. Sunt autem simplicium corporum quinque species, ut benè demonstratum Aristoteli: videndum ergo ad quòdnam horum pertineat. Ejus generis quæ in circuitum moventur, qualia sunt cœlestia, non esse corpus illud cui primò iste calor inest, argumento est,

quòd illa nulli generationi aut corruptioni, nulli alterationi sint obnoxia, ex adverso autem calor ille & nascatur & intereat & alteretur. Porro vapores & humores corporis qui caloris illius vim uberius exceperunt, à calore illo moventur non in orbem, sed sursum; quod indicium est levitatem calori illi adjunctam esse non potius aliquam circularem. Certè nihil est quo possit vel verisimile reddi, calorem illum coelesti corpori inhaerere: præter quàm quod operationes & effectus nonnulli qui excedunt quatuor sublunarium elementorum virtutem, huic calori ut principali causæ tribui soleant à quàm multis. Verum infra demonstrabimus, minùs rectè illa referri accepta calori vitali, animæ potius tribuenda: itaque nec illum prætextum est cur quicquam nunc moremur.

Alicujus igitur sublunarium simplicium corporum quatuor proprius est calor vitalis. Cæterum terra quidem & aqua ex se frigent, & si quando caloris aliquid nactæ sunt, remoto agente externo, illicò redeunt ad naturam: itaque his sanè non primò inhæret vitalis calor. Sed & calidum illud corpus, vi caloris perpetuâ quadam transmutatione humoris nutrimentitij facta in substantiam calidam, seipsum diu alit, nec tamen vel in terram vel in aquam per calorem quicquam abit, quippe quum calor utriusque sit contrarius, omnis autem speciei alicujus propagatio fiat per facultates proprias & naturales. Enimverò quando per combustionem fit cinis, non prorsus nova generatur terra, sed quæ alijs permixta erat, reliquis perditis, sola manet superstes. Quid quod perpetuâ illa mutatione calidi nativi plurimum terræ vel aquæ in corde aut alibi in corpore cumuletur, si quidem calidum illud corpus esset vel terra vel aqua? Neque e-

muta

nim terra aut aqua generata in corde aut inde aut è corpore reliquo facile exitum inveniunt: & tamen fit natiui calidi perpetua propagatio, quemadmodum infra demonstrabitur.

Porro nec aëreum quid est calida illa vitalis substantia: aër enim secundum naturam minus longè animantibus, saltim perfectioribus, calet, usque adeò ut in refrigerium his cedat, siue à pulmonibus inspiratus, siue cutis spiracula contingens. Superest ergo, ut sit ex ordine quarti illius simplicis corporis, quod & levissimum est & calidissimum, propriam sedem habens supra hunc aëris districtum, & ignis vocabulo vulgò usurpatur. Confirmat id ipsum nutritio calidi illius natiui & interitus, similes planè nutritioni & interitui flammæ, ceu infra demonstrabitur. Est verò flamma fumus quarto isto elementari corpore adeò copioso instructus, ut per ejus calorem valde caleat, per levitatem in ipso aëre ascendat sursum. Scilicet nulli alij corpori simplici & hujusmodi nutritio & interitus competit, qualis prope terram igni flammeo: ut proinde & nostrum calidum innatum corpus ejusdem esse naturæ necessum sit.

Non desunt hodie, scio, qui acriter contendunt, haud reperiri corpus aliquod simplex inter aërem & cœlum distinctæ ab aëre naturæ, quale est ignis. Sed & Thomas Fienus in apologia sua contra Sanctacrucium, omnem qui prope terram est ignem non nisi accidens esse, ostendere nititur. At non patitur institutum nostrum ista nunc agitare, præsertim cum parum ad rem nostram faciat, siue supra aërem ignis sedes sit siue non, modo concesseris calidum nostrum vitale, quod in corde resi-

de; substantiam aliquam esse simplicem per se calidam & levem; & quidem calidiorē multo ac leviorē ipso aëre, quod demonstrare suscepimus.

Attamen huic doctrinæ haud levis momenti multa opponi possunt. Scilicet Aristoteles ipsemet calidū animalū diserte videtur negare; vel ignē esse vel ab igne originē ducere; & quidem eo argumentō: quoniam ignis nullum animal generat, neq; quicquam videtur vitale constitui ex ijs quæ ignita sunt sive humida fuerint sive sicca; Solis vero & animalium calor, sive in semine sive in recrementitiā quadam fuerit materiā, principium præstet vitale. Verba maximi viri decantatissima sunt legunturq; l. II. de generat. animal. cap. III. In eandem sententiam Galenus quoque ratio cinatur & quidem non semel. Libro de marcore cap. III. cum dixisset à perquam multis animalium calorem ignis flammæ comparari: statim in hæc verba prorumpit. *Hæc ratio, meo iudicio, vera non est: haud sanè intelligens quod flammæ ex corruptione eiusdem materiæ, ex quā succenduntur, ortum habent; animalia verò non sic innata ab eo qui effinxit formata sunt calorem, sed ut ab illo augenda ac gubernanda: nec ullum datur tempus, quo innatus noster calor per universam materiam ipsam non sit extensus, non eas solū facultates, quibus fingit, obtinens, sed & plerasque etiam alias.* Nam & nutrimentum ad se ipsum trahit, materiamque gubernat, apponit, agglutinat, assimilat, & (ut semel dicam) omnia fecit ac flammam in innatam sibi materiam efficit. Nam quæ unquam flammam materiam, cui indita est auget? in qua materiæ potius alimentum assimilat, quàm sibi ipsi materiam? quæ denique tot combinationes, ut materiam tueatur, invenit? nonnullas quidem partes circumafficiens ac claudens, ut nihil ipsis extrinsecus adhercat, nonnullas verò perforans dilatansque, canales præterea inferens

inferens, hos quidem ut per ipsos nutrimentum attrahatur, illos vero ad refrigerium & respirationem, simulque excrementa per alios quidem crassa per alios vero tenuia externens. Hæc omnia Galenus. Idem l. vii i. de Hippocratis & Platonis sententijs, cap. vi i. sic argumentatur contra Platonem: Si ab igne ciborum concoctio, digestio, sanguificatio & nutritio ferret, melius & citius in febrientibus omnia hæc conficerentur, absoluti: sed, insitum calor temperatus cum sit, substantia quidem in sanguine & plenius subsistit, qualitate est congruè ex caliditate & frigidityte contemperatus. Præter hæc autem non immerito fortassis quis objecerit, quod positâ nostrâ doctrinâ haud pateat discrimeni febrilis & naturalis caloris innati, quum nimirum non minus hic quàm ille calor fuerit igneus.

Hæc & his similia habent sanè veri speciem sive ipsa videas, sive autoritatè illorū à quibus adferuntur. Animadvertendum, verò antè omnia est, prius quàm ad singula respondeamus, primū ignis vocem ambigū esse, significationis. Vulgò enim tantū id quod simul lucet ac summe fervere hoc nomine venit: qualis est ignis in flamma, in prunâ, in ferro candente, & similibus. Sapientibus autem interque hos & Aristoteli ignis est etiam corpus omne simplex quod aëre & levius est & calidius. Hinc rectè ille l. i. Meteorolog. cap. III. illud quod proximè sub luna est levissimum & calidissimum corpus pronunciat non esse ignem: ὑπερβολὴ γὰρ τῷ θερμῷ καὶ οἷον ζέως ἐστὶ τὸ πῦρ. Docet idem l. xi. de generat. & corrupt. cap. i i. addens: τὸ δὲ πῦρ ἐστὶν ὑπερβολὴ θερμοῦτος, ὡς πῦρ καὶ κρύσταλλον ψυχρότης. ἡ γὰρ πῆξις καὶ ἡ ζέσις ὑπερβολαὶ τῶν εἰσιν ἡ μὲν ψυχρότης ἡ δὲ θερμοῦτος· εἰ αὖ κρύσταλλός ἐστι πῆξις ὑγρῆς καὶ ψυχρῆς καὶ τὸ πῦρ εἶναι ζέσις θερμοῦ καὶ ξηροῦ. Non est hujus loci disputare, quare

re, quare ille qui vulgo appellatur ignis plus habeat caloris altero illo, qualitatis ne intensioe an verò & corporis illius ignei multitudine: satis est indicasse nunc vocabuli illius variam acceptionem. Animadvertendum deinde & hoc: calido innato olim adscriptam vulgò omnem pene animæ naturam, certè vim τὴν πλεονεκτικήν, quam vocant, illi attributam esse.

Igitur ut primò omnium ijs, quæ ex Aristotele sunt producta, occurramus; illi quidem summo viro neque de eo quod verè inest animalibus calido innato neque de illo simplice corpore calido & summè levi sermo est, quod sequenti capite pluribus demonstrabitur. Et sanè si esset, perperam sese haberet illatio. Neque enim calor ullus qui tactilis est qualitas, animal aliquod generare est aptum: adeoque si ex eo quod ignis nullum generat animal, colligere est calorem animalium igneæ non esse naturæ, licebit itidem inferre calorem vitalem ne quidem tactile aliquid esse, quod est absurdissimum dictu. Nullum verò organicum corpus, cuiusmodi est animalium, vi caloris confici posse, sed opus esse diviniore principio, diserta viri sententia est, cum alibi tum lib. IV. Meteorolog. cap. ult. Tales igitur partes, inquit, caliditate & frigiditate, & harum motibus contingit fieri concrecentes calido & frigido: dico autem similes, ut carnem, os, pilos, nervos & quæcunque talia. Addit rationem: Omnes enim differunt tensione, tractione, comminutione, duritie, mollitie, & alijs talibus; hæc autem à calido & frigido & motibus sunt mixtis; quod scilicet abundè demonstratum est integro illo lib. IV. aliæ verò similitum corporum differentia nullæ reperiuntur. Quæ autem (pergit) ex his similaribus constituuntur dissimilaria corpora, ut caput & manus & pes, utique nemini videbuntur à calido & frigido

frigido confecta. Sed quemadmodum ut *as* aut *argentum* fiat causa quidem est caliditas & frigiditas, ut autem *serra*, aut *phiala*, aut *arca*, non amplius: sed heic quidem causa est *ars*, ibi autem natura vel alia aliqua causa. In eandem sententiam aurea est dissertatio lib. 2. de generatione animal. cap. 1. Quemadmodum non *securim*, non aliud instrumentum, dixerimus factum esse ab igne solo: sic nec *pedem* nec *manum*, eodemque modo ne *carnem* quidem. Nam eius quoque aliquod officium est. Dura igitur, mollia, lenta, rigida, & quicumque alij affectus partibus insunt animatis, à caliditate frigiditateve effici possunt. At ratio, quã iam caro, aut os est, non potest: sed à motu efficitur proficiente ab eo, quod genuit, quodque actu est id ipsum quod id ex quo gignitur potentia est. quomodo in ijs quoque agitur quæ arte efficiuntur: ferrum enim durum aut molle efficitur calore vel frigore, at verò ensis à motu instrumentorum qui artis obtinet rationem. Præterea non est simpliciter verum: ex igne nullum animal constitui; quin etiam id procul est à mente ipsiusmet Aristotelis: utpote qui alibi demonstraverit ex quatuor simplicibus corporibus confici mistum omnino adeoque & animalium partes: imo lib. 111. de generat. animal. cap. 17. docuerit, etiam igni esse suum animalium genus, ut aëri, terræ, & aquæ, sed quærendum sub lunâ. Proinde haud dubiè illud: ὁ δὲ φάνηται συνίσταμενον πυρρῆμοις: accipiendum haud aliter atque illud lib. 11. de generat. cap. 111. text. 51. ὁ δὲν ἔτι ἐκ νεογέννητος γίγνεται, ἔτι ἐκ πυρρός: isto verò loco non nisi de igne illo qui excessu quoddam constat caloris, sermo est.

Et verò ex tali igne vel ita ignitis ac fervidis nullum animal confit. Ne quidem vivum animal aliquod in igne ejusmodi aut fervente etiam aquâ dixerim vivere posse. Nam quod lib. 5. Histor. animal. cap. 19. scribitur, in Cypri

ærarijs fornacibus *bestiola in medio igne nasci pennasque per ignem saliant atque ambulent*: haud equidem ausim credere, quum nemo hætenus fide dignus repertus sit, qui id sibi visum prodiderit. Ne quidem salamandræ exemplum, quo eo loci probare nititur maximus magister, ὅτι ἐνδιχόμενα μὴ καίεται οὐδὲ κατακαίεται τῶν τῶν ζώων, nonnulla esse corpora animalium quæ igne non consumantur, quidquam ad rem hanc facit: salamandra enim extinguit ignem, ut ipse scribit, & quidem, docente Theophrasto, viscido quodam humore qui latè queat pervadere: ex igne verò aut in media flamma non nascitur salamandra. Quid est quod nec ipsa omnem restinguat ignem, sed illum duntaxat qui viribus & naturæ ejus est ἀνίπυρρον, unde & reviviscit flamma nisi satis diu salamandra immoretur, ceu rectè tradit Theophrastus *lib. de igne*. Neque verò dubitandum salamandram quoque comburi posse: certè id jam olim contra vulgi sententiam notavit Dioscorides *lib. 11. cap. 67*. cineres salamandræ laudans in ijs quæ pilos tollunt; ne ex nostro ævo testes laudare sit necessum. Tantum porro abest, ex igne flammæ constitui naturam salamandræ, aut ignem ullum ipsi esse convenientem, ut potius (Theophrasto si credimus) animal sit frigidum: quod verum esse etiam à nobis post demonstrabitur, utut & id verum sit quod scribit Dioscorides, *habere vim septicam exulcerantem & denique excalescentiam*.

Quemadmodum verò ex materia sicca ignita nullum animal nascitur, ita etiam ex liquore aliquo ignito, cujusmodi est omnis humor fervens, animal nullum nasci, cum Aristotele confitemur. Attamen Plinius *lib. 21. cap. 103*. scribit *Pistacinarum aquis calidis herbe virentes innascentur, Pistacinarum ranae: ad Vetulonios in Eletruria non preculi mæri, pisces*:

ri, pisces: in Arcadia Stymphali nascuntur aquatiles muscoli. Augerij Gislenij Busbequij verba sunt epist. 1. Illud quoque cum eram Buda videre iuvit, fontem, qui est extra portam qua iter est Constantinopolim, in summo mirè ferventem in cuius tamen fundo natantes despicias pisces, quos inde nisi coctos eximi posse non putes. Testatur idem præter alios VVernerus lib. de mirandis Hungar. aquis, addens pisces illos in frigidam missos emori. Nec tamen hinc colligere est in medijs fervidis aquis degere animalia, multo minùs in illis nasci. Scilicet grato aquarum tepore allekti pisces sæpè frigida loca cum calidis commutant, alibi licèt nati. In Disputatione quoque de Aquis jam docuimus, thermarum calorem interdum in in summo quidem maximum esse in imo autè moderatù: quomodo, præ fervore aqua dum coquitur in summo ebulliens in imo adeò nonnunquã leviter calet, ut atheni fundum sine noxa contrectaveris, cuius causam aliàs investigavimus. Non dubito verò ejus prorsus naturæ esse aquas illas ferventes, in quibus pisces, aut ranæ, aut mures aquatici degunt; circa fundum scilicet tepidas potius esse, utut in summo exæstuent.

Proinde est quidem longè verissimum, ignem non prognerare ullum animal, si loquaris de causâ generationis principali quæ virtus est *πλαστική*; at hinc non licet deducere, calorem illum, quo in procreandis animalibus tanquã instrumento natura utitur, alienæ esse ab igne omni conditionis. Illud porrò verum quidem est, ignem istum, qui est *ὑπερβολὴ θερμότητος*, animal nullum saltem ut instrumentum producere, omnemque adeò animalium generationem effici calore aliquo non fervente sed moderato; ut etiam verissimum est, ex ijs quæ ignita sunt sive humida sive sicca fuerint, nullum animal nullum vivum

corpus nasci, adeoque exaltuantem omnem ignem adversari animalium vitæ: at ne hinc quidem rectè collegeris, vitalem animantium calorem non pertinere ad quartum illud simplex corpus aëre calidius & levius, ὁ δὲ διὰ συνθέσεως καλεῖται πῦρ. sed id tantum: calorem illum non esse eundem cum fervente calore ignis illius vulgaris ita dicti, quod ipsum & nos profitemur haud inviti. Non dixerimus tamen calorem vitalem ab igne illo vulgari *non posse originem ducere*, quod videtur dicere Aristoteles. Certè ex eo quod ignis exaltuans non possit generare animal aliquod, aut quod ex ignitis nullum vivens generetur, id ipsum non consequitur. Quidni enim possit ille ignis producere alium qui & minus caleat, & viventiam naturæ sit idoneus? Quid verò etiam notius est, quam ipso illo igne vulgari foveri posse & excitari, si langueat, calorem vitalem, qui plantis inest & animalibus? Ne nunc adducam fornaculas Ægypti aliarumque Asiæ & Africæ regionum, quæ numerosum adeo pullitium terris istis producant jam à multis seculis. Sed & Aristotelis non illa mens fuit, quam versio Latina Gazæ refert. In Græco est, calorem animalium neque ignem esse, ἔτι δὲ πρὸς ἔχειν τὴν ἀρχήν. At vox ἀρχῆς hoc loco non *originem* significat (neque enim de origine caloris animalis quæstio erat) sed *principium*, & quidem illud quod proxime appellatum erat animale, ζωική ἀρχή. Et sanè est verissimum, semina animantium vitale suum principium non habere ab igne, utpote quod sit divinius elementari omni facultate & αἰάλογον rebus, cœlestibus.

Sed de ijs quæ ex Aristotele videntur obijci nobis posse, satis. Galeni, *primum* & præcipuum est, quod calor vitalis corpus nostrum, adeoque eam cui inest materiem augeat

ac gubernet, contra quam facit flamma, quæ corrumpit scilicet subiectū suum. Cæterum & calor noster corrumpit & absūmit proximè humidū in quo inest, etsi eodē tempore quædam augeat: & ignis flammeus vulgaris alibi à natura, alibi ab arte ita est conditus, ut alia consumat, alia coquat, quin & sibi metipsi præparet alimoniam. In culinā certè dū cibos coquimus, & ligna consumit ignis pariter & coquit carnes. Neq; videtur fieri posse ut ignes subterranei in perpetuū usq; adeo durent, nisi eorundē virtute perpetuo aliqua, quæ in alimoniā igniū cedant, præparentur. Hactenus igitur inter ignem vulgarem & innatū nulla differentia est. Alterum est, quod calor vitalis mirum in modum partes efformet, non verò id possit flamma. At formatio partium non opus est caloris, sed facultatis longè præstantioris: quod ipsemet Galenus docet *l. 1. de facult. naturalib.* qui & *lib. 2. temperament.* acriter insectatur illos qui formationem partium qualitatibus elementaribus tribuunt, asserens verisimile esse qualitates istas tantū organa, formatorem verò ipsum esse alium. Tertium à febrili calore desumptum itidem non tangit nos. Neque enim profitemur quolibet igne calere animalium corda, vel ignem illum esse ferventissimum; sed & ipsi docemus, bene moderatum illum esse oportere, si autem nimis crescat, tum verò non esse naturæ congruum. Scilicet & quæ in culinis fiunt à calore flammeo coctiones, certis modis contemperatum ignem postulant. Ridiculum sanè fuerit, si ex eo, quod non quilibet ignis coctioni illi est idoneus, velis colligere nullius ignis auxilio illum effici. Et tamen Galenica argumentatio planè talis est: utpote quæ colligat calidum innatum planè non esse igneum, quoniam non est idem cum igneo calore febrili, qui tamen non

nisi

nisi species quædam est caloris ignei. Vtique argumentationem hanc procedere à negatione unius particularis ad negationem universalis, quam Logicorum pueri solent explodere.

Promptissimè verò licet febrilis naturalisque caloris discrimen pervidere, utut uterque sit igneus. Quemadmodum enim alius aliquis ignis ab altero plurimum differt vi & efficaciâ, sive solius qualitatis major sit minorque intensio, sive & moles ipsa amplior contractiorque, ita ut alter arti sit commodus, alter prorsus adversus: sic intra naturæ limites subsistens nativus ignis vitalis est & plurimarum operationum instrumentum, at idem plus justo auctus sive sola qualitate, sive ipsius corporis ignei incremento, jam febrilis est, & naturæ animalium noxius. Consuevimus autem hodiè solum febrilem igneum dicere non illum, permoti Galeni autoritate, qui febrem nobis definiivit, *nativi caloris in igneum permutationem*, nativum scilicet negans igneæ esse naturæ. Et sanè cum vox ignis vulgò significet *ὑπερβολὴν θερμότητος*, haud injuria in illa quidem significatione ignis cognomento audit febris potius, quàm calidum naturale quod est temperatum.

CAPUT VII.

Doctrinam illam Hippocrati, Aristoteli, Platoni, imò omnibus olim sapientibus placuisse,

Fortassis suspecta cui nostra doctrina sit, non quidem quod argumentis sit destituta, sed novitatis solum nomine. Neq; verò & nos negaverimus omne novum haud immeritò suspectæ esse fidei, si controversia fuerit de re quam multi præstantis eruditionis homines sedulò examinerint, quæque non egeat vel experimentis multis vel difficili

difficili & operosa mentis agitatione: in ejusmodi scilicet re omnes aut præstantiores ut fallantur, fieri vix potest. Nec dixerimus illa quæ hæcenus disputavimus, usque adeo esse obscura ut vix possint intelligi: adeoque fateamur, si prorsus nova sunt nostra illa verisimilitudine quadam nobis imponere. Verum enimverò tantum abest illa omnia esse nova, ut olim ante Galenum communis vox fuerit sapientum, igne aliquo viventium corpora esse prædicta, & post illum à plurimis idem sit traditum, imò ipsimet Galeno expressa sit non semel eadem sententia.

Illam olim receptam veterum mentem licet Galeni testimonio confirmare. Quum enim *lib. de marasmo cap. 3.* docuisset calidum nativum flammæ à quibusdam comparari, addit: *Hic sermo apud omnes ferme recentiores tum medicos tum philosophos in pretio est.* Quo liquet, saltem Galeni ætate igneam naturam calido innato esse adscriptam vulgò à philosophis pariter ac medicis. Cœterum diu antè & quidem ab omni memoria ita visum est sapientibus. Sanè non est cur dubitemus de Hippocratis, Platonis & Aristotelis consensu, quorum scripta ex veteri medicina & philosophia penè sola ad nos pervenerunt. In libro enim *quidæ Arte* inscribitur, & jam ab Erotiano & alijs Hippocrati est attributus, πῦρ συντεταγμένον disertè appellatur calidum nativum. *Libro de corde* qui inter Hippocraticos itidem recensetur, certè est antiqui scriptoris, legitur: τὸ πῦρ ἐν τῷ κοίτιν, *connatus ignis non est in dextro cordis ventriculo.* Similiter *lib. 1. de dieta* (qui si non Hippocratis, est vel Philistionis, vel Aristonis vel Euriphontis, vel Philotæ, qui omnes in antiquissimo medicorum ordine sunt) passim verus ignis corpori nostro adscribitur: *Omnia* (inquit inter alia autor ille) *tum ani-*
mantia

mantiatum homo ipse ex igne & aqua constant. Item: Irrepit in hominem animus ignis & aqua temperationē sortitur. Libro πρὶ καπνῶν aut δεικνῶν, quem Democriticum esse alibi ostenditur, non quidem vox ipsa πῦρ habetur, aliquoties tamen illud calidum homini ejusque partibus tribuitur unde astra constare creduntur; quod ex prisorum sententiā, ignē flammantē esse, notissimum est. Alibi calido innato passim tribuuntur ea, quæ igni soli competunt, quale est consumptio alimenti. Huc certē faciunt & illa in Aphorismis: *Quæ corpora plurimum habent innatum calidum; plurimo indigent alimento, alioqui corpus absimitur: in senibus cum paucus calor insit, idcirco paucis fomitis indigent, à multis namque exinguitur.* Extinctio videlicet quæ à copiosiore fit alimento, aut nutritio per alimentum, solius inter elementa ignis proprium est. Galenus ad illum locum his verbis commentatur: *Fomitē (ὀνόμαζον) cibum appellat; suam & aliorum ferè omnium celebrium philosophorum secutus sententiam, qui inter omnia elementa animantium corpora constituentia, calorem vitæ & primum autorem esse arbitrantur. Ut enim lucernarum flammula oleum pro pabulo habeat; ipsum tamen conferri si affundas, exinguitur potius quàm alitur; eodem sanè modo & in senibus calor pro fomite & tanquam succendiculo quopiam, habet cibos, quibus tamen affatim & confertim congestus si obrutus fuerit, ne prorsus exinguitur metus esse debet, non aliter quàm si scintilla ignis exigua lignorum struem adgeras.* Hæc Galenus & quidem rectissimè, nisi quod caloris vocabulo rem obseuret, cum debuisset ignem nominare. Neque enim calor, qualitatem notans, fomite & nutrimento indiget, cum nutritio sit substantialis mutatio alimenti (nempe quod substantia quædam est) in calidum nativum (quod idem ergo est substantia) quoniam substan-

tia

tia non potest transmutari in accidens, sed in aliam substantiam. Nolo alia ex Hippocrate congerere, cum res clara sit. Illud unum notasse sufficit. Quum Hippocrates discretè doceat, cibum esse ὑπὸ καυμὰ τῶ ἐμφύτῳ θερμῷ, quum doceat hyeme & vere ventres habere plurimum calidi nativi, vel hinc liquet Hippocratem innati calidi nomine non intellexisse illam ex semine & sanguine menstruo misturam Galenicam. Neque enim ejus corporis ventres plus habent vere & hyeme quàm æstate, neque illud corpus potest refici si sit absumptum per cibum, neque patet quomodo illa miscella usque adeò alimentum habeat necessarium, ut nisi adsit extinguatur.

Plato porrò in *Timæo* & alibi, adeò sæpe nativum nostrum calidum ignem nuncupat, ut omnia loca hic transcribere, fuerit magnam libri partem alienis sermonibus suffarcire. Quin imò hoc nomine accusatus est à Galeno lib. octavo *sententiarum Hippocratis & Platonis cap. VII, in fragmento commentarior. ad Timæum*, alibi. Empedoclis consensum elicere est ex his verbis Aristotelis lib. de respiratione: *Empedocles non rectè locutus est, dicens, calidissima & ignem plurimum habentia animantia esse aquatilia*. Cum Democritus præterea & Heraclitus animam ipsam dixerint ignem, procul dubio est, etiam illos calidum nativum credidisse verè ignem esse.

Ægyptiorum veterum monumentis eum destituamur, istorum sententias scire vix licet. Prodit tamè Horus in *Hieroglyphicis*; animam, cujus sedes est in corde, sanguine nutriri, coque ejus sacrum signum apud Ægyptios esse accipitrem, qui itidem vescatur cruore. Quid autem in corde nutriatur sanguine nisi igneum sit? De serpente quem maximè veneratæ sunt olim, seductæ à facerrimo

illo serpente, gentes multæ interque eas & Phœnices pariter & AEgyptij, ita loquitur Sanchuniathon seu potius ejus interpres Philo Byblius apud Eusebium lib. 1. de preparat. Evangel. *Serpens est spiritualissimum animal & maximè igneum, longævum pariter, & senectam cum pelle deponens reviviscit.* Vnde discimus distinxisse Phœnices spiritum ab igne, & utrumque in serpente adeoque in animali aliquo agnovisse. Sed horum hominum monstruosa sapientia parum autoritatis promeretur.

Apud Aristotelem verò adeo frequenter legas consentientia nobiscum testimonia, ut mirari maximè subeat fuisse, qui sibi & alijs persuadere voluerunt, ex ejus viri sententiâ calido nativo nescio quam coelestem competere naturam. Secundo lib. de animâ text. 40. *Videtur quibusdam ignis natura simpliciter causa nutritionis & augmentationis esse: etenim ipse solus corporum aut elementorum videtur alere & augeri: unde & in plantis & animalibus patet utique quis hunc esse id quod operatur.* His autem causa quadam quodammodo est, non tamen simpliciter causa, sed anima potius. Secundo de partib. animal. cap. VII. *Quod nonnulli statuunt animam esse ignem, perperam statuunt: melius fortasse dixeris, in quodam ejusmodi corpore consistere.* Cap. sequente scribitur, in cancris esse *ἰμπεροευνέρον θερμόν.* Ejusdem operis lib. 3. cap. 7: *cor omnibus animalibus necessarium est propter caloris originem: διὸ καὶ εἶναι τινὰ διὸν ἰσῖος ἐν ἡ καίεται τῆς φύσεως τὸ ζῶον, & τὸ τὸ φυλάττειν ὥσπερ ἀκρόπυλιν εἶναι τὸ σῶματος.* Lib. 6 de respiratione cap. 6: *At verò neque alimenti gratia existimandum fieri respirationem, tamquam quod alatur spiritus interternus ignis: & inspirante quidem animali quasi super ignem: μίμναι ὑπὸ καυμά, ubi autem ignis est nutritivus, tum fieri exsirationem.* Capite VIII. *Concoctio per quam fit nutritio animalibus*

libus neque sine anima, neque sine caliditate est, πρὸς ὃ ἐγγάζεται πάντα. Item: nutritiva anima non potest existere sine naturali igne: in hoc enim natura ignivit ipsam. Ibidem corruptionem illam, quæ igni propria est, tribuit calido nativo. Capite xv. Quicunque habent pulmonem sanguine pradium celeri indigent refrigeratione διὰ τὸ μικρὰν εἶναι τὴν ποτὴν τοῦ ψυχρῶς πυρός. Capite xvi: refrigeratione indiget animalium natura διὰ τὴν ἐκ τῆ καρδίας τῆς ψυχῆς ἐμπύρωσιν. Cap. xvi: naturalis mortis animalium hæc redditur causa: facta tandem intensione καταμαραινεται τὸ πῦρ. Cap. xxi. Cum pulmo ad modum folium eleuetur, necessario inducitur aër de foris, qui cum sit frigidus necessario exstinguit excessum ignis. Libro de iuvent. & senectut. cap. iv: ex corde principium caliditatis & anima dependet, tanquam ignita in hac parte. Cap. v. mox subiungitur doctrina de corruptione ignis, quæ applicatur cap. vi. calido nativo: ut vel hinc sit perspicere quid de calidi nativi naturâ senserit Aristoteles.

Contrarium tamē docere videntur πλουτάρχης illa, quæ habentur lib. ii. de generat. animal. cap. 112. Verba ipsa iusto forte sunt prolixiora, merentur tamen legi hîc atq; expendi. Omnis, inquit, anima virtus corpus aliud participare videtur, idque magis divinum ijs quæ elementa vocantur. Verum prout nobilitate ignobilitatēve anima inter sese differunt, ita & illa naturâ differt: inest enim in semine omnium, quod efficit facunda semina id quod calidum nuncupatur, hoc autem non ignis neque talis aliqua facultas est, sed is qui in semine & spumoso comprehenditur spiritus, & qua in spiritu est natura proportionē respondens elemento stellarum. Hinc ignis quidem nullum animal generat, neque quicquam videtur ex ignitis constitutum, sive in humidis sive in siccis. Solis verò calor & animalium non modò per semen, verum si quod nactus fuerit excremen-

isium à natura alienum, perinde habet & illud animale principium. Quod igitur ille qui animalibus inest calor neque ignis sit, neque ab igne habeat principium, ex hisce est manifestum. Hæc Aristoteles: prout illum vertimus nonnihil aliter atque factum est à Theodoro Gaza. Quantumvis autem videri posset, revera tamen non de eo quod verè est calidum nativum Aristoteli hic sermo est. Id ipsum vel inde liqueat, quod disertè dicat τὸ καλόμενον θερμὸν, quodq; neget illius facultatem esse ejus generis cujus est ignis, hoc est tactilem aliquam, probans naturam ejus esse cœlo analogam. Quod verè autem est calidum de eo haud temerè dixeris illud τὸ καλόμενον: nec potest non illi convenire tactilis aut elementaris facultas.

Ut autem totius illius sermonis intellectus pateat, advertendum est, initio capitis id dubii maximè propositum esse: *ubi maneat τὸ σωματικὸς τῆς ζωῆς, si nullam partem constituit τὸ ψυχικὸς & tamen operatur virtute sibi insita: (quod utrumque dictum erat capite primo):* item num anima sensitiva inest semini aut primo conceptui nec ne. Post multa autem ultrò citroq; dicta concluderat Aristoteles, nullam animæ vim (excepta rationali) posse sine suis instrumentis subsistere, adeoque nec in semine aut conceptu, animam vel vegetativam vel sensitivam actu reperiri, sed tantum potentia. Id quod Aristotelem statuere non est mirum, quum animæ voce non principium vitæ incompletum, quod appellant, ac principale (secus quàm olim & hodie fit à plerisque) significet, sed integrum & completum, quale sine corpore intelligi non potest. Quæ in re cum plerique fallantur interpretes; obiter hoc monendum duximus. Quum nulla anima igitur actu sed tantum potentate sit in semine, jam incipit exponere
Aristo-

Aristoteles naturam illius quo semina sunt fecunda & potestate continent animam, adeoque præstant quod debent; alia nempe atque alia, genere, specie, aut numero, distincta animalia producant. Illud ipsum autem eo tempore mos erat appellare calidum aut caliditatem; quod crederetur sola illa vi & qualitate isthæc ut & ipsa animæ opera effici. Quam sententiam in Hippocraticis scriptis hodieque non semel est reperire. In seminibus igitur omnibus inesse aliquod corpus, censet Aristoteles, pro varietate animarum nobile aut ignobile, quo animæ communicent. Accipienda verò est illa *νοησις* procul dubio in eo sensu, in quo proximè antecedentibus verbis dixerat de intellectu aut mente humana: *ἐδὲ ὅδ' αὐτῇ τῇ ψυχῇ νοησις σωματικῇ ψύχει.* Nempe vult, quod anima quælibet in semine collocatum habeat corpus aliquod quodammodo referens naturam animæ; etsi enim revera careat animâ, habere tamen *ζωικὴν ἀρχήν*. Sunt qui *νοησις* illam fieri censeant, eò quòd quælibet anima corpus huiusmodi habeat pro vehiculo: sed illi multum ab Aristotele, utpote qui neget in semine animam reperiri, corpus autem hoc in semine collocet: si corpus autem illud ibi est ubi non est anima, utique non est conditum à natura ut sit animæ vehiculum. Illud porro corpus, inquit, esse nobilius, ijs quæ elementa vocantur, igne scilicet, aëre, aqua & terrâ; quæ Aristotele iudice non sunt propriè elementa corporum; uti alibi disseritur. Est autem nobilius; quoniam ejus essentia sita est in aliquo, quòd divinius est calore, frigore, humiditate, & siccitate, quibus constat essentia corporum illorum quatuor, quæ elementa vulgò nuncupantur. Scilicet essentia & vis potissima feminis est facultas producendi corpus animatum simile illi

à quo semen profluxit. Illa autem virtus non est calor aut frigus. Ne quidem est ex his contemperatum aliquid quod tamen ex recentioribus Peripateticis nonnulli docuerunt. Vt enim ex colorum mistura non nisi colores compositi, ex odorum odores, ex figurarum figurae, ita nec ex tactilium compositione per se prodit quicquam præter temperiem tactilium: per se inquam non aliud prodit, etsi per accidens, interim dum temperies illa producitur, varia alia efficiantur. Nihil horum esse vim illam probatur inde, quoniam calor & frigus horumque misturae nulum animal possunt producere, quod tamen potest illa seminis facultas. Est igitur illa virtus diviniorelementariibus tactilibus qualitatibus, adeoque proportionata celestis naturæ, ut quæ etiam ipsa insignis sit efficaciæ, diversâ tamen ab elementaribus illis conditione. Neque verò Aristoteles vult corpus illud quod semina reddit fecunda omni ex parte esse elementis divinius aut ab ijs distinctum. Non enim id dicit; sed diserte addit quâ in re corporis illius divinitas sit sita, nempe in natura quadam peculiari, quam etiam ἀρχὴ ζωῆς appellat. Et verò alibi multis argumentis adstruxit Aristoteles, gravia & levia corpora, (cujus ordinis semina profectò sunt) non esse alia præter quatuor simplicia dicta vulgò elementa, & quæ ex his sunt composita. Vt Aristotelem heic de quarto quodam corporum genere seminibus insito cogitasse, ab omni eius philosophia sit alienissimum. Quid quod clarissimè eodem loco corpus hoc dicat, esse spiritum seminum? Spiritum autem illum aëreum quid esse plurimis verbis jam docuerat *cap. precedente*. Vnum testimonium sufficit adduxisse: *Semen commune est spiritus. Et aqua, spiritus autem aer calidus est.* Nec verò novum est ob unam aliquam vim a-

lijs

lijs diviniorem totum corpus alijs pronunciare divinius. Merito magis quis dubitaverit quomodo virtus aliqua diviniorelementari omni virtute possit esse in corpore elementari, aut ex eo oriri. Sed animadvertendum est, ex eadem materia unde conficiuntur tactiles qualitates & alia confici posse à tactilibus prorsus distincta: cujusmodi sunt ex.gr.colores, quos tantum abest à tactilibus proficisci, uti sint naturæ tactilibus priores, quod rectè probat Aristoteles *l. 11. de generat. text. 7.* Par ratio est aliorum sensibilium, sive propriorum sive communium: neque enim horum quicquam per se ex tactilibus resultat, sunt tamen ex eadem communi materia. Præter sensibiles verò qualitates sunt & aliæ, quas animales dicimus. Ut igitur etiam hæc, (etsi non sint elementares atque tactiles) ex elementari adeoq; tactili materia fiant, nihilo est mirum magis, atque illud quod & reliquæ sensibiles qualitates inde confiant, quæ itidem diversi sunt à tactilibus ingenij. Alibi accuratius disquirimus, quomodo eadem sit horum omnium materia, & qualis sit illa identitas.

Cæterum illud calidum quo de Aristoteli sermo est *lib. 2. de generat. animal. cap. 3.* non esse verum calidum illud, de quo nos hodie agimus, adeoque ex illis verbis non licere Aristotelicum aliquem à nobis dissensum exculperè, satis, nisi fallor, manifestum est.

Post Aristotelem Strato Lampfacenus in Lyceo secundus successor, calidum innatum disertè appellavit *ignem naturæ*, libro qui de Spiritu inscribitur *cap. ultimo*: est autem liber ille conflatus ex duobus, altero de Spiritu, altero de naturâ humana, quod jam monuimus libro de sanguinis generat. & motu naturali *cap. 35.*

Præter Aristotelem Platonem eorumque sectato-

res

res veteres non dubium est idem nobiscum sensisse, cum Epicureos, tum Stoicos. Vtrique scilicet animam ipsam igne constare existimaverunt, calidum nativum pro anima venditantes. Quod cum abundè sit notum, nolumus adductis testimonijs comprobare. Nec verò & medicorum, qui Galeni ætatem proximè antegressi sunt est cur sententias adducamus in medium, cum de illorum consensu jam tum constet ex allatis Galeni ipsiusmet-verbis.

Illud meretur annotari; perperam multos opinari, quasi ex veterum sententia idem sit spiritus natus & calidū innatum. Galenus quidem *lib. 11. de facultatib. medicam. cap. 9.* scribit: *calorem nativum esse, quem in quoque animali nativum spiritum nominamus.* Aristoteles quoque illud calidum, quo fecunda sunt animalium semina, spiritum nuncupat; at verò propriè dictum calidum nativum à Spiritu, apud Hippocratem sanè Platonem & Aristotelem, semper distinguitur. Neque enim apud illos spiritus voce solet temere quidquam venire præter aërem: quem in pulmonibus, arteriis, aurium aliarumque partium cavitatibus, naturā insitum agnoscunt. Intempestivum est, omnia scriptorum illorum loca adducere. Suffecerit expendere quæ Aristoteles habet *l. de communi animal. motu cap. X. & lib. de respirat. cap. 4. lib. de somno cap. 2. περί τῶν ἐν φύρῳ αὐτοῦ πνεύματος*, quo instrumento fiat omnis motus. Idem *lib. 11. de generat. animal. cap. 6* scribit, meatum auditorium & olfactorium esse plenos *συνφύρῳ πνεύματος*. Quibus omnibus locis non nisi de aëre complantato fermo est. Nec aliter capitur hæc vox integro libello *περί πνεύματος* qui Sratonis est *Lampisceni*. Sed non est hujus loci hoc multis adstruere,

Igitur

Igitur primus Galenus novum quid commentus est de miscella ista seminis & sanguinis, quod hactenus, puto, à nemine traditum fuerat. Quantumvis verò etiam impugnaverit igneam calidi innati naturam, vi tamen quasi suæ ἀδραστικῆς adactus, etiam ipse à confessione veri temperare sese semper non poruit. Apertè *lib. de set. form. cap. 3.* ita loquitur: *in sanguine qui in venis est absque cordis calore tepida quædam caliditas insita est; & propterea etiam in iecore: cor verò quasi ignis quendam focum animalia sortita sunt.* Alibi: *calor insitus veluti fons quidam ignis nonnullis in visceribus inest.* *Lib. de usu respirat.* prolixè admodum comparationem instituit inter calidum nativum & flammam, similem naturam utriusque esse ostendens. Idem agit *lib. de Tremore cap. 6.* Quot modis calidum nativum in nobis deficiat lucernæ exemplo declarat *comment. in libr. Hippocrat. de victus ratione in acut. cap. 7.* Idem fit alibi passim. Si autem ipso Galeno teste ad flammæ modum & generatur & conservatur & corrumpitur nativum calidum, non potest illud non igneæ esse naturæ.

Porrò & qui post Galenum vixere, Philosophi ac Medici, quotquot paulò accuratiùs de calidi hujus naturâ sunt philosophari, itidem generationis corruptionisque modum illum qui igni proprius est nativo calido adscriperunt: ut proinde tacitè nobiscum omnes idem sint professi. Non defuerunt autem etiam qui idem apertè docuerunt. In Græcis Philosophis unus nunc prodeat Ioannes Philoponus, nobilis Aristotelis interpres. Is sanè *ad 7. Meteorologiæ* suis quibusdam argumentis Aristotelis exemplo probaturus, intermedium spatium quod est inter calum & terram, non solo aëre, sed igne etiam plenum esse, scribit: *ἐπὶ χυλῶσι τὸ πᾶν μὴ ἔχει τὸ καλῶτερον καὶ ζεωγον-*

H

κότι τῶν

νότατον τῶν ζοῦζίων λίγω δὲ πῦρ. Ex Arabibus unus quoque Averroës sit testis. Ejus commentario 41. in lib. 15. de anima Aristotelis hæc sunt verba: Dicamus igitur nos, quod ignis non sit causa nutritiva & augmenti in animalibus simpliciter, sed attribuitur causa quasi instrumentum suorum instrumentorum; imo anima est illa cui tribuitur hæc actio simpliciter. Et concessit quod ignis est conjunctus causa; secundum quod aliquid alicui attribuitur, cuius actio non perficitur, nisi per illud. Quia nutritibile non videtur alterare cibum, nisi per partem igneam existentem in eo. Hoc enim elementum inter alia aut est alterans alia aut magis dominatur in eo alterare quam in aliis elementis, & ideo fuit necesse ut ignis esset dominans in corporibus nutritilibus. Hæc ille. Ex Latinis scholasticis unus itidem audiatur Thomas parte prima secunda quest. 66. a. 6. ad 3. Causa efficiens, est potior suo effectu non autem causa disponens; sic enim calor ignis esset potior quam anima ad quam disponit materiam. Ex proximi ævi Philosophis denique Marcus Antonius Zimara solutione contradiction. 6. super lib. 12. Metaphys. in hæc verbaloquitur. Sed etiam teneo, calorem naturalem in plantis & animalibus eundem esse realiter cum calore igneo & elementaliquicquid dicat Gentilis speculator in hac materia super sen quartum ad principium, qui voluit multiplicare entia sine necessitate, imaginando calorem naturalem & calorem præter naturam esse duos calores realiter & essentialiter distinctos. Sed nobis tutius esse videtur dictum, quod unus & idem calor est naturalis & præter naturam. Nam ut regulatur ab anima, naturalis dicitur; ut verò regulatur à formâ ignis sic apparet elementalis & igneus. Et hoc voluit Galenus, dum dixit febrem esse calorem naturalem conversum ad igneum, & hoc, ut mihi videtur, sicut commun. 2. de anima comm. 41.

Hæc paucis testimonijs contentos fortè nos esse

par est. Quâquam enim non simpliciter de cordis caliditate scriptores hi differant, quum tamen in universum calido innato igneam naturam tribuunt, indubiè de eo quod cordi inest non aliter censuerunt.

CAPVT IIX.

*De natura ignis quædam maxime mira
exponuntur.*

ANteaquam pergamus fortassis operæ fuerit pretium de ignis omnis natura quædam disserere, unde lux affulgeat institutæ de calido innato doctrinæ: quod ignis est species.

Atque initio quidem animadvertendum venit, omnè, qui apud nos quidem est, ignem in alio quodam subiecto corpore consistere. Neque enim ullum ferè datur corpus calidum & leve, quin alteri sit adiunctum. Est autem jam olim Aristoteli hoc quoq; observatum & Theophrasti. *Ignis* (inquit ille *lib. iiii. de generat. animal. cap. XI.*) *semper videtur habere formam non propriam: sed in alio corpore: aut enim aer, aut fumus, aut terra esse videtur quod ignitum est.* Theophrasti verba libro de igne sunt: *Maximum discrimen ignis aliorumque simplicium corporum esse videatur, quod cum illa per se ipsa consent neque in subiecto hæcant ullo, igni tamen, quod vel sensus fide notum est, siue in elementis numerari debet siue non debet, flamma & carbo subiiciatur, cum ille fumus quidè sit accensus, hic terrena quadam soliditas.* Idem quoque omnia qua vel in sublimi vel in terra inflammantur: quippe cum omnia vel aer quodammodo vel humor, vel aer simul & humor & terra, vel omnia vel duo esse videantur. Hoc ipsum sanè est quod movit Hieronymum Cardanum *lib. 2. de subtilitate*, & Thomam Ficium *apologia contra Sanctacruç*, præclari utrumq;

ingenii & iudicii virum, ut ignem non substantiam sed accidens esse perhibuerint. Quintum sane argumentum Fienianum hoc est: *substantia est ens per se subsistens, non existens in alio, neque ulli inherens ut subiecto: at ignis per se nusquam consistit, sed semper est in alio, ut in subiecto, sicut accidentia, & depresso subiecto cui inhaeret, nihil est ignis.* Est verò hoc ipsum inter sex quæ adferuntur a Fieno, maxime, meo quidem iudicio, plausibile.

Cæterum caliditas & siccitas quum sint differentia, quæ iuxta frigiditatem & humiditatem corporum simplicium essentiam constituunt, impossibile est ut ubi illæ facultates in summo sunt gradu non absolvant simplex aliquod corpus. Nec fieri potest ut summa levitas, non insit singulari alicui corporum generi. Præterea, subieciuntur cui inest ignis plerumque mutatur in ignem: substantia autem non potest mutari in accidens. Quæ de re alias. Paulò verò post docebimus, quid fiat cur ignis, licet substantia sit, tamen prope terram haud inveniatur nisi in aliquo subiecto.

Illud quoque nunc meretur imprimis expendi, eorū ignium qui penes nos sunt, plerosque indigere perpetuo quasi alimento; plerosque inquam. Quod enim nonnulli asserunt omnibus id competere, falsum est. Saltem enim ille ignis, qui cum aliis simplicibus corporibus commissus constituit ex parte corpora composita, non consumit sibi cui inest subiectum, sed conservat; alioquin enim corpora composita quælibet citò abirent in cinerem & pulverem à congeniti ignis violentia, quod tamen minimè solet contingere. Videntur autem & alii quidam ignes eadem non indigere alimento. Sunt enim qui tradunt, in antiquorum sacris, & sepulchris perpetuas arsisse flammæ, absque ullo

novo succendiculo. Verum priscis quidem monumētis nullis memoriæ id proditum est. Mirum verò fuerit, rei tantæ nullam mentionem esse factam si res ipsa verè fuisset. Imò Romæ legimus sacrum ignem curatum esse à virginibus Vestalibus, per earumque incuriam extinctum bello Mithridatico & civili. Etiam qui Delphis erat fovebatur à viduis adiecto oleo. Sacer quoque Hebræorū ignis nutriendus à sacerdote fuit subiectis lignis in dies singulos, ex mandato divino. Ne nunc quid dicam de cultu ignis Persico. In cippis sepulchrorum quæ fuerunt olim lucernæ, itidem humano studio curatas, vel unus euicerit Modestinus recitans *L. 44. Maria ff. de manumiss. testam.* verba hæc ex Meviæ testamento: *Sicceus servus meus & Eutichia, & Herena, ancille meæ omnes sub hac conditione liberi sint, ut monumento meo alternis mensibus lucernam accendant, & solemnia mortis peragant.* Petronius quoque Arbiter de matrona Ephesina mariti cadaver in hypogæo collocatū lugente: *Asidebat inquit agræ fidelissima ancilla, simulque & lachrymas commodabat lugenti, & quoties defecerat in monumento lumen renovabat.* Sine fomento æternas aliquas lucernas olim arsisse nullibi proditur. Proinde vereor ne fabulosæ sint narrationes de lucernis patrum avorumque memoria repertis, quas ferunt sine alimento per complures centum annos in sepulchris luxisse. Qui enim rem adeo miram & memorabilem silentio omnes veteres præterissent? Celebravit quidem primus ejusmodi flammam Hermolaus Barbarus, in agro Patavino iuxta oppidulum Ateste suâ ætate inventam; Petrus Appianus opere *Inscriptionum antiquar. pag. CCCXXXVII* urnæ utriusque, cui inclusa fuerat flamma isthæc, figuram exhibuit. quorum fide alij complures idem memorarunt. At in-

primis dignum notatu est, non visam ipsimet Hermolao flammam illam sed prædi testibus suis qui urnas eruerunt. Similem aliam Paulo III pontifice repertam scribit Guido Pancirollus *lib. de repert. & deperdit. tit. XXXV.* Sed nec ipse oculatus fuit testis, ut loquar cum illo in comœdia. Verba viri, sanè doctissimi, sunt prout vertit Salmuthus: *Præparabant etiam veteres oleum incombustibile, quod nunquam consumebatur. Id nostra quoque ætate sedente Paulo III visum fuit, invento scilicet sepulchro Tullia filia Ciceronis, in quo lucerna fuit etiamtum ardens, sed admissa aëre extincta: arserat autem annos plus minus mille quingentos quinquaginta.* Ioannes Baptista Porta aut eandem aut similem memorat *Mag. natural. lib. 12. cap. 13.* hisce verbis: *nostris temporibus circiter annum MDL in Niside insula in Neapolitano cratere sita, sepulchrum marmoreum repertum est cuiusdam Romani, quo recluso phiala intus reperta est, in qua lucerna adhuc ardebat, rupta & viso aëre extincta est, qua ante Salvatoris nostri adventum clausa fuit.* Sic quidem Porta: sed nec ipsemet suis oculis illam vidit. Addit tamen: *alia quoque ab amicis narrata sunt, reperta & oculis cognita.* Cæterum qui haud temerè narratiunculis huiusmodi credit, cum nemo rem sibi visam narret, indubiè sapit.

Scilicet prudentiæ elementum est *μύναστο ἀμύμων*. Ne dicam nunc, quàm sit frequens in Italia & alibi nuper dolosè defossa pro antiquissimis monumentis venditare. Certè ut etiam atque etiam à fraude nobis caveamus vel sola illa effecerunt, quæ antepaucos annos Curtius Inghiramus eruit prope Volaterras Hetruscarum antiquitatum fragmenta; ne alia nunc in exemplum adducamus. Quidni verò facile sit simili fraude lucernas novæ flamma instructas pro veteribus venditare? Memorat

Cedrenus

Cedrenus imperante Iustiniano supra portam quandam Edesse repertam lucernā quæ ad Christi imaginem quinquentorum annorū decursu arserat, cuius oleum in ignem coniectū Cosrois Persarū regis copias omnes cōsumpserit. Sed fabulosus scriptor nō meretur fidem: nec eorum quisquam qui Iustiniano vivo res ejus memoriæ mandaverunt istiusmodi quid refert: sed & divinum quid, ac suprà naturæ ordinem, adfuisse necessum sit, si integer exercitus potuit deleri unius lucernæ flamma.

Igitur illis quidem lucernis haud certò probare licet posse ignem etiam sine alimento conservari. Attamen & prunam non semper absumere alimentum experimento illo manifestum sit quod recitatur in Paralipomenis Sennerti. *Carbones igniri possunt, ne consummantur, quod sit hoc modo: sume ollam fortem qua ignem sustinere possit: eam reple carbonibus, & operculum impone, & luto arte commixtas claude, & ubi lutum exsiccatum fueris igni circulari impone, ut olla tota igniatur; quod ubi sit carbones simul ignuntur (quod si quis credere nolit, olla fracta experiri licet) quod ubi factum, ollam igni exemptam spontè refrigerari sine, & postea ollam aperiri vel frange, & carbones omnes integras reperies.* Iulii Caesaris Scaligeri Ex. 327. verba sunt: *Aliani Chymici ex iunipero factos carbones tanta esse vi ut per annum integrum ignem fervent incorruptum.* Verum id quidem procul adeò est à vero, ut ne quidem diem unum pruna juniperina possit superesse: quod rectè notavit etiam Porta. Id certiùs, multa diu satis licet ignita sint, parùm tamen vel nihil substantiæ suæ perdere. Deprehendere id est in metallis & lapidibus propè omnibus sed maximè in auro puro & amiantho lapide. Multum autem periret omnibus ignitis si perpetuo opus sit alimento: utpote cum alimentum illud in ignem commutetur.

Cate-

Cæterum ignis flammeus si non simpliciter omnis, saltem is omnis qui in libero est aëre, nisi indefinenter alatur, intercidit. Id ipsum usu compertissimum est omnibus: adeoque cum is καὶ ἐξοχῶν ignis nuncupetur, simpliciter vulgò solet omni igni attribui alimenti indigentia. Hoc enim est, inquit *lib. de igne* Theophrastus id quod à veteribus dicebatur ἐν τοῦτον ζῆλε τὸ πῦρ ὡς ἐκ ἐδεχόμενον αὐτὸ διακίναται αὐτὸ τῆς ὕλης. Ignis item prunarum, qui quidem in libero est aëre, alimentum exigit: unde carbones in cinerem tandem abeunt, alia, absumpto tandem omni humore naturali, succendi amplius nequeunt.

Præterea meretur hic in memoriam revocari admirandus ignis interitus pariter & generatio. Neque enim tantum à contrario frigore interimitur; sed & major flamma consumit minorem. In universum, deficit flamma quando cunque non perpetuò nova sufficitur, sive quod defit materia, sive quod flammæ vis minor sit quam ut ex materia possit aliam producere, sive denique quod locus & tempus generandæ novæ flammæ defint. Scilicet ad productionem alicujus substantiæ requiruntur, & materia & effectrix apta, locus deniq; & tempus idoneum: itaque ad conservandam quoque flammam omnia hæc necessaria sunt, quippe cum flamma non aliter conservetur quàm perpetua novæ flammæ generatione. Aristoteles *lib. de vita & morte* duas tradit corruptiones esse ignis μάραντος & σβέντον appellans τὴν ὑπὸ ἀφ' ἑαυτοῦ μάραντον, τὴν δ' ἐν τοῖς ἑναντίων σβέντον. Sed aliis scriptoribus vox μάραντος & σβέντος non eadem semper significatione accipitur: imò suffocari tum propriè dicitur flamma quando liberè moveri prohibetur: quomodo utique nō omnis flammæ interitus violentus aut à contrario proficiscens fuerit suffocatio. Plura & maxime e-

gregia.

gregia de ignis interitu habet & Theophrastus, sed prolixiora quàm ut institutum eorum ferat commemorationem. Quum verò non omnis ignis ad flammæ modum perpetuo egeat alimento, hinc adeo fit, ut non omnis interitui perinde sit obnoxius adeoque non parib⁹ de causis unde flammæ, etiam alij omni igni interitus acceleretur. Producitur porro ignis non tantum ab agente quem vocant univocum, sed etiam à lumine, motu alijsque nullo calore præditis, quod itidem haud fortassis admiratione est indignum.

Omnibus porro ignibus commune est quod levitate maximè polleant & substantiæ tenuitate. Hinc sanè. omnis flamma in medio aëre tendit sursum, certo argumento majorem illi inesse levitatem quàm aëri. Par ratio est vaporum aliarumque exhalationum, quippe quæ omnes ignem comprehenderunt cujus vi subvolant. Alia corpora graviora si igniantur non quidem ascendunt sursum, solito tamen redduntur leviora & ponderis sui amittunt multum: quod liquet, si ferrum aliquod nunc ignitum nunc frigidum bilance expendas. Ipsa quoque corpora viva mortuis leviora sunt eandem ob causam: quod perperam negat in Staticis Sanctorius, argumento sumpto à porcis qui vivi plus gravant libram, quàm mortui; non animadvertit scilicet illam gravitatem esse ex motu animalium quæ imposita libræ motum bilancis refugiunt quantum in se est, atque ita illam gravant; ne nunc alia adducam.

Præter hunc naturalem impetum quò flamma sursum tendit etiam alium esse Galenus noster credit, quò feratur ad alimentum suum & corpus aliquod combustibile. Eam rem lib. de usu respiration. cap. 111. hisce verbis exponit: *Omnes flammæ duplici motu moventur, altero à materia ex qua accenduntur, per quem maximè sursum feruntur, & undiqueque disperguntur.*

sparguntur: altero verò huius contrario ad sui ipsarum principium
 & velut radices vergente, per quem confident ac contrahuntur.
 Etenim si facis quàm maximè extremitatè superiorem accende-
 ris, confertim ad inferiora pervenis ignis: & si, postquam lucer-
 na flammam extinxeris, ad extremum fuliginosa favilla sursum
 vergentis alium admoveas ignem, jam rursus ardentem lucerna
 funiculum videbis; cùm nihil tale fieri posset, si ignis motum tan-
 tùm sursum haberet. Hæc Galenus: quem multi alij sunt
 secuti. Verùm, quod pace magni magistri dixerimus,
 motus ille flammæ deorsum ad alimentum non videtur re-
 ctè satis demonstratus: namque illis quidem experimentis
 haud aliud colligas, quàm flammam quæ superiore loco
 est accendere aliquid posse quod infra sese est collocatum,
 si sit accendi idoneum. Nec enim ipsa illa quæ supra est
 flamma descendit, sed similem infra sese excitat: quod i-
 psum quando subito fit decipitur visus ut credi possit illa
 quæ excitata est descendisse: haud aliter, atque flamma
 quæ sursum evolat omnino eadem putatur permanere,
 cùm tamen sese gerat instar fluminis; celeritate eadem de-
 cepto aspectu nostro. Maxime cità autem est incensio
 fumi alicujus vel fuliginis; unde non mirum est ad motû
 superiore loco lucernâ, quasi momento illam accendi.
 Potest autem quæ infra posita sunt ignis accendere, quando
 in graviore nonnihil harena materia moram aliquâ potest
 trahere. Hinc pulvis pyrius si ritè fuerit confectus quod
 statim avolet atque est accensus, infra posita non attingit.
 Non descendere autem flammam superiorem, quando in-
 ferior fumus accenditur, inter alia argumento illud est,
 quod superior eo ipso nihilo fiat minor: quod fieri utiq; de-
 bebatur, si non totam oportuit extinguere, tam multâ flammâ
 descendente. At ignem & ea quæ supra & ea quæ ad late-

ra sunt

ra sunt collocata, in naturam suam mutare, nihil mirabile habet, quum agens in materiam quamlibet juxta positam soleat agere. Alter igitur ille flammæ motus sine ratione est excogitatus.

Denique verò heic advertendum est, nullum qui apud nos est ignem generari posse nisi in spatio libero, & ubi circumstans sive aër sive aqua potest loco moveri & propelli. Quantumvis enim hoc ipsum nonnulli negent omni igni esse proprium, re ipsa tamen convincimur, neque ex adverso quid compertum hætenus est, quò id liceat falsi arguere.

Sunt præter hæc complura alia ignis miracula, utpote quæ præ omnibus sive simplicibus sive compositis corporibus inanimatis naturæ ejus maximè sit admiranda. Scilicet quod minus vulgò admirationis impetret, facit ejus multitudo & frequentia, quolibet amante & æstimante ea quæ rara sunt potius quàm quæ inter manus versantur, multò licet illis nobiliora. Id quod scitè ostendit Iohannes Fernelius *lib. 11. de abdit. rerum caus. cap. XVII.* elegantissimo ænigmate lapidis ex India allati adumbrans flammæ naturam. Idem ænigma (ut hoc obiter inseram) prope iisdem verbis Iohannes Pipinus perscripsit ad Antonium Mizaldum admirandorum naturæ sedulum scrutatorem, sed tanquam rem certam. Vnde fraudem non suspicati viri præclari, nec de ænigmate aut igne cogitantes, mirabilis illius lapidis commentum inter historias veras retulerunt: quod factum etiam à doctissimo Thuano: alij ex India & Lusitania illum lapidem petierunt magnis impensis, quod de Francisco Calceolario refert Andreas Chioecus *scilicet. IV. Musæi Calceolariani*, nec ipse fraudem subolens.

Verum omnem ignis naturam expendere non pati-

tur hic locus: satis est ea tantum nunc attigisse, sine quibus calidi nativi essentiam docere non licet. Causas vero eorum quæ commemoravimus quod attinet, non videntur illæ esse multe & varix. Namque ignis omnis qui circa terram est in alio quodam corpore necessario subsistit, quoniam ille omnis usque adeo pollet levitate naturali, ut ne quidem in ipso aëre possit quiescere, sed supra illum ascendere nitatur quantum in se est. Certissimo argumento supra aërem esse locum ejus naturalem: quippe cum ejusmodi localis motus naturæ sponte instituitur ad desideratum locum qui maximè est conveniens. Ut itaque ignis apud nos detineatur, necessum est, illum comprehendendo alio quodam corpore, eoque tanquam vinculo constringi ne avolet. Hoc ipsum maximè fit si aliorum commistione levitas ipsius minuat, ita ut præponderantis corporis commisti locum non possit non sequi. Quod si nec hoc fiat, tamen subjecto opus est, saltem ne desit alimentum perpetuæ generationi, qua de re, mox dicendum. Non indiget ergo ignis alio quodam subjecto corpore ad modum accidentis: sed velut custodia aliqua aut alimento suo proximo. Hinc ex mistis corporibus in quibus custoditur ignis natus, oborta putredine vi externi caloris, foras expirat qui continebatur ante, subsequente totius misti dissolutione, cujus compages nativi illius ignis virtute cohærebat. Cum non simpliciter ergo postulet ignis corpus cui insit aliud, qui proximè sub lunæ orbe existit utique simplex & sincerus est, nullo alieno corpore circumseptus, certè nullo tali in isthoc proprio suo loco indiget.

Porro & ejus quod alii ignes alimentum postulent alii non postulent, & quidem alii citius expostulent, alii tardi-

tardius, eadem videtur summa levitas in causa esse. Scilicet non aliter nutritur ignis, quàm quod perpetuò in locū ignis evanescentis ex alimēto novus alius substituitur: perinde atque in profluentis aquæ locum ex fonte vivo perennis aqua substituitur, quo ipso fluvii & rivi continuantur. Iam olim id docuit *l. 11. Meteor. cap. 11. Aristoteles, Flamma*, inquiens, *propter continuum humidum & siccum, quæ permutantur fit & non alitur: non enim eadem existens permanet ullo tempore, ut ita dicam.* Theophrastus item lib. de igne scribit: *quicquid flagrat tanquam in fieri est, sicut & motus, & dum generatur quodammodo corrumpitur, inque natalibus suis emoritur.* Similia tradit Galenus noster non uno loco. Res itaque sic sese habet. Ignium qui penes nos sunt alii liberè possunt sua levitate uti; alii gravium corporum admistorum quasi compedibus adstricti coguntur sequi motum præponderantium; alii non nihil quidè liberi sunt, tardè tamen sese possunt vinculis suis exsolvere. Isti detineri circa terram non queunt nisi vi facta, haud aliter atque grave aliquod corpus in medio aëre non hæret, sed ruit deorsum nisi per vim aliquid motum ejus impediat. At non patitur rerum omnium conditio, ut operculo motum ignis remoreris. Istiusmodi igitur ignis fertur sursum magna celeritate: neque adeò nobis usui sit nisi relicta sobole. Est autem facillimum igni similem sibi alium subito producere, si materiam nactus sit idoneam: cum summā polleat caliditate quæ omnium tactiliū qualitatum est maximè efficax. Proinde ut nunquā desit avolantium ignium soboles, opus est alimento unde illic possint in abeuntium locum alii substitui. Fitque heic simile quid atque in fluviiis, qui facillè exarescunt nisi ex fonte perennis aqua suppeditetur: tantum in eo disparitas

est, quod ignis avolans continuet sese per sobolem à se productam, aqua autem profluens sequentem aquam non producat. Est autem hujus generis cum alius ignis omnis aëre vel exhalatione quadam comprehensus, tum præcipue omnis flamma in aperto collocata. Unde obiter manifestum est, non minus vanos esse conatus illorum qui ejusmodi flammam perpetuam ex oleo quodam incomcombustibili construere nituntur, atque si quis velit fluvium sine fonte aut aliunde affluente aqua conficere. Sane incomcombustibile oleum, si quod est, non poterit nutrire flammam, nec flamma in aprico quidem posita sine perpetuo potest alimento conservari. Ne nunc dicam, quâ ineptiant qui ex metallis aut amiantho lapide, eo quod hic ellychnia præbeat aeterna, ejusmodi oleum elicere al-
laborant.

Cæterum hoc obiter. Causam autem ejus, cur flamma in aprico collocata indigeat alimento, non aliam esse quam eam quæ modo à nobis est allata, confirmant ignes reconditi, sive ad eum modum quem Sennerti verbis proposuimus, sive alias cineribus suppositi. Non aluntur enim hi vel certe parum aluntur quoniâ nihil vel parum avolat. Quod si & flamma posset ita occultari, ne ejus quicquam abeat in auras, non dubitamus itidem eam sine alimento perpetuari apud nos posse: sed illam occultationem penè esse impossibilem, ex ijs quæ mox addemus patebit. Confirmant porro sententiam nostram omnes ignes qui cum alijs commisti detinentur, ne possint libere sursum tendere: omnes enim illi servantur citra alimentum.

Alii necessitatem istam alimonia existimant proficisci ex eo, quod ignis parum resistat adversariis qualitatibus, atque ita undique ijs cinctus prope terram nequeat se tueri
nisi

nisi propagatione sobolis : quod ipsum nobis etiam aliquando placuit. Verum enimverò cum ignis maximè polleat calore, qui inter facultates tactiles est summè activus, absurdum profectò fuerit ignem minus quàm alia resistere contrariis qualitatibus posse. Ecquis sanè crediderit id quod maximè est efficax & potens contrariis edomandis à contrariis facillimè omnium corrumpi ? Sed & notissimum est corpora composita plurima suam acrimoniam, salsedinem, ardorem, quæ utiq; omnia ignem præsentem indicant, in maximis frigoribus tueri. Est verò id indicio certissimo, ignem compositorum illorum corporù resistendi facultate valere plurimum, neque frigore ignis vim facillè tolli. Ad hoc, jam exploratùm habemus non nisi illum ignem qui liberè potest hinc discedere alimoniam indigere, indigeret autem illà etiam alius omnis, si propterea, quod resistere non possit aduerso frigori, opus habeat ignis nutrimento.

Proximè ad opinionè modò productam accedere videtur Galenus noster: vult enim ignem *ab ambiente dispergi*, atque *ob id necessariam generationem eius, velocissimam esse*, quæ verba ejus sunt *L. de usu respiration. c. 3.* Non exponit autem, quæ non illa sit vi ambientis facta dispersio. Neque fingi alia potest quàm quæ fiat vi contrariorum. Quod abs re esse ante est ostensum.

Alii indigentiam istam alimenti credunt pendere à naturali cupiditate rerum sese propagandi. Falluntur autem etiam hi: utuè enim res naturales speciem suam propagare appetant productione sui similis, attamen perdurare aliquandiu possunt citra sobolem, id quod flamma in aperto posita non potest. Quid quod ipsimet doceant ignè clausum citra alimoniam subsistere? Non itaque, vel ipsis fatentibus, simpliciter omni igni ea inest similem

producendi apperentia, ut nisi possit desiderio suo satisfacere, mox interire illum sit necesse.

Caterum quod nos attulimus eo probe enodari dubitationem omnem, arbitror esse manifestum. Eadem quoque magna ex parte ratio est interitus illius, qui flammæ quasi peculiaris est. Scilicet flamma non tantum ignis est, sed ignis lucidus in motu positus: haud aliter atque fluvius non tantum est aqua, sed aqua profluens. Interit ergo flamma primò quidem si omnem ignis naturam amittat, hoc est si amittat caliditatem siccitatem & levitatem suam: secundario verò, si vel amplius lucere nequeat, vel si fluxus ille, ut ita loquar, flammæ prohibeatur; quomodo nimirum fluvius desinit esse fluvius si forte non nihil exarescat, aut alia nova aqua non affluat, etsi omnis ejus aqua interim non pereat. Igitur per contrarii vim perire cōvenit igni in quantum est ignis: adeoque hic pereundi modus maximè est igni naturalis, imò ita demum verè & propriè loquendo ignis corrumpitur. Dum lucendi facultas perit flamma quidem perit, verè autem ignis essentia eo ipso non perit: utpote quum non sit de ignis essentia posse lucere, imò paucissimis ignibus id sit datū; nec solis datum; ad flammæ tamen essentiam quoniā lumen pertinet, perit flamma pereunte non nisi lumine illius. Similiter perit etiam flamma quodocunque in ejus quæ abit locum alia nulla succedit. Ad flammæ autem conservationem requiri alimentum propter ejus levitatem maximam, antè est dictum. Proinde quod flamma intereat etiam citra contrarii frigoris vim, iidem in causa est illa levitas maxima. Verè igitur non aliter perit ignis quàm alia simplicia corpora vi scilicet contrariæ facultatis, cujusmodi est frigiditas: quando autem flamma desinit, non statim desinit ille ignis, qui paulo ante lucens

lucens flammam constituebat, verum ille pergit plerumque sursum, donec in media regione æris à frigore corrumpatur; interdum & altius ascendit, usque dum conjungatur illi igni, qui proximè sub luna habet suam sedem.

Hinc porro manifestum est, propriè loquendo, tum quando major flamma minorem consumit, non perire ignis essentiam (neque enim à similibus similia corrumpuntur) sed flammam tantum interire; quod fieri posse salvâ manente ignis essentiâ antè est dictum. Et verò illa minoris flammæ à majore consumptio tantum fit interceptione alimenti, quo sine nulla flamma est integra. Iam tum olim id observatum est Aristoteli pariter & Theophrasto. Illius verba adscribi & hic merentur. *Ἐπὶ δὲ μαράϊναι οὐ συμβαίνει πλείονος ἀλλοιομένου θερμῷ διὰ τὸ μὴ ἀναπαύειν, μηδὲ καταψύχειν. πικρὸν γὰρ καὶ οὕτω καταναλίσκει τὴν τροφήν πολὺ συναλλοιομένου τὸ θερμὸν, καὶ φθαίνει καταναλίσκον πρὶν ἐπιστῆναι τὴν ἀναθυμίασιν. διόπερ' ὁ μόνος μαράϊνεται τὸ ἐλαττόν παρὰ τὸ πλείον πῦρ, ἀλλὰ καὶ ἡ ὑπὲρ καύου τὴν ἢ τοῦ λύχνου φλόξ ἐν τιθιμένη πλείονι φλογί, κατακαίεται καθάπερ ὅπου ἄλλο τῶν καυσῶν. αἰτιον δὲ ὅτι τὴν μὲν οὖσαν ἐν τῇ φλογί τροφήν φθαίνει λαμβάνουσα ἢ μείζων φλόξ πρὶν ἐπιλθεῖν ἐτίραν τὸ δὲ πῦρ αἰεὶ διατελεῖ γινόμενον καὶ ῥέον, ὥστερ ποταμὸς, ἀλλὰ λανθάνει διὰ τὸ τάχος. Quandoque autem accidit marcescere ignem, quod nimis multum calor concervetur ex defectu respirationis & refrigerationis. Nam & ita citò nimis alimentum suum consumit, quando multo concervato calore absumentur alimentum antea quam nova succedat exhalatio. Quapropter non tantum minor ignis marcescit secus maiorem ignem, sed & ipsa lucerna flamma impressa maiori flamma, comburitur, sicut aliud aliquid combustibile. Causa verò est, quoniam illud alimentum quod minori inest flammæ interceptiè consumit maior, priusquam aliud adveniat. Ignis verò perseverat fluens semper & sicut instat flu-*

vij, laet autem hoc propter velocitatem. Hæc Aristoteles. Apparet verò ex hac doctrina obiter quantum fallatur Thomas Erasmus, existimans ignem, qui ad mistorum corporum substantiam pertinet, iidem *σβίση* aut *μαράσση* interire ad modum flammæ, adeoque corrupti mista corpora non tantum vi caloris externi. Causa scilicet erroris est, quod non viderit ignem illum quo mista constant non esse mobilem, nec fluere veluti flammam; neq; observavit *σβίση* & *μαράσση* esse interitus non cuiuslibet ignis, sed tantum flammæ. Ne quidem in corruptione ignis mistis innati, quæ compages cuiusque misti solvitur, ut ille ignis in aliam naturam commutetur aut prorsus intereat necessum est, sed sufficit si ille exhalet ex priore illa miscellâ: nam & ita corrumpitur innatus ignis saltem respectu prioris illius mixturæ, licet non simpliciter. Quod ipsum Aristoteles observans *libro IV. Meteor. cap. 1.* in putredine monet egredi *τὸ δυνάμει βεβηκὸν καὶ ζυγνῆσαι καὶ τὸ κατὰ φύσιν ὄντων.*

Verum hæc fortassis alieniora sunt nonnihil ab instituto. Non est autem cur & de levitate ignis quicquam denuo moneamus; quum satis sit scire levitatem esse principium motus localis sursum, hanc verò igni competere quam maxime. Neq; vero est huius loci disputare an levitas illa sit reapse idem quid cum caliditate, an verò diversum, quanquam posterius nobis verisimilius videatur, quoniam non videtur motuum specie diverforum, qualis est calefactio, motus scilicet in qualitate, & ascensio motus in ubi, unum posse esse principium proximum. Vnicum videtur sese hic obijcere quod jam tum inultos torfit: qui nempe fiat, ut cum ignis sit levis, aurum tamen aquâ fortî quam appellânt sale armoniaco instructâ, solum, addito lixivio facis vini aut cinerum clavellatorum similiumque, in pulve-

rem abeat, flammam concipere quidem maximè idoneum, qui tamen accensus magno impetu non sursum sed deorsum vergit, penè fulminis instar, unde auri fulminantis nomen haud inscitè accepit. Non enim rem expediunt ineptiæ Osvaldi Crollij, causantis salium armoniaci ac tartari, sulphuris item aurei aduersitates. An motus ille deorsum sit ab ingenita gravitate auri, quâ metallum illud alijs omnibus antecellit? Scilicet jam tum docuimus id quod vulgò etiam est notissimum, levem quidem suâ naturâ esse ignem & flammam, interim tamen rapti subindè deorsum vi & pondere eorum quæ sunt commista: quomodo ardens fax è summo tecto decidit. Igitur credendum est, pulverem illum aureum ocysimè quidem flammam arripere (quæ causa est & fulminantis sonitus & impetuosi motus) quod autem secus quàm pulvis tormentarius deorsum potius feratur quàm sursum, id fieri præ auri pondere multum superante levitatem flammæ. Quin haud est veritatè abssimile, non dispari de causâ ferri fulmina versus terram, saltem pleraque. Pleraque inquam; multa enim sursum cum impetu ferri indicant, nisi fallor, illa immania tonitrua, quæ nequeunt excitari citra fulminantis corporis motum, qui cum deprehendatur persæpe ad nos non deferri, sursum vergat necessum est. Neque verò probabile sit illam esse in media æris regione frigiditatem, ut levissimæ flammæ violentissimum impetum flectat deorsum: quum habeamus compertum, nullo quamvis intensissimo frigore tormētarij pulveris motum vel sisti, vel in præceps converti. Quod maximi magistri pace dictum esto. Et verò quidni veniam nos increamur, cum Theophrastus eodem nobiscum modo de motu ventorum disseruerit, uti referunt Alexander & Olympiodorus ad *libr. 11. Meteorologia.*

Verum hæc quasi extra viam fortassis: Reliquum est ut illius causa expendatur, qui fiat ut sine libero spatio ignis nequeat generari. Videtur autem illa non alia esse, quam quod omnis ignis tenui sit substantiâ, adeoque quando ex alio corpore per transmutationem generatur, rarefactione quadam sit opus, quæ fieri non potest, nisi ubi corpora cedere sibi mutuo possunt, duo corpora unico in loco non ferente naturâ rerum. Vsq; adeo sanè id verum est ut unū pulveris pyrii granum incensum occupet spacium centenis & viginti quinq; millibus granorum majus si credimus VVillebrordo Snellio. Pari de causa, & per compressionem verisimile est perire ignem: nimirum & ita per vim condensatio quædam fit, qualem tenuis substantia ignis non fert. Multò minùs autem fert compressionem flamma; quoniam nova flamma non potest produci, nisi loco item aperto: novæ autem flammæ productio exigitur ad flammæ justam conservationem. Ad hoc fumus (cujusmodi flamma omnis est) lucendi facultatem vel non suscipit, vel amittit si comprimatur, etsi eo ipso non statim deponat omnem ignis naturam. Manifestum id est in omni loco concluso fumis multis repleto: calet ibi sæpe quàm maximè citra omnem lucem aut novam combustionem; quod si conclusum illum locum aperias, confestim prorumpit flamma, compressione scilicet isthac è medio sublata. Ejus rei elegans exemplum memorat Iohan. Baptista Porta *lib. 12. Mag. natural. cap. 13*: est vero & aliàs in vulgus notum, præsertim ijs qui fornaculi chymicis assederunt.

Hæc causa fortassis est & ejus, quor aër necessarius adeo sit ad conservationem flammantis ignis. Enimvero sunt

rō sunt qui aëris illam necessitatem censeant esse nutritio-
 nis gratiā: aëre enim flammam nutriri. Verūm in ignem
 quidem aliquem aër potest, in flammam autem abire ne-
 quit. Ad id enim ut ignis luceat, opus est densitate aliquā,
 quomodo & color omnis in opaco est, aër autem quando
 in ignem vertitur, etiam solito fit rarior ac tenuior. Hinc
 nec ille qui proxime lunæ orbi subest ignis lucet, quoniam
 summè est tenuis adeoque perspicuus. Alij, inter quos &
 Andreas Cæsalpinus, acuti vir ingenij, & si quis alius solers,
 aërem necessarium opinantur, quò ignis possit effluere. Sed
 quemadmodum obice posito riv⁹ aut fluvius desinit qui-
 dem fluere, non tamen omnem aquæ naturam amittit, ita
 nec intercepto effluvio aut motu flammæ ipsa ignea natu-
 ra concidit. Nisi autem in aëre libero sint flammæ plæræq;
 non motus tantum tollitur, sed & ignis ipse esse prorsus
 desinit: adeoque aër parulus non tantum est propter ignis
 motum necessarius, sed etiam ut ignis essentia conser-
 vetur. Aristoteli videtur solius refrigerationis gratiā
 creditum aërem ad flammæ conservationem esse necessa-
 rium, refrigerationem verò requiri, ne citius proximum
 alimentum consumat, quàm novum possit præparari. Neq;
 verò ullibi alium aëris usum, qui ad flammam faciat ser-
 vandam, commemorat, hunc verò cum alibi tum impri-
 mis *de juvent. & senect. cap. v.* proponit ijs verbis, quæ
 jam antè sunt adducta. Ast ab aëre refrigerari flammam
 haud quidem potest negari, hujus usus autem usus ergò
 aërem esse necessarium (liceat quod res est pace tanti viri
 profiteri) vero est absimile. Vt enim modò dictum est,
 ne quidem generari ignis potest, nisi in spatio libero, ali-
 mentum verò exigitur tantum, ut fluxus ignis servetur,
 non autem ipsa ejus essentia. Quòd si porro aër solum-

modò refrigerationem præstat, cur non omnis flamma etiam in mediâ aquâ, perinde ut in aëre salva est? Aqua enim non minùs refrigerare flammæ principium, quàm aër potest. Neque verò est quòd dixeris, aquam plus justò refrigerare, namq; & tepida & fervida aqua flammâs plærâsq; exstinguit. Vt manifestò liqueat, non refrigerij unius ergò plærâsq; flammâs liberum aërem postulare.

Quum autem nullus ignis possit produci nisi in spacio libero, haud difficulter etiam patet, quid de conatu nonnullorm sit statuendum, qui moliantur perpetuas lucernas in vasis clausis construere. Neque enim vase clauso ignis, multò minùs flamma excitari potest, nisi aut pateat exitus aëri, aut ipsum illud vas possit distendi. Posterius sanè sit in illo experimento quod verbis Sennerti recitavimus: fit autem & aliâs, quandocunq; sive ferrum sive lapidis aliquis per ignem incandescit; namq; & hæc corpora tum solito magis tument, haud aliter atq; panis madidus, quod haud difficilè est observatu. Vt verò in perpetui vas aliquod ita igniatur, profectò à levi inclusa flamma impetrari non potest; nec illi mirabilium lucernarum structores ignem magnum qui foris lucernam ambiat & nutrimento egeat perpetuo construxerint, nisi pipulo velint differri. Atqui sine ignitione illa in vase exactè clauso ut flamma excitetur aut conservetur, impossibile est. Si vasculum verò illud non fuerit exactè clausum, evolabit flamma; adeoque necessarium fuerit alimentum. Impossibile verò etiam est, ut flamma aliqua priùs incensa mox contegi in totum possit, citra suffocationem, quod usus docet quotidianus. Sed hæc extra viam sunt: & verò jam tum nimis fortassis ab argumento in ignis doctrinam digressi sumus.

CA.

Ignem vitalem cordis esse mobilem ac levem, adeoque habere tantum in corpore quo nutritur, id verò non esse humidum aliquod primogenium aut radicale, ut nec aërem in inspiratione attractum.

Consequens est, ut regressi in viam ulterius Calidi ejus quod cordi est innatum, naturam perscrutemur. Quoniam autem supra est demonstratum, esse illud verum aliquem ignem, omnem verò, qui apud nos est, ignem aut alio quodam corpore graviore, cui est commistus, detineri, aut ab ejusmodi vinculo esse liberum præpollente levitate; necessum sanè fuerit etiam illum cordis ignem itidem alterutrius esse ordinis. Est autem etiam hoc jam tum monitum, eam observari saltem in animalibus perfectis, adeoque & homine vim & excellentiam illius ignis, ut facile liqueat non illum esse verà contrarium mixture fractum. Qui tale quid autem non est passus, nec ita ille alio quodam corpore continetur, quomodo in omni misto corpore ignis comprehenditur, sed solutior magis & sui juris levitate propria potest uti. Ejus rei indicium capere quoque licet, cum in univèrsum ex eo, quòd sine alimento nequeat superesse, soli autem leves & exhalare apti ignes nutritione indigeant: tum quòd tenui & levi humore, quale vini est spiritus aut vapor odoratus, capiat incrementum, id autem non aliter fiat quàm re illa in ignem transmutatà, res autem levis ac tenuis vi caloris non nisi in tenue quid & leve commutatur. Porro constat suffoca-

suffocatione etiam perire ignem nativum cordis. Neque verò id notum tantum est ex gutturis constrictione, imò illa quomodo mortem conciliet, meritò quis dubitet: verum pulcrè admodum id cernere est, si vivi animalis aperto thorace & pericardio, constringas venam arteriosam, aut in piscibus alijsq; id genus oviparis fistulam illam quæ ex corde tendit sursum, & venæ huic arteriosa responderet officio suo: ita sanè multo sanguine emori vim & calorem cordis cernere est, perinde atque multo oleo suffocatur flamma. Atqui hoc modo soli leves & mobiles ignes intereunt, ceu suprâ est demonstratum.

In hanc sententiam non possunt non nobiscum concedere omnes, quotquot flammantis ignis naturam calido nostro vitali adscripserunt. Est autem eorum numerus maximus, quod capite septimo patuit. Neque enim vel illos aliud sensisse est credendum qui nudè affirmarunt calidum illud ignem esse, utpote quum per excellentiam ignis vox non aliam soleat vulgò ejus speciem denotare.

Quum ita verò sese res habeat, necessum sanè est, ut ignis ille vitalis hæreat in alio corpore quo nutritur, quomodo scilicet alias in fumo aut carbone est ignis lucens. Namque & id esse necessarium ad conservandum levem mobilemque omnem ignem jam probavimus: estq; adeo jam tum nemini non manifestum. Liquet autem ex suprâ disputatis etiam hoc: diversam admodum esse rationem hærendi in subiecto aliquo corpore ignis immobilis, & ejus qui movetur. Illum quippe numero omni ex parte eundem permanere, hunc verò habere sese ad modum fluvij: adeoque illum verè detineri corpore alio, hunc autem videri tantum detineri, cum reapse perpetuò abeat, adhærere tantum alimento suo illam ignis partem quæ nondum discessit.

discessit, tardari quoque nonnihil motum ejus à gravitate
elementi pariter atque ab eo corpore, quod est ellychnij
instar. Itaque aliter ignis immobilis concluditur ac de-
tinetur à corpore illo gravi, quo cum commiscetur: ali-
ter verò à nutrimento atque ellychnio detinetur ignis mo-
bilis. Porro & alius est atque alius scopus utriusq; deten-
tionis: priore scilicet faciente ad id, ne quid omninò sen-
sim exhalet, posteriore autem tantum, ne citius isthæc fiat
exhalatio, quam possit alimenti aliquid in flammam com-
mutari, adeoq; ne fluxus flammæ intercadat. Porro prior
detentio facit, ut omnino idem numero ignis permaneat,
altera satis habet, si quadamtenus maneat idem, ad mo-
dum fluvij qui perenni fontè promanat. Unus enim ille
numero creditur, quoniam fluxus ejus est continuus, non
interruptus: quod soleat unū numero censeri etiam illud,
quod non est nisi continuum, prout rectè observatum
Aristot. lib. V. Metaph. c. 8. Attamen hæc identitas numerica
ab altera illa plurimum utiq; differt. Proinde, etiam ignis
noster natus, cum sit mobilis, hæret ille quidem in cor-
pore quo nutritur, est tamen ut & non hæreat: verè enim
non nisi perpetua sobole hæret: reapse enim cohaeret po-
tius aut adhæret suo illi alimento, quam, ut ipso compre-
hendatur, aut teneatur, quippe à quo nunquam non liberè
abeat. Ut proinde nihili sit eorum argumentatio, qui hu-
midum cui inest natus ignis negant ab illo igne consumi
posse, quod in unam utraq; substantiam coaluerint. Reapse
enim non magis ex duobus illis unum fit, atque ex spongia
& aqua, quæ illam ambibit.

Cæterum hæc leviora fortassis sunt, quoniam autem
corpore alatur ille ignis vitalis, adeoque cuinam ita coha-
reat, difficilius videtur expeditu. Namq; aut ipsa cordis

L

substan-

substantia, aut quod cordi inest aliud istam alimoniam præbet. Ast cor ipsum id præstare non est verosimile: In lenibus enim aliis cor in pulverem redactum reperiretur, haud aliter atque pruna tandem in cineres collabitur. Aridius nempe & quasi correptum id quidem deprehenditur, in pulverem tamen resolutum hæcenus nunquam visum. Quid, quod dudum ante illam ætatem id necessum fuerit accidere? Magna enim ignis illius vis est, ut qui possit in sanguinem illam caloris vim inducere, quæ toti corpori par est. Quantulum verò inest cordis substantiæ, quod satis sit tanto alendo igni? Certè prunam quamlibet brevè cernere est abire in cinerem, cor ne quidem longissimo spacio. Fortè nec conveniens fuerit animato corpori, si ignis ille sit in corde, ut est in pruna, ipsam si calefactionem spectemus. Namque cita opus est calefactione sanguinis, cum velox adeo sit ejus motus, atque à sanguine calefacto totum corpus debeat calere. Ex adverso qui in solido corpore consistit ignis, minus sese effert foras, minusq; promptè calefacit, quàm qui tenui atque levi inest subjecto. Quam differentiam liquidò cernere est in flamma & pruna, ut jam olim rectè observatum Theophrasto *libro de igne*, mutilo illo quidem & corrupto, per tamen elegante & docto.

Verisimilius possit videri, in corde, ab ejus substantia tamen distinctum, reperiri aliquid, quod sensim cedat in alimoniam illius ignis, idque aut aliquid constans aut perpetuo affluens, cujusmodi creditur àër & sanguis. Sanè receptum vulgò placitum est, per omne corpus à primo ortu esse aliquem diffusum humorem, radicalem hinc dictum, cui tanquam subjecto insit nativum calidum, quodque illi sit pro alimento usque ad naturalem vitæ terminum. Neq;
enim

enim (nisi quid accidat violenti) aliunde mortem evenire, quam ab illo humore absumpto, superstite illo vitam quoque salvam esse. Quod verò de omnibus partibus corporis verum est, illud maximè locum habere necessum est de corde, utpote quod extra controversiam omnium maximè calet, & alijs multis calorem impertit. Hæc sententia nescio an omnibus placeat hodiè, certè placuit à multis seculis plerisque omnium. Neque verò præter Arnoldum de Villa nova, Hieronymum Cardanum & unum alterumque, temerè alijs quispiam in dubium vocare illam ausus est: quam tamen sumpsit sibi confutandam ille apertè *libro de Humido radicali cap. 1.* hic obscurius *lib. 1. de Sanis. tuenda.* Primum ejus auctorem quem meritò dixeris, itidem fortè ignoratur. Quamvis enim jam olim ab antiquissimis philosophiæ magistris, interque eos ab ipsomet Aristotele, fuerit proditum aliquid de nativa partium corporis humiditate, tamen quod illa nutriat vitalem ignem haud legas in illorum monumentis. Contra quos tamen Galenus disputat *libro de marcore c. 3.* cum philosophi tum medici illius ætatis in hunc modum philosophatos esse verosimile est. Rescari enim, docuerunt, paulatim cum plantæ, ita animalia; quòd innatus calor (quæ veluti ignis quidam sit) augmentum ex materia unde accenditur, sumat; huic enim alligatum & ab hac inseparabilem esse: ideoq; primum quidem humidum esse atq; debilem; auferentem autem usq; ad vigoris atatem effulgere, & augeri & ad maximam magnitudinem attolli; hinc ex alimentis penuria paulatim marcescere, & hoc esse senectutem; postea verò etiam penitus extinguì, atq; hoc esse mortem. Ita illi, quæ profecto sententiæ de humido radicali planè gemina sunt. Itaque non etiam est quod fidem derogemus Averroi, qui in commentario suo ad *l. 1. de generat. & corrupt. text. 38.*

Alexandro Aphrodisiensi, nobilissimo illi Aristotelis interpreti, similem sententiam adscribit; certe Iacobi Zabarella excusatione non est opus, quam ille adfert *l. de Accret.*, & *Nutrit.*, c. 23. Namque hic ipse Alexander Galeno est coævus, Severi & Caracallæ ætate cathedrâ Peripateticam Athenis indeptus, ut ipsemet testatur initio libelli *de fato* Eusebio memorati opere *de praparat. Evangelicâ*.

Et si verò vulgò placeat, nutriri internum ignem conato quodam humore, in eo tamen solet hæc opinio dissidere, quòd alij doceant solum hunc humorem in alimentum nativo igni cedere, alij præcipuum quidem ejus alimentum hunc humorem esse, non unicum tamen, ali enim ex parte illū etiam sanguine, aut aliquo ex sanguine noviter confecto humore: in id enim magnam partem animalia ac plantas cibo potuque vesci, quo sanguis aut alius nativo humido haud multum dispar succus, confiat in calidi nativi nutrimentum, ne justo citius humidum primigenium vi illius calidi consumatur: quantumvis enim non omnino, tamen haud leviter sufflaminari posse adscititio hoc humido impetum innati calidi in humidum nativum.

Hæc satis speciosa videri haud negaverim, multum tamen abeunt à vero. Vt enim nunc de solius cordis igne disseramus, (à quo uno omnem alium esse infra demonstrabimus) tale aliquod humidum nulla quamvis attentâ investigatione deprehendas in corde, quemcunque etiam sensuum in consilium adhibueris. Humor autem omnis, corpus aliquod sensibile est. Qui illud itaque radicale cordis humidum omnium sensuum accuratum examen effugiat? Quid? si solo quidem illo humido alitur per omnem vitam nativus ignis, quantam ejus copiam corde contineri necessum est? Esto verò, subsidium alimonix aliquod prabe-

præberi à sanguine aut simili adventitio humido; si nunquam non à vitæ initio aliquid humidi nativi simul absumitur, etiam ita necessum fuerit magnam ejus quantitatem reperiri. Fac enim quotidie non nisi grani unius pondus perire, profecto ad vitam in annos centum amplius producendam, etiam sic aliquam multis libris fuerit opus. Certe plus integra humidi nativi libra requiritur ad conservandum ignem nativum cordis per annos centum, ut ut in diem non nisi tertiam grani partem deputes. Adhuc longè minus quotidianus usus exposcat, saltim uncia, saltim drachma unica fuerit satis ad omnem vitam; illa utique quantitas conspicua esset in corde foetus aut primum nati animantis: nec tamen vel hanc inde exprefferis. Porro undenam suppedtatus est ille humor primo vitæ momento? Num à semine maris, an à semine foeminae, an utriusque? Omnium sanè horum non nisi perparum in cordis substantiam totam cedit, ut docent rejecta ex utero aut in utero dissecto reperta aliquot post conceptionem diebus animalium rudimenta. Quantillum igitur humidi illius cordi connascitur! Quantillum ejus per omnem proceræ arboris substantiam diditur, quæ utique per omnes etiam ramos diffusum obtinet nativum calidum, & tamen plerumque nascitur ex semine perexiguo! Sanè tantillum humoris ad nutrimentum nativi calidi planè inutile & ineptum fuerit. Cor profecto debuit primo conceptus initio insigni aliqua magnitudine pollere, ut locus supersit per omnem ætatem suffecturo ignis nostri alimento, ex adverso vix tum guttulam æquat totum ejus corpusculum. Porro si sanguis potest alere nativum ignem, ut ipsimet largiuntur nobis, quid opus est nativo illo succo ad eandem nutritionem? Cur oportuit corpus nostrum gravari à

primo exordio humore illo, qui magna sui parte, demum post multos annos ignem alet? Reluctantur hæc prudenti naturæ consilio. Iam verò si ignis noster proximè quasi continetur humido hoc nativo, uti ferunt, etiam hunc proximè necessum est ab illo consumi. Aptus enim utique est consumi: naturales verò causæ in id quod proximius est agunt potius quam in dissita, si idonei sit pati. Ad hunc modum sanè flammam sese gerere in comperto est. Ita verò non poterit non statim prima ætate perire nativus ille succus; adeoque id profectò est à vero alienum, quod ajunt, in extremam usque senectutem illum superesse, neque deficere, nisi cum vitæ naturali termino.

Postremò vel ex sola imbecillitate rationum, quibus solet nativus humor adstrui, pateat, quantum sententia illa absit à veritate. Iam ante videlicet monitum, sensibus nostris minimè illum percipi. Quod verò neque sensus nos docent, neque rationes firmæ persuadent, illud suapte spontè corrui quasi commentitium. Princeps enim rationum quibus utuntur vulgò est, quòd calidum nativum sit unum à primo ortu, non possit autè semper unum idemque manere, nisi hæreat in subiecto, quòd itidem unum numero permanet. Verùm illa quidem argumentatio frivola est. Quòd enim ponitur tanquam certum, unum semper numero manere nativum calidum, illud jam tum non semel falsi coarguimus. Certè qui dicit aliquid nutriri, ille eo ipso fatetur, id quòd nutritur & perire, & in integrum restitui; adeoque omni ex parte idem nequaquam permanere. Qui prius ergo affirmant de nativo calido, & negant posterius, illi sibi metipsis in adjecto, ut loquuntur scholæ, contradicunt. Porro non omne subiectum cum eo, quòd illi innascitur, ita est conjunctum, ut si quâ subiectum

jectum mutetur, illa mutatio etiam afficiat illud, quod ei inhaeret. Soli enim illi subjecto id proprium est, quod sese habet ut materia ad formam suam, qui cum scilicet intinuitur. At non ita haeret in humido ignis natus, sed humidum illud est subjectum nativi ignis, quemadmodum aqua est subjectum navigij in aqua natantis, aut spongia aquae quâ madet. Quidni itaque sicut idem manet navigium in aqua profluente, etiam idem maneat (si opus sit) natus ignis, tamen si humidum illud fiat aliud atque aliud?

Dixerim ego in altero argumento plus esse roboris, quod capitur ex humiditate corporis in prima ætate, & ejusdem siccitate in senectute. Certum quippe est, partes corporis initio non in nobis tantum, sed etiam in alijs animantibus imo in ipsis plantis multâ abundare humiditate, eoque molles esse atque flexiles, easdem verò tempore indurescere atque exsiccari, ut senectus tandem laboret siccitate non minus atque frigiditate. Vnde autem illa primæ ætatis humiditas, nisi à connati humidi abundantia? unde siccitas senij, quam ex defectu humidi illius connati? quid humiditatem absorbit præter nativum calidum? quor illo absumpto simul etiam deficere incipit calidum nativum, nisi in alimentum cesserit humor iste? deficit quippe ignis deficiente alimento; hoc si perpetuo in promptu fuerit, æternum liceat ignem servare, non minus atque id factum à Vestalibus aut sacerdotibus Persarum, Hebræorum, aliorumque.

Ut ut verò hæc ratio sit speciosior priorè, fallit tamen etiam hæc verosimilitudine. Etenim humiditatem primæ ætatis esse ab humido quodam connato, si rectè rem explices, verum est; ut solet à multis exponi, est falsum.

Conna-

Connatum quippe vulgò appellant multi tantùm id, quod primo conceptus momento connatum est; ut reliqua omnia sint adventitia; quam illius vocis interpretationem à Galeno habent. Hòc sensu falsum profecto est omnem illam humiditatem esse connatam, cum illa humiditas sit omnibus partibus primùm natis communis, quarum tamen maximus numerus momento illo primo conceptionis magis minulve est posterior. Plurimarum scilicet partium corporis nostri una post aliam generatur, ut quædam jam productis in lucem animantibus demum adnascuntur. Omnia enim simul nasci procul à vero est: quod & rejecta *scilicet* docent & liquido perspicere est cum in alio omni animantium genere, tum clarissimè & citra laborem in ovīs incubans tempore contractis. Contingit idem & plantarum partibus, etiam multis annis primo earum momento junioribus, ramis ajo, folijs, floribus. Porro interim dum nutriuntur animalia & plantæ, ex alimento quædam generantur in locum eorum quæ sensim pereunt, quæ itidem initio sunt molliora & succulentiora: caro certè in ulceribus aut vulneribus primùm nascens humidior est. Cæterum jam tum supra professi sumus, minus rectè vocem illam connati aut innati à Galeno nostro acceptam esse. Si connatum itaque appellas omnem illum humorem, qui simul cum qualibet parte natus est, etsi non primo conceptus momento, largimur etiam nos molliem partium ætatis primæ à nativo quodam succo esse, & siccitatem senij ab ejus defectu. Fatemur quoque exsiccationem illam potissimum fieri yī innati calidi. Potissimum inquam: sunt enim & alia multum adjuvantia, ut alimenta quædam, ut aer circumstans, ut animi affectus, ut morbi nonnulli. Sed absumi humiditatem illam in alimoniam

connati

connati ignis, atq; illa humiditate nutriri ignē nativum id verò nō admittendum est. Posse sanē exsiccari quædam ab ambiente aëre, quæ calorē istū non alant, imo nihil eo frequentius esse, sole meridiano est clarius. Quidni itaq; & nativus ignis partes corporis nostri possit exliccare, etsi earū humiditatē non depascatur, aut in sui alimentū convertat?

Habet nimirum res isthæc omnis sese hunc in modum, ut quidem nos eam hic brevibus explicemus. Partes omnes ex liquida materia, sive semen sit sive sanguis sive utrumq;e, conficiuntur, & quidem sive primo generentur sive reparentur per nutritionem. Accipiunt autē consistentiam suam aliæ à calore, aliæ à frigore, aliæ ab utroque per vices quasdam: quod ipsum & Aristoteles jam olim eleganter docuit *lib. 2. de Generat. anim. c. 6.* & expositum est à Galeno non semel, & à nobis quoque nonnihil uberius traditum in ijs, quæ de nutritione hominis disputavimus. Exigit verò natura animantium imo viventium omnium, ut, licet consistentiam aliquam partes pleræque, nonnullæ & duritiem quandam habere debeant, tamen & mollities aliqua necessario supersit, magis tamen minusve in alijs atque alijs partibus, quò singulæ officio suo queant fungi. Neq; enim actiones animæ possunt exerceri à corpore planè duro, cujusmodi silex aliquis est: ideoque nec tale aliquod corpus vivum ullibi reperitur. Nam & testæ conchiliorum & corallia & quæ alia in plantarum animaliumque ordine lapideum quid præ se ferunt, humidi plus longè retinent atque lapidum alij: argumento est, quod ex illis & aquam & oleum combustile ars eliciat, ex lapidibus non possit: quicquid gemmarum liquores proprios jactent nugivenduli. Hæc causa est quare ad vitam cujusque partibus humiditas sit usque adeo necessaria, ut paulatim defici-

M

ente

ente illa senectus adsit, & tandem vita ipsa necessario deficiat. Est autem hujus humiditatis plus necessarium ad primam ætatem ut & secundam, quoniam crescere corpus debet in justam staturam, id quod fieri non potest absque ipsorum ossium eximia lentitudine atque ductilitate. Quod incrementum cum sequentibus annis desinere, ex adverso autem corpus gravioribus par operibus esse debeat; hinc consentaneum est naturæ, ut illa ætate partes solito magis indurescant, & quidem usquedum operationibus animæ utile est; quem terminum ubi superaverit illa exsiccatio, sensim partes arefactæ patiuntur detrimentum senile. Adhunc autem scopum consequendum optimè omnia sunt instituta. Quum enim, ut ante diximus, partes omnes ex liquida materia componantur, quæ sive frigoris sive caloris vi haud faciliè induratur, non potest non prima eamque subsequens ætas præ reliquo tempore abundare multa humiditate. Hujus succi nativi partem sensim absumi, partem in senectutem usque ultimam superesse, adeoque ab hujus consumptione esse senilem siccitatem etiam nos ultro largimur. Cæterum (ut ad cor iterum nostra disputatio sese restringat) non est ille succus à cordis aut aliarum partium substantia distinctus, sed intinè illam constituit, utpote cum cor aliæque partes molliorem ac lentitudinem suam nativo & proprio humido debeant. Ut itaque sic se habeat cor, tamen hinc non sequitur præter cordis substantiam reperiri aliquem in eo humorem nutriendo nativo igni: quod volebant illi quibus cum nobis nunc res est. Porro etiam hoc largimur: successivam illam exsiccationem cordis aliarumque partium fieri vicalidi innati vitalis. Neque enim prætexemus, permultos eosque magnos viros & olim & nunc opinari, ab eo qui-

qui cuique parti commixtus est ignis, cuiusque vi sibi constat compolitum quodvis corpus, fieri istam naturalem arefactionem: fatemur enim fieri non posse salva misti alicujus essentia, ut quæ in vnum corpus coaluerunt diversa elementa, etiam postquã sunt coalita in sese mutuo agant, seseque ipsa corrumpant, sed cum Aristotele, credimus omnem misti corporis corruptionem ab externo principio proficisci. Ab innato autem vitali igne exsiccari partes quidni ultro largiamur? quum fieri nequeat, ut tantus ignis, qui cordis substantiæ est quasi alienus, sensim cor non exsiccet. Etsi enim ille humiditatem nativam cordis etiam tueatur partim interventu sanguinis, quem & coquit & ad cor ducit, partim arcendo frigus, quo itidem cordis substantia potest exarescere: tamen ne sic quidem caveri potest, quin nativi succi aliquid pereat: fere ut ellychnium ab oleo aliaque pinguedine satis instructum tandem tamen etiam ipsum consumitur. Verum enimverò exsiccari cor aliasque partes ab innato igne, eo quod ignis ille nutriatur succo primigenio, id quidem negamus. Et sanè quid est notius, quam vi ignis corpora indurari, tantum resoluta & in auras abeunte humiditate? Quidni autem idem & in animalium corpore contingat? Certè hoc creditu per est facile.

Nec tamen fortassis hoc uno modo fit naturalis illa cordis aliarumque partium exsiccario. Quum enim perfundantur partes corporis omnes alimentario humido, quod simul partes terreas multas comprehendit, idq; ipsu fiat à primo vitæ exordio, non possunt non interdù evaporante eo quod tenue & leve est, terrestria quædam recrementa superesse, quæ in unum coacervata indurantur; haud secus atque fumus lateribus fornacis adhærescens,

ubiid, quod in eo est humidum & tenue exspiravit, in sy-
liginem siccam concrevit. Illa porro terrea rejectamen-
ta meatus partium coangustant & obstruunt, adeoque af-
fluenti humido alimentario intercludunt viam, simul &
ingressum nativi ignis à corde promanantis impediunt,
quippe qui una cum sanguine quaqua versum penetrat,
quod infra demonstrabitur.

Cæterum hæc quidem omnia iusta prolixitate docere
non est huius loci. Non tamen vel sic omnem dubitatio-
nem de innati ignis ex primigenio humido nutritione satis
è medio tulimus. Constat nimirum, cum illius succi na-
tivi consumptione & arefactione partium extinguí ignem
nativum ipsiusmet cordis, quem tamen ab ejus carne
substantia diversum esse diximus: non apparet autem quid
ille à corde distinctus ignis necessario pereat corrupta cor-
dis nativa humiditate, nisi hæc in alimoniam ipsi cedat.
Certè illum sine hac superesse non posse certum est. Qui
indigeat autem succo quo non alitur? Non difficilis au-
tem est responsio. Cernimus enim flammam aliquam
conservari non posse ex arefacto jam ellychnio; nec tamen
nativo succo ellychnij ceu alimento opus habere flam-
mam, argumento sunt ellychnia *ἀσβεστά* ex amianto lapide
confecta, quorum succum flamma non depascitur. Pro
ellychnio autem esse cordis carneam substantiam non mul-
tò post docebimus. Porro nisi illa quæ ex elementorum
est commistione structura partium integra sit, non potest
pars ulla officio suo fungi cum in alijs tum etiam in co-
quendo alimentario humore: eoque nec cor poterit rectè
excoquere sanguinem per ignem nativum quem continet,
nisi simul & carnea ejus substantia sese rectè habeat. Iam
verò sanguis omni ex partè crudus non potest alere ignem

nati-

nativum: eoque interire illum alimenti defectu necessum est tantum exarsceta & vitata cordis carnea substantia, etsi illius succo minimè alatur, nam sanguine nutriri, mox itidem demonstrabitur.

Itaque quod primogenium humidum & aliarum partium corporis nostri & cordis ipsiusmet non pereat ætate, eo quod in nutrimentum abeat nativi ignis, sed quod vi circumstantis caloris evaporet illud, (nisi fallor) satis est manifestum.

Idem autem nobiscum, si non omni saltem potissima ex parte, & Aristoteles & Galenus docuerunt: uterque enim credidit sanguine ali nativum calidum; nec minus ramen uterque agnovit naturalem illam partium corporis, quæ cum ætate fit, exsiccationem. Illam porro corruptionem institui ab adventitia & circumstante quadam caliditate, non autem ea quæ singulis partibus est commissa, clarè docetur ab Aristotele *lib. 4. Meteorolog. c. 1.* senectutē enim & ariditatem viam esse ad putredinem, aut misti corporis dissolutionem, putredinem autem rursus effici *ἡ δὲ ἀσθενεία ἀπὸ τῆς ἀραιοῦς* (inquit) *ἢ τῆς ἀραιοῦς*. Nec tamen intelligi ab illo caliditatē, quæ externo ambiente aëre comprehenditur, colligere est *ex 17. capite lib. de Respiratione*, ubi traditur naturalem mortem quæ ex senio est, fieri propter arefactionem pulmonum adeoque prohibitam cordis refrigerationē, causa interitus in ipso corpore latitante, ut affectus ille non sit *ἄνωγος*: violentæ autem mortis principia foris advenire. Cum quibus tamen exactè congruere doctrinam de longitudine & brevitate vitæ quæ *ex 1.* illius argumenti opusculo traditur, vix ausim dicere: nisi Aristoteles eo loci simplicius magis voluerit definire etiam violentam viventium corporum corruptionem. Ga-

lenus quoque (fateor) in eo à nobis dissentit, quod exsiccationem illam naturalem attribuat calido, quod partium singulis permistum est: quantum liquet ex ijs quæ libro primo de sanit. tuend., libro de Marasmo. libro L. de temperamentis & alibi disputantur. Nec tamen demonstravit, quemadmodum partibus inesse possit illa vis ignis, quæ necessario cor cum tempore exsiccet, id quod infra excutiemus.

CAPVT X.

Ignem vitalem cordis non ali aëre per inspirationem attracto in pectus.

EX hisce verò quæ hætenus attulimus jam nemini non est manifestum, non ali nativum cordis ignem succo quodā congenito, qui vel ad ipsam substantiā cordis pertineat, vel hæreat semper in ejus vacuis spatijs: necessum igitur est aliud quidpiam & quidem subinde noviter affluens atque adventitium alimoniam hanc præstare. Est autem ejusmodi aliquid citra controversiam sanguis. De aëre idem vulgò creditur. Quapropter exigit instituti ratio videre, numquid horum utrumque vel alterutrum nutriat ignem aut non nutriat, initio ab aëre facto.

Et quidem aëre ignem cordis nutriri jam tum veterum nonnullis esse visum ex Aristotelis *l. de respirat. c. 6.* est intelligere, qui eos sibi sumpsit confutandos. Nec desunt hodie qui in illas partes & Hippocratem trahant, qui libro de Alimento dixerit: *δεξι τεσφης πνεύματος πλες εσται, βελυχ, πνεύμων, καὶ ἡ αἷα διανυνη.* Verum ut largiamur librum illum Hippocratis esse, sermo huic auctori est de nutritione non ignis nativi, sed spiritus: eoque & Galenus *l. de Viril. Respir. cap. 5.* verba illa accipit de solo spiritu animali, qui creditur cerebro & nervis inesse. Expressius hoc
ipsum

ipsum habetur *lib. de Flatibus* quem Hippocrati jam olim ad scriptum esse liquet ex commentarijs Alexandri Aphrodisiensis ad Meteorol. Aristotelis l. 2. Ibi enim legitur: *animantium corpora triplici nutrimento sustentari, cibo, potu, ac spiritu. Spiritum in corpore animalis contentum appellari flatum, extra corpus dispersum esse aërem, qui maximè sit in omnibus quæ corpori accidunt & auctor & dominus.* Quod verò habetur *l. de Natura puer: πᾶν τὸ ζῶον τὸ ψυχρὸν καὶ ὀρεκτὸν τὸ μετέριον* id tanquam figuratè dictum potest accipi, quemadmodum alicubi Cornelius Celsus scribit, vulnera suis medicamentis nutrienda & pus alendum diutissimè. Sed & auctor *lib. de Corde*, disertè negat aërem inspiratum in alimentum cedere, quoniam est crudus: habetur autem & ille vulgò Hippocrates. Estque proinde verius, ignorari, quid hac de re ut & de omni respirationis usu, Hippocrati placuerit. Cæterum ab auctore *libri de alimento* fortassis nec Praxagoras discessit, conservari animam aëre inspirato docens teste Galeno: aër sanè multis visus est pro anima esse, ignis paucis: & ipse Galenus *lib. de Usu Respirationis: c. 2* Praxagoræ & Philotimo adscribit animalis spiritus ex respiratione nutritionem. Certè eadem mens fuit Aristogenis, sive Thasij, sive Cnidij (duos enim memorat Suidas) quicum reseat Straton Lampfaceno in fragmentis libelli de Spiritu. Nec sensitaliud Erasistratus: ut ut hunc ab Hippocrate alienum esse velit Galenus noster *lib. de Usu respirationis: cap. 1.* ut & *lib. quod sanguis in arteriis contineatur.* Omnes (inquam hi) sicut fortasse & pœtæ, profitentes æthereæ vesicaura homines dum vivunt, in id quidem consentiunt, quod aëre inspirato nutriatur spiritus quidam nātivus, quem vel animā ipsam esse credunt, vel animæ instrumentum movendo corpori idoneum: est tamē ille spiritus ex o-

minium

innium istorum sententia non ignea sed aërea naturæ, atque adeo ab igne cordis nativo quidquam alienum, quod ipsum jam tum supra monuimus. Num Galenus existimaverit aëre ali internum ignem, nec ne, fortassis haut licet definire. *Libro enim de Vsu respirat*: (quo hoc argumentum maximè omnium tangit) calorem nativum aëre quidem refrigerari, solum verò animale spiritum illo nutriri docet. Neque enim illi aëri qui *c. ult.* scribitur attrahi in cor & arterias, alius usus tribuitur præter refrigerationem caloris nativi. Idem docetur *lib. de Vsu pulsuum*, passim in opere de *Vsupartium* & libro de *Odoratis Instrumento*. Tamen *lib. 7. de sentent. Hippocrat. & Platonis c. 3.* videtur velle, quod etiam Spiritus vitalis cum tenui sanguinis halitu tum aëre enutriatur: quam sententiam nihilominus quanti senex fecerit, apparet ex libro 12. *Metb. Medendi c. 5.* ubi animalis spiritus nutritionem ex aëre, manifestò sibi demonstratam quidem jactat, vitalis verò demonstrationem fatetur non ita manifestam esse, non esse autem à ratione alienum in corde & arterijs illum contineri, qui maximè quidem ab inspiratione nutriatur, sed tamen etiam ex sanguine. Quæ profecto indicant sententiæ fluctuationem. Tamen arripuerunt penè omnes quasi Galeno auctore constitutum, spiritum vitalem aëre nutriri: cumque idem Galenus *lib. 2. de med. facult. cap. 9.* dixerit calorem nativum esse, quem in quoque animali nativum spiritum nominamus; conclusum vulgò est, nativum calidum non solo sanguine, sed etiam inspirato aëre nutriri atque conservari: paucis admodum agnoscantibus aliquod inter spiritum & calidum nativum discrimen; quod tamen factum est ab Isaaco & Haly inter Arabes magnæ famæ medicis, ex parte etiam à Petro Apennense diffusa doctrinæ viro; ceu liquet ex *diff. 59. Concil.*

Quam-

Quamvis igitur vulgò illa de nutritione nativi ignis ex aëre opinio sit vulgaris, ex veteri tamen ævo (si quod res est dicendum est) paucos habet approbatores. Nec tamen fas est hoc uno nomine illam rejicere tanquam vero haud consentaneam. Attamen non admittenda nobis videtur multis de causis alijs. *Primo* enim adeo est aëris in ignem prompta commutatio pariter & levitas, ut omnino non possit ignem aliquem apud nos continuare. Nimirum quod leve admodum est, id accensum citius avolat, quàm ut infra sese quicquam caloris excitet: quod vel exemplo optimi pulveris pyrij manifestum est, neque enim hic accensus infra sese ignem creat, cum tamen aëre sit gravior, & minus aptus in ignem verti. Certè aërem in ignem versum longè citius pulvere pyrio accenso sursum moveri, illo quoque citius mutari in ignem ob majorem qualitatum *συμβολισμὸν*, necessum est. Confirmat quoque idem quotidiana experientia. Neque enim apud nos ullus ignis conservatur aëris alimoniam. Quod verò aër ignitus sublato igne flammeo videatur aliquamdiu idem numero superesse apud nos, id ipsum sit aut violenta quadam detentione ac conclusionem illius aëris, ut in furno ac hypocausto; aut simul calefactis alijs vicinis crassioribus corporibus, quæ calorem acceptum in proximo aëre interim dum calet nunquam non propagant efficacia sua. Hinc si vicina corpora illa calefieri vel prorsus nequeant, vel difficulter, tum aut frustra, aut magna cum difficultate laboratur in aëre calefaciendo alicujus spatij.

Secundo cum ejusmodi ignis, qui cordi humano inest jam adulto insit jam tum foetui latenti in utero materno, cum insit etiam piscibus, deberet utique & in his conservari per aërem: nec tamen vel embryon, vel piscis aërem

N

inspi-

inspirando adducit. Quæ argumentandi ratio & Aristoteli placuit *l. de respirat. c. 6.* & Stratonem Lampfaceno *lib. de Spiritu c. 1.* Embrya autem & pisces non ducere spiritum, alibi multis demonstravimus Aristotelis vestigiis insisteres. Quod si verò solus sanguis potest ignem nativum alere, uti alit certè in embryis & piscibus, sine causa fuerit etià aërem huc trahere. Natura autem nihil frustra molitur.

Accedit *tertiò* quod in nobismetipsis experiamur penè singulis momentis, inspirato aëre calorem cordis refrigerari, & quidem quò respiratio est frequentior, eò magis etiam contemperari calorem cordis. Si alitur verò inspirato aëre natus ignis, per repetitam inspirationem calor non potest non crescere, tanquam fomite novo suppeditato. Neque enim ea est frigiditas aëris quæ non facile possit superari ab ignis nostri fervore, eoque impedire non potest levi suo frigore, quin per novum *πύρραμα* potius calor noster increseat: haud aliter atque exiguum illud quod oleo actu inest frigoris non obstat quo minus flammam alat lætissimam. Sanè etiam alimentum, quod multa adhuc eget coctione antequam nos alere possit, initio frigesacere nos posse dum omnimodo est crudum, etiam ipsi profitemur cum Aristotele *l. de Juvent. cap. 6.* sed aëris natura longè est igni affinissima, atque in ignem facillima mutatu, ac proinde hujus planè alia est ratio quàm alimentorū, utpote qui levicula mutatione in ignem transeat.

Notandum *quartò*, aërem calidum præ frigido esse aptiorem nutriendo igni, & hoc potius delectari naturam nostram, quàm illo. Est autem hoc certum indicium, non adduci aërem nutriendi ignis nativi ergo; deberet enim aliàs major esse voluptas & majus commodum à calido aëre, quippe, qui juxta illam hypothesein naturâ esset conven-

nien-

nientior: oritur enim voluptas ex eo quod nobis par est & congruum.

Præterea *quintò* non potest aër inspirando in cor adduci, non potest ergo etiam illum, qui in corde est ignem alere. Est enim via aliqua ex ramis asperæ pulmonum arteriæ usq; in cor; cum aër accensus magna vi tendat sursum, illâ viâ ex corde in pulmones sensim nunquam non egreditur ignis natus, adeoque non poterit eadem via aër in cor descendere: præsertim cum via illa indubiè sit angusta, & facilius ignis sursum per angustias possit elabi, quam aër per eas descendere. Adeo etiam velociter inspirationem insequitur exspiratio, ut id quod inspiratum est non possit non statim rejici: quippe cum procul dubio id effleatur, ex illis nescio quibus angustis cordis spiraculis, quod maximè in promptu est, magis in promptu autè sit arteriæ asperæ id quod præcedente inspirationis momento in angustias illas illapsum est, quam quod in iisdem angustijs jam non hæret. Namque ut inspiratione aliquid in spiracula illa adducitur, ita necessum est per expirationem aliquid ex iisdem vicissim reduci.

Cæterum non dantur ejusmodi spiracula aut viâ aëri commeando in cor idoneæ: neque enim utut pulmones adhuc calentes magna vi folium inflaveris, cernere erit cordis aliquam partem vel leviter hinc intumescere. In suffocatis etiam plurimo aëre cor præter solitum turgeret: nec tamen vel hoc deprehendere est.

Fatemur tamen aliud visum esse ipsi Aristoteli alijsq;. Ille enim *lib. 3. Hist. animal. c. 3* disertè scribit de tribus cordis sinubus: συντίθενται ὡς τοι πάσαι κοιλίαι πρὸς τὸν πνεύμονα, ἀλλὰ ἀόηλον διὰ συμμεσότητά των πόρων, πλὴν μιᾶς. Iam ante *lib. 1. historia c. 16.* scripserat: *Cor arteria (asperæ) jungitur*

obest cartilagineis fibrosis vinculis & qua annectitur cavitas est. Cum arteria inflatur, in nonnullis manifestum non est, in majoribus autem animalibus liquet, quod spiritus in cor feratur. Ut & ejusdem libri sequente capite de tribus cordis sinibus: Omnes ad pulmonem foraminibus pervij redduntur κατὰ δὲ κατὰ μίαν τῶν κοιλιῶν καθῶτιν ἐκ τῆς προσφύσεως. Ibi dem etiam alias vias indicat, quod aer possit in cor pervenire, nempe duo vasa levia pulmonum, quæ hodie venæ arteriosæ & arteriæ venosæ nomine audiunt: hæc enim excipere aërem ex ramis arteriæ asperæ non quidem per aliquem κοινὸν πύργον, qui nempe pateat aperto orificio ex arteria asperâ in horum vasorum substantiam, sed tantum διὰ τῶν σὺν αψιν, quod nempe vasa levia ista ramos asperæ arteriæ tangant. Libro item de respiratione c. 15. ubi tamen perperam fit capitū sectio, inquit: simul autem & ad principia caliditatis quæ in corde est progreditur spiritus de facili. Quo autem modo cor perforationem habeat ad pulmonem, oportet contemplari, ex libris ἀνατομικῶν & ex historiis de animalibus scriptis. Quæ verba Aristotelis utique sententiam clarè exprimunt. Ut proinde nihil agat ὁ χαρτέτης & Hofmannus lib. de Thorace 3. c. 7. dum conatur dubium reddere, num Aristoteli placuerit quod aëris substantia cor ingrediatur. Neque enim ejus momenti sunt quæ adfert ut tenebras possint adeo claræ luci objicere. Cujusmodi enim est illud? Contradictoria hic adferri quod aër non ingrediatur per πύργον κοινόν, & tamen ingrediatur per tria foramina: non enim prius illud dixit Aristoteles simpliciter, sed tantum de ingressu aëris in vasa levia pulmonum. Quale & illud? Ea quæ 16. capite l. 1. histor: habentur fortè ab aliena manu esse: monstravimus verò eadem dici & cap. xi. & l. 3. histor. Nihili præterea est illud: opus historiarum exoterici generis esse, eoque

edq; non esse ex illo petendas sententias Aristotelis genuinas, præsertim si in acroamatico opere aliud doceat, *libro* verò *de respiratione c. 6.* refutatum illum ingressum aëreæ substantiæ in cor, quod qualitate aëris sola nos indigeamus. Fuerit enim historia exotericis annumeranda, falsum tamen est alibi ab Aristotele negatum esse aëris in cor transitum. Ex ipso libello de respiratione aliud probatum dedimus. Vtque *c. 6.* neget nativum calidum nutriri aëre, non tamen negat substantiâ ejus esse opus ad illius calidi refrigerium: existimavit enim refrigerium illud rectè præstari non posse, nisi ipsa frigidi aëris substantia in cor sese penetraret. Sanè usque adeo clara est Aristotelis de aëris in cor ingressu sententiâ, ut de ejus sensu dubitare non debeamus: edq; velut in alijs multis ita nec in eo tolerandus sit acutissimi vir ingenij Andreas Cæsalpinus *l. 5. quæstion. Peripatetic. quæst. 4.* pro Aristotelico placito probans id quod ibi defendit: *respiratione non intrinmitti aliquem spiritum externum in cor*: neque enim fas est cuiquam erranti commentitijs interpretationibus & excusationibus veniam petere.

Vt de Aristotele verò ita nec de Galeno ambigendum est, etiam huic ingressum illum aëris in cor placuisse, neq; enim ille paucis tantum hisce verbis *l. de Vſu respiration. cap. 5.*, sub finem id professus est: *quod quidem aliqua aëris pars circa distensionem cordis in ipsam cor attrahatur, ut expleat factam evacuationem, id ipsum magnitudo distensionis ipsius sufficiens indicat*: sed pluribus etiam viam illam indicavit *l. 7. de Vſu partium c. 8.* arteriam nempe venosam. Prorsus idem verò jam olim placuit Erasistrato, etsi usum ingressi aëris alium assignaverit. Imo penè dixerim plerisque non tantum qui sunt Galenum secuti, sed etiam qui ætatem ejus præcels-

runt, aëris illam in cor receptionem arritisse, etiamsi unius refrigerij ergò id fieri opinati sint: neque enim viderunt quomodo refrigeratio vel cordis vel sanguinis in vasis effici possit, nisi admissa ipsa aëris frigidi substantia.

Quantumvis verò hæc ita vulgò ferantur, persistimus ramen in eo, quod non detur via aëri ex pulmonibus in cor. Neque verò ullius est ponderis illud quod adfert Galenus, aëris ingressum ex magna distensione cordis apparere: omnem enim illam in utroque sinu esse à sanguine recepto vel oculis cernere est in qualibet vivi animalis sectione. Porro fibrosa illa vincula concava, quibus cordis tres sinus cum ramis arteriæ asperæ connecti vult Aristoteles, & conspicuum unius illorum orificium in cor patulum, miror profectò quis incomparabili viro mendacio suo suggesserit. Certè ab aliquo hic esse Aristoteli inter aliorum negotiorum occupationes impositum, clarius est, quàm equidem velim. Per solam *συνάψιν* verò atq; nullius *πύλης* adminiculo, ex ramis arteriæ asperæ in ramos vasorum levium pulmonis pervenire aërem, non temerè quis admiserit perpendens crassitiem & densitatem bronchiorum pariter & utriusque levis vasis, præcipuè autem venæ arteriosæ.

Non possumus autem admittere etiam Erasistrati, Galeni, aliorumq; *ἀναστομώσεις* bronchiorum cum ramis arteriæ venosæ, quoniam neque sensibus percipiuntur, neque ulla ratiocinatione possunt probari. Certè arteriam venosam non minus atque alias venas sanguinem vehere indefinente motu, post Realdum Columbum & alios multos adstruximus nos in disputationibus de Sanguine: ubi simul causam quoq; attulimus, quamobrem illa necessario acciperit venæ substantiam, simulq; nonnihil sit amplior quàm
vena

vena arteriosa, ne quis causetur cum Galeno eam amplitudinem esse, ut aerem possit aliquamdiu continere & in usum spirituum coquere. Quod tamen placitum haud facile conciliaveris cum illo: inspirari aerem in cor tantum refrigerationis gratia: cum aer jam ab igne coctus temperare ignem commodè nequeat.

Porro aerem neque per venam arteriosam neque per arteriam venosam trahi in cor argumento est, quoniam utrumque vas sanguine plenum est in vivis: aer itaque statim cum sanguine confunderetur & ita seorsim non posset cordis ignem vel alere vel refrigerare, adeoque frustra illuc duceretur. Non potest etiam aliquid deferri ex pulmonibus per venam arteriosam quidem: quoniam, ut vivorum anatomè docet & probat ratio, nihil prorsus sanguinis per eam refuit in cor, sed in quavis cordis contractione validè in pulmones ex corde sanguis propellitur. Eoque liquet non esse necessum ut aer illa vi eat in cor. Si autem hoc non est necessum, sine causa etiam iret aer per arteriam venosam. Sive enim refrigerij, sive alimoniae calidi nativi gratia isthuc requiri dixeris, exigitur idem & in dextro ventriculo, ut qui itidem calidum nativum comprehendat, adeoque itidem sive refrigerio sive alimonia aeris indigeat. Quod si verò non opus est, ut in dextrum ventriculum feratur aer (id quod opus non esse indicio est, quoniam eo non accedit) non opus etiam erit, ut feratur in sinistrum: unde consequitur, nec tibi istud fieri, neque enim natura quidquam facit frustra. Illud præterea, quod vulgò docetur de modo adducendi aeris per arteriam venosam, minus circumspectè videtur excogitatū. Volunt enim aerem isthuc trahi & quidem per cordis aut *διασπλν* aut *σπλν* non enim omnes idem dicunt. At verò cum inspirando

do aër adducatur, expirando vicissim rejiciatur, & motus cordis aptus attractioni non nisi forte fortuna cū inspiratione pulmonum conveniat, itaq; non nisi forte etiam fortuna fiet, ut possit cor aliquid ex pulmonibus attrahere: quod est contra prudentiam naturæ, quæ omnia constanter & suis certis legibus definivit.

Omitto plura alia confutando isti aëris in cor ingressui apta: quod existimem hæc sola errori convincendo satis esse. Tantum id addo: si illam quæ in controversia nunc hæret ignis nativi alimoniam non attendas, nihil occurrere, quare aër ipse in corde possit videri necessarius. Neq; vero ad refrigerationem (cui maxime fini in pectus, me iudice, aërem ducimus) opus est, ut aëris substantia in ipsum cor transeat; potest enim hoc effici a complexu pulmonū aëre frigido turgidorū, haud secus, atq; sanguis pulmonū refrigeratur a ramis arteriæ asperæ aëre inspirato plenis; quod pulchrè docuerunt Cæsalpinus & Caspar Hofmannus: Aut potius, quomodo a pulmonibus ex sanguibus inflatis proximè adlitæ partes omnes contemperantur, neque enim & illi in cor quicquam aëris dimittunt, Quin imo potest hoc fieri per aërem ex nonnullis bronchiorum orificijs (non enim omnia patent ut quidam ferunt) in cavitatem pectoris adductum, qui itidem cor & vasa omnia foris contingens, non potest non illa frigore suo attemperare. Quæ refrigerandi ratio longè est commodior, quàm si ipsi sanguini aër commisceretur: neq; enim commistus potest iterum per expirationem expelli, & tamen amisso frigore ad contemperandum statim fit inutilis. Fortè etiā (quæ est mollities nostri ignis) ab aëre attracto in cor elideretur potius ignis vitalis quàm temperaretur: quemadmodum cernere est a ventuli afflatu nonnullas flammæ perire.

perire. Certè ut cor contemperetur, aëris ingressus est nequaquam necessarius. Multo minus necessarius ille est ob spiritus vitalis nutritionem, ceu infra demonstrabitur.

Nihil quicquam etiam habet verisimilitudinis illa quorundam de aëris ingressu in cor collectio ex viriū robore, quod crescere detentione aëris inspirati, jam tum olim est observatum Aristoteli *lib. de Somn. c. 2. & alibi*. Robur enim illud oritur, quod in detentione ista ipse calor cordis crescat dum non refrigeratur: potissimum verò, quod pectore aëris pleno, ab omnibus musculis ad pectus (quod quasi centrum est morūs voluntarij) majori nisu possit tractio fieri, utpote quod plenū fortiùs obnitatur quàm vacuum. Ejusmodi connisum observavit Aristoteles fieri & in totipennibus insectis dum edunt bombum, & quidem ab aëre connato intra *Alcyonem*, non autem in corde alijsque partibus latitante. Sed non est opus, ut huic rei amplius immoremur, quum in argumento nihil sit roboris.

Possit majori verisimilitudine videri aëris influxus in cor necessarius ad ventilationem nativi ignis & depulsionem fuliginum; Verum etiam hoc nixi tantum inani quodam commento, certè minus rectè hinc colligi aëris illum motum, ex ijs, quæ capite sequente disputabimus, fiet clarissimum.

Ut proinde nemini paulò attentius omnia confidenter non pateat, citra necessitatem aëris illum in cor ingressum à scriptoribus confictum esse. Et verò quantum tribuerit ipsemet Galenus argumentis quæ pro aëris illo in cor ingressu solent adduci, liquet ex hisce ejus verbis, quæ habentur *L. quod sanguis in arteriis contineatur. c. 6. Sed quomodo (reclamant Erasistratei) in totum corpus aer. veniet, quem respirando attrahimus, si sanguinem arteria contineant? quibus*
respon.

respondendum est, quæ necessitas hoc iis fateri cogat, cum possit totus, quæ respirando admissus est ær foras iterum emitti: quem admodum etiam pluribus tam philosophis quam medicis visum est, quicor inquirunt non æris substantiam exposcere, sed frigiditatem solummodo, qua recreari desiderat, atq; hunc esse respirationis usum.

Cæterum si nulla potest ratione ostendi æris ille ingressus in cor, contra verò multis ille rationibus potest confutari, liquet utique vel unum hoc satis esse evertendæ sententiæ de calidi vitalis ex ære inspirato nutritione. Videtur tamen necdum satis hoc constare, cum nonnumquam & homines & multa animalia sine omni assumpto cibo, qui possint videri in alimoniam cedere, calidum suum nativum conservent solius respirationis beneficio: non desint etiam animalia, quæ cum per omnem vitam nihil alimenti accipiant, non possunt ut corpus suum reliquum omne ita & nativum ignem aliunde, quàm ex ære ambiente conservare ab interitu. Et quidem ipsum Aristotelem id agnovisse, testis est Olympiodorus *ad Phadonem Platonis*, scribens traditum esse à viro illo maximo, visum sibi hominem aëre tantum & sole viventem. De Chamæleonte dissentit Plinius l. 8. c. 33: *ipse celsus hians semper ore, solus animalium nec cibo nec potu alitur, nec alio quàm æris alimento*. In eandem sententiam Tertullianus atque alij probabiles auctores differuerunt. Non solum verò chamæleontem aëre tantum vesci, sed etiam Manocodiatam Indix avem, non ferunt tantum cum vulgò etiam viri docti (quorum in numero ipsemet est Iul. Cæsar. Scaliger *ad Cardanum exercitat. 229. §. 2.*) sed etiam eo argumento probant, quod pedibus careat avicula isthæc, & tam altè agat ut hominis fugiat visum, quæ in regione animalia nulla nota nobis, quibus ali queat.

Alij

Alij in eodem ordine collocant & canem levem ita dictum, Americanum animal, & Perficam aviculam Rhin-
tatem Plutarcho memoratam.

Cæterum qui ita disputant in longè majus sese dant præcipitium, aëre ipsum corpus solidum nutriri & crescere asserentes. Est enim nihil à ratione alienius quàm merum aërem sive calore sive frigore posse in carnem ossa & similia concrelescere. Itaque adeo à verò abscondita affirmant, jam fidem decoxerunt de nativi ignis ex aëre nutritione. Attamen quæ fiat, ut & homines & multa animalia aliquamdiu sine assumpto cibo vitam tolerant, non multo post docebitur, ubi manifestum fiet nequaquam id effici aëris alimento. Aristotelem id alicubi asseruisse Olympiodoro non credimus. Qui enim id docuerit Aristoteles, qui adversus Pythagoreos aëre atque odore animalia haud ali fortissimis rationibus demonstravit *l. de sens. & sens. cap. 5.* modo is liber verè est Aristotelis, forte an enim fuerit Theophrasti. Qui id docuerit, qui passim docuit in genuinis libris, qui ad nos pervenerunt, alimentum omne ex mixto aliquo corpore constare? & nusquam in victu aërem numerat vel aquam simplicem. Neque is est Olympiodorus, cui multum tribuas: scriptor levis & parvi judicij, alius etiam ab illo qui in *μικρολογίαν* Aristotelis est commentatus ex Ammonij Hermiæ posteris, qui etiam ipse tamen non est primæ notæ.

De Chamæleonte illud fabulosum esse, jam Scaligero notatum est *exercit. 10. §. 4.* & Jacobo Dalechampio *ad lib. 8. c. 33. Plinij*. Nec profecto id memoravit Aristoteles *l. 2. Histor. cap. 11.* qui nullius animalis historiam æquè prolixè recensuit: unde tamè Plinius sua videtur exscripsisse. Certè vel solû Chamæleontis os, lingua, gula, ventriculus, debu-

issent homines in veri sensu retinere, ut quæ sint cibi instrumenta; nequid dicam de alvi excrementis, quorum meminit ex quorundam narratu Cardanus *l. 9. de Subtilitate*.

Manocodiata præcisi in ventre pedes non debent amplius eruditis negotium facessere, posteaquam visuntur jam pedes integri passim per Europam. Certè constat jam sibi Aristotelis demonstratio, vel nobis potius illa rectius constat, quòd nulla avium pedibus possit carere. Cibo eandem vesci & quidem solido quidni rostrum nos doceat? ut docent pedes eam non agitari perpetuo volatu, sed nonnunquam in ramis arborum conquiescere. Multa fabulosis narrationibus feruntur, mentiendi licentiâ natâ ex eo quod ob longinquitatem fabula non metuat confutationem. Quale est de Clackarum, anserum ferarum generis ex arboribus ortu, quas ovis incubantes magno numero deprehenderunt Batavi illi septentrionalis oceanî Argonautæ anno 1596. ut legitur in eorum ephemeridibus. Ut verum autem sit, procul adeo in summo aëre degere Manocodiata, quidni & possit vesci aliquo ejus loci concremento, cum ejusmodi haud pauca inde in terram soleant decidere? Fortè & ibi sunt volucris nobis ignota, in Manocodiata cibum: quemadmodum Aristoteli verisimile est visum, sub orbe lunæ ignis regioni sua animalia non deesse. *lib. 3. gen. anim. c. xi.*

Nemo etiam credat Cani levî aërem pro alimento esse, intelligens omnia comedendi instrumenta ipsi esse, simulque animal pinguedinis copia laborare. Quid? quod illi qui rorem cum ajunt vesci jam fateantur aëre solo illum non vesci. Roris enim nomine multa veniunt composita corpora, ut manna & mel: non quod tota sint rorida, sed quòd potiorem suæ substantiæ partem rori debeant; in quem

modum

modum mel. scribit Plin. lib. xi. cap. 12. esse roridam quandam materiam, sed mutatam à fronde, & corruptam à succo florum alteratamq; in uterentis apum. Quamvis lateat ergo adhuc nos cibi genus, quo vescitur Americanus ille levis canis, quamvis etiam fortassis paucissimi ille sit cibi, quod aeris tamen alimento non conservet vitam certissimum est.

Par denique ratio est Persarum Rhintaces, nisi in totum fabulosa sit avis. Plena enim est hæc Intus adipis. Nec proditum est à Plutarcho ipso illam aëre ali, sed existimari id à nonnullis, qui tamen itidem illi in cibum tribuunt rorem. Verba prudentissimi viri sunt in vita Artaxerxis: *Nascitur in Persis quadam parva avis, cui vachum nihil sperat, sed tota intus summe atq; adipe plena: venso atq; rore nutriri quidam putant: nomen est ei Rhintacis.*

CAPVT XI.

Ignem vitalem cordis ali sanguine, non tamen omnibus eius partibus sed aliquibus tenuioribus.

Ignem nativum cordis ali, & quidem ut vel ipsa substantia cordis, vel aliquis à primo ortu ipsi in situs humor vel aër inspiratu adductus in alimentum non cedat, hæc tenus ostensum est. Est etiam id jam tum monitum, si nihil horum quæ diximus pro nutrimento sit, à solo sanguine hoc muneris præstari posse. Et verò ne quidem fingi in corde aliquid potest aliud, cui alitionem adscribas. Proindeq; nihil amplius est dubitandum, nativum illum ignem solo sanguinei humoris alimento conservari.

Consentanea autem hæc sententia est antiquissima philosophiæ. Nam Ægyptijs pro sacro animæ signo fuisse accipitrem, quoniam ut ille, ita & hæc sanguine nutriatur

testimonio Horapollinis jam supra narravimus. Verba illius sunt hieroglyph. 7. lib. 1. interprete Nicolao Caussino: *Quin & pro anima ponitur accipiter iuxta nominis interpretationem. Siquidem Aegyptiis antiquitus accipitur Bajesb dicitur, quod nomen si diviseris animam & cor sonat. Bae enim anima est, esth, cor. Cor autem ex Aegyptiorum sententia anima (περὶ αἵματος) ambitus est. Itaq; nominis compositio animam cordatam notat. Quocirca accipiter ob eam quam cum anima habet naturae consensionem aquam omnino non bibit, sed sanguinem, quo & ipsa nutritur anima. Hæc ille. Animæ autem voce indubie nativus ignis ab Aegyptiis fuit significatus. Sed infans Aegyptiorum sapientia hæc levis fortè est auctoritatis. At verò idem receptum fuisse etiam divinæ Hæbreorum doctrinæ, colligere est ex eo, quod in sanguine anima, hoc est vita, ab ipsis collocetur: quod intelligi nequit, nisi omnis vitalis ignis sanguine comprehendatur. Ipsius Dei altissimi verba sunt Levit. 17: *Omnis anima carnis in sanguine est, unde dixit filijs Israël, sanguinem universe carnis non comedetis; quia anima carnis in sanguine est. Paulo ante dixerat: Anima omnis in sanguine est; & ego dedi illum vobis, ut supra altare in eo expietis pro animabus vestris, & sanguis pro anima piaculo sit. Et verò quod sanguis sit principium vitæ adeoque nativi calidi, fundamentum est communis illius omnium olim gentium consensus, de expianda anima, vel vita hominis redimenda, per sanguinem victimæ; quasi scilicet surrogato vitæ bruti potissimo principio pro principio vitæ humanæ, extinctionem peccatis merito. Virgilius ait:**

Sanguine querendi reditus, animaquæ litandum.

Quæ verba exponens ex Trebatio Macrobius eas hostias refert fuisse appellatas animales. Patebit autè hujus rei veritas magis tum, ubi probaverimus non in corde tantum, sed per

per totum animalis corpus vitalis calidi principium unicè in sanguine esse situm.

Hippocratem illam nativi ignis ex sanguine alitione non ignorasse manifestum est ex ipsis aphorismis, cum primis quartodecimo & decimo quinto libri primi. Clarissimus est verborum sensus. *Qui crescunt plurimum calidi innati obtinent, plurimo igitur indigent alimento, alioqui corpus absorbitur. In senibus verò, cum paucus calor insit, ideo paucis fortibus indigent: à multis enim extinguuntur. Per hiemem & uer ventres natura calidissimi: per ea igitur tempora copiosiora cibaria exhibenda, habent enim calidum innatum plurimum, ideoq; copiosiore indigent alimento.* Cibus igitur ex mente Hippocratis est *ἐνίκλαυμα* innati calidi: remotum scilicet; quia ex cibo fiat sanguis qui verè proximum est illud *ἐνίκλαυμα*. Non moror in alijs Hippocraticis scriptis aliud fortè dici: certum enim est Aphorismos tueri nomen Hippocratis, scripta pleraque alia mentiri. Frustra certè sim; si multorum exemplo velim omnia quæ passim sub illo nomine leguntur in unum sensum cogere, aut interpretatione perperam dictis commodam quærere expositionem.

Porro Aristotelem quoque fuisse ejusdem sententiæ constat non uno testimonio. Aurea sunt ejus verba *lib. de Longit. & Brevit. vitæ c. 5. Alimentum si non acceperint, & animalia & planta corrumpuntur. Consumit enim ipsum seipsum: Quemadmodum enim multa flamma comburit & corrumpit paucam, eò quod alimentum consumat: sic naturale calidum primum concoctivum consumit materiam in qua est.* Fortassis obscuriora hæc sunt. Magis apertè libro *de respirat. c. 6.* confutans eos, qui aëre nutriri volunt nativum ignem, addit: *Τὸ ζῆναι τὸ θερμὸν ὡς τὸ πνεῦμα* &c., *τίνα γὰρ τῶν λίγων, πλάσ-*

πλασματιδης. μάλλον γδ εκ τῆς τροφῆς τῆς γενέσεως. ορώμενος.
 Et si enim & ille utroque loco loquatur, si diserta verba respiciat, de alimento, quod ore accipitur, tamen sanguinem ab illo haberi proximam innati calidi alimoniam quis dubitet, cum hunc solum inter humores omnes ad cor pervenire passim doceat?

Possint videri huc facere etiam quæ de nutritione spiritus nativi ex alimento disputata sunt Stratonem Lampisceno, ut etiam à nobis ita aliquando sunt accepta; si verum tamen est fatendum, loquitur ille de spiritu quodam æreæ motus voluntarij instrumento, quem distingui veteribus à calido nativo jam tum sæpiculè monuimus. Cæterum Galenum nostrum passim eodem plane nobiscum ore loqui certissimum est. Sic libro *de utilitate respiration.* c. 3. ubi flammæ naturam enarrasset, addit: *Eodem modo non dissimile vero est, contingere & circa insitam animalibus caliditatem, utpote, quæ materiem, unde accenditur, sanguinem habet.* Item. *Simile itaque ponito cor funiculo, oleo sanguinem.* Lib. 3. De Temperamen: c. 2: *Vinum nam simpliciter ut calidum medicamentum, sed ut conveniens nutrimentum calefacit animalia. Tanquam enim ignis idoneum alimentum ignem ipsum auget: ita quicquid corporum naturæ calidorum proprium & naturale est nutrimentum; idem semper non solum roborabit, sed etiam insitum eorum calorem augebit. Atque id quidem omnis nutrimenti communis effectus est: vine autem præter cætera proprium ac suum mutationis celeritas, ita utique ut tæda, ellychnio, stupæ, pici.* Ibidem; *Omne nutrimentum quatenus nutrimentum animalis calorem auget.* Ejusdem lib. c. 1. dixerat: *non est alienum, calorem qui in animalibus habetur ejusmodi medicamentis (quæ in actum deduci postulant) quasi alimento quodam uti, quemadmodum ignis ligno.* Jam dixerat l. 2. c. 4. *Quicquid in sano*
 qui

guine; pingue, leve ac tenue est, id in calidioribus corporibus alimentum quoddam calido fit. Idem Galenus l. de ratione curandi per sanguinis missio: ex sanguine non solum animantium partibus alimentum est, sed calor quoque naturalis perseverantiam ex sanguine obrinet. Idem ad lib. 6. Epidem: comment: 5. scribit: In sanguine & in his, qui ex hoc nutriuntur calor naturalis maxima ex parte collocatur. Alibi scribit idem: Scire convenit non solum particulis animantium suppeditari à sanguine alimentum, sed etiam nativum calorem suum in sanguine sedem habere collocatum, quod idem est ac si dixisset, sanguine calidum nutriri. Non perdam operam in adducendis alijs Galeni testimonijs: utpote quum nusquam Galenus aliud alimentum calido nativo tribuat præter sanguinem, non aërem, non humidum primigenium, quod tamen multi sequentis ævi cum philosophi tum medici fecerunt.

Parum ab hac sententia abit Sabinus inter veteres Hippocraticos interpretes primi olim nominis. Verba ejus hæc Galen. comm. 3. n. 74. ad lib. 3. Epidemior: recitat: *Vt oleum externum ignem alit, ita nostra natura, qua similis est igni, alimentum est coëtorum ciborum adeps.* Proinde oleo aurimæ nutrimentum est natura, ostenditque naturam cibum non sentire, ideoque jam interijisse, quia non nutritur natura. Addit Galenus: *Hæc verba sunt Sabini, cujus est sententia; quemadmodum externus hic ignis oleo nutritur, sic hic insitus etiam nobis calor.* Non, inquam, multum hæc abeunt à nostra sententia: est enim pinguedo aliquid ex optimo sanguine confectum; non tamen esse veritati consentanea, vel inde liquet, quod intus in corde nihil pingue aut adiposum reperiatur, & tamen ibi potissimum alatur natus ignis.

Ceterum post Galenum vulgo omnes medici ac philosophi agnoverunt aliquam nutritionem calidi nostri ex

sanguine, quanquam & alia in eundem usum traxerint: ut etiam paulo ante dictum est. Etsi igitur non omnino, ex parte tamen consentientes habemus omnes. Adeoq; non est, quod quis dicat nos hic *non esse*, aut, ut in proverbio est, cornicum oculos configere. Quæ accusatio creditur hodie atrocissima: & profectò suspecta omnia reddit, ubi veri investigatio levibus atque obvijs experimentis absoluitur; aliàs enim iniqua est & habenda in super.

Non tam verò consensu sapientum nititur doctrina nostra quàm certissimis demonstrationibus. Etenim demonstrationis vim habet illa quâ usi sumus collectio: calidum innatum cordis alitur, non alitur tamen vel aëre vel ipsa cordis substantia, vel aliquo succo qui corde comprehenditur, alitur ergo sanguine; neque enim superest quidquam materiæ aliud. Porro cernimus indies & plantis & animalibus deficere calidum, nisi foris accipiant cibum, illo accepto debile calidum & penè intermortuum reficit & quasi reviviscere. Proinde cibus est aut causa aliqua nativi ignis, aut conditio sine qua esse nequeat. Conditio quemadmodum fit fingi non potest: ut nec in quoniam sit alio causæ ordine quàm materialis. Cibus verò ore acceptus mutatur in sanguinem & tum demum reficere aptus est. Sanguinem itaque materiem calidi esse necessum est. Ad hoc, in quibus calor viget experimur multū sanguinis absumi, etsi amplius incrementum nullum partes capiant; secus sese habere omnia in ijs qui minore sunt calore; saltem itaque verosimilis hinc fit nativi calidi ex sanguine nutritio. Verosimilis inquam sit; neque enim, fateor, hoc argumentum pro demonstratione sese probat: quoniam absumi vi calidi id potest, quod non cedit in ejus alimentum.

Caterum sanguine nutrirī ignem cordis nativum, in illo consensu omnium, multis ostendere, nullum est premium operæ. Id potius videndum, an sine discrimine quolibet sanguine alatur nec ne, aut an sanguinis substantia integra, num verò aliqua ejus portio in alimentum illud abeat. Nimirū qui in vasis circumfertur sanguis non est uniusmodi; quod vel per venæsectionem intelligere est, quando per intervalla alium atq; alium sanguinem effluere cernimus. Utq; homogenea sit sanguinis cujuslibet substantia adhuc integra & calens, tamen potentiā variis constat integrantibus partib⁹, quippe qui pariter & in fibras concreascit aliamque nescio quam massam, & colliquetur in serū frige factus.

Ast peculiarem aliquem sanguinem semper in alimentum hoc cedere difficile est creditu, quum sanguis omnis perpetuo per cordis ventriculos manet sine discrimine. Quæ enim vis alterum ab altero in hunc usum separaret? Neque verò illa occulta atque elementari major virtus discriminandi utile ab inutili, quam nonnulli rebus tribuunt, validis hactenus est rationibus adstructa. Est tamen. Indubiè igitur ille sanguis præ alio nutrit, qui id omnium optimè potest, hoc est, qui maximè omnium combustibili constat substantia, qualis est, qui minus est terrestris, minus aquosus. Nam & inter simplicia terra atque aqua minus promptè in ignem vertuntur, eoque ubi abundant, impeditur combustio. Aristoteli hinc dicuntur *καυστὴ, ὅσα ἔχει πῦρ καὶ δακτυλὸς πυρὸς, καὶ ὑγρότητα ἐν τοῖς κατὰ τὸν πυρὸς ἀδενεστέον πυρὸς.*

Verum hoc quidem in dubio videtur relinquendum. Magis certum est, non integrum aliquem sanguinem omnibus suis partibus nativi ignis alimentum esse: argumento est, quoniam nulla flamma quamvis intensè ardens ita ab-

sumit sanguinem quin fuligines abeant & supersint cineres, & tamen longè minor est vis nativi calidi. Imo verosimile est, non destrui sanguinis aliquid calido nostro, ut omninò redigatur eo ipso in partes planè inutiles. Idem enim eveniret omni sanguini, utpote cum per omnem illum dispersa sit vis calidi influentis, quod cum calido cordis tantum non est idem, ceu infra demonstrabitur. Atqui secundum naturam sanguis idem cedit in nutrimentum variarum corporis partium, adeoque non redditur omninò inutilis per calidum influens. Itaque verò est simile, id quod in sanguine pingue, leve & tenue est, alimentum quoddam calido fieri, quod in calidioribus corporibus habere locum paulò ante audivimus dicentem Galenum. Non tamen quod unus cordis ignis omne illud in corde depascatur, nihil enim superesset alendo calido influenti, quod itidem tamen alendum est. Imò nec hoc, nec illo omne illud pingue absumitur, nisi in corporibus calidioribus, frigidior enim aut moderatà temperaturà constantibus pinguetudinis multum coit. Vt proinde hoc voluisse & Galenum dicere, equidem nullus dubitem.

Vtrum verò per ejusmodi consumptionem tenuium ac pinguium quarundam sanguinis partium fuligines quædam inutiles secernantur, fortassis est incertum. Sanè traditum id est à Galeno nostro, cum alibi, tum prolixè *lib. de usu respirat. c. 3.* eoque expiratione fuligines illas expelli, per arteriam venosam ex sinistro cordis sinu educas: id nisi fiat extingui ignem nostrum & obrui fuliginibus illis, quemadmodum contingere solet flammæ à fumis. Quam Galeni sententiam plurimi amplexi sunt, ut hodie sit receptissima. Argumentis tamen alijs haud nititur, quàm quod ejusmodi fuligines ex ligni & similium combustione generantur.

generentur, quodque alias haud pateat causa, cur facile adeo extinguatur nativum cordis calidum impedita respiratione. Quæ profectò rationes leviculæ sunt. Purus enim vini spiritus, quem hodie vocant, & camphora, si accendas, fuliginem nullam edunt, vini autem iste spiritus fortassis naturæ illius partis sanguinis quæ alit nativum calidum maximè est affinis. Certè mollior longè est ille ignis, quàm flamma ex ligno aut etiam pice ac similibus excitata: adeoque nullius est roboris argumentatio, quæ capitur ex flamma ligni accensi, tanquam nativus ignis illi sit similis. Respiratione impedita sat cito extinguì ignem posse, tantum ob non secutam refrigerationem, rectius censuit Aristoteles: in ijs, qui habent pulmones sanguine præditos, hoc est quibus motus sanguinis per medios sit pulmones, etiam alijs de causis celeritatem illam crescere jam diximus initio capitis noni: superiorem etiam capite multis est ostensum non reperiri viam ex corde & pulmonum levibus vas in asperam arteriæ ramos, unde manifestum est, ut aëri nullum in cor ingressum, ita nec fuliginibus ex corde in asperam illam arteriam egressum patere. Neque enim nunc attingam illud, quod Galenus tantum assignavit viam quæ eant fuligines ex sinistro cordis sinu, non autem quæ eant ex dextro, quum tamen etiam in dextro sinu fiat calidi aliqua alitio, & longè sit verosimilius ex dextro ferri fuligines illas statim per venam arteriosam in asperam arteriam, quàm ex sinistro per arteriam venosam; quum hic obstat valvularum cordis collocatio, ibi obstat nihil.

Illæ itaque ratiunculæ nihil sanè demonstrant certi. Attamen non item nobis est argumentum ullum firmum in promptu, quod demonstret fuliginosum nihil nasci.

Utrique enim & vinum integrum non ardet nulla emissâ fuliginē: quidni itaque & ex sanguinis illa, utut levis adustione contingat idem? Nec verò necessum est, fuligines, si quæ sunt, abeant per arteriam venosam in asperam: patet enim via ex dextro sinu cordis pariter & sinistro unâ cum sanguine in aortæ ramos, donec per cutim expirent, aut ad vesicam vel alvum secedant. Quocirca fuligo nascatur nec ne, maneat in dubio.

Aliquid tamen recrementitij manere ex hac adustione, & quidem id esse falsum illud aut nitrosum, quod cum sudore per cutis spiracula, cum urina per vesicam rejicitur, per est verosimile. Neque enim causam aliam ejus falsædinis facile est reddere. Vt enim verbis utamur Aristotelis *l. 2. Meteor. c. 3:* *non est clarum, qualiter ex dulci poculo falsus sit sudor, utrum abscedens quodam solùm ut dulcissimo, an commisto quodam, sicut in eis quæ per cinerem colantur aquis. Videtur autem causa eadem & circa excrementum in vesicam collectum; etenim illud amarum ac falsum sit etiamsi & ille qui bibitur & qui cibo inest humor sit dulcis.* Atque Aristoteles quidem, utrique sero falsuginem illam inesse per ablutionem quandam falsi terrei ad lixivij instar, videtur existimasse, falsum autem esse τὸ τοιοῦτον ὡς τὸ αἷμα. Idem omnino docet Theophrastus initio libri de Sudoribus. At profectò non video, quid ἀμψία possit esse causa falsædinis quum nihil aliud sit quam defectus concoctionis, & plerumq; à frigore proveniat, privatio autem non sit causa per se rei alicujus positivæ, qualis utiq; sal est; nec à frigore sal produci soleat. Neq; est tolerandum, per ἀμψίαν relictâ esse in corpore falsædinem eam, quæ in alimento adfuit, concocto eo quod dulce inerat, adeoq; ex alimento factū sal per secretionem; obstat enim illa quam ipsemet movit

Aristo-

Aristoteles dubitatio, qui fieri id possit, si cibus & potus fuerint dulcia? Neque verò illam Chemicorum industriam observaram, occultam quarundam rerum (falsum enim est quod illi ajunt, etiam ex veris lapidibus aut metallis illam arte posse elici) falsuginem potes prætere, cum etiam ille insit (ut ita loquar) partibus corporis nostri. Quà de re aliàs pluribus. Cæterum nisi fallor nostra hæc doctrina multò est verisimilior. Namque etiam Aristoteli placet, falsedinem nasci ex adustis exhalationibus, aut adusto terreo; neque negari potest eam adurendi vim calidum nostrum nativum obtinere. Confirmatur hæc sententia eo, quod febres cum aliæ tum præcipuè ardentes plus solito generent falsedinis, ob vim scilicet majoris adustionis. Dum igitur quod in sanguine pinguisimum est ac tenuè nutrit ignem nostri corporis, superest aliquid ustum, inutile, falsum, quod sero sanguinis cum facillimè possit solvi, huic maxime commiscetur, & unà cum hoc per vesicam & cutis spiracula profunditur. Et verò eximiam hujus falsedinis copiam à calore influente etiam effici, non multò post demonstrabitur. Sive autem falsedinem hanc à fuligine quadam prodire volueris, sive simpliciter à terreo adusto, non equidem repugnaverim; namque & fuligo omnis amara est, si porro usseris falsescit.

Quamvis verò nonnullæ tantum portiones sanguinis alant nativum cordis ignem, verosimile est tamen, totum sanguinem isti igni (ut ita loquar) objici. Neque enim apparet, quâ virtute potuerit illa portio separari à reliquo, nisi per illam combustionem. Non est etiam in corde locus, ubi seorsim illa possit collocari à reliquo sanguine: ut clarius sequente capite patebit. Non denique id ipsum fuerit conveniens naturæ corporis nostri: imper-

mistum

mistum enim ejusmodi alimentum nimis citò deflagraret, & plus etiam justo ignis ille noster alimento puro exardesceret, qui nunc admisto alieno nonnihil quasi sufflaminatur.

Sed nec inutile statim redditum est omne quod superest sanguinis, etsi non sit amplius ex omni parte perfectus sanguis. Ille enim demum perfectus est, qui aptus natus omnia alere. Hic verò non amplius id potest omne, jam privatus eâ parte quæ nativo calido alendo par erat. Verùm de his atque alijs, quæ huic doctrinæ videntur nebulam facere, quum iterum sese differendi offerat occasio ubi de influente calido erit dicendum, non est cur nunc quidquam addamus.

CAP. VI. XII.

*Que madmodum cordis caro ellychnii vice sit
ac servet atq; tueatur ignem nativum.*

QUoniam igitur sanguine alitur natus cordis ignis, proximè etiam non alibi potest habere sedem suam. omni enim igni qui alitur proximum est alimentum suum, utpote quum illius præcipue vi & detineatur nonnihil, & sese propaget. In corde autem non uno modo sanguis continetur: namque & ipsa ejus substantia sanguine quasi diffunditur, & in sinibus pariter atque auricularum utraque sanguinis sat multum comprehenditur. Itaq; aut omnis hic sanguis promiscuè habendus est pro subjecto nativi cordis calidi, aut quidam solummodo. Cæterum is qui auriculis & sinibus comprehenditur, cum tantum existat ibi tanquam in vase, & qui uno momento influxit altero penè iterum inde ejiciatur, non videtur proprius cordis

cordis esse. Is vero qui in cordis omne corpus sese insinua-
vit majore sane jure ipsiusmet in cordis peculio censeri
debet. Aliqua tamen ratione, quamdiu quidem moram
trahit aut in finibus aut in auriculis, nihil prohibet, in
cordis quasi parte etiam circumstuum illum sanguinem
numerare: calefactus enim in cordis cavitatibus illis ma-
gnis simul adauget calorem ipsiusmet cordis substantie,
eoque imminuitur etiam plurimum hic calor simul ac san-
guis ille deficit: major etiam minorque hic est pro sinuum
laxitate vel angustia. Et quidem usque adeo hæc sunt cla-
ra, ut proinde existiment nonnulli, illum sanguinem uni-
cuius esse illud proximum innati cordis calidi subjectum.
Quia in re tamen eos falli illud manifesto est indicio, quod
deprehendere sit, jam vacuis sinubus penitus atque auriculis
non calere tantum cordis substantiam, sed etiam vi caloris
moveri, & quidem in nonnullis animalibus, anguillis præ-
cipue ac serpentibus, ad non exiguum temporis spacium.
Itaque non tam in sinibus auriculisq; residet prima-
rio (licet etiam ibi hæreat haud leviter) nativum cordis
calidum, quam in ipsa ejus substantia alimentario humore
perfusa. Non uno autem modo per illam substantiam dif-
funditur humor iste, etenim cum arteria atque vena cor-
onalis, tum veluti spongiosi meatus plurimi in corde repe-
riuntur. Quamvis enim per venam coronariam redeat po-
tius in cordis sinum dextrum ex substantia sanguis, ut alibi
probavimus, attamen per arteriam certum est influxum
quendam institui in substantiam. Indubie etiam per mea-
tus illos, quos spongiosos modò diximus, in corpus cordis
sese singulis multus penetrat. Verosimile quoque est,
hoc per meatus illos delato sanguine magis ali nativum
cordis ignem, quam isto: quippe cum ille videatur tantum

corbA

Q

per

per externa cordis diffundi, ubi minor profectò vis est caloris atque in interaneis. Etiam illud tamen ex parte alimentum præbere igni, ecquis ausit negare? Interim verò dum ita uritur sanguis per corpus omne cordis, fieri non potest, quin & ipsummet cordis *πυρρῶτα* incalcescat, saltem ob vicinitatem aut potius contiguitatem tanti ignis. Quin fieri ita potest, ut *πυρρῶτα* calor superet calorem ipsum sanguinis à quo producitur: quemadmodum scilicet ferrum candens calidiusest flammâ, quæ ferrum ignivit. Quod tamen num ita sese habeat, paulò post erit manifestius.

Habet igitur sese cor in hoc negotio, tanquam ellychnium, quemadmodum & Galeno nostro est observatum *lib. de usu respirat. c. 3.* & sanguis oleo respondet. Quam in rem sanè cordis illud *πυρρῶτα* à natura quàm optimè esse constitutum, haud difficile perspicui est. Dicitur verò eadere nonnulla jam tum Aristotelis sunt *l. 3. part. cap. 4. πυρρὸν ἐστὶ σῶμα τῆς καρδίας, ὡς τὸ πυρρὸν ἐστὶν ἀπὸ τῆς θερμότητος*. Item: *Quæ animalia cor habens durum & spissum, sensu hebeti sunt: quæ mollius sensu valent: pavida etiam sunt, quibus cor grandius: audaciora fidentioraque, quibus minus aut mediocre.* Hanc verò morum differentiam statim subjungit nasci ex diversitate caloris, quæ in amplis sinibus sit minor justo, vehementius in angustis: *ὡς τὰ πρὸς τὸ μικρὸν καὶ πυρρὰ ὀκνηματὶ τὸ ἰσχυρὸν καὶ ἥσυχον ἢ τὸ πλεονεκτηματὶ, ὡς καὶ τὰ τοῦ θερμῶς.* Sunt autem hæc longè verissima. Cernere enim est cordis substantiam diversæ planè ab omnibus reliquis visceribus naturæ: eoque sanguinem non comprehendere venis & arterijs, sed propria carne. Quod ipsum efficit ut intimius possit sanguis cum carne illa sese conjungere, adeoque caro illa eò rectius possit ellychnij vicem esse.

Ad hoc

Ad hoc: caro illa non est prorsus densa: non enim posset imbibere alioquin sanguinem, quod est officium ellychnij. Est autem ex adverso sat bibula & quasi spongiosa. Modicè densa tamen pariter est & spissa, & quidem multis de causis. Indefinenter enim moveri cor debuit ob sanguinis in omne corpus distributionem: ejusmodi autem motu facile solet flamma aliqua mollis elidi. Caveatur igitur illa parenchymatis spissitudine, ne quid tale contingat. Impetus quoque alimenti in caloris principium, aut copiosior affluxus extinguit. Vtrumque verò prohibet densitas illa: quod per angustos meatus magna copia sanguinis uno impetu nequeat ruere. Quod si etiam fortè aura aliqua vel flatus in cor pervenerit, minus nocere potest in spissa quàm laxa admodum carne: minus enim ad intima quæque pervenire potest. Et verò major vis est flatuum in laxo, quàm angusto spacio: unde & laxioribus sunt venis aut cordis sinubus (cujusmodi penè sunt, *ἡ μελαγχολικὴ*) præ alijs flatuum violentia agitantur. Quod ipsum & Aristoteles quadantenus significatum voluit illis verbis: *ἐν δὲ καὶ ἀδύναται κινήσεις ἕκαστον τῶν θερμῶν κατὰ φύσιν. ἐν δὲ ταῖς ἐρυχωρεσίαις πλεῖον τὸ πνεῦμα καὶ ἐν σκληρῇ μᾶλλον. διὸ τῶν μεγαλοκοιλίων ἔστιν ἡδὲ τῶν μεγαλοφλέβων πλεονεξία κατὰ σάρκα.* Non enim πνεύματος vocabulo hîc quid aliud quàm aër intelligitur; quem in venis pariter arterijsq; secundum naturam una cum sanguine esse censuit sanè Aristoteles: non tamen nisi præter naturam ibi continetur, ut alibi disputamus. Neque dubium est idem periculum esse à flatibus præter naturam natis, in amplis spacijs, quod possit esse ab aëre secundum naturam in iisdem comprehenso. Nocere autem flatus potest, vel nimium accendendo ignem cordis, si leviusculè afflaverit, vel etiam interi-

cor nostrum constitutum. Angustius porro illis conclusus calor minus exhalat, quā laxis finibus circumscriberetur. Magis etiam par est igniculus quilibet, ut ita loquar, suo exiguo spaciolo calefaciendo. Itaque dum ejusmodi igniculi plurimi accensi sunt per omnes cordis meatus, eoque singuli meatus deorsum admodum incalescunt, etiam totum cor altius magis, quā si laxiore textura constaret. Pertinet nimirum etiam ad occultos cordis meatus illud quod Aristoteles possit videri de sinibus solis loquutus: in amplis spaciis calor vim exolescere. Et verò nemini fortassis est ignotum id quod Theophrastus scribit: *Θερμότερον πυρ. ὅλως, διὰ τῶν στενότητων;* item: *ὅτι τοῦ πυρὸς μάλλον ἡ θέρμη μίσηται, ἢ ἀδυνέστηται γίνεσθαι ἀπὸ καχυμάνων.* Certè utrumque plurimis ille exemplis demonstrat. *ἢ ἐπεὶ τὸ πυρὶ μολύνει.* Observandum autem est, multum interesse inter spissitudinem alicujus carbonis aut ferri igniti & ejus quod cordi competit parenchymatis. Habet scilicet parenchyma, quā parte sinum utrumque spectat plurimos seropes licetatis patulos, ut aliam molliem ejus nunc haud attingam. In hisce spaciis comprehenditur necessariò sanguis, etiam si per systolen, quod in sinibus est, propellatur, cū alibi ostenditur. Eoq; licet aliqua ex parte propter spissitudinem calor cordis imitetur naturam ejus caloris, qui in spisso est corpore, attamen foveæ illæ efficiunt, ut idem etiam mollis ignis vim naturamq; possit præstare. Multum autem discriminis est inter ignem utrumque: quod itidem rectissime animadversum est Theophrasto: ille enim reverà est calidissimus quidē eoq; testioni aptissimus, tamen mollis flamma propter subtilitatem suam ac frequentiam citius multò calefacere potest. *τὸ γὰρ λεπτόν ἀσθενέστερον καὶ τὸ θερμότερον ἀπὸ τοῦ συνελθόντος καὶ παχέμενον.* Hinc etiam qui sinibus

bus proximus est ignis mollissimus est, & propter subtilitatem suam exhalationes plurimas cum sanguine in sinus effuso commiscens brevissimo momento sanguinem illum facit exæstare: haud aliter atque harundinum aut straminis flamma citissimè homines aut aquam calefacit, quod non item cito potest, imo non potest, carbo aliquis; ut retineam exemplum quo usus est ipsemet Theophrastus.

Aptissimam itaque esse cordis substantiam ad id, ut ellychnij vicem præstet, sole est clarius. Accedit tamen etiam hoc, quòd eadem illa caro facilè incalascit, atque ita mutatio suo calore juvare possit illum præcipuum cordis ignem, qui in sanguineo alimento continetur: quodque nihilominus ab igne illo nostro non concremetur aut consumatur, imo non nisi tardè admodum arefiat. Vtrumque seorsim sequenti capite demonstrabimus: nunc itaq; inter *aiµµατ* tantum habeat locum. Arguit verò utrumque, majorem esse aptitudinem in carne cordis ut sit ellychnium, quàm in funiculo aliquo in lucerna. Sæpè enim non nisi levem calorem de suo funiculus addit, consumitur etiam citò & in cihrem collabitur, atque ita cinerum reliquiis officit flammæ, nisi emungas. Sed cor emunctorio nullo indiget, nusquàm crassi cineres qui accensionem ignis remorentur, adauget etiam multum ignis nativi vim, utpote cum calor ejus superet fortè calorem ipsiusmet ignis nostri: quod itidem infra (nisi fallor) vero fiet simile.

Non ad carnem quidè cordis pertinet sinuum & auricularū ratio, pertinet tamè ad eam cordis structurā quæ inseruit nativo igni conservando. Et quidem usui sunt auriculæ pariter atq; sinus non uno modo. *Primum* enim quoniam nunquàm non comprehendunt aliquid calidi sanguinis, non
p oterit

poterit non foveri ignis per spacia carnosæ cordis substantiæ diffusus à calore ventriculis atq; auriculis istis comprehenso. Et verò hinc patet causa ejus quod ex Aristotelis observationibus adduximus; quamobrem nimirum animalia diversimodè caleant, etiã prout est major minorq; sinuum cordis laxitas vel angustia. Enimverò isthuc minimè fereat nisi sinuum ratio aliquid faciat nativi calidi discrimen: attulit verò ipsemet Aristoteles verosimilem admodum causam, quare laxi sinus minus caleant, quàm angusti; quam iterum hic repetere fuerit supervacuum: *Deinde* largissimè iidem sinus suppeditant motu suo spaciis illis sanguinem in nutrimentum nativi illius ignis. Non enim tantummodo quasi in utriculis oleum, ita in sinibus sanguis in promptu est: verum ipse motus cordis quasi vi quadam in meatus angustos omnes sanguinem detrudit, ut longè magis in promptu sit igni isti nostro sanguis quàm flammæ in lucerna suum oleum. Fit autem hoc ipsum fortassis in cordis *συσλῆ*: eo enim tempore ex sinibus sanguis deturbatur. Juvat sanè illa cordis contractio ad nutrimentum nativi in corde ignis haud leviter, etiam propulsione sanguinis in arteriam coronalem: quoniam nimirum à cordis *συσλῆ* fit arteriarum omnium dilatatio & in eas sanguinis receptio. Sanguine autem arterioso usq; adeo indigent extima cordis, ut nonnunquam duæ sint arteriæ, quum unica tantum est vena coronaria. Multò magis juvat illa contractio, prohibens, ne vel copioso sanguine suffocetur nativus ignis, vel ejus defectu marcescat. Auriculæ enim utriusq; contractione propellitur sanguis in ventriculos: ventriculorum porro contractione iterum expellitur in vasa. Itaque per auricularum *συσλῆ* sanguinem ventriculi accipiunt, unde in finitimos cordis an-
fra-

fractuosos meatus ulterior via patet. Adeo autem ille copiose funditur, ut nisi rursum per ventriculorum *ossula* profluere in vasa, suffocaretur illa copia ignis cordis haud aliter atque olei abundantia flamma extinguitur. Liquidò profecto id ipsum patet in multis animalibus, si vivis adhuc pectus aperiens, prohibeas quo minus per cordis *ossula* sanguis ex sinuum aliquo possit rejici. Videas tum obui & opprimi penitusque tandem extingui illum qui in corde superat vitalem ignem. Ut proinde sinuum auricularumque motus unicè sit ad conservationem nativi ignis in corde necessarius.

Facit postremo ad tutelam vitalis calidi extrema superficies cordis. Densior enim illa est carne reliqua & tunica obducta. Frigidioris quoque temperiei esse argumento est concretus circa basin cordis adeps, quem aquosum esse indicat crepitatio si accendas: neque enim concretio ejusmodi contingat loco eximie calido. Enim vero haud temerè credimus Hippolyto Bosco narranti in sinistro ventriculo repentam multam pinguetudinem, nisi illa post obitum demum concreverit; quemadmodum cruor solet. Fortassis simile quid adipi fuit: qualia concretamenta saepe sibi in cordis sinibus observata testatur Caspar Bauhinus *l. 2. Theatri Anatom. c. 20.* eadem depingens in *appendice tabular. Anat. tab. 9.* Coit nimirum in corde nonnunquam picuita viscida cum non nihilo sanguinis in carnosum quid aut membranaceum, aut quid aliud, quod albedo calore adipis speciem mentitur apud minus rerum peritos: est autè polypi aliquod genus, descriptum à Vesalio *lib. 1. de human. corp. fabr. c. 1.* Iohanne Rioloano *l. 2. anthropograph. c. 12.* Thoma Erasto *parte quarta contra Paracelsum*, Nereto Nererio apud Scheuchium, Nicolao Tulpio *l. 1. Observat. 27.* Marco Aurelio Severino

verino l. 4 de Abscessibus p. 287. qui itidem p. 282. edit. Francof. rectè notat illam in anguis modum concretam massam, cujus historiam ex Anglia accepit, *πίσμα* aliquod fuisse ex puita natum. Verùm de hisce obiter. Densitas verò illa insignis ac frigiditas extimæ cordis superficiæ cohibet indubiè nativum cordis calidum atque ita adaugēt. Eodem modo videtur juvare etiam illa in pericardio contenta aqua, imò pericardium ipsum. Membrana enim cum sit, temperamento utiq; non est calido: serum verò ejus, utut incalcescat non nihil, multum tamen est infra calorem cordis; quod sensu deprehendere licet.

Sunt qui adipem cordis basi suffusum velint, ne cor cirò exarescat; quasi & ille juvet ad nativi calidi tutelam. Fortassis etiam hoc ipsum non de nihilo est: verùm cum minus liquidò usus ille pateat, & possit videri adeps ille potius nasci ex materiæ quadam necessitate, quàm in necessarium finem: nolumus incertæ rei immorari.

Constat autem ex hisce omnibus, rectè dictum ab Aristotele l. 3. part. c. 7. cor esse necessarium. *Ἡ δὲ τῆς θερμότητος ἀρχὴ. διὸ καὶ, ἵνα πᾶσι ὅσιν ἐστὶν, ἐν ᾧ κείσται τὸ ζωοποιεῖν, καὶ τῷτο ἐν φύλακτον, ὡς περ ἀκρόπολις ἔσται πρὸ σώματος.* patet scilicet nunc, quò pacto cordis caro sit quasi focus quidam, quemadmodum etiam loquitur Galenus l. de semin. cap. 3: patet, quàm cautè & prudenter à natura sit constructum cor, ut tutum perstet nativum calidum.

Necessarium verò hoc omne quàm maximè esse, quò toti corpori constet suus calor vitalis, infra fiet manifestum.

R

CAP

*Non in quavis cordis parte aqualiter residere
vitalem ignem; precipuam illius vim esse in
sepio cordis medio, alibi verò magis mi-
nusque valere.*

Ceterum de usu quæ cordis *κατέχυμα* præbentativo
suo igni, nimis fortè multa sunt in medium allata &
consequens est videamus, num ergò quavis ejus
κατέχυμα parte perinde magnus sit ignis ille, an alibi
major alibi minor, atq; hoc si est verū, ubinam vis ejus hæ-
reat magis minusve. Neq; vero eadem hac de re omnium
est sententia. Auctor enim *libri de Corde* qui perperam vul-
gò quidem creditur Hippocrates, ab alijs Aristotelicus ali-
quis, ita ferè differit, quasi in solo sinistro sinu hæreat ignis
vitalis omnis. Diserta ejus verba sunt: τὸ ἐμψυον πῦρ ὅπερ
ἐν τῇ δεξιῇ κοιλίᾳ; in sinistro sinu intus crassitudinem ali-
quam exstructam *Φυλακῆς ἐνεκα τῆς ἰσχύος τοῦ θορυμῆ*. Illud
intus constructum autem illi auctori denotat septum me-
dium cordis. Infra tamen videtur tantum minorem calo-
rem adscribere dextro quàm sinistro: *imbecillum illi inesse ca-
lidum frigidi copia superatum*. Est autem scriptori isti frigi-
dum illud sanguis ipse: *neg, enim*, inquit, *sanguis naturā cali-
dus est ut neg, alia quædam aqua, sed calefcit*: Sanguinem autem
nullum vult inesse sinui sinistro sed soli dextro. Quapro-
pter omnino illis verbis ejusdem libelli: *ἐν τῷ δεξιῷ ἐν
τοῖς δεξιῶσι*, adjicienda est cum interpretibus particula
negans, ut ut illam in codicibus manuscriptis sibi inven-
tam neget Anutius Foësius. Quod ipsum ex ijs quæ subse-
quuntur possit patere; causa enim redditur, quur sinus dex-
ter per arteriosum vas angustum recipiat ærem, sinister
verò

verò per amplam venam, hæc. ne calidum imbecille ab aëre multo ingrediente totum extingueretur. Fortassis autem credidit ille, quisquis sit, scriptor, illud quod in dextro est sinu calidum, profectum esse à calido sinistri sinus, ut ita simpliciter principium nativi ignis in solo sit sinistro.

Librum illum *de Corde*, quod equidem sciam, nusquam Galenus laudavit in testimonium, ut in alijs tamen ita etiã in hac re, de calidi innati sede in sinu laevo cordis, videtur illum sequutus. Difertè enim l. 7. *de usu part. c. 9. & 22.* scribit: in sinistro ventriculo esse caloris nativi principium. calidissimam omnium partium eandem sinum pronunciat l. 2. *de Temper. c. 3.* Cordis caro, inquit, calidior est omnibus planè corporis particulis: quod etiam sensu clarè deprehendas licet in pectoris animalis dissectione, si digitum in sinistrum ejus sinum immiseris. Invenies enim locum hunc omnium quæ in animali sunt non paulo calidissimum. Eodem modo loquitur l. *de inæquali temperie c. 4.*

Aristoteles ex adverso in toto quidè cordis collocat principium sedemque innati calidi, dextro tamen lateri ejus atque ventriculo defert primas. Quum enim cor in tres sinus divisisset, quorum dexter ipsi est dextrâ auricula cum dextro sinu, sinister auricula sinistra, medius is qui nobis vulgò sinus sinister audit (quemadmodum alibi demonstravimus) addidit hæc: τὸ πρῶτον (κοιλίαν) δὲ πλεῖστον μὲν αἷμα καὶ θερμότερόν ἔχουσιν αἱ δεξιὰ (διὸ καὶ τὰ μέρη θερμότερα τὰ δεξιὰ) ἐλάχιστον δὲ καὶ ψυχρότερον αἱ δεξιερὰς μέσων δὲ αἱ μέσων τὸ πλεῖστον καὶ θερμότητι κατὰ μέτρον. Hæc ille.

Ex recentioribus nonnulli parem utrobique calorem esse existimant: in quorum numero excellit Caspar Hoffmannus, qui id ipsum cum alibi tum in *Comm. longè doctissimus* illi ad Gal. libros *de usu part. n. 258.* profitetur. Alij videntur

tur potiore[m] caloris vim auriculis attribuere, quod illæ ultimo moveantur in animali moribundo.

Meletius potest videri basin cordis reliquis particulis prætulisse, quippe qui voluerit cordis figuram illâ pyramidalem ab igne esse cogenitâ, est autem maxima flammæ vis circa basin.

Cæterum haud fortassis difficile est verum heic a falso discernere, si & sensus nostros & quæ paulo ante sunt demonstrata vocemus in consilium. *Primo* enim jam supra demonstravimus, non in sinibus præcipuè calidum innatum collocari, sed in ipsâ cordis carneâ substantiâ. *Deinde* sensu tactus etiam licet deprehendere, sinistrum sinum dextro esse calidiorem: idemque manifestum est ex densitate carnis quâ undique cingitur sinus sinister præ dextro, qui in plerisque animalibus tantum quasi assutus cordi videtur, ut & ex angustâ cavitate, quâ constat ille sinus, cum dexte amplius sit ac laxus; quantum enim hæc faciant ad caloris augmentum, satis dictum est. Nec verò est quod hic nos moretur illa Aristoteli observata dextri lateris partium præ sinistris caliditas: illam enim nō tam à dextro sinu esse quam ab aliis causis, infra fiet manifestum. *Iisdem porro* argumentis quibus dextro lateri cordis minus tribuimus caloris quam sinistro, licet etiâ auriculis principatum caloris abjudicare. Sensus enim tactus ventriculo utrique priora præ auriculis desert; & attestatur huic sententiæ auricularum carnosâ substantia pariter atque interna prolixitas. Nec verò ex eo quod auriculæ longius motum aliquem edant in moribundis quam ventriculi, colligere est in iisdem primum calidi innati esse principium. Majori enim opus est caloris vi ad sinuum quam auricularum motum. Itaque, etiam cum superest circa sinus plus caloris quam requiritur ad motum auricularum, non potest non
jam

jam desinere motus sinuum. Et verò vivit adhuc pars quæ motu destituitur, quum sensus tactus prior sit motu, ne quid dicam de facultatibus vegetantis animæ. Nihil *præterea* est Meletij collectio pro basi cordis. Cui enim fiet verisimile à flammæ figura esse insignem illam cordis configurationem? Quid? quod cor in nullo animali ita sit situm, ut conus verè sursum tendat. Vergit enim antrorsum. Si verum autè fuerit quod figura cordis sit à figura pyramidalis flammæ nativæ, utiq; conus in homine caput spectare deberet: neque enim flammæ illa est figura nisi liberè tendat sursum, quod quando fit nascitur illa figura propter causas Theophrasto memoratas *libro de igne*.

Itaq; asserendum potius videtur in qualibet cordis parte, in quâ alimentarius humor sese insinuare penitus potest, nativum cordis ignem confidere. Imò jam omni sanguine destitutas partes posse nonnihil calere, adscititio tamen calore, mox demonstrabimus. Neque verò est causæ quidquam, quæ, quum sanguis maximum sit calidi vitalis subjectum non partes cordis omnes sanguinem comprehendentes ad focum pertineant calidi illius. Deprehendere quoque est per *avartulum*, nunc hanc nunc illam partem citius aut serius, prout magis minusve est laxa, calorem amittere: quod non æque fieret si partium una alteri calorem suppeditaret. Non potest præterea non, quâ parte plus est crassæ illius carnis, calor abundare, & minus ejus esse ubi carnis minus reperitur: ceu ex supra dictis est manifestum.

Hinc consequens est, maximam calidi innati vim in septo cordis medio contineri. Et verò hanc partem calidi innati principium præcipuè præ alijs jure dixeris. Quam rem confirmat solius hujus partis in corde immobilitas. Omnia nimirum cordis, & latera externa sinuum pariter

ter & basis ac conus extremus cordis, ad medium illud septum tanquam ad centrum sui motus contrahuntur: ut proinde ibi oporteat contineri vis primo movens. Et verò primus motor quiescit, ut præclare docet Aristoteles cum alibi tum in aureis illis opusculis *de animalium motu in communi & de incessu animalium*, seu ut loquitur 3. part. c. 4. *δὲ τὸ δὲ χλὺ ὅπ' μαλίστα ἡρεμεῖν*. A calore autem efficitur cordis motus, eoque illum præcipuè isthac parte necessum est contineri. Faciunt autem idem manifestum etiam ligamenta quæ appellantur utriusque sinus, utpote quæ ex septo quasi enascantur & quidem eâ parte potissimum quæ mucroni vicinior est. Quod postremum itidem unicè meretur expendi. Illi enim septi loco cum primis vitalitas inest: ac proinde utut interdum in aliqua cordis parte non nihil abesse sui simile sit natum superstitè aliquandiu animali, hoc loco tamen nunquam tale quid deprehensum est, nec unquam (scio) deprehendetur. Scilicet ut ovo allicui externa cor figura simile est, ita & in eo ambo conveniunt, quod principium vitale circa acutam partem suo quodque modo obtineant. Prout de ovis præclare observavit Aristoteles 1.3. *de generat. animal. c. 2*. Est autem hoc ipsum in stirpium quoque seminibus observare. Et verò etiam horum pleraque ovi figuram aliquam præ sese ferunt, præcipuè arborum. Quo fortè respexit olim Empedocles elegantissimo illo versiculo, quem non Aristoteles tantum aliquoties, sed etiam Theophrastus 1. *de caus. plant. c. 7*. laudavit testem, integer ita sonat:

ὅτ' αὖ δὲ ὥσπερ μικρὰ δένδρεα πρῶτον ἐλαίας.

Non enim tantum in eo conveniunt quod sint *κνήματ'.*, ut observatum est Aristoteli & Theophrasto, verum etiam in ipsamet figura. Certè una est illius figuræ in omnibus istis

Istis adeoque & in corde causa. Verum hæc ulterius exponere non est hujus instituti, utpote quæ commodius inueniant locum in doctrinâ de motu cordis. Itaque nunc isthæc sufficiant.

CAPVT XIV.

*Calidum aliquod eximium ipsimet cordis carni
inherere, non tamen ut ea alatur: produci
verò & conseruari vi calidi mobilis
vitalis.*

Quemadmodum cor seruet atque tueatur innatum calidum, cui pro alimento diximus sanguinem esse, fortè nonnemini videtur plus quam opus erat expedivisse: nos tamen ne ita quidem omnia ex merito arbitramur nos exequutos. Neque enim tolerandum est, ut in accuratâ doctrinâ dubij quidquam supersit: utut ijs qui non assueti sunt curiosæ institutioni hæc diligentia minùs sit grata; *ἀντιμεν δὲ τὸ ἀνεπίστατον*. Dubij autem non parum adhuc reliquum est. Falsi enim sumus præter illum qui proximè in sanguine per vacua cordis spatia diffusus hæret vitalem ignem; calidi quidquam proximè esse in ipsamet cordis carnosâ substantiâ: nondum verò dictum est, *num* illud calidum magnâ an parvâ sit virtute, *num* & illud alimento egeat & quonam egeat, denique *num* prius an posterius sit in naturæ ordine illo altero sanguineo (ut ita loquar) igne. Quæ omnia exactè intelligere multum facit ad integram calidi ejus quod cordi est innatum scientiam. Proinde nè horum quidem inquisitio fuerit sine pretio operæ.

Igitur ipsamet cordis carnem calere, id quidem verat

nos

nos dubitare tactus sensio : omnem quippe cordis vivam partem calidamprehendimus. Qui fieret etiam ut non incalesceret caro isthæ ab illo in intimos ejus meatus omnes penetrante igne? Vrenim concesserimus Averroï frigida carnem illam temperie esse, non ita tamen friget ut incalescere nequeat. Multa sanè frigida actu sunt potentia summè calida, validèq; ardent incensa. Quod de ferro notissimum est. Non benè etiam demonstravit Averroës suam thesin, argumento venarum, arteriarum, fibrarumque, quasi scilicet omnia illa temperamento frigeant, & tamen penè absolvant omnem cordis substantiam. Oriuntur enim quidem ex corde venæ atq; arteriæ maximæ, quæ cum in pulmones scorsim tum in totum corpus sanguinem ducunt, tamen per carnosam ejus substantiam non penetrant, multo minus eam perficiunt. Ne quidem fibræ potissima sunt cordis portio : septum certè intermedium ut immobile est ita fibris nullis constat. Quid è quod haud temerè possit firmâ ratione ostendi illa frigida venarum arteriarum fibrarumque temperies. Neq; enim dispari videntur esse constitutione à tendinibus & ligamentis quæ concresecunt *καὶ τῆς ἐν τῷ σερμὲτι ἐνεργούσης ὑπερσφίγιος*, ceu loquitur Aristoteles, coque *φλέψ δὲ καὶ πνεύμα* uti idem scribit *3. Hist. c. 3.* Eam porro esse naturam substantiamq; cordis, ut non possit tantum sed citò etiam ac multum possit incalescere per profectò est verosimile. Quidni etiam debuit & hæc adjuvare vim innati calidi, ejusque non conservationem solum sed etiam augmentum? Certè hoc ut fiat maximè est naturæ consentaneum. Non tantum verò hoc non fieret, verum etiam multum impediretur, si caro cordis calefactu esset difficilis, & actuali frigore suo vim caloris qui est in sanguine obtunderet.

Itaque

Itaque de eo quidem minimè est dubitandum carnem vivi cordis calere. Nequè verò est, quod dicas omnem illum calorem in sanguine per carnem cordis diffuso contineri. Præterquam enim quod ejusmodi assertio nullo argumento nixa meritò admitti non debeat tanquam sit alicujus momenti, ex adverso à nobis sit demonstratum, non posse non ipsam etiam carnem incallescere: omnem calorem non esse proximè in solo sanguine, indicio sunt illæ cordis partes quæ cum parùm habeant sanguinis, eximio tamen sunt calore præditæ, imò quæ nihil penè habent amplius sanguinis & tamen moventur. Nequè enim motus ille citra caloris est auxilium, ut alibi demonstratur. Quæ penè, inquam, *nihil sanguinis habent*: verum enim est, durante motu aliquid semper sanguinei humidii superesse; effluit enim illud in omnibus animalibus non æque facile propter lentitudinem quandam, quæ efficit ut sanguis alius alio sit minùs fluxilis.

Hoc quidem itaque quasi extra controversiam collatur. Quod primò autem quærebatur, num ille calor cordis major sit an minor calore sanguinis, plus habet dubitationis. Sanè infra probabitur, omnem illum calorem produci à sanguinis calore; attamen nihil refert fortassis, quin possit nihilominus altero illo intensior esse. Cernere quippe est à molli flammâ ferrum incandescere, adeoq; majorem contrahere calorem quàm ipsamet habuerit flamma. Non quod ipsummet ferrum promoveat in majus conceptum calorem, quod quis fortè cum Cæsalpino dixerit; ferri enim nativa frigiditas potius retundit calorem jam genitum, nec habent in rebus naturalibus, (ijs profectò quæ contrarijs qualitatibus sunt præditæ) locum actiones, quas scholastici doctores immanentes appellaverunt. Ra-

tio autem, quur effectum videatur nonnunquam ipsâ suâ causâ efficiente majus, est : quoniam illa causâ dum perpetuò aut frequenter agit atque ita post se singulis (ut ita loquar) momentis relinquit opus, illud opus multis actionibus quasi in cumulum transeat, tanquam multis effectibus in unum coeuntibus, quorum singula causâ suâ efficienti vel paria sunt, vel etiam minora. Itaque non quidem est dubitandum, fieri fortè posse ut calor sanguinis longiore aliquo temporis spatio in carne cordis producat majorem se ipso calorem : sive id fiat per aliquam intensiorem graduum caloris in illâ carne producti, sive per cumulum substantiæ igneæ, nequè enim refert hæc nunc definire. Ceterum an reapse major calor nascatur in carne an non, difficile fortassis videtur assertu. Verisimilius tamen prius est. Etenim calet cor plus multò quam partium corporis aliâ qua alia, ne pulmonibus quidem aut jecinore exceptis, uti tactus probat ; & tamen in cordis spatijs vacuis (de sinibus jam non loquimur) minus longè sanguinis comprehenditur quam aut in pulmonibus aut jecinore aut etiam liene. Quamvis enim sanguinis ardor in angustijs plus valeat quàm in laxis spatijs, tamen magna imprimis vis est in copiâ si omnis illa calorem conceperit.

Operosior solutu *altera* quæstio est : num carnis ille ignis itidem alimento aliquo conservetur & quoniam. Ceterum si alitur, non potest profectò non ipsa carne ali, & quidem vel integrâ vel ejus aliquâ parte, succo fortassis. Omnis enim ignis qui alitur, necessariò proximè adest suo alimento. Cum itaque hic ignis proximam habeat carnem, non potest non etiam hæc ali, si modò alitur. Potissimùm hæret ergo dubitatio in eo num & hic ignis alimento aliquo nutriatur ad modum illius qui sanguine continetur.

Et

Et quidem vulgò securè nutritio illius admittitur, quatinè in controversiam quidem isthuc trahendum sit. Vereor tamen ut firmum aliquod sententiæ hujus argumentum possit reddi. Videò sanè tantum duo mihi observata quibus nonnunquam id solet obiter approbari. *Alterum* est quod in universum omnis ignis egeat alimento: *Alterum* quod si non omnes, saltem carnae omnes partes, adeoq; & cor, indefinente egeant nutritione, alioquin autem deficient, eò quod perpetuo vi caloris consumantur. consumptio scilicet illa facit ad conservationem ignis, quod quomodo citra nutritionem fiat non potest animo concipi.

Verum enim verò primum quidem illud à vero alienum esse jam tum cap. 8. est observatum, monitumq; soli igni mobili alimentum esse necessarium, non illi immoto. Porro non omne quod vi ignis perit, cedere ipsi in alimentum, itidem jam indicatum est cap. 9: itaque nec si non nihil succi fortè absumitur in corde, illud mox opinandum est pro alimento esse illius igni. Quidni enim fieri possit, ut reliquâ parte carnis istius ignis hæreat immobilis, quem nullo diximus alimento nutriri, aliquâ succi parte sensim exhalante? Ad hunc modum sanè in ferro ignito nullo sustentatur alimento ignis (si enim ille ad modum prunæ aleretur, profectò citius prunâ conficeretur ferrum, utpote quum plus longè ignis comprehendat) & tamen aliquid succi isthac ignitione perire ferro, indicium est, quoniam contrahitur solito major siccitas & fragilitas. Attamen non diffiteor, si vi calidi ejus quod alicui corpori inest, corporis illius omnis succus citò pereat, ita ut vel in cineres vel simile corpus exsuccum abeat, videri haud ab simile vero, quod succus iste qui ita absumitur sit pro alimento.

Ceterum quæ de citâ isthac partium corporis

consumptione vulgò feruntur (ut quod res est dicam)
fabulis propius est, quam ut sit demonstratione aut experi-
entia acceptum. Quum enim partium corporis alia frì-
gore alia calore concrecant, fieri profecto nequit, ut quæ
temperato calore coierunt in unum; eadem rursus subito
à calore dissolvantur. Sunt autem ejusmodi: ossa, carti-
lagines, tendines, ligamenta, ungues, venæ, arteriæ, fibræ
carnis, nervi, ipsum cerebrum, alia. Omnia enim hæc
concrecant evaporante humido vi caloris naturalis: qui
longo quidem temporis tractu, aut si fuerit vehementior,
ut in febribus & per magnos affectus animi, indurat & ex-
siccât quidem eadem plus justo, non tamen desubito sed
sensim & satis tardè, idem autem calor non dissolvit, aut
consumit illa per omnem vitam. Idem inquam calor id
non facit; neque enim nego quædam horum nonnun-
quam colligari per inflammationes ac febres: & tamen
etiam id ipsum fit potissimum vi atque acrimoniâ humo-
rum putridorum, qui ~~omnino~~ virulentiam contraxerunt.
In humore enim miti contentum ignem nostrum nati-
vum id minimè posse, argumento est, quod institutâ à co-
quis elixatione in aqua, ne quidem flammæ vi emolliantur
omnia illa ante dicta, tantum abest ut consumantur aut
contabescant; ut porro emolliantur ac tenerescant non-
nihil elixatione, opus sit longè vehementiore igne quàm
est ille corporis nostri. Hinc sanè partium illarum nullæ
vi nativi caloris eam consequuntur teneritudinem qualem
accipiunt per elixationem in ollis; ut ut vehementer con-
citato animo per iram & metum, teneriores solito reddan-
tur; quod deprehendere manifestò est in fibris carnosiss
omnium animalium inter venationis agitationes perem-
ptorum, nè asinis quidem exceptis quorum duras carnes
hæc

hâc ratione in cibum mitigant sibi Hispani. Ne quidem frigore concretæ partes ut caro aut rectius *παρίχυμα* omne (liceat enim hoc vocabulum præter Erasistrati mentem, qui princeps hâc voce fortassis usus est, usurpare etiam de eo quod circa fibras vasæque musculorum hæret stupæ modo) aut pinguedo moderati caloris vi subito quidem possunt absumi, utpote quum illa ipsa non potuerit impedire earum concretionem. Certè fieri non potest, ut ab eadem caloris vi quæ permisit concreescere, id quod concrevit solvatur. Secus tamen fateor fieri posse, si calor increascat, ut sanè processu temporis à miti calore nostro contrahitur æstus major in partibus omnibus: quo ipso id quod calor noster initio permisit concreescere necessum est quadamtenus rursus dissolvi. Verùm hoc incrementum caloris sensim non autem subito surgit, ideòq; nec adeò cita est *παρεγχύματ* absumptio atq; vulgò creditur. Neque verò vel carnem vel pinguedinem subito solvi deprehendimus aliter quàm accenso præter naturam calore, per febres, per animi vehementes exastuationes, per motus, per inediam. Intra mediocritatem omnibus sese habentibus fieri id ipsum, non est deprehendere. Imò ne sic quidem caro omnis potest colliquari, ceu manifestò est videre in cadaveribus ex ardente febre mortuorum, quodq; ne quidem elixatio in ollis id efficiat. Sed & *σύντηξις* illa pinguedinis ac mollis carnis, quæ in febre fit ardente, putredo potius quædam est quàm simplex colliquatio; eoq; colliquata illa graveolent & acria sunt ac mordicantia, *μοχθηρὰ χολώδη* Galeno dicta.

Verum de hisce aliàs latius. Satis tamen etiam ex paucis hisce est clarum, non rectè ex omnium partium naturali ac subitâ colliquatione colligi, ignem illum qui in carne

cordis hæret indigere perpetuo alimento. Ex adverso cordis illam carnem, ne quidem à calore præter naturam incandescente, consumptionem aliquam perpeti quis dixerit, argumento sumpto ab ijs quorum corda in rogo comburi non potuerunt. Quod enim calor flammæ vehemens ac siccus non solvit multo minus solverit noster aliquis in humido comprehensus. Relatum autem tale quid jam olim fuit de corde Germanici Cæsaris. Suetonius in Caio cap. 1: *Cremati quoq; cor inter ossa incorruptum repertum est.* Idem ex oratione Vitellij jam memoraverat Plinius, l. 11. c. 37. Huldricho Zvinglio Tigurino, ubi in prælio occubisset, ab hostibus cremato idem ayorum memoriâ evenisse, varijs utriusq; partis auctoribus est præditum. Cæterum illud de Germanico suspectum cui haud injuria redat Tacitus, qui prolixè omnem de Germanici obitu & funere historiam enarrans L. 2. *Annal.* hoc silentio præterit. Utque solito serius fortassis cor illud fuerit igne abolitum, tamen in cineres redactum esse constat, quia Agrippina uxor nihil præter cineres in urnâ Romam attulit, eodè teste Tacito. Vtrumque verò licet contigerit, nihil tamen facit ad probandam cordis naturam tanquam illa igni haud cedat. Notum enim est hæc exempla sine alio fortè exemplo esse: adeoque præternaturæ ordinem aliquid in his evenisse. Eoque olim illud Germanici ab alijs veneno, alijs morbo cardiaco fuit attributum. Disertè enim Suetonius: *Cordis eam naturam existimari ut tinctum veneno igni consumi nequeat.* Pluribus Plinius: *Negatur cremari posse cor in ijs qui cardiaco morbo obierunt, negatur & veneno interceptis.* Certe extat oratio Vitellij, quareum Pisonem eius sceleris coarguit hoc usus argumento, palàmq; testatus non potuisse ob venenum cor Germanici Cæsaris cremari: contra genere morbi defensum

defensus est. Piffo. Quæ sententiæ quantum habeant roboris haud indoctè expofuit Adrianus Spigelius fingulari epiftolâ quæ libro de *Formato Facto* subneçtitur. Fortaffis verò aliudquid in causâ fuit; quum de majore dextri pedis articulo Pyrrhi; celeberrimi illius Epirotarum regis, itidem fit memoriæ proditum corpori in rogo cremato integrum superfuiffè. Namque & magicis artibus oppreffum effè Germanicum potius quam veneno, ex Taciti narrationibus cognoscere eft. Neque creditu abfônum eft, malorum non minus quam bonorum geniorum vi, ejufmodi nonnunquam contingere. Certè & illud de Huldricio Zwînglio ab amicis pariter atque hoftibus religioni tributum eft, contrariâ tamen interpretatione. Verùm quæ caufa fit tam rari eventus, non eft nostri instituti definire; quæcunque enim illa fuerit; omne hoc nihil juvat ad probandam eam cordis substantiam quæ igni non cedat; quemadmodum jam ante dictum eft.

Quum verò ea quæ hætenus attulimus in utrâque partem argumenta nihil cerè nos doceant, num calidum illud cordis depafcatur ipfam cordis substantiam, aliâ viâ erit aggrediunda. Et quidem *primùm* omnino eft ponendum, integrâ cordis carnem ad modum prunæ nequaquam abfumi poffe vi calidi naturalis. Argumento eft; quoniam talè quid ne quidem validiffimâ elixatione poteft effici, agit verò nativum calidû in cordis carnem ad modum elixationis, utpote quum etiam calidum noftrum non ficcum fit fed humidû. Et verò eft obfervandû, eâ effè cordis carnem naturâ, vt difficulter etiam elixando domari poffit. Non quod verû fit illud doctiffimo Riolano l. 3. Anthrop. c. 12 atq; alijs proditum, *cor elixatû magis indurari quâ teneri fecere nifi adëptis auriculis, nec luciû pifcè coqui nifi exempto corde* facile

facile enim hoc falsi licet convincere, si rem ipsam tentes: sed quod longè difficilioris sit elixationis quàm caro musculorum, ut coquis notum. Confirmat porrò idem experientia omnium seculorum. Neque enim unquam deprehensum est, cor omne vel præcipuas cordis partes aut naturalis aut præternaturalis calidi virtute vel consumptas esse vel in pulverem quasi collapsas: quod tamen necessario fieri deberet, si ipsam carnem quoad omnes partes calor noster posset consumere.

Neque enim fas est credere AEgyptiorum fabulis, et si earum memoriam heic non liceat prætermittere, quas Dioscoride nescio quo & Varrone autoribus recitat Censorinus c. 17. *Cor anniculi hominis pendere duas drachmas, bimi quatuor, & sic in annos singulos usque ad quinquaginta accedere binas: ab iis centum drachmis ab anno quinquagesimo item decedere in unoquoque binas, eoque centesimo anno redire ad anni primi pondus, nec longius vitam posse produci.* Iam dudum verò ante illum scripserat Plinius l. xi. cap. 37: *augeri cor per singulos annos in homine ad binas drachmas ponderis, ad quinquagesimum annum accedere, ab eo de trahi tantundem, & ideo non vivere hominem ultra centesimum annum defectu cordis, AEgyptij existimant, quibus mos est cadavera asseruare medicata.* Nugæ sanè sunt gerris Siculo inaniore: quod non esse notatum à Censorino homine grammatico, non miror; non à Plinio adjectam censuram, vix est ferendum, quum tamen paulò ante ex Aristotele (quantum videtur) rectè scripisset: *solum hoc viscerum visus non maceratur, nec supplicia vite trahit, laesumque mortem illud affert.* Sanè etiam in ejusmodi fabulis narrandis satis prodest Plinius suam philosophiæ ignorantiam: Tantum autem abest naturalis ignis vi consumi cor, ut ne quidem fieri id ipsum possit vi maximi caloris febrilis.

febrilis. Neque enim tale etiam quid in ullo corpore febrilibus extincto hactenus observatum. Sanè aliud refert Bernardinus Telesius *l. 3. rer. natur. c. 28. Nuper in illustris Romani viri corpore, qui à diuturno morbo divexatus defecerat tandem, nulla prorsus cordis portio, sed ejus tunica tantum reperta fuit, quod nimirum ab immoderato illud calore penitus jam absumptum fuerat universum.* Id quidem ille. Sed etiam illi indubiè aliquis imposuit, quum pronus esset ad eripiendum cordi vitæ principatum & novum animæ genus in cerebro cundum.

Concedendum *Secundò* etiam illud est, vi caloris in carne producti sensim cor exsiccari. Quemadmodum enim aliæ corporis partes, ita & cor in senectute solito atq; justo siccius est; quod indubiè factum vi inhærentis sibi alieni calidi. Solet enim idem contingere à morbis calidis. Solet idem evenire ex longo mæore & multis vigilijs: quemadmodum Brandenburgico Marchioni Casimiro mæore & vigilijs confecto cor in pyri tosti formam exsiccatum fuisse prodidit Melanchthon *l. 1. de anima.*

Tertiò. Cum lentè fiat illa exsiccatio, contra calidum nativum satis intense caleat, facilè est collectu calidum illud non uti succo cordis velut alimento. Nimirum vehemens aliquod calidum si est mobile, multo indiget humido in nutrimentum: parum verò succi ad substantiam cordis pertinet, & tamen ne illud quidem in totum extremo senio deficit, in illud usque tempus integris ejus partibus potissimis persistentibus.

Verum hæc postrema collectio cui fortè videatur minus firma, eo quod vis argumenti collocetur in lentâ exsiccatione cordis, quum tamen in rera dum fit illa exsiccatio, aliquid succi per nutritionem nunquam non regeneretur,

T

idque

idq; citò satis vi calidi absumatur. Verum enimverò quo indicio colligere est illam perpetuam cordis nutritionem? Sensu profectò hoc minimè est compertum. Ratio quoq; nulla vel in speciem verisimilis à quoquam hætenus est adducta, quâ id proberur, præter illam cibi ac potus necessitatem: quæ videtur significare omnes partes perpetuò perire, atque ita perpetuò egere alimento. Ast cum alibi tum infra demonstrabitur argumentationi huic parum virium inesse. Certè si non potest ostendi firmâ quadam ratiocinatione, ante senium perire vi caloris succulentâ cordis substantiam (ut non posse ostendi certum est) manet utique infractum robur nostræ collectionis. Non nisi lentè autè vi calidi nostri posse succum cordis absumi, indicat lenta illa exsiccatio quæ elixatione in ollâ fit per vehementiâ flammæ ignis maximi. Ut enim aquæ calor in ollâ producit calorem in corde quod elixatur; ita & sanguinis calor facit in corde calido vivi animalis. Plurimū autè imbecillior est & mollior vitalis calore ferventis aquæ: eoque ab elixatione in ollâ, si aqua multum ferveat, plus patitur cordis succus per horam unam alteramque quàm à calore vitali per omnem vitam. Quod evidenter patet ex reliquis cordis fibrosis partibus, quæ à calore vitali non solvuntur per vitam, ad eum modum quomodo solvuntur elixatæ in aquâ fervidâ. Et verò qui possit cito dissolvi succus cordis? cum secundum naturæ ordinem omnibus sese habentibus, à calido temperato, illo cuius aut vi aut permissu succus ille alijs commistus est, dissolutio non possit fieri, sed ab illo qui longo temporis tractu factus est justo major & quasi præter naturam.

Cum hæc autem quæ diximus sint longè verissima, haud amplius difficilis est expeditu questio illa: num calor
cordis

cordis, quo de nunc agimus, alatur nec ne. Per se enim jam liquet illum non ali, neq; adeo esse mobili natura, sed quasi affixum, neque carnem cordis vi illius calidi posse absumi nisi serò admodum. Est igitur illud calidum in carne cordis, quemadmodum in ferro aliquo calor insit per plurimos annos, si quis sit ignis quo perpetuò calor ille servetur; etenim ferro haud nutritur, utut & illud ferrum paulatim exarefiat. Proinde etiam cor tanquam ἀσβεστον aliquod ellychnium est, non autem sese habet ad modum ellychnij alicujus communis. *Tanquam ἀσβεστον* dico: neq; enim reapse est tale, utpote quum & exsicceetur sensim & vi flammæ ignis in cineres solvatur, secus atque fit de ellychnijs ex amianto lapide aut lino ἀσβεστον veterum confectis; confici autem & comburi non potest cor à calore vitali. Cæteroquin facit sanè & illa exsiccatio, ut cor minùs tandem idoneum sit ellychnium, adeoque & calidum cordis mobile ac vitale non possit non tandem deficere. Id quod infra clarius demonstrabitur.

Causa verò quare cor ab igne nativo non conficiatur, sed illi resistat, partim est sita in ipsiusmet cordis substantiâ, partim in eo quod calidum illud multo humore sit temperatum. Nimirum rectissimè Theophrastus *l. de igne*. *Εἰς τὰς τήεις τὸ ὑγρὸν ἄχρειον. αἶνον δὲ, ὅπῃ τὸ τηκτὸν ὕδατος ἐν, φέσει ξηρὸς δέεται θερμότητος εἰς τὸ αἶμα χύσιν.* τὸ γὰρ ὁμοίον ἐστὶ τὸ ὁμοίον ἀπαθὲς. αἶμα δὲ καὶ ἡ ἀσύμμετρία τῶν πέρων ἐναρτίζεται πρὸς τὸ μὴ δεῖσθαι; μεγαλομερὲς γὰρ ἔχῃ οἷον τὸ δὲ αὐτοῦ τὸ ὑγρὸν χωρὶς εἰσπέναι τὸ θερμὸν. ἐπὶ δὲ ἀδυνάστειν ὥς δείξει τὰς πύρας, ποχίον καὶ συνοχίον ὅταν τὸν ἔχωθιν. *Ad liquandum inutile est humidam: causa est, quod liquabilia, cum aquea sint natura, calore sicco suapte natura indigeant, ut fundantur. simile enim à simili non patitur. Simul etiam foraminum immoderatio ad versatur re-*

reptioni. Magnarum enim partium est humidum: ab humore autem separatum calidum non ingreditur. Imbecillius quoque est quam ut possit aperire poros, si externa sint densa & continua. Et sanè hæc causa etiam est ejus quare charta aquæ aut olei plena detineri ad flammam possit indemnis, donec totus effervescat contentus liquor. Namque ejus quod leberis fundus frigeat sæpè præ fervore ebulliente aqua, causa alia est, & quidem quod dum in summu enituntur omnes partes calidæ, frigidæ hæreant in imo, ceu rectè jam est animadversum ab Hieronymo Fracastorio *l. de Sympath. c. ult.* Jul. Cæs. Scaligero *ex. 101. §. 2.* & alijs, alibique clarius etiam à nobis exponitur. Iam verò foris quasi immergitur cor humori in pericardio contento, & intus sanguine copioso quasi diffluit. Itaque fieri difficillimè poterit ut colliquetur aliqua cordis pars sicca, tam copioso humore undique illam ambiente. Substantia porro cordis etsi carni videatur simile, multum tamen differt à parenchymate reliquorum viscerum aut à carne musculorum. Magis redolet naturam venarum atq; arteriarum, quæ cor tanquam principium suum agnoscunt. Eoque calido potius concrefcit cordis caro quam frigido. Ut ita non sit mirum, posse illam calidi vim non minus atque venosum vel arteriosum aliquod corpus sustinere.

Verum *Secundæ quæstioni*, hoc est num ipsa cordis caro in nutrimentum cedat illi qui ipsi inest igni, fortasse justo diutius immoramur. Superest *tertium* expediendum: An cordis hic calor, de quo nobis nunc est sermo, dependeat à calore illo sanguinis, an ex adverso sanguinis ille quasi pro principio habeat illum alterum. Non est autem hujus dubij multum difficilis solutio. Iam tum enim ex ijs quæ supra disseruimus manifestum est, ignem illum cordis quo

quo vita constat mobilem esse & alimento indigere. Cum hoc itaque cordis calidum non sit mobile, nec alimento conservetur, utique non est hoc illud calidum quo vita definitur adeoque principij nomen non meretur. Et verò notum est simulac sanguinis illud mobile calidum extinguatur, deficere etiam alterum illud in carne cordis, ut proinde hoc ab illo sit productum. Fieri etiam non potest, ut calidum aliquod à temperie cordis propria alienum (quale est de quo nunc loquimur) vel producat vel conserve- tur absque aliqua externa causa. At non potest fingi cau- sa alia, quæ calidum illud vel effecerit vel tueatur præter calidum illud sanguinis. Itaque non est dubitandum, ca- lidum sanguinis altero prius esse, & principatum illi meri- to adscribendum. Certè etiam operibus naturæ rectius ab illo sanguineo inservitur. Molle enim est & halituosum proximeque sanguinem sinibus cordis contentum ex- calefacit: quod alterum illud cordi inhaerens tanquam prunæ minimè fecerit.

CAPITULUM XV.

*Ignem vitalem cordis quamvis sit flamma simi-
lis non tamen lucere.*

ANtea quam hunc locum deseramus unū adhuc vide- tur agendum. Demonstravimus scilicet calidū vitale cordis ignem aliquem esse flammæ instar mobilem, quique non minus nutriatur pinguiore sanguine. Possit autem videri omni ex parte flammæ simile esse, & quidem ipsamet quoque luce; quasi nimirum in corde fax aliqua lu- cens ardeat qua tenebroso cordis specus illustrentur.

Apertè hanc sententiam professus est Ioannes Keple- rus, felicissimis inventis & observationibus nobilis Astro-

nomus, elegantissimi libri *Paralipomenorum ad Visellionem* p. 26, iterum illam confirmans ingeniosi operis *Harmon. mundi lib. 4. c. 7.* Præter hunc unus & alter disertè idem docuit. Omnino autem dicendum idem venit omnibus qui spiritum vitalem credentes esse calidum illud, omnes spiritus animatorum corporum lucere existimant. Est autem horum numerus non exiguus. Et verò ipsemet Galenus huic sententiæ quasi præiuvile possit videri, dum tristitiâ melancholicorum arcessitâ nigredine spirituum animalium. Verba ejus l. 2. de caus. symptom. c. 6. sunt: *Ex humore melancholico timorem & tristitiam viri. nihil mirum: siquidem etiam eorum quæ extra corpus sunt, nihil videmus quod nos perinde teneat ac tenebra: ergo cum tenebra rationalis animæ parti sunt circumfusa, necesse est hominem timere, ut qui semper unâ cum corpore sui timoris causam circumferat.* In eundem modum describit l. 3. de locu affect. c. 7. Iamdudum ante Galenum & Aristotelem ipsum dixit Heraclitus Ephesius illam Galeno laudatam sententiam: *ἀνὴρ ζῆν ψυχὴν σφωτάσθαι.* Empedocles quoq; & Platonis Timæus jam olim in oculo lucidum ignem collocaverunt, ceu liquet ex ipsomet Platonis libello & Aristotelis l. de sens. c. 2.

Vt verum tamen fatear non certò constat, num scriptores illi omnes spiritui nostro lucē tribuerint, multo minus, nū tribuerint vitali igni. Galenus sanè non tam spiritui quam animæ ipsi lucem adscripsit: disertè enim l. 7. de sent. Hipp. & Platonis c. 3. scribit: *animam esse athercum seu fulgidum quoddam corpus.* Modò etiam non aliter eum loquentem audivimus, quam *tenebras rationali parti animæ circumfundi.* Multis porro spiritum animale ex aëre confici docet, qui pelluceat quidem, non luceat tamen. Vt verò huic spiritui animali

animali lucem adscripserit, de vitali tamé spiritu nusquam id docuit, multo minús de eo quem naturalem appellant. Heracliti quoque Ephesij *diva* est anima ipsa, ut ille quidem sensit. Empedocles porro & Timæus Platonis de solis oculis loquuntur: in corde esse aliquid lucidi, non dixerunt.

Porro & qui Galeni ætatem sunt sequuti, disertè quidem falsi sunt spiritum animale[m] quem appellant lumine suo fulgere, perobscure tamen & timide idem docuerunt de spiritu vitali cordis. Sic, prius quidem docet etiam Actuarius, qui operosissime omnium de spiritibus animalis nutritione scripsit, medicor[um] Græcorum infim[us] ævi doctissimus, quem vide sis *lib. 1. c. 8. & 9.* at de posteriore altum silet. Certe est, lucem aliquam cordi tribuisse illos, quorum sententiam de calido innato Albertus Magnus proponit *lib. 20. de animalib. c. 51*: multum tamen & illi à Keplero abfuerunt, existimantes nimirum calidum illud non esse elementare sed cælestē aliquod corpus, lucem quoque corpoream esse substantiam, cœlestis non autem elementaris naturæ.

Verum parum fortassis refert scire, quinam ita senserint nec ne; potius sanè rationes ponderandæ sunt. Itaque hinc inde ipsimet eas colligemus, imò ornabimus quas alij atque alij attulerunt, ne quid desit inquisitioni veritatis. Kepleri igitur argumentatio nititur *primum* eo: quod *lucis proprium sit calor*. non tantum enim lucem esse calidam, sed *calorem in rebus, etiam cæteris universis adventitium esse & à luce dependere*. *Secundò* flammæ esse cordis vitalem ignem constat: flammæ autem est lucere. *Quare non dubito* (inquit) *quin hanc luentiam oculus quoque simius excepturi, si nobis contingat exclusa diei luce in cordis latebras, illa flammæ*
hæc

hac introspicere. Tertiò: Anima per se est invisibilis, consentaneum itaque est habere illam luci aliquam cognatam essentiam, in qua scilicet quasi habitat. Hæc sunt Keplerianæ sententiæ munimina.

Addimus nos *quarto loco.* Arte lampas præparatur ex sanguine humano perpetuò ardens dum vita durat cujuslibet hominis, index omnium calidi innati affectuum. Integrum hujus argumenti librum edidit Ernestus Burggravius, cujus hæc sunt verba: *Lampas hæc sive lumen incensum semel, ardes jugiter quoad homo ille, de cuius aptatur sanguine, vitalem spiritum habet, atque eodem quo eundem efficit ipse, hora sive momento sive puncti istius, simul cum eo extinguitur.* Scito insuper: *si flamma luculenta sit, elevata, tranquilla, & immota, nihil homo iste, quod vel corpori vel animo grave sit aut molestum sentiat: sin vero secus habeat & assurgens flamma variè scintillet, aut depressior sit, aut nubilosa & torpida, indicium tibi anxietatis, tristitiæ, cæterorumque pathematum esto.* Perpetuò enim ex congenitis microcosmi influxibus astralibus, ac naturalibus inclinationibus (cum & sanguis ille à sanguine ipsius hominis, & corpus ejusdem à substantiâ hujus ipsius sanguinis à quo sanguis ad præparandam lampadem mutuo quasi sumptus est, contriatur) flamma ista pro statu & habitu istius sive prospero sive adverso emicat & spectandam sese præbet. Hæc Burggravius. Si arte verò confit ejusmodi flamma, quidni & natura illa paraverit utpote quum ars natura sit æmula?

Quinto. Sanguis integrè sani animalis extra vasa profusus rubet & quali splendet, verisimile itaque est eundem adhuc in corpore decemum & calore suo instructum lumen fundere.

Sexto animalis spiritus capitis lucet, lucet ergò & vitalis quum ex vitali ille producat. Produunt autem illam anima-

animalis spiritus nativam lucem oculi qui viventibus omnibus fulgidi, mortuis opaci, præ irâ incalcentibus tantum non flammei videntur. Idem in tenebris præter naturam moti luminosi apparent. Sunt præterea nonnulli qui in ipsis tenebris videndi facultate valent. Testatur id iam olim est de Tiberio Casare Plinius *l. 11. c. 37.* de Asclepiadoto philosopho Damascius *apud Photium in vitâ Isidori*: de semetipso Cardanus *l. 8. c. 43. operis de varietate rerum*: de Iulio Casare patre & semetipso Iosephus Scaliger *epist. de vitâ patris & in Confutatione fabulae Burdoniae*: de semetipso item Cælius Rhodiginus *l. 15. antiq. lection. cap. 2.* De Brigantino quodam cive narrant Conimbricenses Iesuitæ *l. 2. de animâ c. 7. & 9.* nocturno adeo clare accurateque videre solitum, ut minutissima quæque distingueret. Haud multum ab similia sunt quæ tradunt de Isaac Calanibono, Marco Antonio Sabellico & Ioanne Baptista Portâ. Ut sine causâ Plinianam narrationem in fabulis habuerit doctissimus Thomas Fienus. De animalibus nonnullis, ut felibus, muribus, gliribus, vespertilionibus, noctuis in vulgus est notissimum, non impediri nocturnis tenebris eorum visionem. Non potest autem hoc fieri, nisi lux aliqua eximia in oculis eorum fuerit condita. Et verò fulgentes per tenebras animalium istorum oculi neminem latent. Non tantum autem oculi docent animalium spirituum lumen congenitum, sed proditur idem melancholicorum tristitiâ, cuius causam aliam reddere non licet quam nigredinem & obscuritatem eorundem spirituum præter naturam à nigro humore proficiscentem. Vnde & ipsemet fortassis Aristoteles luminis similem pronunciat intellectum agentem *l. 3. de an. 3. 18.*

Deniq; illi quos Albertus memorat, per cœleste quidem aliquid animam & corpus crediderunt uniri, quo-

niam dissimiles adeò substantiæ coire in unum nequeunt sine vinculo quod utriusque naturam quadamtenus participat: lucidum autem illud esse, quod omnia caelestia sine lucida, quodque spiritus vitales cordis admodum lucis quaquaversum sese diffundant, figuram verò obtineant pyramidalem usq; adeò ut ipsummet cor hinc eandem sit figuram nactum.

Hæ sunt rationes quibus inducti nonnulli lumen ali- quod cordi inesse existimaverunt. Caterum inanem esse eam conjecturam multo fortioribus licet adstruere. *Primum* enim si quod tale esset lumen non posset profectò sensus latere, si subito in tenebris pectus atque cor aperiantur. Nunquam autem hætenus lumen hoc est deprehensum à quoquam. Porro quale in corde tale etiam in arterijs atque venis est calidum; nec tamen etiam hic aliquod lumen est reperire, in densissimis licet tenebris vasa secentur. Inipossibile *præterea* est, ut lucida aliqua flamma persistat in carne cordis aut ejus sinuum aliquo, ubi omnia plena sunt sanguinis. Neque enim quemadmodum bitumen ita & sanguis inter aquam vel serum ardet, quum ne quidem in libero aëre possit flammam concipere, ut quotidiano usu omnibus est compertissimum. Accedit quod motus sanguinis in corde perpetuus non possit non lumen tollere, etiamsi bitumen aliquod foret accensum.

Quamvis verò ex hisce paucis facile sit collectu quàm aliena sit à vero lux commentitia, tamen vehementer idem confirmatur eo quod rationes quibus lux illa nititur per sint leves. Neque enim pro vero admitti potest quod citra rationem creditur.

Kepleriana sanè indigna penè sunt quæ confutes: certè indigna sunt homine mathematico, à quo firmas meri-

ad demonstrationes exigimus, ut rhetori inania declamandi danda fuerit venia. Verum nescio qui commune hoc est ingenioso illi viro cum Galilæo & alijs nonnullis astronomica doctrina principibus; ne Ptolomæo quidem excepto, simulac à linearibus abripiuntur ratiocinationibus ludos agere potius quam demonstrare, quasi extra sese abrepti sint. Quam enim omni sensuum iudicio adversatur, luci proprium esse calorem, tanquā omne lucidum caleat, & omne quod calet fundat lucem? Nix profecto frigidissima lucet in tenebris & aqua fervidissima non lucet. Aqua eadem fervida plurima alia calefacit imò amburit, citra lucem: ne quis dicat cum Keplero, saltem omnem calorem à lucido corpore produci. Ad modum flammæ habere sese innatum cordis calidum, etiam nos multis demonstravimus, & quidem melioribus argumentis quam sunt illa à Keplero allata; similitudo autem in eo est quod utrumque sit ignis mobilis ex alimento sese propagans; non autem hoc est proprium soli flammæ lucida, sed etiam fumanti omnium igni competit, luce omni destituto. In tertio argumento nulla apparet vis sequela, nisi ponas animæ munia nativi luminis adjumento exerceri: quod cum non possit demonstrari, ut paulo etiam post dicemus, merito hoc argumentum propriā concidit imbecillitate.

Similiter non est firma ratio consequentiæ in argumento quarto, quod ita sese habeat natura atque se habet aliquid arte factum. Quod si tamen ita sese res haberet atque fertur à Burggravio, haud diffiteor non abs re tale quid suspicari nos posse, ut ut certò nondum constet. Sed solis naturæ viribus, nulla accedente dæmonum ope, ejusmodi lampadem posse confici qualem promittit Burggravius, non temerè cui persuadebitur. Certè aut fabulosum

aut magicum est omne illud: ejusdem scilicet cum *Achille* *πένπλα πέδιλοι* notæ, quem idem auctor in medio Christiani populi non erubuit proponere, haud levi reipubl. Germanicæ notâ.

Nulla etiam in *quinto* argumento vis sequelæ est: nequ enim quod nitet aliunde illuminatum idem lumen ultrò fundit, ut notissimum in vulgus est. Et verò, si sanguis in vasīs luceret, utiq; vasīs apertis aliquid illius luminis esset conspicuum, vel sanguis effusus adhuc fervens nonnihil ejus funderet. Certè quum sensus nullum agnoscant lumen sanguinis manifestum potius est, nullum ejusmodi lumen reperiri.

Eodem vitio & *sexto* argumentum laborat. Etsi enim ponas vitalem spiritū pro materiâ esse spiritui animali lucido: non sequitur tamen hinc, vitalem quoque lucere: nam e. g. & oleum & sebum materia sunt flammæ lucidæ, cum ipsa non luceant. Ferunt quoque multo perfectiorem ac subtiliorem esse animalem spiritui vitali: quidni itaque hic possit lucere etsi alter sit tenebrosus? Cæterum quid in universum de animali sit spiritu sentiendum aliàs docebitur: lucidum autem illum esse non profectò ijs indiciiis quæ in medium sunt allata, constat. Melancholicorum sanè tristitiâ verisimilius intemperici frigidæ humoris adscripsit Averroes, ut omnia deliriorum in melancholicis genera eleganter ad causas suas reducta sunt jam olim *sect. 30 problematum*: quæ desumpta sunt ex Theophrasti Eresij libello *περί μελαγχολίας*, quem Diogenes in catalogo recensens quod conjicere licet partim ex dicendi ac scribendi genere Theophrasti suavitatē referente, partim ex eo quod laudetur hic *liber de igne* quem à Theophrasto scriptum esse certum est, ut nusquam legitur librum aliquem hujus argumenti

menti ab Aristotele esse profectum. Aristoteles porro non scribit intellectum agentem lucidum quid esse, sed in eo lumini simile, quod efficiat species intelligibiles. *ἡ δὲ πρῶτη καὶ τὸ φῶς ποιεῖ τὰ δυνάμει ὄντα χρώματα ἐνεργείᾳ χρώματα.* Nec verò alias animæ facultates lumini vel assimilât Aristoteles, tantum abest ut verò lumine crediderit opus esse ad ullam internam animi operationem. In oculis animalium omnium, cum primis eorum quæ noctu vident, esse non nihil nativæ lucis etiam ipse fateor: nego autem in aliquo spiritu contineri. Partem iridis esse significat rotunditas splendentis illius in oculo luminis cum mediâ aliquâ maculâ tenebrosâ, sive oculos felium nocturnarumque aspicias, sive proprios in tenebris frices atque huc illuc commoveas. Hinc sanè nonnullæ irides subflavi aliquid habent aut albidî. Neque verò ullo licet indicio probare in spiritu oculorum illud lucidum esse. Et verò, ubinam amabo, hæret ille spiritus? non profectò in crystallino humore: intra pupillam enim omnia sunt tenebrosâ maximo visus beneficio, ut feliciter observavit princeps Ioannes Keplerus, cui hoc nomine æternum debet optica philosophia. Taceo, quod nullo argumento probari possit lumen illud oculorû ab igne esse. Perderet profectò tanta flamma quanta fuerit in felium oculis, animalium noctu videntium oculos ipsos. Et verò non minus in tenebris lucet cicindela, sive insectum illud vaginipenne ita velis nuncupare, sive vermiculum erucæ similem, sive papilionē, sunt enim tria insecta lucentia: lucent etiam non minus ligna quædam putrida usque ad eò ut literas majusculas in tenebris admotas non semel legerim: lucent alia multa quæ nihil sunt minus quam igneæ naturæ. Quod enim fricatio aut major aliquis in oculum incurrens impetus concitet splendorem

oculorum, ab eâ causâ est, quam Aristoteles sive Theophrastus reddit *l. de sens. c. 2.* modo observes non splendere oculos ob levitatem sed ob actuale lumen quo sunt instructi. Sed non est hujus instituti hâc de re longius agere: neq; ad rem facit etiam si concesserimus ipsi spiritui lucem inesse: quare non immorabimur huic loco de splendore oculorum.

Inter animam & crassius corpus medium aliquod vinculum requiri cœlestis naturæ, ut ad Alberti adversarios veniamus, quid est aliud quam fabula quædam Arabicæ chemicorum plebis? qui hoc inani commentofulti ex omnibus corporibus quintam aliquam essentiam ac nescio quem spiritum æthereum arte sua producturum sese audent polliceri. Caterum inter materiam atque formam substantialem nullum spiritum, imò nihil omnino posse intercedere, probavimus *libro de Origine rerum ex materiâ*: inter animam porro atq; corpus aliquod cœleste vinculum absurdè postulari luculente patet ex ijs quæ supra *cap. 5.* ad tertium argumentum Sennerti respondimus.

• Omnia porro cœlestia lumen fundere procul est à vero. Ut enim nunc non dicam de corporibus, quæ medio inter astra sunt loco, profectò oculi nos docent esse in cœlis nonnulla quæ tantum ex se non lucent (ut sanè luna suapte virtute non lucet) verum etiam ne quidem lucem à sole possunt mutuari, sed semper manent tenebrosa, siue hoc septentrionale siue oppositum australe hemispherium videas. Falsissimum porro est quod illi posuisse videntur, lumen omne corpus aliquod esse tenue & quidem cœlestis naturæ, utut illud ex Platoniorum scholâ sit profectum. Nec cor diffundit undique calorem ad modum lumi-

luminis, sed partim ut aliud aliquod corpus calidum vicina calefacit, partim verò singulari naturæ artificio per pulsum sanguinis: quod paulò post ostenderetur. Falsum postremo est à pyramidalis ignis nostri figurâ cor esse conicum: estque iam tum contra Meletium id demonstratum *cap. 13.* Ut proinde nihil sit reliquum quod aliquem inducere merito debeat ad lumen cordis asserendum.

CAPVT XVI.

Cor propagare calorem in omne corpus: non fieri autem id per spiritum aliquem arteriis comprehensum, utpote qui nullus sit, nec ab antiquis scriptoribus in illum usum ad-
missus.

Calidum illud vitale quod cordi est innatum quemadmodum sese habeat sat multis docuimus: consequens est videamus numquid calidi à cordis isthoc igne ad alias perveniat partes, & si pervenit qua ratione illuc proveniat, quæve ejus sit natura.

Cæterum à corde in reliquum corpus calorem propagari in vulgus est cognitum. Sunt enim hujus rei indicia quotidie obvia. Quotiescunque enim cor incalescit plus solito, sive per affectus animi, sive per vinipotum, sive per febres, illud omne corpus calet præter solitum; simulac contra laborat cor frigidityte, mox omne corpus frigidius est; si non nihil deficiat cordis calor, ut in animi deliquio, deficit idem & in alijs partibus; si reficiatur reddit idem & in reliquum corpus, quando extinguitur actum est de calore partium aliarum. Hæc omnia profecto evenire

nire indies solent: ut proinde non sit mirum, à nemine ququam hanc calefactionem in dubium vocari.

Ast quemadmodum caloris isthæ fiat propagatio, non perinde est manifestum. Vulgò sanè creditur spiritum quendam, vitalem dictum, calefieri à corde, & inde per arterias quaquaversum diffundi. At spiritus voce non omnes idem significant. Ut proinde qui videntur idem dicere minimè idem dicant. Alij enim spiritum appellant id quod pingue, leve ac tenue sanguini inest, quale diximus pro fomento esse igni cordis vitali. Alij vapores atque exhalationes sanguinis quasq; isthoc nomine nuncupant. Alij deniq; intelligunt aëreum aliquod corpus & quidem vel respiratione adductum, vel confectum ex sanguine, vel paratum partim ex aëre inspirato, partim ex sanguine in aëream naturam attenuato. Horum verò *Primi* ut rectè sentiant perperam tamen loquuntur. Quamvis enim chemicorum mos ferat subtiliorem omnem liquorem spiritum dicere, quâ ratione & liquor vini *eiusdem* spiritus vocabulo usurpatur; tamen præter consuetudinem loquendi vulgarem & priscam id ipsum fit, non sine bonæ doctrinæ magno dispendio. Neque enim decet vocum significationes à recepto usu citra causam deflectere: nulla autem causa iusta chymicos impulit, sed ostentatio sapientiæ & thesaurorum apud imperitum vulgus, quod auro emungere allaborant ingentibus promissis. Etiam *alteri* loquuntur *autops*, neque enim exhalatio quævis aut vapor à quocquam paulùm accuratiores dicendi magistro spiritus solet appellari. Eiusmodi tamen vapores atque exhalationes sanguinis passim toto corpore reperiri certum est, non minus atque est certum pingues aliquas leves ac tenues reperiri sanguinis partes. *Tertij* rectius loquuntur. Nam id solum

lum substantia: genus quod invisibile atque impalpabile est *πνεύμα* Græcis Spiritus Latinis olim dictum est. Neque enim alia significatione vox isthæc in Hippocraticis, Aristotelicis, Platonicis, Theophrasticis, imò nec Galenicis scriptis usurpatur. Quoniam autem inter corpora sublunaria quartum elementum, quod ignem vulgo appellamus, & aer sola apud nos tenuis adeo sunt naturæ, hunc scriptoribus illis non nisi ignea & aerea Spiritus voce veniunt. Imò sola aerea spiritus vulgò dicta sunt olim; quod quarti illius levissimi elementi naturam pauci habuerint cognitam. Aristoteli *quarto meteoror. c. 9. πνεύμα* definitur *πῶς αὐτοῦ ἐστὶν ὡς αἰὲρ*; quæ tamen definitio maxime competit voci prout ibi ab Aristotele illa usurpatur. Iam tum olim autem visum est verosimile philosophis pariter ac medicis, in venis atque arteriis, cum primis tamen hisce, ut & in corde spiritum aliquem aereum contineri. Quia vero lenserunt, inter se se tamen dissenserunt, & circa materiam illius spiritus, & circa usum, & denique in eodem spiritus aliquis solitarius in vasis sit, an autem præter hunc sanguis aliquis adlit.

Atque veteres quidem ante Erasistratum (ut de ultimo primùm dicamus) una cum sanguine ferri spiritum aereum per vasa docuerunt. Sane in Hippocraticis, Aristotelicis, Theophrasticis aliisque monumentis non aliud legere est, nisi forte sequius sint accipienda illa *l. de principis de aorta: πρῶτος ἐν πνεύμα*: princeps Erasistratus solum aërem reperiiri in arteriis censuit. Floruit autem hic post Theophrastum, quem iunior docentem audivit, ut nonnullos dixisse memorat Laërtius in vita Theophrasti, & Erasistratæos jactasse refert Galenus *l. quod sanguis*. Si Plinio credimus Aristotelis filia genus est Erasistratus; verum id

quidē existimo minus rectē dictum, errore nato quod Pythias, unica Aristotelis filia, nupserit Methrodoro medico nutritio Erasistrati ut quidem habet Sextus Empir. *l. 1. advers. math. c. 12.* aut Medio itidē medico, ut est apud Laërtium, quem avunculum fuisse Erasistrati narrat Svidas. Itaque demū post Theophrastum ejusmodi dogma natum est: quod postmodum strenuē defenderunt ad Galeni usque ætatem Erasistrati sectatores. Habetur verò & apud Plinium. *l. 11. c. 37. Inter has latent arteria, id est spiritus semita.* item: *Arteria carent sensu nam & sanguine. Nec (lege Ha) omnes vitalem continent spiritum.* Plerique tamen aliæ philosophi pariter atque medici antiquiorem illam sunt sententiam amplexi: nisi quod distinctius quā illi plus spiritus arteriis tribuerint quā venis. Hinc illæ arteriæ & venæ definitiones apud Agellium *l. 18. Notz. Articular. c. 10. Vena est conceptaculum sanguinis misti confusique cum spiritu naturali, in quo plus sanguinis est, minus spiritus: Arteria est conceptaculum spiritus naturalis misti confusique, in quo plus spiritus est, minus sanguinis.* Haud absimilia legas in auctore definit medicar. quæ inter Galenicos libros leguntur. Non dissentit porro etiam ipsemet Galenus: agnoscit enim in corde & arteriis præcipue spiritum aliquem vitalem, qui tamen unā cum sanguine feratur, non hæreat autem solitarius. Galeni verò autoritate permoti posteriores medici tantum non omnes (quod sciam) in idem consenserunt, & quidem sine ulla dubitatione, quam Galeno non defuisse patet ex ingenua illa confessione quæ habetur *l. 12. meth. c. 5.* jamque supra à nobis est laudata: *Animalis spiritus cerebrum veluti fontem esse clare ostendimus: vitalis spiritus non aequè evidens demonstratio erat.*

Porro illum arteriarum spiritum, plerique sane veterum

rum videntur existimasse confieri ex inspirato aëre. Iam
 tum supra *cap. 10.* adducta in hunc sensum à nobis sunt
 verba, ex auctore *libri de alimento*, & *libri de flatibus*, qui
 Hippocrates creditur. Auctor *libri de morbo sacro* inquit :
per has venas plurimum spiritum adducimus : ha enim corporis
nostri sunt spiracula, cum aërem ad se trahant & in reliquum cor-
pore deducant. Venarum autem voce significantur ex mo-
 re avi etiam arteriæ. Idem non obscure docet quoq; au-
 ctor *libri de principiis.*

Aristotelem quoque agnovisse, quod respirando aër
 in cor deducatur, supra ostendimus. Quamquam igitur
 noluerit docere *l. de comm. animal. motu c. 10.* num spiritus
 connatus cordis semper idem sit, an idem semper diversus
 efficiatur, quæ item sit ipsius conservatio; eo quod isthæc
 inquisitio ab illo loco esset aliena; per tamen est verosimi-
 le, placuisse ipsi quod in respirantibus quidem animalibus
 ab aëre inspirato saltem amplificetur spiritus ille. Etenim
 id innuere videtur *l. de somn. cap. 2. & l. 2. de generatione anim.*
c. 4. observatione illa, quod cohibitio spiritus vires inten-
 dat. Illud tamen, spiritum potiore ex parte manere sem-
 per eundem, videtur itidem sensisse. Hinc *l. 2. part. c. 16.*
 legitur : *πάντα τὰ ζώοντα πνεύματι τῷ σώματι ὡς αἶμα κινεῖται.*
τὸ τὸ δὲ ὑπάρχει φύσει πᾶσι, καὶ ἡ ψυχὴ ἐκείνων πᾶσιν ἴση.
 Alibi non semel agnoscit connatum illum spiritum in o-
 mnibus animantibus etiam quæ non respirant.

De Theophrasto minus dubitaverit quis; hic enim
 diserte *l. de sudoribus* docet, per validam inspirationem in-
 flari vasa quo minus tum possint emittere sudorem; agno-
 vit autem & ille in vasis spiritum aëreum motus aucto-
 rem, cæliquet ex fragmento *libri de Paralyti* quod Pho-
 rio debemus.

At Strato Lamplacenus videtur potius alitionem spiritus huius arteris contenti petulle ex vapore sanguinis quantum colligere est ex *l. de spiritu*, ubi adversus Aristogenem disputat, qui aëre inspirato nutriri scripserat illum spiritum. Cum Aristogene vero, eodem tempore fecit & Praxagoras & Philotimus: uterque enim, teste Galeno *l. de usu respirat. c. 2.* animale spiritum voluit respiratione nutriri, nec minus uterque animale illum spiritum arteriis censuit contineri. Erasistratum porro idem censuisse notissimum est vel ex uno Galeno.

At Galenus ipsemet vereor ut satis constanter hunc locum tractaverit. Nam discrete quidem *l. de sens. Hist. & Platon. c. 3.* scribit: spiritum animale cum tenui sanguinis halitu cum aëre nutriri. At tamen passim aërem in pectus refrigerationis tantum gratia inspirari docet, nec nutritionis alicujus spiritus vitalis meminit, etiam quolibet de usu respirationis disputavit. Quin alibi vel negat vel incertum esse indicat, num quid aeris inspiratione in arterias perveniat. At tamen post Galenum plerique profecto tanquam Galeno auctore probatum dogma defenderunt, nutritionem spiritus vitalis ex halituoso sanguine & aëre inspirato, ita ut hodie sententia isthac in medicorum scholis sit receptissima.

De usu denique spiritus contenti in arteriis & venis variae quoque sunt & dissidentes sententiae. Nam multi quidem antiquissimorum medicorum philosophorumque Graecorum videntur in id consensisse, quod spiritus ille sit causa motus voluntarii sive instrumentalis sive principalis, donec Herophilus nervorum ex cerebro & spinali medulla orientium historia orbi accuratius tradita, cepit persuadere non arterias & venas, aut aliquid illis vasis

com-

comprehensum ad motum facere, sed solos illos nervos, & quæ est a nervis facultatem moticem cum spiritu ex ventriculis cerebri procedente omnem motum perficere. Licet hanc doctrinam Herophilus cum passim apud Galenum discere, tum quodammodo ex Plutarcho libro de placitis philosophorum 4. c. 5, l. 5. c. 22. petere. Disserte vero scribit auctor libri de morbo sacro: Aer qui ad venas pervenit cerebrum subiens ad ventriculos accedit, sicq. intelligentiam & motionem animalibus præbet. Quare ubi pituita a venis aerem intercluserit, minime admiserit, voce defectum & minime intelligentem hominem efficiunt, manus autem ad motum impotentis redduntur & contrahuntur, sanguine conquiescente neq. ut consuevit diffuso. Item: pedibus calcitrat cum aer in membris interclusus foras præ pituita emergere non valeat, & cum sanguine sursum ac deorsum impetu delatus convulsionem & dolorem inferat, adeoque calcitrat. Vbi observandum, auctori huic visum esse, quod hepar ac lien sint vasorum principia, vasa vero multa ex universo corpore ferri ad cerebrum, inque ea adduci aerem: Per has venas, inquit, quæ nempe ad cerebrum finiuntur, spiritum adducimus: hæc enim corporis nostri sunt spiracula cum aerem ad se trahant & in reliquam corpus deducant, ac per venulas refrigerent rursusq. emitant: neq. enim vis fieri potest ut spiritus consistat, scilicet cum sursum ac deorsum ferri necessarium est: ubi enim sistitur & interceptitur pars ea ad motionem impotens redditur. Cui rei hoc est indicio, cum sedenti & iacenti venula ita comprimuntur, ut spiritus a venis non erumpat, statim torpor occupat. In eadem lententia fuisse etiam auctorem l. de diata in morbis acutis (qui iudice Galeno Hippocrates Heraclidæ filius ipsemet est) significat doctrina & a Quinac. cuius causa nempe sit venarum interceptio: quando spiritus, inquit, non possunt consuetis viis

per sanguinem vadere, refrigerationes sunt à quiete, & obtentiones oculorum & à Phoria & capitis gravedo & convulsiones. Fit autem & alibi non semel mentio in Hippocraticis scriptis venarum & spirituum in venis interceptionum, ubi semper indubie ponitur illa de spiritus usu sententia quasi pro fundamento.

Iam vero affirmat Galenus *l. 2. sentent. Hippoc. & Platon. c. 6.* non Hippocratem tantum, verum etiam plerumque, qui post Hippocratem dissectione male sunt usi, prodidisse, carotidum interceptione animal obmutescere ac sopiri. Certe ii qui, ut Theophrastus in fragmento libri de paralyti memorat, crediderunt paralytin fieri, ἐκλείψει καὶ σπέρσει τὸ πνεῦμα. τὸ το γὰρ εἶναι τὸ τὴν θερμότητα καὶ τὴν κίνησιν ὅλως ποιόν, omnino non aliter senserunt. Erasistrati quoque videtur non fuisse dissimilem opinionem. Namque ejus sectatores refert Galenus *l. quod sanguis* rogasse: *quomodo erunt motus voluntarii si arteria sanguinem continent?* Sane musculos contrahi repletis eorum cavitatibus à spiritu, omnino credidit, ut testatur Galenus eodem *l. quod sanguis. & lib. 6. de locis affectis c. 5.* sive crediderit, illum spiritum per arterias primum devenire in nervos cerebri & spinalis medullæ, ut nonnunquam innuit Galenus, sive potius exillimaverit statim atque αμέσως fieri illam spiritus ex arteriis in musculos delationem. Praxagoram quoque huic sententiæ favisse colligere est ex libro Galeni de tremore & palpitat: omnes enim illos affectus à Praxagora habitos esse affectus arteriarum & flatuum. Valde etiam, est verosimile in vasis collocari ab Aristotele spiritum illum quem vult esse instrumentum voluntarii motus: nec dissentit Strato Lampiscenus, quantum est ex obscuris illis fragmentis libri de spiritu intelligere. Alios tamen istius avi spiritu illo credidisse

didisse refrigerari potius corpus quam moveri, indicat Theophrastus fragmento isto *libri de paralyfi*: hunc enim affectum nasci à refrigeratione nimia facta à spiritu: aperte vero habetur idem *libro de flatibus*.

Galenus, ut jam ante diximus, dubius fuit numquid detur spiritus vitalis arteriarum nec ne: ideoque nec de illius usu certi quidquam pronunciavit, tantum abest ut demonstraverit. Passim sane aërem illum quem in diastole arteriarum vult sive per cutis spiracula, sive ex corde ingredi, tantum refrigerationem præstare docet: nusquam verò aperte tradit vel facultatem vitalem aliquam vel calidum influens illò tanquam vehiculo in omne corpus ferri. Imo passim diserte Herophilum secutus proficitur, vitalem suam facultatem à corde in tunicam ipsam arteriarum deduci non in earum cavitatem: tunicarum enim vi *διασολλῶ* ac *συσολλῶ* effici. Vtrumque verò vel certe alterum longo jam tempore in scholis medicis assertum est, habitumque non tantum verum sed etiam Galenicum.

Vtut vero unanimi quasi sententia hodie id ipsum sit receptum, existit tamen quæ operose recensimus liquidò apparet, placitum hoc scholarum verè novitium *εὐρημα* esse, adeoque si ab eo dissenserimus non posse nos meritò postulari contemptæ antiquitatis; potius autè alios supinæ credulitatis esse accusandos, & perversa veterum librorum interpretationis, ut qui passi sint sibi persuaderi non Galenum solum, sed etiam Hippocratem secum facere, & vim fecerint interpretando antiquissimis monumentis. Neque vero etsi nonnulli veterum existimaverint, teste Theophrasto, spiritum illum esse caloris causam, idem cum nostris sunt opinati: voluerunt enim illi spiritus motu excitari calorem, hi vero spiritum illum à corde accendi: qua de re nonnihil infra differemus. Ve-

Verum in sententiis aliorum, de spiritu arteriis maxime & venis comprehenso, recitandis fortassis iusto prolixiores fuimus: quin itaque in viam reversi quod instituti est agemus. Visurum sit verum illud vulgare placitum, ex corde cum spiritu aliquo calidum nativum influere in omnia corporis. Caterum si spiritus voce intelligas pinguiore tenuioreq; sanguinis partes, equidem nullus dubito idem profiteri. Imo id plane verissimum esse sequente capite demonstrabimus. Si illo præterea vocabulo accipias vapores sanguinis, non itidem reluctamur, modo addatur non in solis huius, aut præcipue in huius, vum influentis calidi contineri. Apparebit autem & hoc ex sequente dissertatione. Si spiritus voce significes igneas subtiles partes, fatemur utiq; & nos spiritum vitalem reperiri in omnibus vasibus, imo toto corpore. Calidum enim influens vitale igneæ substantiæ esse sequente capite demonstrabitur: ignis vero non minus dignus est spiritus appellatione quam id quod est æreum. Verum enim vero minime hoc volunt qui spiritum inesse arteriis docent: alii enim ab illo spiritu refrigerationem, alii vehiculum, alii pabulum quærunt influentis calidi, itaque æreum potius spiritum intelligunt. Verum hoc sensu negamus per spiritum communicati influens calidum. Argumentum pronuntiati nostri est quoniam in vasibus istis non reperiatur æreus spiritus, & si quis reperiretur, ille non possit calido provehendo idoneus esse. Vtrumq; scorsim demonstrabimus.

Ac *primo* id quidem amplius nulla eget confutatione, in arteriis nihil nisi spiritum æreum contineri. Hoc enim Erasistrati sectatorumq; eius dogma dudum optimis rationibus explosit Galenus, cum alibi tum *libro quod sanguis*

in arteriis continentur: & facillimè sensibus ipsis refellitur. In iisdem arteriis parum sanguinis multo autem plus spiritus haberi, non aliunde magis capit verosimile videri, quàm quod indicari id visum sit paucitate sanguinis arteriosi qui in suffocatis corporibus reperitur; aliis id persuasit pulsus arteriarum, quasi motus ille sit intumescents spiritus opus. Neutrum autem quantivis est roboris. Falsissimum enim est parum sanguinis haberi in arteriis animalis vivi. In suffocatis cur parum superfit, causa est quoniam durante suffocatione non potest sanguis per pulmones in sinistram cordis sinum, atq; hinc in aortam propelli, eo interim quod in arteriis erat in venas manante; quod jam vidit Harvejus *l. de motu sanguinis. c. 9.* & à nobis *l. de sanguine* est observatum. Motus quoq; arteriarum non est à tumore spiritus, sed ab impulsu sanguinis in arterias ex corde; ceu recte docuerunt Casalpinus, Hoffmannus, Harvejus, alij, quorum sententias alibi defendimus. Nullo sane signo colligere est plus spiritus proprie dicti in arteriis esse quam in venis. Imò parem utrobique esse rationem, nisi quod in arteriis sanguis sit calidior, argumento est ipsa sanguinis in arteriis non minor quàm in venis multitudo: quam & arteriotomia docet & constrictio arteriatum, corpore vivi animalis per *avartulo* aperto, & ipse denique pulsus arteriarum, qui non aequaliter ubivis sese haberet nisi arteriæ sanguinis perinde ut venæ essent plene.

Postremò nihil planè secundum naturam spirituosi ejusmodi aerei arteriis inesse, vel certe nunquid adsit dubio non carere, probare hinc est, quoniam neq; sensus nos docent quod adsit, neq; ulla demonstratio. De sensuum experimento liquet, quid enim probet illa paucitas san-

guinis in arterijs suffocatorum, modo dictum est. Demonstratio porro nulla vel à causa finali vel ab alia causarum aliqua potest peti. Nihili sane est: necessarium illum spiritum esse ob motum voluntarium. Etenim fate-mur quidem etiam nos, ad motum opus esse spiritu quodam, & quidem illo qui non continetur nervis cerebriac spinalis medullæ: attamen satis est, si ille cujuslibet musculi fibris insit: ut per arterias illuc perveniat nulla est necessitas, quod alias uberius docetur. Ad sensum aut munia animæ Vegetativæ ne quidem fortasse quisquam requisivit spiritum: adeo id procul abest ab omni verisimilitudine. Facultatem singularem vitalem esse, admittere non possumus, nisi isthoc nomine intelligas calidum nativum cordis arteriarumq; partibus organicis instructum; hoc enim est causa motus cordis atq; arteriarum, quem solum effectum inepte (nequid gravius dicam) vitali facultati adscribit Galenus, præter morem loquendi non vulgi tantum sed omnium quoque sapientum, quibus ut vivere, est animæ operationes exercere, ita vitalis facultas est, facultas quævis ejusmodi operationum. Ut verò sit aliqua facultas vitalis sui generis, spiritu illa non eget si ipsimet Galeno credimus, utpote quum per tunicas arteriarum communicetur, ex Galeni & Herophili sententia. Porro aëreum spiritum non requiri sive alimenti gratiæ sive ut refrigeret influens calidum, sine difficultatē intelligi potest ex ijs quæ supra *Cap. xi.* disputavimus. Luculentē enim est ostensum, refrigerari commodissime sanguinem posse, etiamsi aër frigidus vasa ipsa non ingreditur. Et verò sanguis delatus per arterias celeri motu ad corporis partes universas, cum insitā partium frigiditate, tum ab aëre ambiente multum

tum refrigeratur, & quidem ut proinde opus sit sanguinis ad cor recursu, cœu jam tum docuimus *l. de sanguinis gen: & motu c. 42.* Nulla porro verisimilis ratio fingi potest, quæ doceat aëre opus esse in alimentum calidi influentis: imo aërem ineptum esse ad conservandum ignem, jam tum est demonstratum. Ut ad causam efficientem veniamus, non deprehendere est in sanguine eam vim caloris, quæ possit maximam quidem partem sanguinis arteriosi in spiritum aëreum convertere, quod clare probavimus *l. de sanguin: gen: c. 34.* etsi secus fieri vulgò existimetur. Aliquas sanguinis partes in aërem à calore isto converti fatemur & nos: verum & ille mox in ignem nativum abit per transmutationem, adeoque non est vehiculum influentis ignis quod vulgò creditur. Verè enim igneum quid & quidem satis copiosum vasis etiam & toto corpore comprehendi, quod spiritus vocabulo liceat appellare, ac proinde hoc sensu etiam nos spiritum vitalem admittere, jam ante sumus professi. Nihil denique fingi potest, quo probes aëreum aliquem spiritum vel propter materiæ necessitatem abesse non posse, neque est effectus aliquis secundum naturam qui huic debeat. Certè ab alijs nihil est memoriæ proditum quod huic faciat.

Cum itaque neque sensu compertum sit neque demonstratione probatum, aut possit probari, reperiri in vasis spiritum aliquem aëreum, manifestum utique est id quod antediximus, omne illud quod vulgò de spiritu isthoc fertur esse commentitium. Haud negamus tamen, præter naturam interdum aëreum quid vasis comprehendi: imò satis frequenter fieri, ut copiosus ejusmodi spiritus cum sanguine huic illuc feratur per vasa,

ultrò confitemur. Et verò maxime id ipsum fit post magnas inanitiones corporum, aut si flatus intestinis contenti exitum non invenient: unde non tantum leves affectus sed & maximè graves, quales sunt convulsiones, in musculos impetuoso spiritu irruente ex vasis, oriuntur. Verùm illi spiritus ad negotium nostrum nihil attinent.

Esto autem ut spiritus aëreus in vasis secundum naturam detineatur, nō poterit tamen ille vel vehiculum esse influentis calidi, vel ejus alimentum. Cum enim influens illud calidum sit igneæ naturæ, ignis autem levior longe sit aëre, nec ab aëre possit detineri, utique fieri non potest uti spiritus aëreus contineat ignem influentem, atque ita illi sit pro vehiculo. Spiritus porro aërei alimentum non posse conservari ignem aliquem, abunde supra est demonstratum; itaque nec hic spiritus calidi influentis est alimentum illud quo sese conservat. Sive porro fuerit pro vehiculo, sive pro nutrimento spiritus ille, quanta ejus copia perpetuo exhalabit insensibili transpiratione? Neque enim quid obstat quo minus uno momento perspiracula cutis plurimum abeat, cum tenuis sit ille spiritus & ab igne adjuncto valde levis. Ut ne itaq; deficiat, perpetuo in alimēti locum ingens spirituum copia deberet generari. Non potest autem id fieri ex aëre inspiratione attracto in pectus, hic enim (quem admodum supra ostendimus) non penetrat in cor, eoque nec pervenit sive in aortam sive in cavam venam. Non ex aëre in arterias per cutem sese insinuante, quod vulgo creditur fieri, namque in diastole quidem cum impetu replentur arteriarum extrema adeoque non possunt admittere aërem, in systole nonnihil concidunt atque

ita connivent orificia vasorum; utque aliquid penetret in systole, in diastole mox subsequente statim rejicietur. Ex sanguine porro tantum aeris non produci, jam ante ostensum est. Quapropter si quis in vasis fuerit spiritus, ille usum istum, qui vulgo tribuitur influenti calido, nequaquam prestitit: id quod erat probandum.

CAPVT XVII.

Cor partes alias calefacere, maxime per influentem sanguinem, in quo producit ignem aliquem mobilem, qui itidem sanguinem consumit quo comprehenditur.

COR non communicare calorem suum per spiritum aliquem, seu vulgo creditur, ex iis quæ differuimus est manifestum. Tentandum, an propius liceat ad veritatem pertingere.

Et quidem videtur duplici ratione cor calefacere: interventu scilicet sanguinis à sese calefacti, & simpliciter productione caloris in vicinis quibusque etiam solidis partibus. Cum enim vicina quæq; apta nata sint calefieri, magis minusq; prout singulorum est temperies, non possunt non illa à cordis igne incalescere. Verùm hæc quidem calefactio angustis limitibus circumscribitur; neque enim ultra ea quæ proxima sunt porrigere sese potest. Itaque ille calor, quem cor etiam remotis largitur partibus quibusque, non isthoc modo producit.

Cum sanguine autem quaquaversum per omne corpus diffundialiquem è corde calorem multa indicant. *Primo* enim impossibile est ut à corde possit in tam remota

calor pervenire, nisi id fiat per meatus qui à corde in omnes partes producuntur: per solida enim obstacula non posse caloris vim ita penetrare, usu quotidiano docemur. Multò minus calor potest citò in dissita proficisci nisi sint canales per quos meet: citò autem à corde ad extrema corporis calorem pervenire in compertò est: Nec ulli meatus alii à corde quaquaversum tendunt nisi venæ & arteriæ, hi vero sanguine semper pleni sunt qui hisce viis itaque redit ad cor. Necessum igitur est per hosce meatus unà cum sanguine calorem diffundi. Constat porò in omnes corporis partes è corde mitti sanguinem. *Sanguis vero non est naturâ (i.e. vi materiæ) calidus, ut neque alia quædam aqua, sed calefcit* (verbis utor auctoris libri de corde) & quidem calefcit à cordis igne. A calido autem sanguine per omne corpus manante non potest profectò non omne corpus incalescere. Cum sanguine itaque calorem à corde proficisci vel hinc est manifestum. *Confirmatur* idem eo, quod totum corpus aliter atque aliter caleat, prout sanguis est alius atque alius cum copia & paucitate, tum qualitatibus quæ calefactioni vel repugnant vel favent. Hinc sane deficiente sanguine etiam calor deficit, illo affluente rursus redit. Si dilutior sit sanguis corpus est frigidius, si fibrosior calidius. Quæ caloris varietates non ita in omni parte sentirentur, nisi à sanguine vis caloris omnium partium de-
penderet.

Non aliter præterea quàm per sanguinem mitti à corde calorem in dissitas partes, argumento clarissimo est illud, quod partes omnes modò magis modò minus calent, tantùm propterea quod nunc magis nunc minus calidi sanguinis cor mittat. Fit autem hoc, quoniâ vel cordis mo-

tus

tus (quo uno motus sanguinis peragitur, cum alibi est probatum) fortior aut debilior, vel ignis ipse nunc intensior nunc remissior est. Differentiam illam caloris in corpore, unice dependentem à motu & calore vario sanguinis, Indies licet unicuique vel in semetipso nunquam nonprehendere. Quod si verò etiam citra sanguinem diffunderet calorem cor, profecto res longe secus sese haberet.

Loco firmi argumenti *postremo* merito esse potest, etiam sacre Hebræorum doctrinæ in sententiam nostram consensus. Neque enim illà quidquam contineri, quod vel in hisce, utut æternæ salutis neutiquā utilibus, quem decipiat, iustum est credere. Vitale verò principium omne (quod utique est non cordis tantum sed & reliqui corporis calidum, ut aliàs probatur) sanguine comprehendendi, clarissime divinis codicibus probatur, quorum luculenta testimonia cum jam *cap. 11.* sint adducta, non est quæ illa denuò hec adferantur. Certè non constar veritas divinis illis dictis, nisi & corporis illum calorem à corde communicandū sanguine contineri profitearis.

Cæterum si cum sanguine calor communicatur à corde toti corpori, necessum est proximè quidem id fieri per arterias, ex consequenti tamen etiam per venas. Sanguis enim è cordis dextro sinu in pulmonum primo arteriosum vas, inde in venosum, (quorum utrumque perperam vulgo, alterum venæ arteriosæ, alterum arteriæ venosæ vocabulis nuncupatur) è sinistro sino iterum in aortam & omnes arterias, inde in venas com meat, quemadmodum aliàs est ostensum. Calet vero etiam qui in venis est sanguis, etsi major calidi vis arterijs comprehendatur. Itaque necessum est uti corpus ab utroque vaso.

vasorum genere incalescat, magis tamen ab arterijs. Esse vero calidiorem arteriarum sanguinem quam venarum, cum sensu est deprehendere, eoque etiam olim notatum auctori *l. de principijs* ac post cum multis alijs, tum vel inde est manifestum, quoniam arteriarum ille quam proximis est cordi, h. e. foco ignis nativi, remotior abest sanguis venarum, & frigida temperie partium simul & frigore aeris ambientis multum est debilitatus. Neque vero moramur heic Aristotelem, qui ut sinum cordis, nobis sinistrum dictum, ita & vase hinc oriundo comprehensum sanguinem frigidiorum dextro pronuntiavit: quippe quum jam supra ille sit hoc nomine confutatus. Quin *l. de gen. & motu sang. c. 42*, multis est ostensum, illi maxime fini in orbem moveri sanguinem & per venas ad cor reverti, ut redeat in sanguinem illum debitus naturæ calor. Non sane, cum ex dextro sinu cordis in venas nihil effluat, non facile deficeret venosi sanguinis calor multum adeo passus a frigore, nisi refocillaretur in cor remans. Fit autem omnis ille motus sanguinis potissimum vi cordis ut itidem *l. de gen. & motu sang.* laudato capite ostensum est; propterea & vi cordis sit caloris cû sanguine in omnes partes transmissio. Ex verò una est eademque cum sanguinis tum caloris deductio, ut proinde cum de sanguinis motu luculente a nobis alibi sit disputatû, non sit necessum modum deducendi calor ex corde heic multis exponere.

Non nihil potius dicendum est, quemadmodum à corde generetur influens (ita enim vulgò appellatur) illud calidum; præterea substantia ne sit an accidentale quid; & deniq; si est substantia atq; igneæ forte naturæ, num etiam nutriatur ad modum ignis vitalis qui est in corde.

Primum

Primum videtur duplici fieri modo: partim sc. simpliciter transmutando id quod potentia est calidum in actu calidum, partim per insinuationem calidarum exhalationum sanguinearum. Quum enim ignis cordis in sanguine poris contento hæreat, hinc, mollium ignium modo, non potest non emittere semper plurimas exhalationes quæ penetrent in proximum sanguinem utriusque sinus, ideoque illum ocyus calefaciat. Sanguinem autem aptissimum esse qui calorem concipiat, vel sola incandescencia animi significat, quippe quum tantum non momenti spatio omnis propemodum sanguis ab isthoc affectu quasi exardescat. Nimirum vino quadamtenus similis est sanguis, cuius spiritum quem appellant chemici levi igne incalescit usque adeo, ut nisi æstus ejus aqua contemperetur totus evanescat, promptissime certe concepta flammâ concremetur. Neque enim, quod non ita pridem cum auctore *lib. de corde* asseruimus, *sanguinem non esse naturâ calidum ut nec aliam quandam aquam*; ita accipiendum quasi non magis aptus sit calefieri sanguis quam aqua, sed quod calorem istum quem in sanguine tactus deprehendit non habeat ex sese, perinde ut non habet aqua fervens. Est autem hoc vero verius. Non enim vel sensu compertum vel ratione aliqua probatum habemus, id quod Plato *in Timæo* docet, sanguinem rubere ab admisto igne, ut nec quod videtur Galenus dicere *l. de sem. c. 3.* sanguinem venosum ex sese tepidum, arteriosum vehementer esse calidum, eoque hepar naturâ tepere, cor calore fortius. Sanguis profectò è vasis effusus citò calorem amittit: quod non fieret, si omnium ejus partium temperamentum naturâ atque ex sese esset calidum. Vsq; adeo sane liquet mutuatio calore sanguinem calere, ut ipse met

Galenus cum alibitum *l. 1. de Temp. c. 9. l. de us. puls. c. 3. l. 4. de usu part. c. 6.* doceat, sanguinem à corde calorem accipere, & planè quæ nos diximus etiam Aristoteles probet *l. 2. de partib. animal. c. 4.* ejusdem libri *c. 9.* dicens: *vena si quæ esset separata, vel suæ origini continua tenderet, suam sanguinem servare non posset: qui enim ab origine est calor facit ne sanguis concreseat.* Est autem origo illa venarum cor. Sed de temperamento sanguinis aliàs commodius differitur. Constat certè sanguinem idoneum esse qui citò & multum calefiat. Calefactio igitur fit in auriculis & sinu utroque cordis in perfectis animalibus, de quibus nunc sermo est; in aliis in una auricula pariter atq; in uno sinu: quod quem in finem ita sese habeat dicitur *l. de motu sang. c. 45:* & quidem fit ita quemadmodum ibi expositum est. Procedit autem illa calefactio per partes: utpote quum illud quod uno momento sive in auricula est sive in sinu altero, per *συσπλν* iterum projiciatur: qui calor cum paulatim pereat, refocillatur iterum sanguis idem in cor reversus: idque tamdiu fit quamdiu aliquid illi utile inest; postea enim excrementitium omne seorsim suis locis projicitur è corpore, potissimum per cutis spiracula per vesicam & per album. Qua de re aliàs.

Quum porro sensus probet calidum influens illud vehemens esse & quidem longè superare vim caloris qui aëri est proprius, iisdem profecto argumentis quibus *capite sexto* sumus usi, manifestum fit, etiam hoc calidum verè igneum quid esse. Neque enim nova quadam opera res indiget ut probetur: quum nemini non in promptu sit allata ante argumenta heic repetere. Non perinde fortistamen hic ignis est atq; ille in corde: quod itidem sensu edocemur. Causa verò est, quod sanguis hic calidi influ.

influentis conceptaculum, & careat ellychnio ejusmodi quale cordis ignis habet: cujus vim ante exposuimus, & non maneat uno loco sed huc illuc fluat, quo vis ignis multum exolefcit, in eo interim quod permanet humido magis magisque cumulanſe vires ſuos igne. Accedit quod calidum hoc cum à partibus ſolidis temperamento frigidis, certe non actu perinde ut hic ſanguis calidis, tum ab aëre totum corpus ambiente multum debilitetur: quum ex aduerſo ignis in corde hærens non à partibus frigidis aut ab aëre frigido æquè facile patiatur. Haud parùm quoque vim ejus minuit copioſa exhalatio: qua de mox dicendum apertius: fortiorem autem eſſe clauſum ignem, quàm qui poteſt quaquaueſum diffundi, notiſſimum in vulgo eſt.

Cum duo vero ſint ignium ordines, mobiles alii, alii immobiles, haud difficile quoque dijudicatu eſt ad quem ordinem ignis vitalis ille ſanguinis pertineat. Mobilem enim eſſe indicio eſt vel ſola illius vis atque excellencia; nempe contrariorum miſtione non eſt fracta, neque miſtione ſanguinis elementarem conſtituit, adeoque à reliquo ſanguinis corpore non ſanè detinetur tanquam intima ejus pars ſit. Non detineri etiam poteſt à ſanguine quemadmodum à ferro candente ignis qui canderet: evaporabile enim quid eſt ſanguis calefactus, ceu aqua omnia; in ferro autem & lapidibus omnia tenacius cohærent, ut temerè exhalare nequeant. Perpetuò vero ſanguinem, & cum ſanguine influens calidum, cum intus in corpore, tum extra corpus inſenſibiliter exſpirare per oſcula vaſorum, notum eſt. Illa autem exhalatio certiſſimum eſt argumentum mobilitatis influentis calidi. Neque enim ullus vapor aut fumus ullus eſt, quin actu continet

tineat ignem leuem cuius virtute exhalet. Recte sanè Aristoteles *1. Meteor. c. 10.* δῆλον ὅτι ἡ ἀτμὶς θερμότερα ὕδατος ἔχει ἢ τὸ ἀνίσχον ἐν πύρ. Certè in aëre nihil propria levitate sursum movetur, nisi vi prædominantis ignis: moventur autem sursum in aëre evaporationes sanguinis etiam extra vasa jam effusi quamdiu ille calet, multo maxime id ipsum fit sanguine adhuc in vasis calente.

Cæterum ignis mobilis in corpore hærens combustili non potest non illud consumere: itaq; & ignis ille influens necessariò sanguinem conficit. Quin imo multum ita absumi verosimile est, quum sanguis omnis calidum illum ignem comprehendat. Quamvis enim hic ignis minore sit vi quam ignis cordis, tamen amplitudine sua (per omnem nimirum sanguinem corporis diffusus) compensat defectum intensionis. Quo fit ut fortassis æque multum conficiat ignis hic influens atque ille qui est in cordis foco. Ratio tamen, ob quam & hic & illic fiat isthæc consumptio, non videtur eadem. Namq; in corde absumitur sanguis ut conservetur vitalis ignis in suo foco: in vasis autem, uti eam ob causam idem fiat necessum non videtur, quoniam superstire igne cordis, perperuò possit in sanguine influens calidum conservari, utut seipsum haud propaget. Indubie verò maiore cum difficultate incaliceret sanguis, nisi per calidum à foco productum porro sese propagaret in sanguine. Proindeq; omnino etiam hæc propagatio facit ad tutelam & conservationem calidi vitalis, absquâ nempe si esset, justum calorem sanguis non posset consequi. Quamvis vero solus cordis ignis sufficiens esset producendæ justæ caloris vehementiæ, necessaria tamen fuit illa sanguinis per calidum influens absumptio, saltem necessitate materiæ, ut ita loquar.

Quoniam nimirum

mirum naturæ usus postulavit sat validum in sanguine influens calidum, illud autem non possit non sanguinem consumere.

Si alitur autem etiam influens calidum sanguine, indubie iis potissimum sanguinis partibus nutritur quæ pinguiore sunt leues ac tenues, quales maximè in nutrimentum igni cordis cedere supra docuimus. Etiam alia quædam ita consumi per est verosimile. Verum hoc exquisitè disquirere alterius est operæ quâ de nutritione agitur & omnibus sanguinis partibus.

Indubie verò per hanc cremationem sive fuliginosi sive cinerulenti quid itidem nascitur, perinde atque in illa combustionè sanguinis quæ in corde instituitur. Par enim utrobique est ratio. Et verò ea est copia salsedinis vel in solâ urina, ut ab uno cordis igne non videatur posse eam proficisci. Flavescit enim urina sana præ copia admisti salis ad modum lixivii alicujus (*ridiculum* enim est, flavedinem illam à bile esse) multumque per artem acerrimi salis ex urina elicere est. Præter urinam autem sudor etiam multo sale abundat. Et sanè hunc verosimile est unius influentis calidi esse sobolem, utpote qui exhalationibus sanguinis fuerit comprehensus, quibuscum & calidum in fluens exhalat, ut postea docebitur clarius. Non nihil quoque salis per alvum excernitur: aliquid & lacrumis continetur. Quæ copia ut ab uno sit cordis igne fieri non potest.

Non tantum verò per transmutationem in sui substantiam, verum etiam aliis modis multum sanguinis consumit calidum hoc influens, & quidem maximè dum plurimum ejus in exhalationes commutat, quarum aliæ in corpore permanent aliæ foràs transpirant. Quem in finem istuc fiat cum aliàs docetur, tum ex parte infra fiet manifestum.

Est autem, (si Sanctorio credimus *sect. 1. aphor. 4. Staticæ medicina*) *perspiratio insensibilis sola longè plenior quàm omnes sensibiles*, alvi scilicet & vesicæ, simileq; aliæ excretiones, *simul unitæ*. Verum huic quidem assertioni non est quod in totum temerè credamus. Nititur enim eo fundamento, quod omne quod corporis ponderi decedit non per insensibilem excretionem, illud insensibili transpiratione exhalet: quasi omne ponderis decrementum fieret per substantiæ alicujus ablationem. Est autem hoc à vero alienum, utpote quum corpora gravitatem atq; levitatem suam permutent non per solam additionem & separationem, verum etiam per calorem ac frigus: ceu videmus argentum vivum (ut ex infinitis exemplis hoc unum nunc usurpem) quamvis magnæ gravitatis calore tamen eam acquirere levitatem, ut sursum avolet, frigore iterum pristinam gravitatem recuperare, nulla parte perditâ nulla addita. Eoque levius solito sit corpus animalis, non per solam secretionem, sive illa sensibilis sit sive insensibilis, sed etiam per calefactionem, tantum alteratis & levioribus redditis humoribus corporis. Quamvis autem non sit omni ex parte admittenda illa Sanctorii assertio, (ceu etiam alia quæ de pondere transpirationis insensibilis ille curiose philosophatur multum abest ut sint certa) in dubiè tamen vis calidi influentis plurimum sanguinis conficit per attenuationem & evaporationem, sive illa foras in aërem transcat, sive intus in corpore comprehendatur.

Sanè illa est sanguinis à calido cum influente tum cordi inhærente consumptio, per alitionem pariter atque effumationem, ut quam maximè hujus dispendii reparandi ergo pastu opus sit. Cernimus quippe indigere cibo animalia etiam quando amplius non crescunt, quando

nulla

nulla pars solida refecitur, quando neque semen neque lac neque simile quid aliud amplius generant: quod ipsum in ultimo senio contingit. Et si enim senectus minimo sit cibo contenta, aliquem tamen exigit. Causa vero quare exigat fingi alia non potest, præter illam sanguinis ab igne vitali consumptionem: solidas enim partes non perinde consumi à naturali igne, ut vulgo existimatur, jam capite quarto decimo est demonstratum.

CAPVT XIIX.

Sanguinis vitia, aut abstinentiam ab alimento diuturnam non ob stare quo minus sit verum, vitale calidum sanguine nutrir.

Verum de consumptione multi sanguinis, quam fieri diximus vi calidi cum ejus qui in corde est tum qui per vasa circumfertur, non caret res dubitatione.

Primum enim videtur nonnunquam sanguis deficere superstitute animalis utroque illo calido: quod fieri non potest si usque adeo sanguine indigent ignes illi, quemadmodum nos docuimus. Per morbum nimirum nonnunquam sanguis omnis in aquam aut pituitam abit, ut extra vasa projectus ruborem aut nullum aut exiguum præ se ferat. De Helvetii cujusdam cadavere à se dissecto ita refert Adrianus Spigelius *l. de febre semiter. c. 15. Inventa in eo est iccoris ampla moles, sanguine sic vacua in venis maioribus, ut cum in magna frustra divideretur, vix aliqua sanguinis portio effatu digna ex ipsis maioribus vena cava & porta propaginibus exiret. Ipse quoque aruncus vena cava & qua ad portas sita est, valde modicum sanguinem continebant. Sic & pulmones & so-*

& totum corpus exangues videbantur, vene mesaraica & quæ ad ventriculum tendebant atq; omentum crasso nigroq; sanguine referta erant.

Secundo: Ipsimet professi sumus ad sanguinis illam naturalem consumptionem restaurandam necessarium esse alimentum ore assumendum: & tamen non tantum multa animalia perfectissimi ordinis alia sed homines etiã per diu abstinent ab alimento ejusmodi omni. De animalibus profecto aliis id proditum compluribus est probabilissimis auctoribus. Cum primis autem latè hoc persequitur princeps hodiè Philosophorum Fortunius Licetus, doctissimi voluminis *de his qui diu vivunt sine alimento* l. 2. cap. 9. 10. 11. & 12. Utque fraus nonnunquam sese misceat, aut fabula, vetat tamen nos dubitare plurimorum fide dignissimorum consensus, homines nonnullos non dies tantum aliquot, aut menses sed annos integros multos omnibus alimentis abstinendo transegisse. Etiam illas historias plerasque magna diligentia collegit idem vir summus Fortunius Licetus præclari operis *libro primo* penè integro, & l. 3. c. 13. quibus nonnullas addidit l. de *Feris Altricis animæ disput.* 19. Et verò illam de Catharinæ Palatinæ abstinence præter eos quos laudat hic Licetus l. 2. c. 12. ipse Henricus Smetius *avronis* descripsit l. 10. *Miscellaneor.* Apolloniæ Screjeriæ quam memorat c. 14. & l. de *fer. altr. animæ* historiam, narrat prolixè singulari libro Paulus Lenzulus, & existat de eadem elegans epistola Jacobi Zvvingeri *cent. 5. epistolar. Fabricii Hildani*. Ipse Fabricius Hildanus narrat & testimoniis verisimile reddit. Evam Vligiam virginem Moersensem ab anno usque 1597. cibo omni & potu abstinuisse adhuc anno 1625. Alterius virginis Halberstadiensis mirabilem inediam, cujus memoria recens est, narrat

narrat Sennertus *l. 3. Prax. p. 1. sect. 2. c. 2.* Pauca etiam hep-
 mades sunt, quando in opido, hoc obiit scemina, quæ 25
 amplius septimanas decumbens nihil comedit, in potum
 tamen cerevisiâ parcè usurpatâ.

Quamvis vero ab aliis aliæ tam prodigiosa rei sint addu-
 ctæ causæ, atq; in maxime varia sit sententiis discessum, ta-
 men omnibus accurato studio discussis Licetus quidem ni-
 hil potuit invenire in quo acquiesceret, præterquam illud,
 quod nutritio omnis possit aliquamdiu cessare, quoniâ ea
 nonnumquam sit caloris atq; humidi radicalis æqualitas,
 ut calor vel plane non possit vel non nisi tarde possit humo-
 rem consumere. Proponit verò & probat hoc suum placi-
 tum operosè, eximii illius operis *de his qui diu vivunt sine ali-
 mento l. 3. capp. plurimè*, cum primis tamen à *cap. 40. usq. ad 62.*

Non abit à Liceto, quod quidem rei summam attinet,
 Sennertus noster *l. 3. prax. p. 1. sect. 2. c. 2.* ubi hoc argumen-
 tum sumit sibi tractandum. Et si enim nonnulla Liceti non
 admittat, tamen vel sibi metipsi adversatur vel Liceto facit
 injuriam. Disertè enim contra illum pronunciat *nutritio-
 nem in homine nunquam cessare* item, *nutritionem à πλῶς
 & simpliciter ad vitam necessariam esse & hominem sine nutritio-
 ne vivere non posse*: & tamen fateatur *præter naturam inter-
 dum fieri ut instauratione deperdit h. e. nutritione opus non sit,*
*& causam diuturnæ abstinentiæ esse humoris qui corpus no-
 strum conservat eam dispositionem, ut à calore nostro absumi non
 possit.* Atqui si simpliciter est impossibile ut non fiat absum-
 ptio illa, ergo nec præter naturam fuerit illa possibilis, ut
 possibile esse agnoscit doctissimus Sennertus. Fortè igitur
 voluit tantum hoc, quod omnibus secundum naturam sese
 habentibus nutritione omnino sit opus: verùm id à Lice-
 to nusquam in dubium vocatur, ut utatur exemplis illo-

rum animalium in quibus illa à nutritione cessatio est frequentior, namque & illa animalia, Licetò fatente, aliquid tum patiuntur præter solitum naturæ ordinem. Tantum itaque in eo unico quædam est Licetum inter & Sennerium dissensio, quod hic dispositionem illam humoris credat esse humoris melancholici fixitatem aliquâ occultâ, abstinentes enim illos omnes esse melancholicos; ille autem non melancholico humori seorsim hoc ferat acceptum sed simpliciter æqualitatis humoris primigenij in quem agit calidum nativum cum illo ipso calido, ita ut alterum ab altero consumi vel planè nequeat vel non nisi admodum lente.

Hæc si vera sunt minimè profecto verum est quod nos tradidimus: calidum utrumque esse mobilem aliquem ignem ac nutritione omnino indigere, nutriri etiam sanguine, præterea verò & aliis modis multis sanguinem consumere. Quamvis autem per sint speciosa illa nec facilia fortassis rejectu, ea tamen est vis demonstrationum nostrarum; ut à sententia abire non liceat. Et verò objectiones illæ plus habent verisimilitudinis quàm veritatis. Ut ad primum enim primo respondeamus, non deficit sanguis quando vitiosus est ac morbidus, modo ne vitia isthæc sint nimia. Quemadmodum nempe fæculentum oleum, quod non deposuit amurcam, oleum tamen est nec omnimodo ineptum alendæ flammæ. Sanè integer sanguis rectius fovet nativum ignem, quàm aliquis morbidus: etiam hic tamen non valet nihil. Et verò prout sanguis aut sanus est aut vitiosus, ita etiam nativus ignis nunc latè nunc turbide sese gerit. Aquosus profecto sanguis & pituitosus parum alit eoque debilem admodum dat ignem, & calor natus in iis corporibus tantum non deficit, levi etiam momento extinguitur. Melior tamen aquoso est pituitosus crudus,

ut

ut qui sensim possit in melius excoqui. In Helvetio porro illo dum viveret rubri sanguinis boni non fuit nihil; ut ut a morte illud omne repertum fuerit fortassis in venis infimi ventris. Quin imò ex sanguinis circa cor defectu ille mortuus est. Nec Spigelius omnes venas aperuit; arteriam ullam an aperuerit incertum est; & tamen etiam in arteriis & venis non exploratis potuit sanguinis sat multum comprehendere. Pituitosus porro indubiè ac serosus sanguis non defuit ubi iuste rubrum aliquem Spigelius non offendit. Itaque non profecto vixit ille Helvetius ullo sine sanguine. Et verò qui vixerit aliquis sine sanguine (nisi forte divina quædam virtus supra naturæ ordinem accesserit) cum quotidianè cernere sit nullum non animal sanguine præditum una cum sanguine vitam profundere?

Majoris est difficultatis soluere dubitationem *alteram*. Principio verò ponendum videtur, eorum quæ feruntur de diuturnis inediis, multa fabulosa esse; multa simulata, multa incerta imò suspecta fidei. Fabulis annuero Epimenidis & aliorum in Sardo apud Heroas somnium atque inediam: quemadmodum de posteriore Aristoteles *l. 4. phys. t. 97.* de priore Plinius *l. 7. c. 52.* jam olim censuerunt. Nec verò ad fidem rei facit quod illos Sardenfes dormientes nugator Muhamedes in *Corana* innuerit, ut suspicatur Averroes. Fabulosa item sunt quæ de septem in ora oceanî extimi septemtrionalis dormientibus habet. Paulus VVarnefridus *l. 1. hist. Langobard. c. 1.* & ex eo alii. Cum nemo etiam probabilis veteris ævi scriptor memoret quæ narrantur de aliis septem, qui Decio Cæsare sciviente in Christianos in antro quodam obdormierint, expergefacti primum Theodosio II Cæsare, non possunt non videri & illa fabulosa notæ. Lucomorios populos quotannis

quinque menses tanquam semimortuos, jacere, præ brumali frigore narium muco in glaciem concrecente & à frigidi aëris ingressu defendente cerebrum, memorat quidē Alexander Guagninus Veronensis in *descriptione Moscovia*, memorat Sigismundus Herberstenius in *in rer. Moscovitic. commentario*, neq; dubito id de illis narratum Henrico Poloniae regi, quod scribit Franciscus Citefius *l. de Abstin. Confolentanea*: cum nemo autem illorū sibi quid visum, memorat sed auditione acceptū, cui non hoc suspectum meritū sit? Certē qui hodie in abditissima septentrionalis illius: Asiae penetrant nihil eiusmodi commemorant imò ceu fabulosum rident. Nec sane præ frigore in eiusmodi soporem dantur Tingoësi qui itidem trans Oby. flumen habitant, non Samoedæ qui cis flumen illud incolunt, utriq; polo Arctico longe quam Lucomorij viciniore & Russorum parentes dominatui; non tale quid passi sunt in ipsa Nova Zemla hybernantes Hollandi. Mitto alia quæ non minus quisque perspexerit fabulosā esse.

Simulatorum porro jeiuniorū non pauca sunt exempla. Quinq; cum primis notatu digna, inter quæ unū Picentini, alterū Sabaudi, tertiū foeminae, qui omnes simulatione isthac opinionē singularis sanctimoniae studuerunt consequi, memorat Israël Harvetus libro huius argumenti sigillatim edito. Duos à sese in hac simulatione deprehensos testatur Stephanus Rodericus à Castro *l. de Astria*. Quam dolose Eva Vligia; cuius paulò ante meminim⁹, si non totos triginta amplius annos, certē aliquot eos ultimos, simularie ab omni cibo abstinentiam, notissimum in Batavis est. Similes fraudes contingere etiam aliās ecquis dubitet, qui novit quid non audeant homines sive lucri captandi gratia, sive spe existimationis, & præcipuè quidem ut sint in opinione divinae

divinæ cujusdam sanctimonix? De puella Spirensi cujus abstinencia non Germaniam tantum sed etiam vicinas regiones reddidit avorum memoriâ attonitas, ita scribit doctissimus Citelius: *si vera sunt quæ scriptis mandata sunt, ac non potius nimis credulam scriptorum fidem mater, ut audio, fefellit. quam etiam mihi suspectam facit mucus, quem ipsam abunde per nares emungere solitam scribunt, sua in auribus sordes, sua oculis largiores lacryma, qua aliquo cibo, quanquam fortè non solido, vires eius collabentes sapè sultas satis evincunt, à quo excrementa hac vi natura secretâ in sua organa sint amandata.*

Quum frequenter autem hisce de causis per dolos ac fraudes abstinencia fingantur, profectò non potest non suspecta fidei esse omnis narratio, quæ non indubitatis testimoniis nititur. Neq; verò licet hic tuto credere abstinentiû ipsorum verbis, aut propinquorum aliorumue, quorum interest ut vel ipsi vel suorum aliquis in fama sint singulari. Ea propter vereor ut ulla sit certa historia abstinencia hominum per annos complures protracta. Quis enim per omnes illos annos debita diligentia inquisivit, num quis dolus interdum intervenerit nec ne? Non sanè, quanquam accurata cura constet abstinuisse nonnullos per complures dies aut per mensem unum atq; alterum, jam tutò licet fidere profitentibus abstinencia reliqui etiam temporis. Solet ipsa custodum vigilantia plarumq; mora longiuscula remitti, ut tandem ne horum quidem verbis secure possis credere. Quamvis verò temere cuilibet famæ non sit credendum, non tamen accedendum est iis qui omnem plane fidem adimunt cunctis abstinentium historiis; neque enim id potes sine impudentia quidam, tot fide dignissimis viris contrarium asseverantibus.

Secundo observandum est, non posse in vere abstinenti-

um numerum referri illos qui quidem cibo solido abstinēt, cerevisia tamen aut lacte aut vino alioq; simili potu generoso fruuntur. Hæc scilicet potus genera vim habent nutriendi: coque prima ætas solo lacte aut sola cerevisia alitur augeturque, cibum solidum aliquem haud admittens. Et verò opus est solido cibo non simpliciter vitæ servandæ calidique nativi tuendi gratia, sed potissimum ne partes corporis solidæ nimia humiditate flaccescant, utque ita iusta siccitas, unde robur est, corpori concilietur: quæ de re aliàs latius. Nihil itaque miri habet, si quis ex morbo decumbens, aut viribus fractus abstineat a cibo, interim bibat potum nutritivo succo divitem: tantum mirum est, si idem labores possit exercere & robore valeat artuum ad modum aliorum cibus vespantium.

Observandum *tertio* est, eorū qui abstinēt ab omni cibo disparē valde esse varietatē. Alij enim integro sunt edendi bibendiq; appetitū, alij neque fame neq; siti tentantur; imò nauseant sæpe ad memoriā alimentī & exhorrescunt. Sunt qui non minus ac ij qui alimentis satiantur quavis munia corporis ambulando laborando peragunt: alij præ languore nihil horū vel parū valent. Inter languidos porro illos quidam vigilant, nonnulli quasi sopiti aut etiam veluti mortui jacent. Porro in quibusdam calor natus, si contrectes corpus, solito minor non deprehenditur, in aliis imbecillior est, in nonnullis sensum tactus fugit. Aliorum corpus emaciatur, aliorum crescit, aliorum eodem in statu permanet. Tempore postremo multum distinguuntur abstinentiæ illæ. In quibus enim appetitio cibi ac potus fuit integra minus diuturna est abstinentia: in aliis hæc ad menses imò annos aliquot porrigitur.

Quarto etiam notandum est, quamvis docuerimus mul-

multum absumi sanguinis vi utriusque calidi, id tamen intelligendum esse de conditione hominis aut alterius perfecti animalis illâ quæ maximè est secundum naturam. Quod si enim imbecillis admodum fuerit calor & sanguis ineptus qui consumatur, quin longe minus sanguinis tum pereat, eoq; minus tum opus esse alimento, neque nos dubitamus. Parum quoque caloris ad nutritionem, plus longe ad motum requiritur, ideoq; & alimento opus est, nunc pauciore nunc copiosiore.

His præmissis audacter asserimus in nullo abstinentium ordine vel eam æqualitatem vel eam ineptitudinem sanguinis esse, ut vi calidi ille nequeat consumi, sive id fiat per mutationem in vapores sive simpliciter transmutatione in substantiam igneam. Sanè clarissimi illi viri, Licetus inquam & Sennertus noster, non sanguinis aliquâ sive ineptitudinem sive æqualitatem prætendunt, sed humidi primigenii: verum illud humidum non facere ad alitionem nativi ignis, solum autem sanguinem præstare id quod ab illo primogenio humido expectatur, satis est demonstratum: adeoque merito sanguinis vocem heic substituimus.

Sanguinem autem in abstinentibus non esse ita dispositum ut nihil eius possit absumi, indicio manifestissimo est, calidi innati in ipsis illis abstinentibus permanentia. Impossibile siquidem est, ut calidum mobile & exitum in ærem liberum habens supersit aliquamdiu citra alimentum: impossibile ergo etiam est ut calidum nostrum nativum, cum sit corpus mobile idoneum exhalare, perstet aliquanto temporis spatio citra sanguinis alimoniam. Nec vero quod consumi non potest id conservare ignem mobilem potest: sed avolat hic & perit nisi suppeditetur ipsi corpus consumidoneum. Frustra sane nititur contrarium nobis probare

bare χαρίεντα. Sennertus fabulosus illis & lucernis & carbonibus juniperinis ἀσβεστοῖς. Frustra arcanā adducit artem igniendorum carbonū ut nihil ijs decedat: est enim illa quā nos ipsius verbis notavimus c. 9. & prohibet mobilitatem ignis tantum occludendo, quod non pertinet ad dispositionē carbonum. Frustra item huc trahit artificia chemica, quibus res accensu alioquin faciles redduntur ineptæ ad inflammandum: ineptitudo enim illa facit etiam ut flammam nequeant conservare. Sanguinem disponi ita posse ut parum ejus per vim calidi pereat & calidum interim debilius tamen conservetur, concedimus & nos; probandum autē erat ita disponi, ut calido integro nihil sanguinis absumatur. Non verisimile porro est quod Sennertus docet dispositionem illam suam sanguinis ab humore esse melancholico: omnes enim abstinentes tristitia & moerore citra causam aliisq; atram bilem sequentibus vulgo affectibus affligerentur, quod minime fieri recte etiam objicit Cardano Licetus l. 2. c. 149.

Quæ autem dispositionis illius eadem ratio est & æqualitatis; nisi hac ipsā dixeris ignem nostrum nativum immobilem reddi. Etenim fatemur quidem humorem aliquem ita posse viribus æqualem esse igni ut ignis in illum nihil possit. Et vero recte Aristoteles l. 1. Meteor. dixit: *æqualia virtute non fieri ex se invicem*, utque patiens agente non nihil sit debilius sanè necessum est. At ejusmodi æqualitate non potest conservari ignis mobilis, qualis utique est noster natus. Falsum prætercō esse quod in omnibus abstinentibus sanguis sit nativo igni nostro viribus æqualis, manifestum est ex eo quod alioquin frigiditas sanguinis in ijs omnibus par esset nostro calori, nunc autem, saltem in plerisq; abstinentibus, magna supersit caloris vehementia.

mentia. Integer scilicet calor permanet utique in ijs, qui cum abstinent fame ac siti conficiuntur: Vehemens etiam satis est utique in omnibus qui ad motum sunt alacres fatente *Liceto. l. 3. c. 65.* utpote cum motus nullus sit sine abundantia quadam caloris. Minor est calor in languidis, attamen testantur historiae abstinentium etiam in his, qui quidem non semianimes jacuerunt, sensu tactus calorem manifestum esse deprehensum: & in universum pene omnes abstinentes sensus motusque facultate haud privatos. Est autem sitis utique abundantis caloris signum, neq; calor aliquis sentiri a nobis potest nisi qui aut sit æqualis aut major nostro. Talis vero calor igneus utique est, utpote cum major sit calore illo qui aëri est proprius: ut proinde manifestum sit in omnibus illis quidem abstinentibus non defuisse igneum calorem. Eundem porro ignem lōge superasse vim frigoris qui naturā sanguini & reliquis partibus inest, itidem vel solus tactus indicavit. Itaque etiam non multum prævalet calor frigiditati in omnibus corporibus quæ tactus nostri sensus calida judicat. Proinde in hisce quidem abstinentibus æqualitas nulla est frigoris calorisque, obstant quo minus ignis natus sanguinem depascatur. In abstinentibus semimortuis, nonnullis quidem, reperiri eam æqualitatem haud negamus, nec tamen in promptu est argumentum quo eam demonstremus. Itaque fortassis reperitur nonnunquam in ijs æqualitas illa, fortassis non reperitur. In omnibus tamen etiam illis minime dari hanc æqualitatem certissime est colligere ex incremento corporis. Ut nempe incrementum capiat corpus aliquod necessum profecto est uti dominetur calor materia. Iam verò certum est, saltem animalia nonnulla quæ hyeme reconduntur, pinguescere ut

Bb

ursos

urlos quosdam (in extremo enim septentrione quidam per intensissima frigora non reconduntur) ac glires. Notus est Martialis versiculus de glires:

Tota mihi dormitur hiems, & pinguior illo

Tempore sum quo me nil nisi somnus alit

Quum vincat itaque etiam in abstinentium corporibus calor, profecto non est illa in sanguine virium æqualitas quæ prohibet quo minus ab igne conficiatur.

Verum hæ argumentationes nostræ parum fortassis valent adversus Licetum, eam enim æqualitatem excogitavit vir acutissimus quæ ignis natus sit immobilis. Humorem scilicet nonnunquam ita lentum esse ac viscidum ut calor cogatur conquiescere. Hæc enim summa est obscurioris illius doctrinæ quæ habetur 1. 2. 4. & sequentibus. Cæterum ante omnia observandum, lentitudinem humoris alienijus effici quidem ut ignis absolvere se se temere nequeat & liberare illo humore, attamen sola visciditate ignem non reddi immobilem, sed opus præterea esse præpollente ejusdem humoris aut ejus corporis cui per humorem est agglutinatus gravitate. Corporum nempe mistorum motus prædominantis elementi impetum sequitur: eoque si ignis prædominetur non impedit motum etiam glutinosissimus humor. Iam vero in omnibus abstinentibus adeo viscidum gravemque esse sanguinem ut ignem nativum qui in nonnullis ad naturalem vehementiam accedit, possit eum gravi glutine detinere, cui fiet probabile? Moveretur utique sanguis etiam in abstinentibus (si semineces forte excipias) ita velociter & quidem per angustissima vasa, nec alia vi quam calore cordis & eo fape non magno. Sed si sanguis gravior est in abstinentibus quam in alijs, majore fuerit calore cordis, quam qualis ali-

as est

as est, opus. Fieri etiam non potest ut viscidus adeo lentusq; sanguis moveatur, multò minus ut per exilia vasorum spatia commeat. Obstruerentur profectò passim illo humore vasa, & nascerentur hinc febres aliæq; putredines, quibus tamen omnes abstinentes, cum primis illi qui corpore magis sunt vegeto, non præ aliis hominibus sunt obnoxii.

Cæterum in abstinentibus omnibus, qui quidem munia vitæ exercent, nec jacent semimortui, calidum nativum non esse immobile, ex adverso multis licet rationibus adstruere. *Primo* enim nullus ignis immobilis, qui usque adeo excellit ut sensum tactus feriat, ad modum illius qui in abstinentibus superest, diu suapte vi durat, quantumvis maxime gravi & lento corpore comprehendatur. ut patet in metallis & lapidibus ignitis. At in abstinentibus calidum perstat integrum per menses imò per annos aliquot. *Secundo* calidum innatum per suffocationem in abstinentibus illis etiam extinguì potest, quod docere est exemplis abstinentium in vulgari animantium ordine. Suffocatione autem soli ignes mobiles intereunt, quod supra est ostensum. Indicat *tertio* mobilitatem ignis nativi in hisce abstinentibus evaporatio eisdem per cutis spiracula. Sensu enim deprehendere est etiam in hisce effluvia quædam calidorum vaporum. Fit autem evaporatio nulla nisi à comprehenso igne mobili, ut jam ante dictum est. Similem vero vaporum magnam copiam intus in corporibus abstinentium comprehendi probat aptitudo ambulandi & simpliciter artus movendi: quoniam scilicet motus effici non potest, nisi multis spiritibus vaporibusque tendines & muscoli sunt instructi. Cum primis *quarto* in abstinentibus us qui per inediam moriuntur, ut & in iis qui contabescunt, liquet mobilitas nativi ignis. Fit enim utique

in his resolutio quædam & consumptio qualis à solo mobili igne solet effici.

Ex quibus omnibus solum profecto clarius est, quantum abundante à vero qui in abstinentibus volunt ignem nativum esse immobilem, nec humorem alimentarium esse idoneum qui illi pascatur. Etiam in his itaque superest mobilis ignis, in hisce etiam ignis natus consumit sanguinem. Superest ut explicemus, quâ ratione tamen fiat ut opus non habeant per longum tempus cibo potuque, vel certe non illo. Videtur autem illa esse multiplex ut magna quoque est abstinentium varietas.

Primum igitur in iis, quorum vires animi & corporis sunt integræ & longa abstinentiâ nihil debilitantur, omnino vis quædam inest diviniore. Si enim vires possint eo in statu per causas naturales servari, profecto male vulgo animalibus consuleret natura, necessitatem edendi bibendique iis imponens. Natura vero utique omnibus optime providit. Vnius porro rei secundum naturam una est causa proxima: viribus itaque ex lege naturæ sese habentibus erit & consumptio sanguinis secundum naturam, hæc autem ex naturæ lege non potest non existere sine restitutione ex cibo potuque. Quod secus itaque sit, naturæ ordinem excedit. Et verò certissimo sacrorum codicum testimonio constat, nonnullos Dei optimi maximi celesti beneficio ad quadraginta dies viribus integris sine cibo potuque perstitisse. De aliis quibusdam sanctimonia vite claris, vetant nos dubitare fide dignæ historiæ quin idem iis contigerit. A malis genis nonnunquam idem effici docet luculenta illa historia Arabæ puellæ Carthaginensis quam prolixè narrat Prosper (sive quis est alius auctor) in Dimidio temporis vel parte quarta operis de promissionibus & prædictis.

prædict. Dei c. 6. Infudit illi dæmon noctis medio avis spaciens nescio quid, atque ita per octoginta & duos dies toleravit in ediam, *nullus indicis diuturni ieiunii sedata, nullo pallore sensu vel debilitate confecta, quin potius robusta succo viscerum, mole membrorum.* Nec vero desit dæmon ludere, nisi post preces multas Ecclesiæ & lacrymas ipsiusmet puellæ, per corporis sanguinisque dominici usum. Inter gentiles hanc causam diuturni jejunii haud pauci etiam agnoverunt: homines enim divinitus afflatus sine cibo vivere Iamblichus etiam prodit *l. de myster. Aegypt. c. 24. & 25.* editionis Ficinianæ, ut & Apulejus *l. de mundo.* Ex antiqua etiam fabula acceptum est quod memorat Laërtius, Epimenidem à Nymphis cibatum. Nec vero temere dixerim cum doctissimo Liceto, dæmones non posse naturæ limites egredi, nisi alium in sensum verba illa acceperis atque videntur sonare: cum enim ars humana plurima efficiat quæ non potest natura, quidni limites naturæ excedat vis geniorum? Ad hanc classem retulerim Consolentanæ illius puellæ triennem abstinentiam, si vera narravit qui primus ejus historiam edidit chirurgus: referenda omnino etiam fuerit Eva. Vligia nisi etiâ primis annis abstinentiam sit mentita, ferens instillari sibi indies dulce quid quo vires sunt refocillatæ. Sed ejusmodi historiis vix licet tuto credere, ut jam ante monuimus.

Secundò, cum virium calorisque jactura ut quis abstinere aliquamdiu cibo & potui, minus mirum est. Sufficit enim sanguis bonus copiosior ad talem calidi conservationem per sat longum tempus, etiam si fames adsit & sitis. Non enim simpliciter verum est quod autor *l. de principiis* docet, post septem dies lethalem esse omnem in ediam: *durasse & ultra undecimum* certum esse testatur Plinius *l. 11. c. 14.*

Bb 3 & ex

& exemplo insigni confirmat doctissimus Tulpus *l. 1. obs. 43.* Quin ulterius longe produci in debili corpore vitam posse, sanguine etiā benefecere habente, verosimile est, si fames & sitis abfuerint. Hæ enim accelerant mortem dolore quem inferunt. eoque nonnulli animo linquuntur vel ob exigui temporis jejunium, quibus stomachus exquisito nimium sensu est. Sanè quod nonnulli intra paucos dies fame enecentur, stomachi illi affectui potius adscribendum esse quam consumpto humori alimentario, argumento est quod qui affectu isto non tenentur longè diutius in ediam tolerant. Causa vero quare sat diu vitæ possit superesse solâ sanguinis copiâ naturali, & tamen aliâs opus sit alimentato quotidiano, hæc est quod vitæ jucunda aut laboriosa multum postulet caloris adeoque & multum alimentarii sanguinis conficiat, sive in alitione sua sive per evaporationes, deficiat autem vitæ & viribus fracta exiguus calor sit satis, quodq; parvus ignis cum parum absumat in longū tempus possit servari ea sanguinis multitudine quæ vegeto & robusto vix sufficiat in diem unicum.

Tertio. qui non tantum prostrato sunt appetitu edendi bibendique, sed torpent præterea & habitu corporis sunt frigido ac duro, eos verosimile est & calore esse tenui & sanguine viscido, eâ denique cutis dispositione quæ parum patitur insensibili transpiratione consumi. Torpidos vero ac somnulentos plerosque fuisse abstinentium, testantur historiæ quæque fide digniores. De cute Consolentaneæ puellæ ita Citebys: *nullus habitu sudor erumpit, quin imo universa fere corporis cutis frigida & sicca tangentibus apparet, vixq; ullo motu incalescit si alas & cordi vicinas partes exceperis.* De Screjeria puella Bernensi testatur Paulus Lentulus, etiamsi muscæ, quarum in hypocausto ubi illa cubabat magna erat frequentia, per faciem

aliasque corporis partes oberrarent, tamen sensu illas non deprehensas à puella, quemadmodum nec à frigore hiberno multum est laesa. Ea vero cutis ratio non potest non præpedire effluvia sanguinis evaporantis, atque ita abstinendi facultatem adjuvare. Præsertim si sanè calor fuerit debilis: sin minus enim, vapores contenti febres potius accendunt *diu amissionis*. Certè in multis per eum effluviis cibi potiusque multum ad virium salutem atque tutelam postulari, in paucis exiguum satis esse, cum usu tum ratione est compertum. Similiter constat, qui pituita sunt abundantiores, aut simpliciter viscidiores sanguine, eos inappetentia alimentorum laborare. Hanc causam verò esse longioris abstinentiæ cum torpore conjunctæ, argumento est & illud, quod foeminino sexui abstinentiæ hoc genus magis familiare sit quam masculino. Cumulatur enim in his facile sanguis crudior, quoniam naturâ sexus femininus est frigidior & multi sanguinis, eoque menstrua eget excretionem, quâ prohibita multo magis fit illa accumulatio. Omnibus verò illis abstinentibus menstrua nulla fluxerunt, ut testantur historię. Quinimò multæ earum eo maxime tempore ceperunt abstinere quo menses debuissent erumpere. Observare hoc licet in historiis puellæ Lucensis, Consolentaniæ, Iuliensis, Moërsensis, Halberstadiensis aliarumque. Confirmatur porro nostra hæc sententia illo, quod abstinentiæ hoc genus vel desinat cum virium majorum successivâ recuperatione, vel morte finiatur: quorum illud sit absumpta paulatim aut concocta humorum cruditate per caloris incrementa, hoc succumbente calore præ multitudine cruditatis aut visciditatis sanguinis.

Postremo. qui tanquam semineces prostrati longo
 tent-

tempore abstinēt, parū profecto calēt, saltem itaque in his adeo exiguum ignis diu seruari potest; quippe quum ille vel non sit mobilis vel admodum parum mobilis: quod infra docebitur explicatius. Iam verò solum mobilem ignem indigere alimento sapius confessi sumus. Quæ pinguescunt animalia interim dum latent, mobiliore non nihil sunt calido. Neq; enim fieri potest, ut pinguedo generetur sine calido liberiore. Attamen maiore libertate ne ad hoc quidem est opus, quàm requiritur ad aliquam fermentationem. Per fermentationem enim nasci pinguedinem illam verosimile facit id quod libro *de mirabilib. audicionib.* Aristoteli & libro *de odoribus* est Theophrasto notatum, quod nimirum ipse ursinus adeps latebrarum tempore exundet intumescensq; vasa impleat. Et verò per fermentationem vermes etiam crescere sine alimento, crescere item parva piscium insectorumque ova eleganter docuit jamdudum Aristoteles *l. 3. de generat. animal. cap. 4.* Ad fermentationem autem non opus est multum libero igne: eo quæ ne in hisce quidem animalibus pinguescentibus opus fuerit, ut multo sanguine parum illud nativi mobilis ignis quod superat nutriatur. Accedit quod etiam animalium illorū aliis effluvia sint vel nulla vel rarissima, alia lentis insuper sint humoribus. Quorum utrumq; multum ad hanc rem facit. Eoque etiam Galenus noster de hoc agens negotio, *l. quidem 12. method. c. 3.* cū dos succos, libro *contra Erasistratum de vena sect.* effluuii defectum causatur.

Verum non obstat diuturnam abstinentiam doctrina nostræ de nativi ignis ex sanguine perpetua nutritione, satis fortè est manifestum.

CAPVT XIX.

*Calidum aliquod innatum, præter illud à corde
influens, non omnibus partibus, non scorsim
vel hepati vel cerebro esse
proprium.*

DE natura calidi illius quod in corde hæret & ex corde in sanguinem propagatur satis, nisi fallor, fusè actum est: exponendum nunc, quomodo omnes solidæ partes corporis à calido illo in sanguine comprehenso ulterius incalescant. Verùm antea id quàm agamus fortassis ex re fuerit in veritatem ejus inquirere quod vulgò fertur, calidum aliquod vitale singulis partibus illis solidis connatum esse, in hepate præterea eam vim esse calidi, ut spiritus inde aliquis, quem naturalē appellant per venas deriveretur, in cerebro itidem spiritum aliquem calidū animale dictum confieri qui inde dimanet per nervos, testes deniq; totum corpus calefacere. Sane multum refert ad calefactionem partium corporis explicandam verumne hoc sit an non: eoq; hæc disquisitio jure hoc loco est inserenda.

Ut autem ab illo *communi partium omnium calido* disputationis fiat initium, non eadem de illo omnium est sententia. Alii enim tantum ignis elementi copiosorem quantitatem credunt esse cum aliis commistam: quibuscum facit & Cæsar Cremoninus *l. de cal. innato cap. 2.* Alii spirituosum quid adesse volunt ex semine profectum. Cæterum verè spirituosum quid inesse singulis partibus, quū sensibus compertum non sit, quo sodes argumento licet ostendere? Neque enim temere hoc admittendum, nisi ratio firma trahat in assensum. Vbi notandum, contro-

Cc

versiam

versum esse de vero spiritu, quo nomine quid significetur exposuimus jam *capite XVI*: aliquid enim spirituosum, sumpto vocabulo ex more nunc panē recepto, partibus omnibus inesse, fortassis concedi potest. Verum autem spiritum partibus adscripserunt auctores hujus doctrinæ. Hoc autem quo argumento, non dico certum, sed vel probabile possit reddi, fateor me ignorare. Sanè Stoici philosophi omnibus corporibus spiritum aliquem attribuerunt *ἐν τῷ* dictum, quod materiæ qualitates crederent coherere non posse, nisi spiritu quodam cohibeantur, eoque præternaturalem arteriis venisque comprehensum, & animale nervis contentum, in singulis partibus *ἐν τῷ* suum spiritum, reperiri contenderunt. Ex illa schola accepit & Athenæus Attalensis imò & Archigenes suum illum spiritum quem quintum principium cujuslibet partis esse tradiderunt, *κυνὴς πεντὰντων & ἀπὸ τοῦ ὅπου πάντα συνίσταται, καὶ κυβερνᾶται*: hoc spiritu enim solo, tum naturalia consistere gubernariq., tum morbos universos hoc prius offenso *κρεῖσθαι*. Quam doctrinam, Paracelsicæ hodiernæ hæc in re haud multum absimilem, strenuè propugnarunt ejus sectatores *πνευματικοὶ* hinc appellati: ceu omnia hæc nos docet Auctor *ἐπιστολῶν*, seu *Medici*, libelli Galeno adscripti, ab Herodoto tamen fortassis profecti. Cæterum nec Stoici nec Pneumatici spiritum illum suum ullo poterunt argumento demonstrare. Materiam sane non spiritu aliquo subsistere, non item qualitates ejus spiritu coherere, aut omnia spiritu gubernari, alibi fusè probavimus. Inanis præterea est aliorum collectio; cum semen sit spirituosum, ex semine autem partes constent, etiam partibus itaque inesse spiritum. Esto enim ex semine spirituosum omnia confecta esse; non sequitur eundem seminis spiritum

spiritum superesse in corporibus inde genitis. Iam verò omnes corporis animati partes non fieri ex semine sed multas tantum ex sanguine vulgata confessio est. Saltim itaque in his defuerit ille ex semine profectus spiritus. Quantilla præterea est portio seminis, ut spiritum omnibus partibus largiatur! Quàm incertum est num quæ pars ex semine generetur! ne dicam, quam hoc sit à vero alienum.

Spiritum itaque calidum omnibus inesse partibus, id profecto ne quidem est verosimile. Est autem non minus remotum à verisimilitudine eam singulis partibus vim ignis ex elementari mistione contineri, quæ functionibus animæ possit esse pro instrumento. Hoc enim demonstrandum omnino venit. Nempe quivis calor non est animæ instrumentum: omnes autem vulgò innati calidi nomine significant calidum aliquod quod sit viventibus proprium & singulari ratione inserviat animæ functionibus. Quod si sanè simpliciter calidum innatum appellaveris omne calidum, alicui corpori sive animato sive inanimato congenitum, nulla fortè controversia supererit de connato omnibus partibus calido aliquo, attamen mutato loquendi usu obscuritas doctrinæ inducitur. Verum itaque aliquod calidum animale non connasci partibus argumento certissimo est, quod simulac vel vehementer est debilis, vel plane occidit natus ignis cordis, vel quando ab illo nullus calor ad partem pervenit, mox nullum supersit calidum animale in partibus corporis à corde distinctis. Impossibile enim est citò adeo & hoc partium calidum posse interire, si quod habeant sibi proprium partes, quodque à corde non sit nutuò acceptum. Iam verò ne illud quidem quod in deliquio animi superest calidum,

verè congenitum est & proprium partibus, non utique vel motui vel sensui tactus satis est; neque enim alias in syncope utrumque deficeret. Minus calidum & quod tactu nostro percipere non est, sufficit quidem fortè nutritioni partium, toti tamen nutritionis negotio in animalibus perfectis non sufficit, eoq; definit. & ille calor simulac cœcidit cordis calidum. Non alia de causa (observante Galeno *l. de usu puls. c. 1.*) ali etiam quævis pars definit si arteria ipsius sit obstructa. Neque verò est quod quis fortè dixerit, non sufficere quidem functioni alicui animali solum partium calidum, auxilio tamen huius omnino opus esse. Primò enim sine argumento hoc cum dicatur, meritò habendum est pro commentitio. Deinde quid multum juverit vel ad sensum vel ad motum calor ille, qui præ debilitate sensum omnem fugit, & in mortuis superest? Quid idem ille juverit ad sanguinis vel generationem vel naturalem motum? Ut ex sanguine porro pars aliqua generetur, quidni sufficiat internus sanguinis calor, quum omnis compositio ingenito calore perficiatur? Certè proprius venæ ex gr. calor non poterit nervum, non parenchyma, non fibras, non membranam aut cartilaginem producere: sed proxima cujuslibet similis partis effectrix causa calor est materiæ suæ insitus. Si calidum autem singularum partium non est instrumentum aliquod primarium, sive per se sive auxiliū ferendo, functionum animæ, affirmandum utique & hoc est: calidum illud non esse dignum quod in calidi vitalis, aut animalis nomen excipiatur.

Tria tamen videntur contrarium ostendere. *Primum* enim constat & vitam non esse sine infinito calore, & vivere singulas partes: singulis itaque partibus calidum aliquod vitale:

vitale inſit neceſſum eſt. *Secundo.* per ſphacelum ſingulæ partes poſſunt mori ſalvo calore cordis, mors autem omnis eſt extinctioni calidi, in ſingulis itaque partibus calidum aliquod vitale ineſt cujus extinctione poteſt e-mori. *Tertio.* nulla pars ſimilaris officio ſuo fungi poteſt, ut nec diſſimilaris niſi ſalvo temperamento cujuſlibet partis. Eſt ergo temperamentum cujuſlibet partis aliquod vitæ inſtrumentum. Si temperamentum autem omne dignum eſt hoc nomine, utique inſtrumentum etiam eſt animæ calidum illud quod partibus ſingulis proprium eſt & magnam partem temperamenti cujuſlibet conſtituit.

Verum enimvero, etiam illud ineſt quod aliunde eſt acceptum. In *prima* igitur argumentatione perperam ponitur quaſi inſitum calidum ſolum id ſit quod intime ad cujuſlibet partis congenitum temperamentum ex miſſione elementorum reſultans pertinet. Ineſt nimirum ſingulis partibus ſuum vitale calidum, at non eſt neceſſum ut habeant illud ex propria miſſione; ſatis eſt ſi habeant à principio quod corporis compage comprehenditur. Pari vitio & *altera* laborat argumentatio: Innatum enim calidum ponitur tantum illud eſſe quod partibus ſingulis innatum eſt; ſatis eſt autem ſi corporis ſit innatum primariæ parti, unde in reliquis poſſit derivari. Etiam tum itaque deficit ſingulis partibus innatum calidum quando deficit calidum vitale influens; eoque huius privatio ſingularum partium mors eſt. In ſphacelo porro plerumque non tantum mors eſt ſed etiam temperamenti proprii corruptio: quale quid ſit in pomo putrido. Proinde in ſphacelo non influens tantum ſed etiam proprius miſſionis calor laborat. Quod obiter monendum hic duxi-

mus. In *tertio* argumento id quidem rectum est, calidum quod singularum partium temperiem constituit, suo quodam modo instrumentum esse animæ & ex consequenti vitæ. Cæterum vitale calidum propriè dictum adeò individuum vitæ instrumentum habetur, ut cum calido illo & incipiat & desinat vita. Quod nequaquam profecto convenit calido temperamenti, utpote quod etiam à morte sit superstes, neque inserviat animæ magis quam humidum aut siccum iidem temperiem rerum ingrediens.

Verum quod calor temperamenti singularum partium non sit dignus nomine caloris animalis aut vitalis, satis est manifestum. Videndum porro etiam *hepatis calidum* est, sive & illud sit spiritus aliquis. Vbi *initio* observandum spiritum qui hepati adscribitur naturalem vulgò dici, quod nempe singulatim facultatibus vegetativis, quas Galenus noster maluit naturales appellare, credatur inservire. Non est hujus loci disquirere rectiorne sit Peripatetica loquendi ratio an verò Galenica: id tamen silentio præterire non licet, etsi in illa usurpatione vocabuli *naturalis* Galenus auctores habeat Stoicos philosophos, in eo tamen abire à Stoicis, quod naturalis illius spiritus sedem atque originem hepati adscribat, quam illi *coi* ipsummet esse crediderunt. Observandum porro nusquam Galenum de spiritu naturali hepatis quidquam demonstrasse, imò jam senem in dubium vocasse non tantum hepares peculiarem aliquem habeat spiritum, sed etiam simpliciter aliquis sit spiritus naturalis, qui nempe seorsim sit instrumentum functionum naturalium. Ita enim disertè loquitur *l. 12. methodi c. 5. Quod si naturalis quorū aliquis spiritus est, utiq. id quorū in iccinore & venis contineba-*

sur. Notandum *tertio*, omne illud de spiritu naturali, quo functiones vegetativæ aut naturales feruntur peragi, siue ejus primaria sedes sit cor siue jecur, alienum esse ab Hippocratica, Platonica & Peripatetica doctrina. Neque verò quod auctor ille *Introductionis*, (siue is Herodotus siue alius fuerit) scribit, *veteres duos spiritus naturalem & animale agnovisse*, à Stoicis additum *tertium αἰναιον*, ad illam antiquissimam doctrinam trahendum est. A Stoicis tamen etiam sat antiquis & hos fortè secutis medicis nonnullis ita traditum esse haud ausim negare. Apud alios fane de spiritu naturali altum est silentium. Verustissimis illis unum tantum spiritum admittentibus motus præcipue gratia, non alius usus gratia certè aliquem admittentibus in venis aut arteriis. Neque verò alia est caussa quæ *ταὺς αἰναιώνας* nomine spiritus Hippocrati *l. 7. 6. Epid. 3.* nuncupentur.

Non ea verò est Stoicorum in philosophia, naturali præcipue, existimatio ut sine forti argumento credere ipsis debeamus. Non alio autem illi quidem usi sunt quàm eo quod vi elementarium qualitatum nihil magni agi, qualis est sanguinis productio & universum nutritionis opus, crediderint, spiritu itaque aliquo etiam omnem nutritionem peragi. Cæterum & nos fatemur ad integram sanguinis elaborationem opus esse quod citra partium dissimilariū auxilium nequit effici, adeoque nō proficiscitur à solis qualitatibus elementaribus; utamen spiritum aliquem in eum finem exigi hinc sanè non est colligere. Ipsa partium nutritioni inservientium admirabilis structura & positus præter calidum tanto operi satis est; quemadmodum alibi latius ostenditur. Ea sane vis est illius structuræ, ut ne quidè facultatis alicujus naturalis siue ex hepate siue ex corde influxu

influxu ad nutritionem sit opus. Quod ideo monemus ne quis putet spiritum naturalem esse necessarium tantum ne desit vehiculum influenti facultati naturali; quod vulgo statuitur.

Sed multis hoc spirituum genus rejicere non est huius instituti. Propius inquirendum est in id, num aliquod calidum hepatis nativum sit idoneum coctioni sanguinis, imò num, quod nonnulli volunt, ex hepate in totum corpus nutritionis gratia dimanet per venas calidum quod uni hepatis acceptum est ferendum. Principio igitur ponendum est in hepate non esse calorem aliquem tactu sensibilem qui non sit & a corde profectus. Constat autem illud liquido ex eo, quod sensibilis hepatis calor cum cordis calore non crescat tantum & invalescat sed cum eodem & orietur & deficiat. Et verò a corde mitti calorem aliquem in hepar ita est manifestum ut qui id neget nemo temere inveniat. Imo potissimā caloris hepatici partē a corde esse usque est adeo evidens, ut ipsemet Galenus noster, quamvis multum laboraverit pro dignitate hepatis asserenda, discretis tamen hinc verbis loquatur *l. de fac. format. c. 3. In sanguine qui in vena est absq. cordis calore septida quaedam caliditas insita est, & propterea etiam in iecore: cor vero quasi ignis quendam focum animalia foris a sunt. Sine corde enim sanguinorum animalium calor persimilis caliditati est, quatinus domibus astatu tempore sentitur. Sed quemadmodum domus incensa ipsa igne calidior redditur, ita animalium corpora ex corde caliditatem maiorem accipiunt quàm ea sit quæ in vena & iecore insita est, & sanguine etiam qui in vena & iecore continetur.* Hæc Galenus. Caterum ne quidem teporem hepatis inesse quem non acceperit a corde, manifestum est paulo ante laudato experimento. Neque enim statim atque exstinguitur

guitur calor cordis defineret hepar vel sanguis tepere, si quem proprium hepar teporem possideret. Et sanè hepar non inesse, vi quidem connati temperamenti, teporem aliquem, colligere est velex eo, quod tota hepatis substantia, quam vi missionis obtinet, à morte integra aliquamdiu supersit sine omni tepore. Constat porro tota hepatis compages non nisi vasis & parenchymate: nec tamen in vasorum tunicis ullus est nativus tepor, ipsomet Galeño fatente: ad parenchymatis autem naturam non requiritur tepor aliquis, utpote quum nihil sit aliud, quam congelatus quidam sanguis, ipsomet itidem docente Galeño *l. 4. de us. part. c. 13. & l. 11. de simplic. med. facultatib. c. 3. & l. de fet. format. c. 1.* Si autem ne tepor quidem aliquis hepatis inest proprius, profectò nihil calidi innati jecur habet, quod non à corde acceperit.

Neque verò est quod dicas, etiamsi ne tepor quidem aliquis adsit, tamen cum in hepate citra calorem cordis sit tantus calor qui sufficit coquendo sanguini, utique habere jecur aliquod calidum innatum proprium. Concedimus enim & nos illam consequentiæ quidem rationem, at talem calorem aliquem hepatis inesse id verò negamus. Quamvis enim Galenus doceat *l. de fetu format.* hepar & nasci & generare sanguinem corde nondum genito, attamen res ipsa clamat, omnem illius libri doctrinam non sensu compertis niti (ut ut initium libri id videatur polliceri) sed conjecturis meris & ratiunculis superstructis fundamento in nullo, quod hepar & cerebrum sint principium unicum functionum, illud naturalium, hoc animalium, foetus autem initio vitam agat plantæ solasque naturales functiones obeat, inde verò vivat, denique etiam animal sit. Certè si per *anaplū* in hunc processum generationis inquisi-

visset Galenus, non potuisset non fateri, cor omnium primo nasci, atque nullum mediab hepate munus corde nondum exorto. Non enim ad hoc ostendendum prolixo opus est sermone, quem tamen longe doctissimum habet Cæsar Cremoninus in *Apologia de princip. membr. dictatis* 18. prioribus.

Multo minus illas generando sanguini pares vires licet hepati adscribere cum Galeno *l. 6. sentent. Hipp. & Platon. c. 3.* argumento illo unico de origine venarum. Ut enim Galeno nunc largiamur venarum originem ab hepate esse, nulla tamen in syllogismo vis sequelæ est. Quæ enim est consequentia: ex hepate prodeunt omnes venæ, ergo hepar suapte virtute potest sanguinem excoquere? Fatetur sanè Galenus ipsemet, argumentationes hasce suas, ex secundo & inferiore esse demonstrationum ordine quæ fiant *ἐκ τῶν οὐρανῶν ἐκείνων*. Sunt autem (si verum est fatendum) meri paralogismi, utpote qui laborant cum sequela tum falsitate hypotheseos: venas enim ex corde potius originem accipere quàm ex hepate, ipsis oculis evidens est, usque adeo, ut rationibus quibus proberetur, non egeat hic veritas, quas tamen abunde suppeditat ingeniosissimi Cremonini *Apologia* ante laudata à dict. 21. ad 109. Quid quod ipsemet Galenus victus veritate non semel alibi falsus sit, hepar ad munus suum exequendum cordis ope indigere? Libro sane *5. de loc. affect. c. 1.* laeso corde etiam hepatis actionem lædi docet: multis aliis locis cor fatetur esse focum, originem, principium caloris, calorem verò esse *causam omnium naturalium operum, causam omnium in corpore actionum*, adeoque & concoctionis alimenti.

Sed non opus est multis verbis. Certum est sensibilem illum calorem qui inest hepati à corde profectum esse.

Non

Non potest autem sine ope illius caloris sensibilis concoctio sanguinis institui in hepate. Si enim posset fieri, *primum* utique omnis ille sensibilis calor frustra esset: neque enim ullum est animæ munus cui sit necessarius præter hoc unum. Non enim respondere licet, opus esse ad vitam: recte enim si loquaris, vita nihil est aliud quam animæ functio aliqua sive vegetativa sive sensitiva sive rationalis, ut Galenus autem vocem illam interpretatur non opus habet hepar vitâ, utpote cum possit officio fungi sine vitâ. *Secundo* docet usus, statim atque sensibilis calor hepatis læditur, lædi etiam ejus actionem: quod non fieret profectò, si calor ille sensibilis saltem non juvaret actionem istam. Non tantum verò auxiliatur hic calor muneri hepatis sed unice videtur sufficere coctioni in hepate peragenda. Neque enim quidquam obstat, quo minus possit coquere sanguinem, quantum in hepate quidem ejus fieri oportet. Certe nullo argumento reddideris verisimile insensibilem etiam calorem in id necessarium esse.

Hæc verò cum ita sese habeant, manifestum profectò est, ne quidē hepar calidi aliquid nativi habere quod non à corde acceperit. Multo minus ergo ab hepate aliquis calor est, siye in sanguine siye alibi, qui non cordi acceptus sit ferendus. Et sanè qui in sanguine est calor, à corde esse, disertis verbis scribit etiam Galenus noster *l. 1. de Temp. c. 9. l. de Vsf. puls. c. 3. l. 4. de usu part. c. 6.* Sed & à nobis alibi multis demonstratur sanguinem ultimò elaborari à corde, & omnem cordis calorem cum sanguine quaquaversum transmitti.

Si hepar autem caret proprio innato calido, multò magis illo caret *cerebrum*. Est enim pars corporis omnium frigidissima. Hinc sanè auctori *libri de principis*, quem

vulgo Hippocratem ferunt, cerebrum est *μετέωρον τὸ ψυχρὸν*. Aristoteles itidem disertè *l. 2. de partib. c. 7.* pronunciat, *cerebrum partium corporis frigidissimam*. Eodem modo loquitur *l. de somno c. 5.* Pugnant tamen nonnulli pro cerebrinativa caliditate nonnullis argumentis. *Primo* enim ajunt à cerebro produci animalem spiritum intense calidum : non posse itaque non & cerebrum ipsum calere. *Causantur secundo* etiam motum cerebri, quo nempe adducitur aër & quasi ventilatur cerebrum; ventilatione autem quò opus sit nisi cerebrum sit calidum? *Obijciunt tertio* pilorum etiam in capite multitudinem, ceu qui non generentur sine occulto calore. *Quarto* opponunt seminalem materiam, quæ cum sit calida ex cerebro tamen defluit. Illum porro calorem cerebri non esse adventitium sed proprium, liquere videtur ex doctrina Galeni: ostendit enim ille ligatarum arteriarum experimento, *l. 2. sentent. Hipp. c. 6. l. de Vspulsc. c. 2. l. de Vsu respirat. c. 3.* cor nihil conferre cerebro ad spirituum generationem.

Verùm (ut ordine retrogrado respondeamus) illius quidem experimenti fidem ipsemet Galenus multum imminuit. Namq; *l. de vsu respir.* scribit quidē arteriis constrictis nihil pati animal, tamen concludit tantum hoc : *cerebrum non valde egere corde*. At *l. de Vspulsc.* narrat, ab illa constrictione exiguum sentiri incommodum sub initium, tandē animal concidere. Posset verò & hoc meritò responderi, non per solas externas arterias quas solas Galenus ligavit, ascendere calorem, sed etiam per internas, quas non ligavit. Caterum & in illa sua arteriarum externarum ligatione non omnia debita diligentia exsecutum esse Galenum, quisque experietur qui idem tentaverit. Et verò
non

Non ignoratum hoc fuit antiquissimis, qui hasce externas non alia de causa *ναρκωidas* appellaverunt, quam quod constrictæ carum inducant: id quod & Aristoteles testatur. Nec alia causa luctatoribus familiare est compressis circa collum locis adversarium prosternere. Sed & Hoffmanno nostro *com. in 8. us. part. c. 10. & l. 2. de thorace c. 29.* est annotatum ex Costæo, Curione, & Liceto, circulatores vinculo hisce arteriis injecto capras suas & in soporem conjicere, & rursus soluto illo efficere ut quasi evigilent. Iam vero quod in *primo* argumento ponitur à cerebro spiritum animale intense calidum produci, procul profecto est à verisimilitudine. Neque enim certò adhuc constat, in cerebro & nervis spiritum aliquem reperiri: multo minus de intensa ejus caliditate quidquam est compertum. Certe non esse aliquem spiritum in nervis aut cerebri aut spinalis medullæ, qui nervorum illorum contractione moveat musculos, imò nervos primò ac per sese tantum ad sensum facere sine ullius spiritus adminiculo, alibi luculentè probatur. Vt talem vero aliquem esse nunc largiamur, utique ipse Galenus fatetur nasci illum majori ex parte ex vitali spiritu, adeoque ex materia valde calida: ac proinde calorem, si quis est animali spiritui, deberi potius cordi quàm cerebro: ut productio animalis spiritus ex vitali potius contemperatione quadam caloris contingat, quàm novi caloris productione. Motum cerebri (ut pergamus ad *secundum*) ab arteriis esse alibi ostenditur, & jam ante nos præclare probatum à doctissimo Hoffmanno *comment. ad lib. 8. de us. part. in digestionè*. Quemadmodum igitur in alio arteriarum pulsu nulla sive per systolen sive per diastolen fit aëris attractio, aut per aërem ventilatio, ita nec illa fieri in motu cerebri potest. Aëre

item per nares in ventriculos attracto, non simpliciter esse opus docet coryza gravis, docet grandior polypus narium. Ut proinde non simpliciter sit opus illa ventilatione. Inspirari porro secundum naturam aërem in cerebrum ventilandi caloris gratia, nemo temere probaverit: aliis longe de causis id fieri alibi itidem demonstratur. De pilorum ortu fatemur *tertio* verum esse id, quod Aristoteles *l. 2. part. c. 14.* scribit: *Ubi plurimum humoris calor isq. est ibi ortum pilorum copiosum esse necesse est.* Falsum autem est illam humoris calorisque abundantiam à propria esse cerebri temperie: oritur enim à perpetua evaporatione in caput, maxime in homine qui erecto corpore incedit: quod ibidem Aristoteles ut & alibi præclare observavit. Nihil *quarto* est à vero alienius quàm semen à cerebro esse, utpote cum vasa seminaria nullam cum cerebro habeant conjunctionem, sed sanguinem accipiant & quidem ex infimo ventre. Illa itaque quidem argumenta non probant nativam aliquam ac propriam cerebri caliditatem. Potest autem ex adverso non difficulter cerebri, nativa frigiditas longe clarissimis rationibus demonstrari. Et vero argumentum hoc accurate est exsecutus Cremoninus *Apol. de orig. & princip. membror. dict. 63. & sequentibus ad dict. 68.* At nostrum non est actum agere; nec forte opus est in re tam perspicua prolixo sermone. Itaque illi quidem labori nunc supersedebimus.

Majori verisimilitudine de testibus asseritur, non tantum ex sese calere, sed toti quoque corpori vim caloris impertiri. Etenim constat tantam à testibus sexui masculino esse caliditatem, ut his demptis, totum animal in foemininam debilitatem refrigeretur. Quod profecto mi-

nime

nime fieret, nisi principium aliquod caloris testes praeberent. Quo enim mutato multa mutantur, illud principii vicem est. Usque adeo haec videntur clara, ut ipsemet Aristoteles, testibus ceteroquin parum tribuens, in haec verba *h. de generat. animal. c. 1.* loquatur: *Parte una oportuna mutat a, tota animalis constitutio multum forma discepat. Videri hoc licet in spadonibus, qui una parte truncati, ita a pristina figura abeunt, ut parum quoad speciem a feminis distent.* Huius vero causa est, quod partes nonnullae principia sunt. Principio autem mutato, multa ex iis quae sequuntur mutari necessum est. Haec quidem ipsemet Aristoteles. Caterum, etsi omnino verum sit, testes principium aliquod esse caloris, non tamen hinc est colligere, calorem illum testibus esse proprium. Etiam luna enim luminis nocturni est principium, cum tamen non nisi aliena solis luce fulgeat. Et vero calor ille non tam a testibus est quam a semine masculino, cuius principium aliquod sunt testes, per consensum in corde potentiori aliquo igne accenso. Quod infra nonnihil explicatius docebitur.

CAPVT XX.

Cor esse unicum verum & primum omnis animalis calidi principium, esse tamen & principia quadam secunda-

ria.

QUum haec verò ita sese habeant, manifestum est, omne illud animale calidum, quod in partibus corporis reperitur, ad venturum esse & quidem a corde profectum.

Et

Et sanè à nulla corporis parte, præterquam à solo corde, calorem in omnes partes posse pervenire. itidem licet hæc uno argumento demonstrare. *Primum* enim id liquet ex eo, quòd ab uno corde possit in omnes partes præternaturalis aliquis calor dimanare. Scilicet si quod reperiretur aliud membrum quod totum corpus calefacere aptum sit; utique ab illo membro plus justo exæstuanter citra cordis opem possint partes omnes consequi præternaturalem caliditatem. Atqui omnis febrilis calor (hic enim ille est præternaturam per omne corpus diffusus) ab uno corde est. Vtut enim febrilium humorù varii sint foci, non tamen febris nascitur nisi demum accensione quâdam facta in corde.

Roboratur *secundò* hæc veritas doctrinâ illâ quam auctor *Artis parvæ* (sive Galenus sive alius fuerit) proponit c. 37. & *sequentibus multis*: quod nempe corporis habitus calorem suum usque adeo cordi debeat, ut quantumvis hepar sit frigidum vel calidum, aliter tamen atque aliter ille caleat prout alius est atque alius cordis calor.

Tertiò. omnis calefactio fit vel transmutatione vicinarum partium, vel transmissione alicujus corporis calidi in remota. Priore modo profectò à nullo membro totum quidem corpus potest intalescere, ne quidem si ignem flammæum intensissimum comprehenderet. Solum verò cor potest aliquid transmittere in omnes partes: utpote eum solum illud sit instructum propellendi facultate, habens in promptu canales per quos in omnes partes possit aliquid transdare. Quorum utrumque ad hoc necessarium est, ut aliquid in omne corpus, seorsum, deorsum, ad latera, committet. Neque verò est quòd cerebrum fortè adduxeris: quasi scilicet & illud moveatur, & à cerebro nervi

nervi in omnes partes propagentur. Vt enim paulò ante diximus ille motus cerebri ab arteriis est. Illo certè motu nihil propelli in nervos liquidò perspicere est, si adhuc spirantis & sensu præditi animalis nervum filo vinxeris; neque enim prope vinculum licet tumorem ullum ab affluente aliquo spiritu deprehendere, ut sit in arteriis ac venis. Multus verò spiritus transiret in nervos, si in quavis cerebri systole spiritus isthuc propelleretur, adeoque & hìc opus esset circulari motu, atque ita duplici nervorum ordine, quod structura illorum repugnat. Verum: quis genuinus sit, cerebri, nervorumq; usus aliàs expeditur: solum autem cor aptum esse toti corpori calorem largiendi; hinc utique manifestum est. Certè utut vel hepar vel quæ alia pars usque adeo intense caleat atque cor, utut venarum principium fuerit hepar, nulla tamen pars omne corpus poterit calefacere, tantum quod destitutæ omnes sint facultate illa propellendi, quâ sine quoquo versum per omne corpus nihil potest distribui. Sed de his satis, q. 110. *Boyle*

Quum itaq; calor omnium, præter cor, partium mutaticius sit, solumque cor & distribuat & aptum sit distribuere calorem animale, meritò cor principium caloris animalis unicum habendum est. Tanquam itaque sol aliquis corporis animati cor est: velut ille enim *toti largitur luminà cælo*; ita cor solum suapte virtute calet, reliqua omnia fruuntur ipsius beneficio, aliter atque aliter prout partium singularum usus exigit. Hâc sanè de causa cor in omnibus animalibus perfectis primò gignitur & primò vivit, quemadmodum ultimo etiam moritur. Quod profectò minime fieret, nisi cor ita primariò primum illud vitæ instrumentum possideret. Eadem de causa in medio etiam situm est cor. In medio inquam, *corporis necessarii*, *loci*

Ee

cniia

anius finis est qua parte excrementa emittuntur: crura enim aliter atq. aliter adiecta sunt, nec ad vitam necessaria habentur, quare ibi iis dempta vita non tollitur, additum etiam nullum sequi interitum, certum est. Vt verba Aristotelis hinc faciam mea.

Et sane ab unico illo principio esse omnem calorem animale, consentaneum valde est illi quod rerum natura inest sapientissimo consilio. Quum enim calor iste sit potissimum vitæ instrumentum, melioris ordinis interest, ut illud ab uno principio dirigatur. Certè quod ab uno administratur, expeditur rectius, quàm quod est multis commissum. Commune enim, rebus etiam naturalibus, est illud: *ἅπαντα ἀπὸ τοῦ αὐτοῦ*. Et verò hanc ob causam natura in iis quæ bene disponit ad unum aliquod principium commune refert omnia. Indubiè verò optimè disposita cupit perfectissimorum animalium corpora. Illud porro membrum est utilissimum ut sit principium caloris, quod est principium simul cum vegetationis omnis tum tensionis; utpote cum omnium harum functionum calor ferè inter potissima sit instrumenta, causa autem principalis instrumenta sua in promptu habeat necessum est. Est autem eorum vegetativæ tum sensitivæ facultatis principium primum, ut aliàs ostenditur.

Non est verò quod hæc doctrina nostra alicui sit suspecta novitatis causa. Omnes enim quotquot simpliciter professi sunt cor principium caloris unicum, idem senserunt. Indubiè verò jam olim hoc docuit Aristoteles. Passim enim in hunc sensum disserit, nonnunquam disertis idem verbis proficitur. Non semel sanè hæc verba legere est. *l. 3. part. 1. l. 2. part. 1. p.* ut & in libellis de *respiratione* & *vita ac morte*. Nusquam cerè Aristoteles in ani-

in animalibus perfectis aliqua parte calidum aliquod fixum agnoscit, præterquam in solo corde. Auctor libri *de Corde* idem significatum voluit, scribens cordi inesse *in ipsum nup.* Galeno etiam cor focus, principium, origo caloris simpliciter dicitur *l. 7. administr. anatomi. c. 2. l. 6. de usu partium c. 7. 15. & 22. l. de usu Respirat. c. 5. l. de Difficult. respirat. c. 8. l. 9. Meth. Med. c. 20. l. 5. de l. affectu. c. 1. l. de format. fat. 3. l. 4. comment. in 6. Epidem. 24. & alibi.* Haud me latet agnoscere illum aliquod calidum omnibus partibus insitum, ut & alios caloris fontes. Verum, ipsomet fatente, quicquid est præter calorem à corde profectum per est debile, ideoque omnis calor, qui in sensum incurrit, non aliunde est, quàm ab hac origine, etiam ex Galeni doctrina. Nisi malis hanc confessionem ab Adrastia sæpe adeo ipsi commemoratâ expressam esse. Ad modum autem Galeni multi alii loquuntur: nisi quod nonnulli, de calore cujus origo sit cor loquentes, addant disertè loqui sese de calore influente. Et verò omnino hoc addere debent, quotquot aliis quoque partibus præter cor fixum aliquod calidum innatum attribuunt. Certè ne doctissimus quidem Cremoninus satis sibi hac in re cavet *dist. 4. docens cor fontem esse & principium totius caliditatis* & tamen temperamentum cujuslibet misti itidem pro calido innato habens: neque enim à cordis illo influente calore proficiscitur temperies propria reliquarum partium, eoque non cor hujus principium est.

Quamvis verò non nisi unicum sit principium calidi omnis animalis, fatemur tamen multa alia principii nomen mereri, si sermo sit de principiis secundariis. Quemadmodum scilicet luna proprio lumine destituitur, magni tamen luminaris nomine à sanctissima doctrina nuncupa-

tur: ita possunt & partes illæ corporis, quæ cum ipsa præ alijs caleant vicinæ etiam suæ calorem impertiunt; principiorum quoque titulo venire, modò rem bene explices. Sunt autem ejusmodi cum primis viscera, ob causam paulo post adferendam. Illa enim præ alijs multo calore esse prædita, simulque quod proximum est calefacere, vulgò est cognitum. Ad hunc ordinem in Thorace quidem pertinet pulmo sanguine refertus. Ita loquor; quoniam qui sanguine caret, ut in ranis & serpentibus, non calefacit. Tantum profectò ad pectoris (quod tres inter ventres robore & dignitate potissimum est) atque ex consequente ad totius corporis caliditatem facit sanguineus pulmo, ut Aristoteles *l. 2. de Gen. anim. 10.* dixerit: τῆς δὲ θερμότητος τῆς Πνεύμονος ὁ πρῶτος, ὅταν ἐκταθῇ. Imò à pulmonum calore esse illum quo ovipara superantur à viviparis, quoque homo maximè erigitur *l. 3. par. 1. 6. l. de respir. c. 13.* & alibi docuerit. Quà de re nonnulla jam à nobis dicta sunt *l. de motu sang. c. 13.* Neque dubitandum, quum in dextro latere pulmo sit major omnibus, in plerisque animalibus: etiam lobo integro vincat latus sinistrum, etiam hinc esse lateris dextri majorem caliditatem. Certè hoc verosimilius est, quàm quod visum Aristoteli, esse illud à dextri sinus cordis insigni caliditate, aut quod Galenus *l. 2. de fem. c. 5.* docet, ab uno hepate esse. In ventre inferiore hepar & lienem itidem caloris principia dixeris, ac præcipue quidem hepar. Calore enim abundat præ liene, eoque totum etiam dextrum latus abdominis non minus atque thoracis calidius est sinistro: indubie etiam impertit calorem omni sanguini ex abdomine per venam portæ refluxo in cavam. Minus valet lien, neque multum adeo calefacit. Verè tamen & ille prin-

cipiū

capitulum aliquo munere fungitur. Certe latus sinistrum etiam laborat, quando lien est frigidior iusto. Neque enim alia de causa hisce visceribus laborantibus multi adeo affectus habitum quoque corporis in utroque latere affligunt. Renes quoque lumbis principium sunt caloris. Et verò tanta est illius caloris virtus, ut quod in vicinis spermaticis valis est, calore isto possit concoqui. Certe plurimum ad negotium Veneris valere tam quæ à renibus est caliditatem lumborum constat. Non enim verum esse quod multis placet, ut ut longè doctissimis, in ipsis renibus semen excoqui aut hinc derivari, patet ex structura cum spermaticorum vasorum; tum ipsorum renum. Testes quoque, etsi à viscerum natura sint alieni, non esse hoc numero excludendos jam tum ante diximus. Ut proinde, si de secundariis calidi principijs, quæ nimirum nativo calido instructa ejus multum denuò alijs largiuntur, sermo fuerit, multa sint calidi animalis principia. Quæ tamen inter se, si comparatio sit instituenda, alia alijs. circa rationem principij fuerint præferenda, & quidem ut primus locus pulmonibus, alter hepati, tertius lieni, quartus renibus, quintus testiculis attribatur. Sed hæc omnia multis docere non est hujus instituti.

CAPITULUM XXI.

Quemadmodum singule atq; universæ corporis partes à sanguine cordis calefiant, & cuiusmodi sit calidum illud partibus communicatum.

Calidum omne animale quod partibus corporis inest ab uno principio, corde nimirum, promanare, ut ut secundaria quædam sint ejusdem calidi principia, in

thorace cum primis & abdomine, satis liquidò est ostensum. Consequens est ut doceamus & quemadmodum fiat partium illa calefactio, & cur alibi major alibi minor sit, calidum ipsum præterea sine igne an alterius naturæ, postremo item num ad essentiam partium quodammodo pertineat nec ne. Neque enim hæcenus hæc explicata sunt.

Ac modum quidem calefaciendi quod attinet, jam tum supra c. 17. diximus, duplici ratione absolvi eam quæ ex corde fit calefactionem. Aut enim esse mediatam aut immediatam, uti loquuntur scholæ: quarum illam esse potiore, hæc non nisi in vicinissima & pauca pertingentem, cum illa ad remotissima quæque derivetur, quorum numerus longè est maximus. Ea tamen vis est immediata illius calefactionis, ut Aristotelis sit observatum l. 2. *part. c. 4. cor hominis paulo ad levam vergere, ut eius pars refrigerationem moderetur & compense: omnium cum animalium maxime hominem frigidam habere partem sinistram.* Si verum etiam est quod scribit Nicolaus Massa, eos quibus basis cordis (hæc enim alias exquisita est in medio pectoris) nonnihil sinistrorsum vergit ut sinistra manu pro dextra, quibus autem totum cor base & muerone in neutram partem declinat ambidextros esse, non aliæ causæ quàm isti calefactioni cordis id tribuendum est.

Cæterum, quod itidem supra est dictum, medium illud quo remota quæque cor calefacit, sanguis est à sese calefactus. Hunc enim perpetuo in omnes partes transmittit, & nonnihil refrigeratum refocillat: ita ut partibus corporis nostri nunquam desit suus sanguis quo incallescant. Etiam sanguis verò ille calidus calefacit partim mediatè, partim immediatè. Quum enim corporis nostri partes

partes etsi ipse actu non caleant potentia tamen magis minusve sint calidae; hinc etiam contentus vasis suis sanguis calidus, dum per partes calescit apras decurrit, producit immediate in proximo per omne corpus calorem aliquem. Videre simile quid licet in preparatione spiritus vini chymici. Derivatus enim vi ignis calidus vini vapor per canales spirae in modum recurvos, vas sat magnum aqua frigida plenum comprehendens illos canalium gyros mirum in modum facit effervesce, non obstante naturali aquae frigiditate. Quamvis verò densa corpora in hunc modum minus caleant quàm aqua, atamen multitudo vasorum tantum non omnia penetrantium efficit ut densa etiam illa calorem queant magis minusve acquirere. Præter hoc verò etiam mediata quædam sit à sanguine calefactio, per tenuem nimirum ichorem ac vapores, eosque vel vasis comprehensos vel etiam extra vasa exhalantes. Nimirum dantur exilia vasa, articularum venarumque propagines, quæ non amplius sanguinem verum, integrum, rubrum, sed tenuem tantum ejus ichorem continent; qui cum indubiò non nihil caloris habeat, non potest non calefacere. Talia autem vasa cum prius observare est circa membranas, non nisi raro, ut per inflammationes, integri sanguinis aliquid comprehendant, quare & non nisi præter naturam illa rubent aut in conspectum veniunt. Vapores verò calidi per omnia vacua corporis spacia vagantur & quidem magna copia. Copiam sane etiam oculis cernere est, si animalis vivi ventrem aut pectus tempore hiberno aperias: tactu semper licet quadamtenus deprehendere itidem per *anaplus* vivi animalis. Ab his vaporibus sanè & carnem aliasque partes vivi animalis in tumorem aliquem agi manifestò videre est.

re est in deliquio animi aliisque frigidis cordis affectibus: subito enim flaccescunt omnia, ut proinde tumor ille vividus non fuerit à solida quadam substantia. Horum verò quanta sit vis in calefaciendo, produnt insensiles expirationes per cutis spiracula factæ: namque & hæ lectos & vestes possunt calefacere. Quamto autem magis id valent intra membranas & cutim conclusi & nulla aëris frigiditate fracti vapores? Et verò ut vapores hi maxima ex parte coërceantur nec evanescant temere, tot membranis & cute videntur animalium corpora circumdari. Quamvis enim aliquam vaporum partem emitti expediat in animalibus perfectioribus, adeoque calidioribus, plerique tamen coërcendi sunt in usum vitæ. Quo obiter patet aliis quidam, quem ante non attingimus, error Sanctorii in *Staticâ medicinâ*, qui horum vaporum nullam habens rationem, non attendit etiam per hosce ponderi multum decedere, imò plus quam per insensilem transpirationem. Cæterum ope horum vaporum profectò non est mirum calefieri & illa loca corporis, quæ vasa sanguine referta non obtinent. Etiam hunc vero calorem partibus largita est provida natura rerû, quod calor vapidus emolliat omnia, & suavis sit, simulque facile in omnia sese insinuet. Certè omnia beneficia hinc corpus experitur quæ à balneo vaporario solent proficisci. Neque verò aliunde magis esse mollietiem partium & lentitudinem argumento est, quòd per *avapulo* aperto cadavere madida omnia liceat deprehendere ab hisce vaporibus, quò madore sublato statim omnia iudarescant & sui sunt dissimilia.

Non nisi sapientissimo autem naturæ consilio factum est, ut partes quæque corporis nostri calorem suum vel per vapores vel per sanguinem vel per serum aliquod consequan-

sequantur. Etenim ad partium quoque functionem mol-
lis calor omnium est aptissimus, siue coquendum siue mo-
vendum aliquid fuerit, quæ mollities fovetur humido illo
& tenui subiecto. Observatum id jam tum olim est The-
ophrasto *l. de igne*. Cum enim de calido humido fecis-
set verba, addit: calor qui corporibus animatis inest pluribus
miscetur & singulari modo. Hinc quasi vivus & similium geni-
rabilis redditur. Est autem prior ille qui à sole est calor. Ille
enim genitabilis est & plantarum & animalium, non manens
aëri impermixtus, sed in eo potius nascens, moderationem aliquam
mollitudinis & tenuitatis habens, non sicci ignis more durus &
torridus. Itaq; semina fricta non germinant, à sole autem etiam
supra modum calefacta (nonnunquam enim aiunt apud Babylone
aliq; in locis calidioribus in areis frumenta tanquam torri-
da salire) nihilo secius generant & germinant. Hæc ille. Idem
verò non multo ante jam monuerat: exuri fructus ab aëre
sicco calido: itaque semper id vitii evenire ubi aër ita na-
tura sese habet, nisi solum irriguum succurrat succum mi-
nistrando, aut ros cadat. Et sane etiam partes corporis
nostri marasum patiuntur, si calor quem accipiunt siccus
nimium sit, nec multo humido emolliatur: quod liquet
in phthisi & febre hectica.

Verùm modus quo fit partium calefactio, quis sit &
quare ita sit, satis claret. Is verò quæ diximus benè intel-
lectis, haud difficile amplius est, docere etiam quam obrem
calefactio illa non omnibus in partibus eodem sese habeat
modo. Differentia scilicet illa oritur partim à rei calefaci-
enda, partim ab illius mediis per quod fit calefactio, varie-
tate. Nimirum non omnia æquè sunt caleferi idonea,
vel quod idem est, æquè potestate calida. Videntur au-
tem maximè apta esse, quæ sanguineæ substantiæ sunt pro-

piora, qualia sunt viscera & caro musculorum. Pertinet huc etiam pinguedo omnis, præcipuè verò semen; utpote cum nihil sit aliud quam sanguinis quasi flos quidam, ceu benè observatum est Aristoteli. Tertio quoque haud immerito huc traxeris, quæ seminis naturam quadamtenus redolent. Facile certè illa incallescere, arguunt lascivæ cogitationes. Ex adverso difficulter ossa calefieri & membranas & cerebrum incomperto est. Medium præterea illud corpus, quod defert calorem, aliud est atque aliud ratione vel qualitatis vel quantitatis. Etenim tenue aliquod serum calorem comprehendere minds aptum est, quam sanguis, ipso sero inferior est vapor. Ceu debilior est calor balnei vaporarii quàm balnei Mariæ, & hic infirmior calore balnei arenarii, ut cum chymicis loquar. Hinc sanè in universum omnia sanguine prædita & animalia & membra animalium ex sanguibus calidiora sunt: quibus scilicet sanguinis loco est tenuis ἵχας aut vapor. Porro & ipse sanguis cum tenuitate & crassitie differat, non potest non item vel eo ipso differre circa calorem. τὸ γὰρ αἷμα τὸ πικρὸν ὑδατῶδες μᾶλλον ψυχρὸν ὄναι: fibrosus verò sanguis calidior est. τὰ γὰρ περιὰ θερμαίνοντα μᾶλλον θερμαίνει τὸν υγρὸν αἰθέρην καὶ γινώσκεις ὡς γίνεται οἷον πυρκαῖα ἐν τῇ αἵματι καὶ ποῦ ποιεῖται ἐν τοῖς θύμοις. Quæ doctrina est Aristotelis *h. 2. part. c. 4.* Vult autem idem ille in aliis corporis partibus sanguinem tenuem, in aliis crassiorem reperiri; quare ita simpliciter scribit *l. de somno c. 3.* ἐν δὲ λεπτότατον ὑπὲρ αἷμα καὶ καθυερότατον τὸ ἐν τῇ κεφαλῇ, παχύνηται δὲ καὶ ἀδολερώτατον τὸ ἐν τοῖς κάτω μέρεσι. Tenuitatem verò sanguini capitis adscribit etiam *h. 2. part. c. 7.* & *libro de sensu c. 5.* Verum hoc quidem alienum esse à vero *l. de sang. motu c. 36.* jam demonstravimus: hominem autem alterum altero multum discrepare sanguis-

sanguinis crassitie & tenuitate, certum est & omnibus cognitum. Multitudo porrò sanguinis vel seri vel vaporum calidorum indubiè promovet quoque vim caloris. Et verò hanc etiam ob causam calidissima omnium sunt viscera, interque illa pulmo maximè & hepar antecellunt. Caro quoque musculorum hinc calidior est membranis similibusque aliis partibus albicantibus. Cerebrum ex adverso etiam ob paucitatem sanguinis aliis partibus plerisque est frigidius. A multitudine præterea vaporum pectus præcipuè & abdomen calent plus quàm aliæ cavitates, quæ minus vaporum acceperunt. Fit autem inæqualis ejusmodi distributio calidi propterea quod singulis partibus suum aliquod munus sit, quæ munera exigunt diversam caloris rationem. Quemadmodum enim prudens architectus non semper eodem ligno aut eadem ligni utitur quantitate, sic & rerum natura singulis partibus non nisi utilem calorem communicat.

Cæterùm de diversa ratione calefaciendi partes itidem satis fortè est dictum. Calidum verò illud quod producit in partibus itidem igneæ esse naturæ, indicat eximia ipsius vehementia qua utique longe exsuperat naturalem aeris calorem, multo magis elementaria corpora reliqua. Arguit idem levitas tantum non universi etiam illius calidi. Evaporat enim haud difficulter: vapor autem omnis ignem comprehendit quo in ipsomet aère sursum agitur. Indubiè tamen etiam alicubi minor caloris gradus producit, quique adeò naturæ non sit igneæ. Sermo autem nobis est de communiore nativi illius ignis ratione. Estimandum verò omnino est, calidum illud singularum partium cum in vacuis spaciolis tum in ipsa solida partium substantia hæere, haud aliter atque in corde rem sese

habere supra est demonstratum. Itaque etsi quod in solida hæret substantia non egeat alimento, eget tamen alterum. Et quidem pro alimento huic etiam calido esse sanguineum quid, vetant nos dubitare quæ jam tum multis sunt disputata. Facile certe est, iis quæ ibi sunt demonstrata & hæc uti. Itaque nulla etiam est necessitas novis demonstrationibus & hæc & alia similia nunc expedire.

Superest igitur tantum ut de ultimo nonnihil addamus, num illud quod ita in partes omnes à corde promanavit calidum, tantum accidentis in modum partibus insit, an verò ad earum essentiam pertineat. Atque vulgò quidem prius creditur, eò quod calidum illud citra partium corruptionem modò adsit modò desit, quæ solet esse ratio inhærendi accidentalis. Addunt, cum illud calidum influens sit substantia actualis non minus atque pars aliqua, ex duabus illis substantiis actualibus non posse unum ens per se confieri, sed per accidens unum, adeoque nec alterum ad alterius essentiam posse pertinere. Verum enimvero in quantum partes sunt substantiæ aliquæ naturales ad mystorum ordinem pertinentes, fatemur partes calorem istum non nisi accidentaliter obtinere; in quantum autem sunt instrumenta animati corporis, longè secus res sese habet. Ut enim sint hujusmodi instrumenta, debent utique huic calido. Quare ad instrumentariam partium essentiam omnino calidum hoc pertinet. Pertinet inquam. Neque enim uno hoc calido instrumentaria essentia absolvitur, sed eodem pertinet cum propria temperies, tum præcipuè mira illa omnium conformatio. Quo ipsa manifestum etiam efficitur quàm stulte atque ineptè (ne quid dicam gravius) calidum hoc ita singulis partibus insitum

situm animæ titulo nonnulli dignentur. Quod tamen o-
 lim factum est ab Andronico Rhodio, teste Galeno *Quod*
animi mores. ut & nonnunquam ab ipsomet Galeno (neq;
 enim hac in re sibi semper constitit) atque Alexandro A-
 phrodisæo, non dubitavit verò & Cæsar Cremoninus af-
 firmare. *Id. de calido innato dict. 3.* Sive enim ponamus animæ
 vocem significare integrum principium functionum vita-
 lium, ut nutritionis, sensuum, & motus voluntarii (quod
 pro hypothesei in omni de anima disputatione habet Ari-
 stoteles): sive cum aliis tantum non omnibus hac voce
 significemus non integrum principium, sed primariam e-
 jus portionem; nullius prorsus functionis vel integrum
 vel primarium principium calor est, adeoque anima non
 est; licet Aristoteli more voce illâ accepta aliquid sit a-
 nimæ, in quantum est pars videlicet instrumentarii prin-
 cipii. Certe nè vegetativæ quidem functiones unius il-
 lius calidi opera sunt: sed præterea necessaria fuit varia
 partium conformatio: ne nunc dicam de vi formatricæ
 quam prudenter Aristoteles scripsit *ἀνάλογον εἶναι τῷ τῆς αἵ-
 σθησιν στοιχείῳ.* Quanquam vero non absolvat calidum hoc
 naturam *ὁργανικῆς* singularum partium, ut tamen ante di-
 ximus, pertinet illuc. Eoque nulla etiam pars calido hoc
 destituta id est quod esse debebat, utut maneat nomen.
 Et verò illud nomen æquivocè prædicatur de parte adhuc
 calente & calore omni destituta, haud secus atq; nomen
 hominis prædicatur de vivo & pîcto, aut fistulæ de fracta
 & integra. Omnia quippe quæ actionis aliqujus gratia
 sunt, si efficere eam nequeant non jam amplius sunt quod
 erant: cœu eleganter docet Aristoteles. Hinc à definiti-
 onibus partium omnium essentialibus non abesse debet
 hoc calidum, cum essentialiale aliquid sit. Neque enim ve-

rum est (nisi sequius accipias, quàm verba præ se ferunt) quod ab Aristotele nostro *l. 2. partium c. 3.* scribitur, *caliditatem in definitione sanguinis esse, quemadmodum in definitione hominis albi albedo est.* quippe quum & sanguis calore destitutus non amplius sit verus sanguis, utut nomen sit superstes, adeoque non insit calor sanguini ut albedo homini.

Respondemus igitur ad objectiones. Potest calidum illud influens adesse, potest abesse citra mutationem essentialem partium, quatenus illæ sunt corpora quædam mixta: non autem quatenus sunt corpora animata. Haud aliter ergo atque non est de auri essentia concava figura, est tamen de scyphi aurei essentia: ita non pertinent ad essentiam carnis ex. gr. calidum illud, pertinet tamen ad esse carnis sentientis & motu præditæ. Quod præterea sumitur ex duabus actualibus substantiis unum per se constitui non posse, falsissimum est. Ad unitatem enim aliquam per se satis est si, quæ coeunt, unum in finem componantur. Vtut igitur singulæ substantiæ possint sine alterutris subsistere, adeoque hactenus non nisi accidentaliter sit unio, in quantum tamen in unum tertium conveniunt, uniuntur per se. Verùm hoc latius exsequi Metaphysici est. Vele ex hisce paucis tamen jam tum constat, quemadmodum ex calido illo influente & partibus confiat unum tertium. Quod præclare etiam docuit Averroës *l. 2. collig. c. 2.* licet ejus mentem perperam interpretatus Fernellius illi adscribat, quasi aliquem conflatum spiritum præter temperiem in singulis partibus admiserit.

Sanè calidum hoc temperiem propriam partium non tollit, alterat tamen, & ita quidem ut beneficio alieni illius calidi diutius possit pars quælibet conservari, quàm fieri potest absque illo. Neq; enim à morte partes non fa-

cilè

cilè corruptuntur, quæ per plurimos annos in vita integrè permanserunt. Vt proinde calidum hoc ipsi propriæ temperiei partium sit quasi pro condimento. Quin imò cum per omnem vitam ejusmodi aliquod calidum partibus insit, merito etiam hoc insiti atque innati calidi nomen commeretur. Quem in modum sanè jam olim loquutus est Hippocrates in iis qui crescunt plurimum innati calidi esse affirmans: loquutus est & Aristoteles & Galenus cor nuncupantes focum & fontem nativi calidi. Quam rationem loquendi alii multi sunt sequuti: & tamen de solo influente calido intelligi potest.

CAPVT XXII.

*De calidi nativi differentia secundum sexum,
ætatem, somnum ac vigiliam, motus animi,
& aerem, earumque causas.*

Hæc expositis non abs re fortasse fuerit inquirere etiam, quibus de causis adeo magna sit caloris non in partibus amplius, sed in toto corpore humano diversitas. Deprehendere videlicet est, homines, totum corpus si species, diversimodè calere ratione sexus, ætatis, somni ac vigiliæ, motuum ac pathematum animi, aeris, multorumque aliorum. Cæterùm hæc omnia pro argumenti dignitate exequi per fuerit operosum: itaq; fortasse satis officio fecerimus, si digitum, uti loquuntur, ad fontem tendentes, brevibus tantum pro instituti modulo hæc expediverimus.

Atque *sexum* quidem inter sese calore differre, nemo est qui nesciat: tantum quis prævaleat quidam disputant. Cæterum *marem* esse *feminâ* calidiorem communis est

VOX

vox sapientiorum. Ita enim loquitur Hippocrates *lib. 1. de Diet. & 6. Epidem.* Plato *lib. 3. de Republ.* Aristoteles multis locis, imprimis *4. de Gener. animal. cap. 1. & 9.* Galenus item passim. Quos innumeri sequuntur alii. Vnus ex antiquis auctor *lib. 1. de Morb. Mulier.* scribit, *calidiores femina sanguinem habet, ideoq. etiam calidior est viro.* Veram autem esse sententiam communem tum ipso tactu deprehendere est, tum patet ex iis, quæ circa mares, ac foeminas est observare, sive mentis actiones spectes, sive corporis constitutionem. Robustum enim, ac majus utique est corpus virorum: robur autem & magnitudo excellentiam aliquam caloris postulant, cum ut fiant, tum ut conserventur. Moribus porro mas liberalior, generosior, constantior, audacior est: quibus conducere calorem argumento vel illud est, quod unus idemque homo per calorem sentiat ejusmodi animum quasi addi, per frigus dimitti. Gravioribus præterea laboribus ferendis cum par sit virile corpus, magis quam foemina, utique necessario major ei calor inerit. Neque enim temere quis ignorat, à calore plurimum momenti ad laborum exercitia adferri.

Ab ætate quoque magnam esse calidi diversitatem non potest quem latere. Senectutem enim esse frigidior omnibus antegressis ætatibus sole est clarius. Tantarum de puerili, & florente ætate contentio est, utra sit calidior. Est autem jam vetus nec levis controversia, ut liquet vel ex *lib. 1. de Temperam. Galeni 2. 2.* ubi fatetur Galenus, non esse promptum illam litem dirimere: probabiles enim utrorumq. rationes esse, tum eorum, qui pueros calidiores quam florentes ætate censent; tum eorum qui contra florentes calidiores pueris esse opinantur. Secundum primam ætatem

sanè pronunciant scripta Hippocratica. Libro 2. de Natur. hum. 12. ἀνθρώποι τῇ πλείονι τῶν ἡμετέρων ἰσχυρότατοι. Ἡ αὐτοῦ δαυεί. Lib. 1. de Dietā: ὑπερότατοι καὶ ἰσχυρότατοι, ὁνόμα ἕγχεσσι τῆς φύσεως. Lib. 1. aphor. 14. Qui crescunt plurimum habent calidi innati. Eandem sententiam defendit Galenus tūm a libi, tūm lib. 2. de Temper. c. 2. prolixissime libro contrā Lycum, & satis fusè in commentario aphorismi illius Hippocratici: ita tamen, ut fateatur, adventitii caloris, quem vocat, plus inesse ætati florenti. Nec aliter ferè sentiunt, qui Galenum sunt secuti, illorum artis medicæ principum auctoritate, ut solent, permoti. Simpliciter ex aduerso alteram ætatem pronunciarunt calidiorem, quotquot & paullo ante Galenum & ætate ipsius vixerunt cū philosophi tūm medici. Disertè siquidem Galenus lib. de Marasmo, omnibus hunc sermonem attribuit: Quemadmodum flamma, ubi inciderint in humida ligna, in principio quidem aliquatenus fumigans, ac velut suffocatur, cū parua sint ac debiles: progrediente. verò tempore paulatim effulgent ac augentur, sensim verò materia potentes fiunt, & tandem in maximam magnitudinem attolluntur, ubi totam ipsam superarint, quo tempore vigor, ac robur ipsis adest, & postea iam alimentis hoc desinente marcescunt & extinguuntur: eodem modo calor in nobis, animalis corpori veluti materia cuidam alligatus, primū quidem humidior est ac debilis, augetur autem usq. ad vigoris ætatem effulget, & augetur, & ad maximam magnitudinem attollitur, & ignis flammam imitatur; atque hinc ex alimentis penuriā paulatim marcescit, & hoc est senectus. Eadem tempestate Lycus Macedo integro libello aphorismi decimi quarti illius Hippocratici sententiam impugnauit. Fuit autem disputationis Lyci, (quantum ex Galeni responso, & superstitibus Lyci verbis colligere est,) hæc quasi summa:

Gg

Calidi

Calidi plurimum potest intelligi aut ratione substantiæ calidæ, aut ratione qualitatis, aut denique ratione vigoris, & agendi roboris. Substantiæ & qualitatis ratione plurimum calidi non utique primæ, sed alteri ætati inesse. Vigorem quidem magnum esse in primâ ætate, sed minus rectè tùm dici plurimum calidi adesse, rectè autem dici calorem illum validissimum.

Cæterùm si & nobis licet sententiam hac in controversiâ dicere, etiam nos accedimus iis, qui alteri ætati priora deferunt, neque enim vel cum Franc. Vallesio, *lib. 1. controuv. 5.* dixerimus, in utraque ætate æqualem esse caloris intensiorem. Licet autem hoc ipsum cognoscere cùm sensu, tùm ratione. Vtroque, inquam, modo id licet. Non enim verum est, quod Galenus noster sui temporis philosophis ac medicis, hac de re argumentis inter sese certantibus, objicit, *lib. 2. de Temp. c. 2.* quasi de re sensibili solus sensus possit judicare, & rationes adferri rectè nequeant. Omnes sanè & docent & agunt aliter: neque ipsemet Galenus solet in similibus, imò in hoc ipso negotio, rationibus abstinere, ut profectò manifestum est ex libro contrâ Lycum, in quo nunquam ad sensum fit provocatio, lite universâ rationibus commissâ. Iam vero sensu utique deprehendimus qualitatem calidi innati in ætate florente majorem & intensiorem, quàm in primâ, sive infantia, sive pueritia. Neque enim adeò ingens difficultas in cognitione hac est, quàm persuadere nobis conatur Galenus. Vtique enim ex promiscuâ contræctatione complurium variæ naturæ cùm puerorum tùm adutorum, hoc intelligere est citrà laborem. Nec verò opus est, ut eundem & puerum & adultum contræctes, quo aliquid certi statuas: quod enim in plerisque pu-

cris

erisprehendimus, illud non potest non censerī illi toti ætati maximè naturale. Enimverò *libro isto 2. de Temper.* (si verum fatendum est,) ita pœne Galenus noster disputat, quasi hac in re neque rationi, neque sensui tutò liceat fidere. Cæterum idem Galenus noster etiam negat, sensu deprehendi maiorem aliquem aut minorem in utraque hac ætate caliditatem: tantum puerorum calorem magis halitusosum esse & tangenti blandiorem, florentium calorem subacre quiddam habere & non suave: hac igitur differentia, quæ tangenti occurrit, plures induci, ut florentium corpus calidius esse pronuncient. Sed meritò quis roget, primum, quomodo æqualitatem illam deprehenderit Galenus, si rationes hic non sunt audiendæ, tactus autem ejusmodi differentiam non persentiscat? Deinde, quò alio signò, quam blanditiæ soleat ab hominibus minor intensio caloristactu deprehendi? Sanè omnis sensibilis qualitas blandè sensus afficiens minor ab omnibus censeatur illa quæ sensum ferit? Et rectè quidem. Voluptate enim permulcetur sensorium tactus, quando species in sensorio producta illi est attemperata: afficitur dolore, cum justo est major. Blanditiæ itaq; illa, & illud subacre omninò indicant maiorem minoremque caloris intensiōem: ac proinde sensu omninò constat illa adultioris ætatis præ puerili caliditas. Indicat verò eandem qualitatis intensiōem & effectus caloris: pollet enim robore hæc ætas altera præ istac primâ, cibos quoque duriores longè facilius concoquit, crudiores etiam humores superat & digerit felicius, & denique biliosis calidis affectionibus frequentius tentatur. Certè omnia hæc à calore dependent magnam partem, tanquam a principio suo effectivo, indicantque illius sui principii robur ac

vigorem. Vbi major autem vis est caloris, ibi necessariò intensior etiam est qualitas, imò. plus etiam ipsiusmet substantiæ igneæ. Benè enim monet Galenus adversus Ly- cum, mutuò hæc sese consequi.

Usque adeò autem clarescit excellentia caloris secundæ ætatis, ut ipsemet Galenus eam fateri. ab adrastrâ contactus fuerit. Verba ejus *ad 6. Epidem. cont. 3. com. 15.* hæc sunt. *ut in commentariis de Temperamentis, & Aphorismis à nobis disputatum est, non absolute puer vigente calidior est, at infans calore calidior; calidum autem quod non est innatum eo absolute calidius esse monstratum est, quo ætate vigentes plus abundant.* Item. *constit. 1. comm. 5. ad eundem librum:* *Tuvenis quidem absolute calidior, puer vero non absolute, sed eo, quod plus innati calidi possideat.* Eodem modo redundantiam adventitii caloris in adultioribus præ pueris agnoscit *lib. 3. de Caus. Pulsuum, cap. 4.* ubi de pulsu puerorum differit. Ex quibus verbis hoc profectò discere est, etiam ex Galeni confessione secundum naturam in alterâ illâ ætate majorem caliditatem reperiri. Nihil vero est, quòd ille calor sit *Πικρὺς*: nititur enim hæc assertio commento illo de calido innato, quòd jam tum *cap. 3.* confutavimus. Certè illud quòd primâ ætate calidum non magis innatum esse, quàm illud quòd est in ætate secundâ, quoniam videlicet calidum nostrum in perpetuo est fluxu à primo usque vitæ primordio, ex iis quæ hæcenus attulimus nemini non est manifestum.

Facillima verò soluti sunt duo isthæc, quæ jam olim pro ætatis primæ caliditate esse allata ex Galeni isthoc *secundo de Temperamentis libro* est discere. Alterum est, quòd sanguis omnium qui in animalis habentur corpore humorum calidissimus, foetus autem in utero propemodum

dum sanguis tantum sit. *Alteram*, (quo utitur etiam *Aphorismus 14. lib. 1.*) quod illa ætate augmentum capiat corpus, & plura, quam pro corporis ratione; alimenta appetant pueri & conficiant. Respondemus enim, sanguinem non nisi potentia esse calidum vi propria, non actu: eoque licet foetus purus sanguis fuerit, actu tamen ideo non calet, sed ut caleat, novo igne opus est, quem in primâ ætate invalidiorem esse asserimus. Præterea plurimus est in florentibus sanguis, ac copiosior quam in pueris, ita ut ejus occasione crebro his sanguis profluat. Ad secundum duntaxat respondemus verbis medicorum apud Galenum: quod primâ illâ ætate solâ incrementum accipiat corpus, fieri humiditatis potius occasione, quam caloris vi. At occasione non modo florentes non vincere, sed etiam longè ab eis pueros vinci. Nam & vomitiones iis ex inconcoctis cibis accidere, & deiectiones humidas asperasque, ac à succo alienas. Quod si appetunt nihil id facere ad caloris robur. Primum enim id non accidere caloris copia, ut animal appetat plura, imò contrâ refrigeratis his partibus. deinde quoniam non tantum ad nutritionem, sed etiam ad incrementum alimenta moluntur, idcirco etiam pluribus alimentis iis esse opus. Iam verò reliquis functionibus universis etiam non obscure inferiores esse pueros iis, qui florente sunt ætate. Addo, ad incrementum non esse opus multo & vehementi calore, modò sequax sit materies, velut liquet in plantis, nonnullisque animalium partibus, quas per fermentationem aliquam augescere jam ante notavimus.

De caloris itaque diversitate secundum ætatem itidem satis constat. De differentiis innati calidi ratione somni, & vigilia, ita Hippocrates l. 6. *Epid. sect. 4. n. 13.* loquitur: Evidenter vigilans calidior exterius, interiorum autem frigidior,

dior, dormiens è contrario. Galenus præclare adjicit in commentario: *Id nempe ex eo apparet, quod dormientes cum pluribus stragulis tum & capitis egent tegumento, si frigidior, ut hyberno tempore, qui circumfunditur, aër sit. Atqui interdum vigilantes hac non requirunt. Quin etiam maior inspiratio plus caloris in penetrabilibus corporis collectum esse testatur. Perinde & concoctiones in dormientibus efficacius, quam in vigilantibus fieri, non solum in ventriculo comestorum ciborum, verum etiam humorum in iecore & venis, corporis abditas sedes in dormientibus calidiores effici signum est. cum à nobis concessum, & supra ostensum sit, ingenitum calorem omnium in corpore concoctionum per aquum esse artificem.* Hæc eleganter Galenus, nisi quod non nihil dubium sit, num concoctio cibi in ventriculo dormientibus melius succedat, quam vigilantibus.

Per animi porro motus magnam effici caloris in corpore diversitatem, notius est, quam ut verbis sit opus. Ab aëre vero ambientis varia temperie variam quoque innati calidi esse rationem, jam tum veteribus quibusque optimis est scriptoribus annotatum. Multum sanè interest, in frigido an calido vivas aëre. Ventres hyeme esse calidissimos pronunciant omnes Hippocratem secuti. De calore aëris hæc sunt verba Vitruvij lib. 1. cap. 4. *calor jam ex æquo ac corporibus firmitatem eripit, & vaporibus fervidis exsugendo naturales vires dissolvit eas, & sudore mollescentes efficit imbecillas.* Quæ is aesse considerare licet, ex eo, quod, astate non solum in pestilensibus locis, sed etiam in salubribus omnia corpora sunt imbecilla. Et sanè frigidi calidique aëris illi effectus non per anni tantum tempestates, sed etiam per regiones in hunc modum se habent.

Verum, quod quidem hæc & similia ita fiant, sensu atque

atque experientia compertum est : causæ verò horum non nisi intellectui patescunt per argumentationes. Iam tùm autem liquet satis ex ijs quæ demonstravimus, in toto quidem corpore calorem non posse accipere diversitatem, nisi à corde aliter atque aliter affecto, quòd ab illo unico membro calor omnes in partes perveniat, ipsæ autem non nisi hoc mutuatio calcant. Constat porro ; observato etiam naturæ ordine, ab illis secundariis potissimum principiis quæ recensuimus, cùm vicinas quasque partes aliter calere, tùm toti corpori alium atque alium calorem induci, eò, quòd affectionibus suis facile in consensum cor pertrahant. Quemadmodum enim ab inflammato in manu tumore vicinus sanguis si itidem exæstuet, ille delatus ad cor febrem ibi accendit : Sic si quid illorum secundariorum principiorum vel calidius fuerit vel frigidius, sanguini itidem inducunt affectum suum, qui ad cor frequentissimo illo naturali motu commens, parem & huic qualitatem communicat. Indubiè verò valent eà in re viscera magis minusve, prout magis aut minus sanguinem possunt mutare. Mutare autem quàm maximè apta sunt, per quæ maximè sanguis defertur ad cor. Primarià igitur conditione est pulmo : utpote cùm per illum quàm maximè sanguis, & quidem omnis, ex corde & in cor transferatur. Secundo loco hepar, quòd per illud cùm chylus omnis rubefactus, tùm omnis sanguis abdominis commeent. Itaque etiam præ alijs post cor hæc duo viscera maximè efficiunt caloris in toto corpore perpetuam diversitatem. Hæc duo, inquam. Nihil enim est falsius illà vulgari existimatione, quasi soli hepatis hoc debeat, pulmonum nullà habitæ ratione.

Care-

Ceterum *sexus* illam disparem caliditatem plerique malunt solis testibus adscribere. Falluntur tamen, & fallunt. Nam etiam spadones foemellis calore & robore præstant, id quod etiam in equorum, boum, aliorumque animalium genere manifestum est. Ponendum itaque omnino est, *sexus* illam differentiam esse ab ipsius cordis aliorumque viscerum diversâ constitutione. In testibus tamen multum esse momenti ad calorem collocatum, jam confessi sumus. At quemadmodum testes tantum possint, difficilius est expeditu. Neque enim sanguis aliquis ad testes pervenit, qui in cor reversus cordis calorem adaugeat. Neque præter sanguinem aliud aliquid sive humoris, sive spiritus à testibus ad cor proficisci potest, cum nulli sint canales. Quocirca per videtur similis vero Leonhardi lacchini doctrina, quam proponit *l. Quæst. Natural. n. 28.* & noster Hofmannus amplectitur *lib. 1. de generat. Hom. c. 4.* Quod testes faciant ad libidinem, hæc verò apta nata sit fervorem aliquem universo sanguini inducere. Verum ne hoc quidem videtur dubitationem tollere. Libidinis enim illam vim nemo quidem negaverit, at illam non esse à solis testibus argumento sunt ipsi spadones, quos illa in comœdiâ ait, *amatores esse mulierum maximos*, nonnullis eorum etiam arrigentibus. Sola porro libido utique robur illud, quo pollent non castrati præ spadonibus, non largitur, adest enim robur etiam extra omnem libidinem politis. Fortassis igitur rectius omnia semini proximè tribueris masculino, quod testibus oblati nullum generatur. Ponendum videlicet est semen illud masculinum sanguinem esse summe elaboratum, eoque apuissimum, ut vi cordis caleat. Vbicunque igitur in vivo corpore semen est masculinum, ibi principium aliquod caloris

ris est perpetuum: adeoque maribus omnibus semine instructis in vasis seminariis quasi ignis aliquis delitescit, qui vicina quæque, atque ita etiam sanguinem per magna illa vasa infimi ventris manantem calefacit, unde non potest non perpetuo incendi qui in corde hæret natus ignis. Hinc sanè ante seminis generationem inter integros & castratos parum aut nihil discriminis est deprehendere circa calorem corporis: ubi illud verò per ætatem capit, tum verò toto in corpore caloris fit augmentum, multò maximè autem crescit calor totius corporis, quando semen fermentatur, initio ejus factò, sive per se, ut in ple-
risque animalibus, sive per libidinosas cogitationes, quod hominibus familiarius est. Hactenus igitur ad totius corporis in sexu masculino caliditatem facere testes, existimandum est, in quantum sine illis semen generari non potest: quod quare fieri nequeat, non est hujus instituti disquirere. Proxima autem masculini illius caloris, qui quidem solis testatis adest, causa semini ipsi omnino adscribenda est.

Varietas caloris *per ætates* undenam sit, facilius intelligi potest, modo observetur, quantum ad calorem singularium partium faciat illa, quæ singulis congenita est humiditas. Scilicet abundè constat: densa & sicca corpora difficulter admodum calorem concipere: quæ multà sunt humiditate, facilius quidem incallescere, longè minùs tamen iis quæ moderatè sunt humida: hæc itaque omnium maximè apta esse caleferi. Iam verò primà utrique ætate partes omnes, sive initio natæ sive post genitæ, permul-
tùm sunt humidae: in ultimà eadem laborant siccitate: medio tempore magis est temperata illa humiditas, ita tamen ut vel in hanc vel in illam partem inclinet, prout

tempus illud aut pueritiæ aut senio est propius. Igitur nequidem si maximus fuerit in senio cordis ignis senile corpus poterit perinde ut juvenile calefieri: si item maximus fuerit in pueritiâ, tamen reliquum pueri corpus minus calebit corpore aliquo virili. Non potest autem cordis vitalis ignis, utut sit distinctus à substantiâ cordis, quando partes omnes minus aptæ sunt calefieri, etiam ipsemet non esse minor, utpote cum singulæ partes ea tempestate sanguinem minus calefaciant, hic verò pro alimento sit vitali igni cordis, pro alimenti autem naturâ etiam ignis qui alitur major aut minor sit.

Quæ in *vigilantibus & dormientibus* est caloris diversitas, omnino est à motu sanguinis diverso. Sanguine enim calefieri omnia notum est: in somno autem minus, quam sit in vigiliâ, per arterias in partes remotas externas ut & in superiora corporis sanguis propellitur. Necessum itaque est, ut dormientibus extrema & suprema frigeant præ inferioribus & internis. Causam diversæ illius motionis sanguinis, quam vigilantes ac dormientes experiuntur, *cap. 43. lib. de Generat. & Motu Sang.* jam docuimus: itaque non est, cur jam verbum addamus.

Quod *animi motus* attinet, verissimum sanè est id, quod scribit Aristoteles, *lib. de Motu Anim. c. 6. Alterant corpus, & imaginationes, & sensus, & cogitationes.* Sensus enim illiæ alterationes quadam sunt: *in de Partu etia, καὶ ἡρώας τῶν τῶν ἀγαυάτων ἐξων διὰ πῦρ.* Quodammodo enim species cogitata calidi, frigidi, aut incundi, aut tristis, tale sit qualis res ipsa est: idcirco solâ cogitatione exhorrescimus, & parvemus: hæc autem omnia affectus sunt, & alterationes. Et verò observare est, etiam extrâ corpus animalium, speciem lucis calorem posse accendere, ipsamet autem luce altioris sunt virtutis

phan-

phantasmata animi; ac proinde non fortassis admiratione magis dignum est, quàm phantasma possit calidum innatum cordis immutare, quam quàm calor possit à luce accendi. Sed illa de Affectibus animi physiologia & obscurior est, & prolixior, quàm ut huc possit aut debeat transferri.

Magis manifestum est, quemadmodum aer calidus aut frigidus possit calidum cordis ingenitum variare. Constat quippe ab aëre calido circumstante laxari admodum cutis spiracula, eoque patefcere nimis vias evaporationibus sanguinis, quibus intus omnia calere supra ostendimus. Ex aduerso eadem cutis spiracula claudit aer frigidus, prohibetque adeò transpirationem plurimam ex parte; quàm retentam non possunt non interanea corporis solito plus caloris concipere. Et verò quod in corporibus vivis, idem & alias igni præstat aer frigidus. Multa in hanc rem præclara adfert Theophrastus *l. de igne*. Vbi inter alia disertis verbis etiam nostrum hoc argumentum attingit. *Hyeme circumdatus aer, inquit, contrahit & concludit calorem, & corpora melius cibos concoquunt, & frigoribus omnino robustiora sunt, quòd unitus sit calor, & compulsus undique teneatur.* Eandem in sententiam omnes alii loquuntur, cum primis Galenus noster, cum passim alibi, tum in *Commentar. ad Aphorism. illum Hippocraticum lib. 1.* Adferam nunc tantum illa verba quibus utitur *ad lib. VI Epidem. com. 4. n. 13.* *Hyeme calore in penitiora se condente, venterculus quidem & reliqua viscera calidiora, subcutanea verò partes frigidiores redduntur, quemadmodum terra profunditas calida apparet, propter quod & fontes calidiores sunt, & aliqui in profundum usque fodientes, cum procul à terra superficie recesserint, evidentem caliditatem percipiunt.* Verum de his satis.

CAPVT XXIII.

De Calidi innati ortu & interitu.

CVjusmodi sit calidum cordis innatum, unde omne quod est reliquum caloris animalis promanat, quo alimento conseruetur, & quemadmodum omnes in partes sese diffundat, haecenus est ostensum. Superest ut ortum atque interitum ejus speculemur.

Cæterum de origine ejus pauca ab aliis dicta invenimus: ad hoc illa ipsa pauca parum habent verisimilitudinis. Galenus, *de rigore c. 6.* ait, ut alii dividunt, 12. narrat Erasistratum, Praxagoram, Philotimum, Asclepiadem & innumeros alios eum qui in nobis est calorem non naturalem sed acquisitum esse existimasse. Dubito tamen num verita sint locuti aut ita fenserint. Ipse enim Galenus subiungit, *Quomodo igitur rigorem affectum caloris naturalis hi dixerunt, qui nullum prorsus calorem naturalem noverant?* Paulo post addit: *Vnum hoc omnes consensentur, quod est, aliquis secundum naturam in unoquoque animali calor.* Videntur tantum voluisse, quod calor animalis corpore jam perfecto generetur, & quidem excitatus motu aliquo. Id enim colligo ex iis quæ Galenus ipsis opponit. *Procedat sermo, inquit, iuxta Hippocratis principia; ita ut nos non corpusculorum moles & meatuum elementa corporis nostri ponamus, neq. motus aut frictionis aut alterius alienius cause sobolem ipsum calorem pronunciemus: sed totum quidem corpus conspirans ac consuens censueamus, calorem autem non acquisitum neq. animalis generatione posteriorem, sed ipsum esse primum ac ab initio genitum & innatum.* Et certè natura ipsa & anima nihil aliud quam hic est. Non itaque simpliciter illi negaverunt corpori aliquem inesse

in esse congenitum calorem, sed tantum non aliquem primo conceptus momento esse congenitum. Et quidem plerisque ab arteriarum & cordis motu id effici existimasse, colligere est, *ex libro contra Lycum & l. 8. sentent. Hippocras.*

Ipsè Galenus noster, (ut modò audiuimus) omnium primò natum esse calorem animale existimauit; at ex qua præcipuè materia & quomodo sit natus, apertè nuppiam docuit. Fortassis tamen huc pertinent illa *l. de Fæt. form. c. 3. Ex hac arteria credibile est cor hausto sanguine longè calidiore quam is sit, qui in venis continetur, tantò etiam ipsum calidius iecore euasisse, quantò sanguis sanguine calidior est.* Fortè igitur visum est Galeno, illum cordis calorem esse à sanguine arterioso, ex quo cor confectum.

Ex recentioribus viri clarissimi sunt qui docent, calidum innatum esse reliquias seminis paterni, & quidem partis spirituosæ, quæ duret per omnem vitam. Fortassis non alio argumento adducti, quàm quod in eam sententiam videatur Aristoteles loqui *l. 2. de Gener. animal. c. 3.*

Hæc pauca duntaxat de ortu calidi accepimus, quorum primum sanè quàm longè à verisimilitudine absit nemini non paulò attentius philosophanti statim est manifestum. Quis enim ille fuerit motus qui tantum ignem excitauerit? An motus sanguinis? An verò totius corporis? Fœtus in utero obinet utique calidum nativum, antequam corpus omnemoveatur. Imò ipse motus cordis & arteriarum non nisi à calidi hujus virtute est, ut alibi demonstratur. Falsissimum profectò est, ignem animale perfectò jam corpori demum supervenire. Sensus sanè aliud docent. Ratio quoque idem corroborat. Neq; enim generari corpus potest sine nativo calido, multò minus perfici & augeri.

In doctrina etiam illa Galeni multa sunt ab omni verisimilitudine aliena. Primum enim si arteriarum principium cor est, quod alibi passim fatetur Galenus, qui nata jam sit aorta ante cor natum? Deinde cum ante cor genitum hepar solum adfuerit, hepar autem non nisi teporem possit sanguini conferre, unde ortus fuerit ille calor arteriosi sanguinis, qui cordis naturæ par est? Ex adverso nihil est verius quam cor esse originem ut arteriarum ita & arteriosi sanguinis, adeoque non cor à sanguine arterioso factus, sed hunc à corde consequi calorem suum.

Proximus ad veritatem tertii accedunt quidem. At tamen falluntur & illi, existimantes ignem nostrum reliquias seminis paterni esse & quidem spirituosas. Etenim spiritus seminis, Aristotele quidem iudice, æreum quid est. Verba ejus disertata sunt l. 2. de gen. animal. Semen exit intrinsecus spissum & album calore interiore, multum spiritus calidi continens, sed egressum ubi calor evanuit & aer refrigeratur, humidum nigrumq; evadit. Remanet enim aqua & si quid partium terrene portiones continetur, ut in pisuita sic in semine, cum siscessit. Semen igitur commune est spiritus & aque, spiritus autem aer calidus est. Recte autem id docet Aristoteles: si enim omnis ille seminis spiritus igneum quid foret, ureret profecto, cum sit copiosus: præ sua etiam levitate ingenita non posset vel momenti spacio comprehendere, quin evoleret. Constat porro ex iis quæ supra docuimus innatum calidum perpetuo nasci ex alimento ad modum flammæ: falsum itaque & illud est, quod ajunt, communicatum illud per semen calidum unum semper idemque permanere citra alitionem.

Cum nulli itaque veritatem hic sint assecuti, tentandum est, an à nobis possit, si non comprehendere ipsa, saltem

vit ad illam præparari. Ponendum verò omnino est: nativum illud calidum primo statim conceptus momento adesse, utpote quum omnes partes hujus vi generentur. Necessum igitur est, ut vel ibi inceperit, vel aliunde sit translatum. Antequam non adesse patet ex ovis, quæ actu non habent calorem animale ante pulli conceptionem. Frustræ etiam ante conceptionem adesset, utpote cum nihil posset efficere, imò potius noceret, natura autem nihil frustraneum constituit in iis quæ finis gratia peraguntur. Ad primam autem conceptionem cum maris semen tum foemineum conveniunt, & quidem ut hoc primam materiam præbeat generandi corporis. Neque enim possumus Aristotelis nostri sententiis de semine illo foeminino credere: quin imò ut sanguinem menstruum vitello, ita semen illud respondere albumini ovorum haud difficile fuerit cognoscere, si sensum judicio & albuminis & seminis foeminini substantiam commiseris. Ac proinde ut ex albumine sit prima pulli constitutio, ita ex semine foeminino primas partes generari verisimile est. Etiam calidum innatum ergo vel ex alterutro semine vel ex utriusq; miscella producitur. Verum hæc quidem exactè definire fortassis haud licet. Sanè antequam fiat illa utriusque sanguinis commistio, ut non conceptio, ita indubie nec calidum innatum efficitur. Valdè verosimile est prodire animalium ignem ex semine maris, saltem potissimam partem. Hoc enim potentiâ utique calidius est semine foeminino, & huic vis generandi si non in totum, saltem meliori ex parte inest. Ita sanè demum mas verè efficiens foetus causa est, si ab illo instrumentum etiam generandi commune proficiscatur.

Videntur autem & veterum sapientes nonnulli in hanc

hanc sententiam ivisse. Nam & de Aegyptiis legitur ignem maris, aquam foeminae nominibus appellasse. Varronis l. 4. de lingualar. hæc verba sunt: *Causa nascendi duplex, ignis & aqua: ideo ea in nuptiis adhibentur.* Et mas ignis, quod ibi semen, aqua foemina, quod foetus ab eius humore. Faciunt eodem quæ non multo post subiungit. Poeta de cælo semen igneum cecidisse dicunt in mare, ac natam de spumeis Venerem, conjunctione ignis & humoris: quam habens vim significantes. Aristotelem idem prorsus sensisse non est quod dubitemus: omnem enim generandi vim semini masculino adscribit, & foemina non nisi materiam conferri: ut proinde a mare debeat esse calor quò fit generatio. Diserte l. 2. de generat. animal. c. 6. cum dixisset: *ortus similarium frigore caloreq; agitur: consistunt cogunturq; alia frigido alia calido:* multaue de caloris illo opere diserneret, addit: *ἡ δὲ ἡγεμονία ἐν πύξει ἐστὶ τοῦ σπερματικῷ ἀετρώματι.* Item c. 3. eiusdem libri semen maris docet in foetu remanere, ut coagulum in lacte. Idem cap. 4. repetit, subiungens: *καὶ ὅδ' ἡ πύξις γὰρ ἀπὸ ζωντικῶ ἡγεμονία ἔχον, ἢ τοῦ οὐνοῦ εἰς τὴν ἀγρὴν καὶ σπίνην.* Sed & l. 4. de generat. c. 4. eadem similitudine seminis & coaguli utens Aristoteles, dissimilitudinem tamen aliquam notare cupiens, hisce verbis utitur: *seminis calor non modo efficit quantum, sed etiam quale quid: at succi & coaguli calor quantum duntaxat constituit.*

Mitto alia Aristotelis, aut aliorum etiam Aristotelis sectatorum testimonia adferre. Cum verò jam tum sit demonstratum, calidum animale actu in semine ante conceptionem non inveniri, quomodo in seminali illo recremento conceptionis tempore excitetur, exponendum est. Principio igitur ponendum, semen maris adhuc contentum in vasis suis seminariis & actu habere aliquem calorem sensi-

sensibilem, & eâ esse naturâ, ut faciliè in maiorem caliditatem accendatur. Primum enim illud omnibus notum; jamq; tum ostensum est; hinc esse illam caliditatem quâ spadones destituti tantum non foemininâ sunt frigiditate. Sed & alterum patet ex eo, quod libidinosâ quavis cogitatione & pudendorum motione semen plus quàm sanguis ipse accendi illicò soleat. *Deinde* ponendum etiam hoc est: maiorem solito calorem semen consequi, quando in Venere fermentatur. Per Venerem enim omnia animalia plus solito incalescunt, & cum primis quidem circa genitalia; quod à seminis aliquo fervore indubiè proficiscitur. Etenim licet reverà animalibus plerisq; quò tempore in Venerem aguntur, totum corpus quasi fermento aliquo agitetur, adeoque non omnis ille ardor in semine sit, (quod utique est manifestum in hircinis pellibus, quæ illo admissionis tempore foetorem aliquem contrahunt. Vnde & Theophrastus *l. de Odorib.* convictus fatetur in ipso habitu corporis primam foetoris Venerci causam esse.) Tamen quemadmodum ipse Theophrastus non potuit non affirmare: ἡ δ' ὄρεσις τὸν μὲν μετὰ τὴν μυστρίδα συνβάλλει, ad foetorem ita etiam vi seminis maxime in libidine totum corpus effervesceat. Et verò quak fermentationem totum corpus eo tempore patitur (hinc enim in Venerem agi animalia pleraq; est verosimile, non à præcedentibus lascivis cogitationib; ut homines) multò magis patitur semen, utpote quod illa fermentatione debeat perfici quò sit aptum generationi, quodque præ ipso sanguine idoneum sit fermentari. Arguunt sanè eximiam ejus quæ tum est caliditatem spiritus, quibus & penis erigitur, & quasi impetuosa sit ex vesicularum angustis profilitio. Neutrum sanè fieri potest nisi vi spirituum: in quos cum seminalis hu-

c. ult. Quin omnia animalia ita esse orta primum è terra ex Aegyptiorum sententia narrat Diodorus Siculus *l. 2.*

Sic igitur sese res habet. Semini omni perfecto parvus aliquis inest ignis: ille augetur per Venerem semine reddito spumoso: at in conceptione ita crescit, ut suapte viiimposterum sese tueri & partes corporis possit generare. Haftenus videlicet prae contrariorum mixture non potuit liber esse & mobilis, at post conceptionem sui, ut ita loquar, juris factus est. Ideoq; ex eo jam indiget alimentis. Indubiè tamen etiam tum exiguus est animalis ignis: utpote circumfusus multo spiritu & aëre, in quem resolvitur humida seminis substantia, ut bene monet Aristoteles, donec concreascit iterum in aquam. Enimverò ille spiritus in quem semen abijt ex Aristotelis mente, non est ipse innatus ignis, sed aliquid prorsus à corpore foetui distinctum, quo nimirum bulla illa prima distenditur in omni animalium generatione. Nec verò circa initium vitae alio quàm omnium mollissimo igne oportuit uti naturam, qualis est qui in aëre quasi hæret: inde ut majore opus est calore, ita & illum majus incrementum paulatim capere necessum est.

Verum de origine calidi innati satis fortassis est dictum: addendum nonnihil est etiam de ejus *interitu*. Quoniam autem jam ex iis, quæ *cap. 2.* disputavimus manifestum est, ignem omnem verè & propriè interire transmutatione factà per contrarium frigus; qui mobilis autem est videri etiam interire, si avolet nullà relicta sobole: ad mobilia autem ignium ordinem pertineat nativum calidum, non potest etiam amplius obscurum esse, utrumq; interitus modum igni huic animali convenire. Et sanè confirmat hoc usus quotidianus. Videmus enim ut plan-

tarum, ita etiam animalium ab intenso frigore aëris vel aquæ nativum calidum exstingui. Est autem hæc interitus ratio minus frequens, quod aëris vel aquæ illam injuriam animalia pleræque, inprimis autem homines variis modis arceant. Nec verò animalis ignis justo suo loco constitutus nisi rarissimè & extra consuetum naturæ ordinem ita poterit interire: eoque cum tamen omne calidum nativum intereat, ex naturæ lege alius interitus inodus omnino ipsi debetur.

Magis varia & frequens est ignis nostri animalis exstinctio illa alterius ordinis, à defectu sobolis. Hoc enim contingere potest cum ex materiæ, tum ex causæ efficientis, ex loci denique & temporis vitio. Sanguis videlicet si deficiat, vel verò usque adeò sit corruptus, ut nihil amplius pingue & tenue habeat, necessum est ignem nostrum exstingui materiæ vitio. Tali de causâ sanè perit in jugularis, & si quibus aliis sanguis effluit, ut & tandem in summe cachecticis, quales nonnulli etiam ex febribus solent reddi sæpè non multum diuturnis. Et verò fieri potest, ut alicubi supersit in sanguine illius pinguis substantiæ nonnihil, & tamen ejus defectu ignis ille pereat: utpote cum perpetuo opus sit alimento, ita autem non perpetuo illud adsit. Quod si porro ipsum calidum nativum sit debilius, quam ut possit sanguinis illam partem superare & in sui naturam convertere, vitium fuerit in causâ efficiente. Neque enim quivis caloris gradus satis est domando sanguini & transmutando. Potest autem ejusmodi debilitas multis de causis oriri. Non minus in vitio est etiam effectrix causa, si justo intensior fuerit: nam etiam sic citius avolat, quam soboles possit produci. Morâ enim aliquâ opus est, ut ex sanguine fiat ignis nativus: ubi itaq.

ille

Ille est ita levis, & calidus, ut moram nullam ferat, non potest non deficere soboles. Similiter si nullum sit spatium, in quo validum nativum possit materiam unde est generandum extenuare & dilatare, non itidem potest soboles produci. Appellatur autem hæc ratio interitus vulgò suffocatio. Qualis non tantum sit impedito pulmonum motus, adeoque & sanguinis per pulmones transitus; verum etiam per flatus, aut crassos viscidosque humores ita in cor irruentes, ut inde egredi temere nequeant. Id quod plurifariam potest evenire: quapropter etiam ea igni nativo tuenda, per frequentem profunt, quæ movent sudorem, adeoque sive flatus sive humores frigidus viscidos aut penetrantes à naturâ tamen calidi alienos, dissipant & depellunt. Caterum nihil facilius fuerit, quam ut ignis noster plus justo crescat, atque ita avolet nondum relicta sobole: hinc à providâ rerum naturâ illi rei necessariò fuit cavendum perpetuâ temperatione. Quam in perfectioribus animalibus respiratio facit; in aliis branchiarum motus; in aliis aëris, aut aquæ circumstantis frigus, in aliis alimenti frigidioris assumptio. Et verò hæc causa est, quare, si animalibus sua refrigeratio desit, intereat in illis nativus ignis, ut optimè docuit Aristoteli. *l. de Respiratione*. Frustrâ certè sunt, qui aliam causam ejus, cur usq; adeo sit ad conservationem nativi ignis necessaria respiratio, comminiscuntur.

Quum tam variis autem modis alter ille ordo extinctionis quo ignes mobiles deficiunt sese habeat, jamque tum demonstratum sit, primum intereundi ordinem, qui sit per contrarium frigus, non esse illum maximè naturalem ignis nostri interitum; quisnam ex secundo ordine sit maximè naturalis, videtur difficile dictu. Maximè natu-

ralem autem appello, quo maximè omnium, decurso vitæ spacio, ignis noster interit ita ut illum, nullo etiam adjuvante alieno vitio, evitare omnino non liceat. Atque Aristoteles quidem impeditæ respirationi illum refert acceptum, ceu liquet *ex cap. 17. & 18. l. de Respiratione*. Et verò certum est morbis pulmonum vehementer senectutem laborare. Hinc inter eius ætatis morbos *Hippocr. lib. 3. aph. 31.* primo loco recenset *δυσπνοια* & *κατάρπυς* *βρυχιδος*. Neque dubium est, illis pulmonum affectibus facile extinguì nativum senectutis ignem. Sicut etiam verum est, quod scribit Aristoteles: *Quando hi quidem pulmo, illi (piscibus) branchia obdureſcunt, propter temporis longitudinem, desiccatis illis quidem branchiis his autem pulmone, & factis terrestribus, non possunt hæc partes movere, neq. elevare, & contrahere; tandem autem factâ intensiōe marcescit ignis*. Attamen primò certum est, ut pulmonem, ita & cor ipsum indureſcere per ætatem. Quinimo hæc induratio magis indubiè obtinet in corde, quàm in pulmonibus, cum cor calidiùs sit pulmonibus. Deinde exiccatio illa cordis nō potest nō extinguere nativū ignem, quod cor eo ipso reddatur minus aptum ad motum, adeoque propter exsiccationem illam non possit tandem sanguinem vel adducere ad principium caloris, in ejus alimentum, vel expellere. ut proinde in sinibus cordis necessariò debeat subsequi vel defectus sanguinis, vel retentio: quorum prius nativum cordis ignem per *μείραν*, alterum per *οξίν* exstinguit. Ad hoc, cum cor exsiccatum non sit amplius idoneum, quod ellychnii vicem præstet, omnino autem ad conservationem nativi calidi ellychnium aliquod requiratur; manifestum utique est, exsiccationem cordis etiam hoc modo extinctionem nativi calidi necessariò efficere. Quid, quod cor exsuccum non possit justè caleſcere? Quo ipſo

ipso non potest non etiam ignis natus debilius debito reddi, adeoque sanguinis concoctio impediri. Si sanguis autem non fuerit rite coctus, deficit utique alimentum nativo igni, atque ita exsiccatio illa cordis, etiam tertio illo modo non potest non nativum ignem extinguere. Ex hisce vero omnibus cum constet, exsiccationem cordis magis inevitabilem & naturalem esse, quam est induratio pulmonum; illam autem cordis siccitatem necessariò subsequatur extinctio nativi ignis, utut nullum fuerit in pulmonibus vitium; consequens profectò est, hanc cordis siccitatē esse causam maximè naturalem illius interitus. Imò hæc una est verè naturalis, & præcul omni violentiâ. Ipso met enim Aristotele definiente: *βλαβὸς δὲ, ὅταν ἡ ἀρχὴ ἔλθῃ ἢ κατὰ φύσιν δὲ ὅταν ἐκ αὐτῆς, καὶ ἡ τῶ μορίῃ σύστασις ἐξ ἀρχῆς τοιαύτης, ἀλλὰ μὴ συντητῇ τὴν καὶ θ.* Si pulmonum enim, aut alterius partis vitio exstingeretur natus cordis ignis, non proprio utique cordis adeoque principii ipsiusmet affectu, sed alieno interitus efficeretur. Et sanè non refrigerationis quodam impedimento, sed exsiccato caloris principio animalia, quibus nullæ sunt branchiæ aut pulmones, ut & plantæ ignem nativum amittunt communis autem rei communis etiam causa est. Vidit autem hoc ipsum, & docuit ex parte etiam Galenus noster, *lib. de Marasmo*: nam & ille solius cordis siccitati inevitabilem nativi ignis extinctionem adscribit, quòd ita non possit tandem cor alimentum attrahere.

CAPVT XXIV.

De calido innato reliquorum præter hominem animalium & stirpium,

QUæ hæcenus disputavimus de innati calidi natura, illa

illa in homine quidem hunc in modum sese habere nullum est dubium. Non difficile autem & operosum amplius fuerit, hisce positis intelligere etiam qualis in reliquo viventium omnium genere ejusdem sit ignis nativi conditio. Vt enim ignotum nummum ad notum & in usu positum facile exploramus, ita etiam ignis ille humani corporis quasi pro lapide est Lydio, ad quem expendamus calidum vitale aliorum. Accedit quod, si Aristoteli credimus, homo sit omnium animalium calidissimus. Verum illud quidem fortassis dubitatione non caret: neque enim quo ille utitur signo videtur id firmiter indicare. *Sanguinis copia* (inquit *lib. 2. part. c. 6.*) *caloris indicium est: corpora etiam melius erigit: quam obrem homo ceteris erectior omnibus est.* Sanè ut corpus erigatur eximio est opus calore, verum potissima hujus causa à structura membrorum videtur esse, ut proinde minus erecta possint tamen calore antecellere. Quod profecto in plantarum ordine est observare: quarum arbores erectiores sunt utique omnibus animalibus, minus tamen hisce omnibus calent, multa infra calorem sunt humi repentiū herbarum. Caterum ut noster ignis ille vitalis non sit omnium intensissimus, cum nobis tamen sit maxime cognitus, merito ad hujus naturam illum qui aliis inest exigimus. Igitur quod in homine observavimus unicū esse principium omnis calidi, idem omnino licet in omnibus animalibus quibus cor est, observare. Est autem cor omnibus sanguine præditis, Eoque etiam in omnibus illis ex corde cum sanguine calor per integrum corpus diditur. Idem in exsanguibus saltem perfectioribus obtinere non obscure patet: utpote quum etiam in hisce unicū aliquod sit totius corporis principium cordi proportionē respondens.

dens. In nonnullis tamen fortassis paulò aliter sese res habet, utpote quorum corpus dissectum in singulis partibus suum aliquod principium habere videatur. Hinc sanè Aristoteles etiam principium vitæ in illis actu quidem unum, multiplex tamen potentiâ agnoscit, haud secus atq; in stirpibus. Fortè tamen non eadem est stirpium & exanguium illorum ratio. Etsi enim partes illorum divisæ sensu tactus sint præditæ & moveantur, non tamen omnia alia animæ suæ munia possunt exequi: stirpium verò abscissæ partes quædam omnia possunt, eoque si alimentum nanciscantur in arbores grandissimas excresecunt & suos fructus ferunt. Quod tamen partes divisæ aliquamdiu vivant, indicat caliditatem illorum vitalem non esse partibus singulis datam per humorem aliquem, qui sit perindè fluxilis & in perpetuo motu atque sanguis perfectorum animalium. Et verò etiam horum partes dissectæ motum sensumque aliquem retinent, quamdiu sanguinis aliquid calidi in iis superest. De stirpibus certum est, non unicum in iis calidi esse principium; id enim manifestò indicat asplantatio. Nec tamen etiam in harum partibus perinde sese habet ratio caloris, sed altera alteri iridem tanquam principium est nativæ caliditatis. Et verò talis est pars mediâ inter germen & radicem, ut *hæc respirat. c. 17.* aut simpliciter ubi nodus est, ut *l. de Juvent. c. 3.* præclare est observatum. Hinc illis locis corruptis nulla sit amplius germinatio, multo minus florent stirpes aut fructificant. Non alia etiam de causâ productio per incisionem circa nodum instituitur. *Quare aut hoc auferunt aut in hos inserunt, ut aut rami aut radices ex hoc generentur:* quæ verba sunt Aristotelis. Verè enim omnis nodus medium aliquod est inter novum germen & radicem. Scili-

cet stirps aliqua non est ita unum corpus quemadmodum animal, sed quasi ex multis stirpibus est compositum. Itaque & principia multa obtinet, & quidem quot habet nodos, qui penè funguntur cordis officio. Sed hoc fufius exponere non est hujus instituti.

Porro autem, ut in homine ita & in animalibus imò & in plantis, nativum calidum mobilem aliquem ignem esse, ex iisdem argumentis quibus *cap. 6. & 8.* sumus usi, colligitur. Vtique enim qui illis inest calor major est illo qui aëri est nativus adeoque igneus. Deficit verò & servatur, quomodo solus mobilis aliquis ignis vel servari solet vel deficere, ac proinde non potest non ad mobilium ignium ordinem pertinere. Stirpium tamen fortassis non semper hæc ratio est. Solo enim germinationis tempore videntur alimentum expetere. Imò ne tum quidem omnes foris alimentum accipiunt, ut videre est in sempervivis omnis generis, quæ suspensa de laquearibus germinant. Non firma tamen hæc collectio est: quemadmodum enim quæ debili sunt caliditate animalia, etiam sine foris accepto alimento ignem suum nutriant, jam tum multis docuimus *cap. 18.* Et vero ut germinatio fiat citra mobilem ignem impossibile est: qui enim ita potest materiam dilatare necessum est ut ab illa materie non nihil sit separatus: agens enim à patiente realiter distinguitur. In sempervivis certè fermentatio quædam instituitur, quâ ratione parva quoque piscium insectorumq; ova crescere eleganter est observatum Aristoteli. Et verò constant viscido lentoq; humore, qui cum possit in germen dilatari quidni nutriat etiam nativum stirpis ignem? Vero simile tamen est quemadmodum animalia quædam imperfecta nonnunquam vitam plantarum vivunt, ita stir-

pes quoq; degenerare interdum in naturam inanimatorū corporum: quæ ut igne mobili non constant, ita etiam plantas amittere nonnunquam illam ignis sui nativi mobilitatem. Et verò quando nullum opus est perficiendum, frustra adfuerit ignis mobilis: imò fuerit potius noxæ, ut qui sine alimento nequeat superesse, adeoque illud cum desit non possit non subito plantam ipsam corrumpere. Satis verò est, si ille ignis possit iterum justo tempore mobilitatem recuperare. Quod sanè ut fiat fermentatione quadam facile factu est, præsertim accedente aëris caliditate, solis præcipue virtute excitatâ. Fortassis autem quod plantæ, idem etiam animalia nonnulla patiuntur eorum genere quæ sese recondunt. Nec tamen temerè dixerim, eorum ignem nativum omnimodò immobilem. Observare enim est, alia eorum quò tempore latent pinguescere, alia emaciari. quorum utrumque mobilis cuiusdam ignis opus est. Certius id ipsum de ovibus avium pronunciaveris: ut quæ stirpibus per sint affinia nec ullo vitæ munere funguntur. Cæterū in universum omnia quæ vivunt & vegetantur mobili sunt igne prædita: si quando autem ille ignis est immobilis deficit etiam omnis vegetatio, multò magis sensus omnis motusque amittitur.

Quæ de ratione calefactionis singularum partium à corde disseruimus, illa itidem in plerisque animalibus facilissima sunt observatu. In aliis quæ ab similia fieri existimemus nulla est ratio. Etiam illa itaque doctrina nostra omnibus, si non omni ex parte, saltem ἀναλόγως competit. Par ratio est eorum quæ de calidi secundum sexum, ætatem, alia, differentiis earumque causis disputavimus. Liquidò enim ætatis quidem illa discrimina in omnibus omnino animalibus pariter & stirpibus, sexus in animalibus

bus quæ sexu distinguuntur, aliorum in aliis observare est.

Similiter nihil est causæ, quæ vel de interitu vel de ortu nativi ignis, in ullo vel animalium vel stirpium genere, sequius aliquid cogitemus. Certè etiam in stirpibus fermentatione quâdam nasci viralem caliditatem ex feminibus, sensui ipsi est cognitum: & quidem, quod illa fermentatio partim à nativo aliquo principio partim ab externa caliditate proficiscatur. Et verò non tantum circa semina hoc observare est, sed succos etiam stirpium expressos aut excoctos, nisi omnimodo degeneraverint in aliam naturam. Quo facit illud *L. de Odoribus* Theophrasto memoratum, quod quo tempore florescit vitis vinum etiam ipsum tenteretur.

Quæ de varietate caloris in animalium partibus, ex diversa calefactione per sanguinem profecta, docuimus, liquido etiam patent, saltem in omnibus animalibus quæ sanguine prædita sunt. Proportione similia fieri in exsanguibus non est cur dubitemus: utpote quum causæ quas attulimus habeant locum circa omnem ignis calefactionem, ex Theophrasteâ communi de igne doctrinâ in hoc argumentum assumptæ.

Nec verò diversitas tantum caloris illius qui partibus singulis inest hinc oritur, sed ejus etiam quo animalium stirpiumque species inter sese differunt. Scilicet in universum plantæ infimum caloris gradum obtinent, his proxima sunt exsanguia animalia. Ita sanè sensus docet, cui de objecto suo proprio iudicanti omnino licet tuto credere. Neque enim est quod moveamur nonnullorum argutationibus: stirpes & insecta pleraque exsanguia calidiora esse animalibus perfectis, quoniam ipsa accendunt

dunt calorē nostrū ore in corpus assumpta. Hoc enim palmarium est eorū, quæ pro insigni illā in se & orū caliditate adfert etiam Vlysses Aldrovandus sub initium laboriosi illius & eximij operis de insectis. At verò non jam disputatio est quanta sit potentialis exsanguium animalium plantarumque caliditas, sed quanta actualis. Ille verò calor quem in nobis accendunt non actu in stirpibus aut insectis reperitur sed potestate. Haud aliter atque in stramine non est actu flammeus ille calor qui per incendium ex stramine producitur. De quā differentia temperiei satis doctè multa exsequutus est Galenus integro l. 3. de temperamentis. Imbecillitatem aliās caloris in stirpibus vel inde perspicere est, quod pleræque ne folium quidem valeant edere, nisi adjunctæ à calore in aëre per solem aut ignem aliquem excitato. Hic scilicet robur addit & adauget proprium calorem stirpium, ut officio suo ille par sit. Idem verò etiam exsanguibus contingit animalibus: quapropter aut moriuntur per brumam aut semimortua delitescunt, vigorem suum soli, aut simpliciter calori aëris & aquæ, debentia: pleræque in locis frigidis ne generantur quidem. Inter sanguine prædita porro quæ tenui sunt sanguine & paucò minus alijs calent. Ovipara etiam viviparis minus calere observatum est Aristoteli & passim monitum. Horum discriminum verò causæ, ut ante dixi, ex ijs quæ jam tum disputavimus facillè possunt accipi. Primò enim sanguis humor est aliquis maximè aptus calefieri, eoque simpliciter sanguinea exsanguibus sunt calidiora. Sanguis deinde tenuis aquosior est, terrestrior fibrosus: necessum igitur est, ut etiam animalia quæ sanguine sunt crassiore præ alteris caleant. Porro quum viscera sint secundaria

caloris animalis principia, quibus aliqua horum defunt non possunt non alijs esse frigidiora. Et verò cum pulmo sanguineus multum adeo promoveat caloris vim, necessario prævalent calore quæ talem sunt nata, ijs quibus est pulmo exsanguis aut pauci sanguinis. Ut proinde rectè Aristoteles discrimen illud observans, naturalis caliditatis limitem pulmonem dixerit, & huic causæ adscripserit magnitudinem caloris quâ vivipara antecellunt. Quamvis liceat frigidius illud oviparorum temperamentum ex parte etiam adscribere defectui lienis & renum: quæ viscera multum profectò præstant in abdomine calefaciendo.

Non alium verò in finem etiam tantâ diversitate caloris voluit natura animalium esse species, ac in quem diversimodè adeo partes corporis humani fecit calere. Ad nutritionem scilicet & generationem minor aliquis calor satis est: ad sensum major quidem, purior tamen & tranquillior requiritur: ad motum vero localem plenior aliquis & vehementior est necessarius. Hinc stirpes, & si quod est animalium soli nutritioni & generationi maximè vacans, infimo est caloris gradu: vehementer calent per quæ multa peragi corporis motu voluit natura: purissimo autem & minimè turbido sunt calore animalium sapientissima. Quod ipsum observans Aristoteles rectè affirmavit *l. de respir. c. 13.* τὰ πρῶτα πρὸ τοῦ ζῶντος πλείονος πυρρῆς τῆς θερμότητος. Et *l. de generat. anim. 2. c. 6.* simpliciter præ omnibus animalibus purissimum calorem homini ivit attributum.

Verùm quum prolixior omnium horum tractatio aliena sit ab instituto, quæ autem ad animalium stirpiumque calorem ita attinent ut hujus sit loci eorum cognitio, adeo

adeo facilè ex ijs quæ jam disputata sunt, liceat huc transferre; nihil est quod moretur nos hodie amplius, aut orationem jubeat producere.

Hunc ego, in abstrusis latebris maledæ arte Prometheus

Et densis septum tenebris quem clauserat IGNEM
Mille petitem oculis, tua tantum signa secutus
Magne Stagiritis, produxi in luminis auras.

Accipe nil quicquam veritus, doctissime Marce,
Prende manu intrepida. molli illum Pallas olivo
Nutriit, & tenero formavit pollice Phæbus:
Aspera dum diros tibi morbos flamma cremauit,
Atq; Machaoni grassata est dextera ferro.

Fallor? an hunc etiam, te laudatore, forebit
Parthenope, divum genetrix, opulenta virum vi?
Hunc etiam serò dicent, Campania felix,
Et Crathis & Sybaris, Vesuvig incendia montis;
Messanæq; dabunt angusti claustra Pelori?

Salve Graingenum quondam nutricula tellus.
Salvete ô docti manes; Acherusia seu vos
Lympha tenet, calidam seu concessistis in Ætnam.
Non ego purpureas violas, non lilia porto:
Gratum opus hoc, fateor, solis sed mollibus umbris.

Char.

Chartaceum doctis donum fero: quale sed inter
Ærumnas, dum tota perit Germania bello,
Frisia ab Oceani extremâ submittit arenâ.
In grandi tenuis fuit hic labor. Optima rerum,
O utinam, niveâ rursus circumdata pallâ
Pax redeat! Pietasq; suis comitata ministris,
Qualis erat primo fluerent cum secla metallo,
Invisas repetens terras, sua munera reddat!
Tunc ego, Palladiâ frontem redimitus oliva,
Fortè manu graviore feram, Samiasq; Locrasq;
Atq; Agrigentinas olim quod mulceat umbras.

R I X I S

ADDEN

ADDENDA.

Pag. 3. l. 29. & inane. Prisci sanè scriptores vitale calidum sine discrimine nunc ἐμφωτον nunc σύμφωτον appellant: quanquam ἐμφώτης vocabulo frequentius utantur. Aristoteles l. de juven. c. 4: πᾶν σῶμα τῶν ζώων ἔχει πᾶν σύμφωτον θερμότητα φυσικῶν.

Pag. 9. l. 25. calor illarum, non sit mobilis ut animalium, adhoc.

Pag. 13. l. 18. hoc uno nomine. Ridiculum enim est quod Pompejus Caimus l. 3. de calido innato cap. 10. scribit, non petendam esse doctrinæ hujus Galenicæ demonstrationem, quoniā calidum innatum sit subjectum artis medicæ & principium cognitionis, quòdque eandem doctrinam jam prodiderit dictator Hippocrates. Risum sanè hoc meretur eruditi ordinis non confutationem.

Ibidem l. 19. difficulter doctrina hæc Galenica.

Pag. 32. l. 28. Laërsius in vita Democriti, hujus libros recensens.

Pag. 47. precio est. Idem Galenus l. de usu respirat. cap. 3., cum dixisset, eos qui respirationis usum crediderunt esse infra caliditatis conservationem, eamque fieri vel refrigeratione, vel ventilatione, vel corroboracione, addit: maxime vero puto ipsos ad hæc impelli per ea quæ circa flammam apparent.

Pag. 57. l. 17. sic c. 3. & 3. l. 1. de tuenda sanis. &

Pag. 64. l. 11. nequeunt. Hanc alitionem ignis etsi neque veterum neque recentiorum aliquis vocaverit in dubium,

L1

non

Non dubitavit tamen illam rescire Fortūnius Licetus,
ingenio iudicio & singulari industria philosophus sanè
eximius. Ipse enim existimat non alium in finem hu-
more ignem indigere quàm ut lentitudine ejus deti-
neatur, ne suâ usus levitate cito hinc discedat: ignem au-
tem moræ impatientem quod est humidi absorbere non
in sui nutrimentum, sed tantum quo sese ab illo sibi ad-
verso glutine liberet, cujus quasi vinculis heic constrin-
gitur & locum sibi naturalem petere prohibetur. Humi-
dum porro non quodvis, quale est aqueum, sed solum
pingue & aëreum detentioni illi esse idoneum. Hæc est
nova illa sententia viri doctissimi quam in multis libris
proponit, & cui tanquam fundamento nova haud pauca
alia ingeniose superstruxit. Cæterum mihi quidem vi-
detur, quanta quanta est, ab ijs quæ sensus nos docent ra-
lienissima. Vtenim hoc primum quasi obiter nunc mo-
neamus, nullus humor solo suo lentore ignem potest de-
tinere, sed necessaria præterea est gravitas vincens ignis
levitatem. Composita quippè corpora juxta prævalen-
tis elementi naturam moventur: eoque cernere subinde
est corpora maximè lenta & viscida, si flammæ levitas præ-
dominetur, vilius sursum abripi. Ad hoc humor aëreus
non est viscidus aut lentus maximè, sed qui cum terra
quam optime coijt: nec quod aëreum est igni multum re-
sistit, utpote quum aër sit inter elementa igni maximè vi-
cinus & in ignem mutatu facilissimus. Verùm hæc quasi
obiter. Ut autem in rem præsentem magis veniamus: si
ignis depascitur humorem, duntaxat ut ab ejus sese lento-
re expediat, à ejus itaque lentore est liber illum non
depascitur. At verò omnis flamma, quâ lignum fermen-
tum, oleum & aliæ deflagant, ab illis quæ comburit libera

est, eòq; foris supervenit plerumque illis integris & dum
comburit quasi superficiem tantum horum & extrema
lambit. Certè quæ omnia ista incendit flamma cum il-
lorum humiditate nihil ante habuit commercij. Præte-
rea si humorem ignis ideò consumit, quò possit sua utile
levitate, utique durante combustione, flamma levitatem
suam nondum fuerit assecuta. Flammam autem non
minùs atque omnem fumum alium eo tempore sursum
tendere, imò in remotissimas auras discedere, nullo non
sensu deprehendere est. Porro is qui comburitur hu-
mor transmutatur utique: non in nihilum tamen redigi-
tur, nec in aliquod trium elementorum inferiorum, mu-
tatur itaque in ignem. Et verò per combustionem cor-
pora in ignem mutari sensibus est manifestum: exigua
quippe scintilla maximam producit flammam ex arido
multo stramento. Cum omnis itaque flamma egeat hu-
mido combustili, combustio autem sit novæ flammæ ge-
neratio, eget profectò flamma humore ceu materia unde
aliam sibi similem possit producere, adeoque opus habet
ut semper sobolem producat, nec sine sobolis produ-
ctione potest superesse. Quod quare sit ita necessarium
nemo dixerit nisi actione ignis concessâ. Sanè non est
quod de tot seculis receptæ sententiæ veritate dubitemus.
Itaque ad alia licet pergere.

Pag. 64. l. 12. Præterea sanè

P. 66. l. 15. excusat ceu Aristoteli etiam est observatum

l. 1. Meteor. cap. 4.

*Pag. 67. l. 4. excogitatur. De motu vero flammæ quo
sursum fertur, adeoque & de ejus levitate non est quod
nunc dubitemus: neque enim multa refutatione opus*

est ad convellendos eos, qui hunc motum credunt à propulsi-
one fieri; quidni enim propulsio illa æquè fiat ad
latèra vel deorsum, nisi alter ille motus sit demum natu-
ræ conveniens. Taceo quod in aëre quieto non possit
fingi aliquid pellens & tamen etiam ibi ignis sursum ten-
dat. Cæterùm de tenuitate igneæ substantiæ majori quis
jure dubitaverit; propterea quod multum ignis possit
comprehendi ferro & aliis corporibus duris ac solidis.
Observandum autem, illum qui in ferro ignito est ignem
mole esse reverà exiguum; quod autem fortius urat quam
aliquis aëre vel aqua comprehensus, causa est, quoniam
aër & aqua sunt ejus naturæ ut sic cum omne per exiguum
multū diffundant, (ceu observare est in odoribus ab aëre,
aut pigmentis ab aqua imbibitis) in ferro autem illud non
ita diffunditur, eoquè liberè potest vim suam naturalem
exercere, quæ cum polleat summo caloris gradu, non est
mirum ab exigua etiam ignis quantitate tantum effici
posse. Illud verò exiguum ignis ferro comprehensum
in tenui corpore hæere argumento est id; quod ferrum
candens (ceu bacillo ferreo mensurare est) majus sit secun-
dum omnes dimensiones ferro eodem frigido. Par ratio au-
tem est omnium aliorum quæ ignem concipiunt. Omnia
enim per ignem solito majorem magnitudinem acqui-
runt, nisi multo fumo emisso nonnihil ijs decedat. Ut
proinde etiam de tenuitate ignis non sit dubitandum.

*Pag. 74. l. 3. Erasmi responsione adversus Mercena-
rium cap. 12.*

*Pag. 76. l. 14. memorat Galenus l. de util. respiration.
cap. 3. &c.*

P. 80. l. 18. denotare. Certè non Hippocratis alia,
aut Aristotelis mens fuit; ut quorum uterque calidum
inna-

innatum alimentis conservari: hic porro illam inter-
undirationem quæ soli igni libero ac mobili competit
longo sermone vitali igni eat attributum. Neque verò
Cæsar Cremoninus vel verbulo aliquo Aristotelico pro-
bavit eam hujus fuisse sententiam, quam ipsemet sumpsit
defendendam: nempe innatum illum ignem reliquis es-
se elementis commistum; atque partem constituere
ejus temperamenti quod cor aliaque partes vi misionis
obtinent. Certe cum Aristoteles dixerit vitalem ignem
ali & corrumpi ad modum flammæ, Cremoninus ta-
men de neutro quidquam dicere ausus est, quomodo suo
illi igni hæc convenient. Quod solum satis est proban-
do, ejus opinionem ab Aristotelica esse diversam. Non
diffiteor ea quæ *de long. & br. vitæ. s.* habentur, posse vi-
deri Cremonini sententiæ affinia. Observandum au-
tem est: ne humoris quidem voce Aristotelem humi-
dum aliud quàm alimentarium intelligere: illud enim
solum humoris vocabulo solet *καλ. & ορν* etiam in stirpi-
bus venire. Sicut ergo ibi non est sermo de humido
aliquo ad misionem pertinente, ita nec calidi vox isthuc
trahenda est.

P. 95. l. 15. a femine maris, quod Fernelius videtur voluisse,

*P. 95. l. 14. Hippocrates. Aliter videtur sensisse auctor
libri de principiis vel carnibus; disertè enim distinguit spi-
ritum à calido, dicitque: calidum plurimum in venis, & cordi
inest, eamq; ob causam spiritum cor in se continet, quod sit omni-
um quæ in homine sunt membrorum maximè calidum. Item:
cor est maximè calidum, eamq; ob causam spiritum attrahit.
Nutritionis autem gratiâ attrahi, videntur indicare ver-
ba paulo pòst subsequencia: frigidum calido alimentum est.
Non tamen vel ita clarus est sensus, quod vox alimenti*

forte sit figuratè accipiendum. Tum verò auctor libri
potius est Democritus aut aliquis Democriteus, quàm
Hippocrates, ceu jam saepe monuimus.

P. 127. l. 19. deturbatur. Non enim eo ipso ex carne
etiam cordis sanguis omnis exprimitur. Quod enim
videatur in systole cor nonnihil albicare, illud est ab
expresso sanguine venoso qui in ramis est venæ coronalis
& sub tunica cordis fluit.

*P. 128. l. 31. obseru. 27. Holidæo Paduano apud Spi-
gelium l. 1. de febris semit. c. 15.*

Emendanda.

*P. 67. l. 27. fuerit in hepate sed non in corde p. 34. l. 11.
partes æqual. p. 42. l. 4. prodiderit p. 45. l. 2. etiam calor p. 59.
l. 23. quidam p. 71. l. 22. quænam illa sit p. 72. l. 13. si fons nonn.
p. 76. l. 27. Fornaculis ibidem l. 14. ferorum p. 79. l. 5. dele: ut nec
aërem &c. p. 102. l. 35. Andreas. p. 108. l. 4. cum ventre p. 110. l. 4.
accipiter ibid. l. 13. Hebræorum p. 132. l. 5. *καπρύχου* p. 123. l. 23.
βυζοx. p. 124. l. 10. otei. p. 127. l. 7. aliquod p. 128. l. 26. colore.
p. 148. l. 17. similis p. 153. l. 14. ducturos p. 159. l. 18. pervenit p. 188.
l. 11. hibernantes p. 199. l. 9. potiusque p. 202. l. 4. ter. vel testibus
sic p. 244. l. 6. *μυρία.**

HERMANNI CONRINGII
DE
CALIDO INNATO

Disputatio,

Publice habita x. Novembr.

CIO 15 C XXVII.

Lugduni Batavorum.

LECTORI.

THeses hasce, benevole lector, adolescentia factum, neq. totum, nunc approbo, neq. dignum, censeo quem tollam. Adicio hic tamen, ut appareat, cum Horatiano me consilio in premendo illo de animali igne paradoxo plus satis obsecratum, tum, si quid laudis doctrina hac meretur, non alius, qui fortè intra viginti hosce annos proximos simile quid docuerunt, me hoc debere. Eo scilicet ingenià novelli sunt, ut, nisi eos auctores inventoresq. prædices rerum, quarum observatio in prompta omnibus, ab ipsis autem, forte sit fortuna commemorata, ad injuriam suam pertinere interpretentur. Caterùm quid harum thesium probem hodieq. vel improbem abunde ex ipso libro de Igne animali discere est.



Voniam omne quod vivit propria virtute incrementum capere videmus, incrementum autem ex cibis est; qui humido & sicco constant, horum verò concoctio & transmutatio ope caloris fit; necessum est & animalia omnia & stirpes si non aliâ de causâ, vel ob hanc solam innato quodam calore prædita esse. *Aristot. 2. de partib. c. 3. c. 7. l. 2. de animâ, t. 50.* Dicimus autem innatum, quia & intra viventium corpora est, & primo conceptus momento congenitus: non per motum aut aliâ ratione in ipsis jam perfectis excitatus.

II. Hujus natura etsi penitus controversa sit & dubia, hanc tamen confessionem veritatis vi quasi extortam omnibus intelligimus, in perfectioribus quidem animalibus Cor non tantum in se maximam caloris copiam obtinere, sed & diffundere eum per arteriarum meatus in cæteras corporis partes. Hoc Hippocrates voluit *l. de principiis* ubi, *venis & cordi uberrimum calorem inesse, ipsum verò cor omnium in corpore, ait, calidissimum esse.* Hinc toties Aristotelis *Cor principium caloris*, Galeno nunc *ignis focus* (*l. de fætus form. c. 3.*) nunc *nativi caloris velut fons quidam* appellatum est. *l. 7. adm. Anat. c. 8. l. 5. de l. aff. c. 2. l. 6. de Vsu part. c. 7.* Hoc igitur posito, principiò inquirendum qualenam illud sit calidum, quod in corde residet & per arterias effluit: ut ubi ejus naturam perspectam habuerimus, ex Aristotelis monito *l. 1. Histor. c. 6.* conferre & examinare rectius possimus, si quis præter hunc in corpore spiritus reperiatur. Sic enim nummos ignotiores ad illum de cuius bonitate nobis constat, explorare solemus.

III. Itaque cum omnis calor qualitas aliqua adeoque in subjecto sit, innatum etiam illū vel in misto corpore vel in simplici esse necessum est. Temperiem cordis haut ingre-

si eum patet, quòd illud tum post obitum frigeat salu-
mitione, tum alias potius sit frigidum quàm calidum, si-
cui Averroi placuisse refert A. Laurentius. l. 3. q. 14. Quin
in mitione omnis perire solet qualitatum. excellentia,
quare nec insequi eam tantus calor poterit qualem hunc
sentimus.

IV. At verò si in simplici corpore residet; cum quinq;
in universum simplicia sint corpora, in uno horum sit ne-
cesse est. Qui illi æthereum tribuunt subiectum, uno hoc
sufficienter possunt refelli: quod cœlestia corpora actu
non caleant sed solum eminenter. Nec contradicit Ari-
stoteles, quando l. 2. de animal. gen. c. 3. inquit: *id quod in se-
mine reperitur & calidum dicitur, facit q. ut secunda sint semina,
non ignem esse neq. talem aliquam virtutem* (elementarem sci-
licet) *sed illum spiritum qui in semine & spumoso corpore continet-
ur, quaq. in eo spiritu est natura stellarum elemento analogæ.*
Non contradicit inquam: sermo enim illi non est de no-
stro calore, (cujus signum est, quòd naturam hanc quam
vocat, deneget foeminis) sed de Naturâ Plasticâ, quam quo-
niam rudes illi antiqui Philosophi ab igne distinguere ne-
sciebant, uno calidi nomine appellabant. Hinc ipsemet
illud non vocat calidum, sed ab aliis ita vocari assertit. Quin
passim calorem illum innatum à Naturâ. realiter. distin-
guit, (præsertim l. 2. de gener. animal. c. 1. & 6, ubi calorem ad
naturam plasticam ut instrumentum ad artificem sese ha-
bere docet:) & frigori eum opponit, nec alium facit quàm
quo res mixtæ generantur. Ita enim disertim. cum alibi
tum 4. Meteor. c. ult. *nervos, carnem, os, &c. à calido & frigido
horumq. mixtis motionibus effici non secus ac alias res inanimatas,*
pronunciat. Igitur Natura illa Plastica coelo analogæ est,
non calor, quo instrumento utitur, licet ambo in masculi-
no sexu plerumque conjuncta inveniantur. Nam hoc in-
nuc-

nebat Aristoteles cum in spiritu calidum illud locaret, & Theophrastus cum *l. de igne*, calidum animalium innatum pluribus rebus committum genitabile reddi assereret. Quâ dere egregie Strato Lampiscenus *l. de spiritu, c. 9.* & Averroës *12. Metaphysicæ, 18.* germani Peripatetici.

V. Idcirco cum in æthereo corpore esse nequeat calor innatus, non etiam vel in aquâ vel in terrâ erit: ambæ enim frigidae sunt, & quem fortè ab igne receperunt calorem deponunt statim ubi externum agens fuerit remotum. Hac etiam ratione nudum accidens & qualitas esset calidum nativum: Sed illud substantiam quandam esse quæ ex se calida est liquet, quoniam nutrimento indiget, suumque, cui inhaeret, humidum consumit. At si qualitas esset, cum subjecto suo unum constitueret, quippe ex cuius potentia esset eductum: Non igitur in humidum posset agere: in seipsum enim ageret, quod impossibile est. Præterea humidum quod consumi videmus à calido nostro, substantia aliqua est: at substantia in substantiam transmutatur, non in accidens. Non igitur accidens est innatum calidum, sed substantia eaque ex se calida.

VI. At cum duo solum sint corpora quæ ex se calent, Aer, & quod supra aeris districtum est, elementum, quod per consuetudinem ignem appellamus non est autem ignis (qualis videlicet est culinaris) ut loquitur Philosophus *1. Meteor. 3.* alterutrum horum esse oportet. Verum cum multum intensior sit illo qui in aëre reperitur, adeo ut aer nobis refrigerij loco sit, patet non esse illum aëreæ substantiæ, quod plurimis placet: sed illius quarti elementi, quod, quoniâ usus patitur, ignem posthac appellemus cum vulgo. Hoc ex eo etiam manifestum est, quod nostro calori nutritio illa competat, quam inter elementa soli igni adscribit Philosophus *l. 2. de gen. & corrupt. 1. 50. & de Anima 1. 40.*

corrumpatur etiam eo modo quo ignis solet, non quomodo aer. Sanè qui corruptiones ignis huic audent adscribere, & ignem tamen esse negant, nã absurdè admodum sentiunt: ubi enim proprietates specificæ adsunt speciem ipsam abesse impossibile est.

VII. Hanc etiam mentem esse divini Philosophi, præterquam quod ab illo ignis corruptionem & conservationem innato calori legamus accommodatam, plurima loca contestantur: ubi disertim calidū hoc ignem appellat. Sic *2. de animâ t. 41.* ignē agnoscit cōcausam nutritionis *2. de partib. c. 7.* reprehendens eos qui animam ignem esse existimabant, *melius, ait, quis dixerit animam in eiusmodi corpore subsistere. l. de invent. c. 4.* anima in corde dicitur esse tanquam ignita *l. de respirat. c. 6.* negat rēpirationem fieri ob nutritionem interni ignis & *c. 8.* ubi dixisset concoctionem fieri caliditate naturali, addit: *igne enim efficiuntur omnia. Ibidem* negat, vegetativam animæ facultatem absque naturali igne esse. Meminit etiam *cap. 15.* animalis ignis & *c. 17.* ait, *cum animalia pulmones & brachias movere nequeunt, factā intensione ignem tandem marcescere.* Ex quibus sanè quæ mens fuerit Philosophi abundè perspicitur potest. Idem verò in *Timæo* docet Plato passim, malè ideo reprehensus *l. 8. decretor. Hipp. c. 7.*

VIII. Sed ignis qui in hisce inferioribus conservari debet, necesse est ut in materia hæreat combustibili. *Id enim est quod à veteribus dicebatur, ait Theophrastus l. de igne, semper patum desiderari ignem quod incolumis absque materiâ esse nequeat.* Cujus quidem causam rectè fortasse quis dederit, quòd cum ignis summè sit calidus, etsi activitatis multum obtineat, resistendi tamen potentiâ omni fermè destituatur. Igitur alieno loco positus cum sese à circumstantibus undique contrarijs qualitibus tueri ne-

qucat,

queat, saltem, commodam materiam nactus, sobolem relinquendo conservare aliquandiu speciem potest. Quod si hæc autem unica est via ignem conservandi, patet materiam semper præstò esse oportere, siquidem servari aliquantisper debeat.

IX. Talis autem cum sit omnis ejus qui apud nos hæret ignis conditio, oportet ut & animalis ignis fomitem aliquem habeat. Videndum igitur qualenam ille sit, cum fomitem natura admodum sit varia: Vtrum sc. Cor ipsum comburatur carbonis instar, an verò aliquid quod corde continetur. Verum enimverò, cum nunquam visum sit cor, etiam in illis qui senio tandem extincti sunt, in cineres redactum, patet non consumi humidum illud quod cordis missionem sequitur. Fieri etiam omnino tale quid haut posset, quoniam nec calor ille esset durabilis, sed brevi periret, sicut carbonem citò in cineres diffuere videmus: nec sufficiens corpori calefactio posset præstari, cum ignis qui in solido & terreno corpore est non ita efferat sese extra corpus suum, adeoque minus calefaciat, ut Theophrastus docet.

X. Aliud igitur humidum sit oportet in corde, quod ejus carneam substantiam non ingreditur. Id verò merè aqueum esse non posse patet: cum, quoniam illud difficulter admodum transmutari ab igne potest, tum quæ comburi debent in ijs opus est ut humor sit imbecillior *l. 4. Meteor. c. 9.* Pingue igitur sit necessum est & oleosum: quali humore omnia fermè prædita videmus quæ ignem alere possunt. Scilicet nutritio illa nihil est aliud quàm alterius substantiæ in ignem mutatio, jam cum ignis materiam subito mutabilem postulet, pinguis illa oportet sit, quia hujusmodi est maximè ærea: ab aëre verò in ignem facillimus est transitus ob naturæ convenientiam.

XI. Atque adeo hoc est quod vulgo dicitur, *Ex humida & calida substantiâ constitui innatum calidum, & Humido inesse animale calorem.* Non tanquam accidens in subiecto, ut quidam sibi persuaserunt, sed quò pacto in ferro cum incanduit, in carbone cum urit, in fumo cum lucet, ignis substantiâ suâ adest. Neq; igitur ex duobus illis fit unû per se sed per accidens: quare neq; materiam suam in quâ est prohibetur consumere, quod multi putant.

XII. Vbi examinanda venit trita opinio de, nescio quo, radicali humido. Ajunt enim, primo ortu con-
genitum quoddam humidum esse cui insideat calor nativus idq; durante vitâ ex parte quidem depasci, nunquam verò integrè nisi mors continuo subsequatur. Et sane simile quid jam olim sibi voluisse Alexandrum ex Averrois *comm. in 1. de gen. & corr. l. 38.* intelligere est. At verò si aliud ex humido suo non quaerit ignis quàm nutritionem, quâ semper opus habet tali humido, quo longo demum post tempore usus est? Amplius, ignis non est in materiâ nisi quam consumit, quod si ergo à primo ortu in illo humido ignis est, diu ante mortē erit consumptum. Præterea aut illud radicale humidum est idem specie cum alimentario quod quotidie affluere concedunt, aut diversum? Non hoc, quoniam & in eundem ambo finem sunt, & præstant idem: Si illud, frustra aliud appeteret ignis quamdiu quod sufficit habet. Porro tale quid non apparet in ijs ignibus quibus vulgò utimur? Videmus enim prius consumi humidum illud quod ignem jam concepit, quàm quod affluit: imò non antè quid affluit quam illud in quo ignis proximè resideret sit absumptum.

XIII. In hanc perabsurdam opinionem traxerat illos ista persuasio, quasi ignis qui continuè flagrat idem semper numero sit: hoc enim fieri non posse autumabant.

quin

quin etiam subiectum sit idem. Verum enim vero impossibile est ut idem numero permaneat ignis iste qui nutritur, sit enim hic post hunc. *Flamma enim, dum ex humido & sicco commutatur, oritur, & nullo tempore, ut ita dicam, permanet eadem.* 2. *Meteor.* 2. Et, ut Theophrastus ait, *quicquid flagrat, tanquam inferi est, sicut & motus, & dum generatur quodammodo corrumpitur in g. natalibus suis emoritur.* Quomodo igitur una est aqua quæ fonte perenni profluit, sic & flamma una est: videntur enim unum quid, quoniam fluxus continuus est. Nam & unum dicitur quod continuum est. 5. *Metaph.* 6.

XIV. Quod si verò tali modo etiam qui in corde est ignis, sese habet, patet nec eam ibi à vitæ ortu materia copiam posse reperiri, quæ tanto semper igni sufficiat. Quin si quis cordis parvitatem & ignis robur conferat, videbit vix horulam unam & alteram ali posse naturalem ignem illo quod corde contineri potest humido. Quare necessarium est aliunde alimentum continuo affluat. At cum duo sint quorum præsentia vel absentia & ponitur & tollitur animale calidum, Respiratio & Sanguinis, affluxus, vel utrumque vel alterutrum id officii præstare putandum est.

XV. Vetus opinio fuit solam Respirationem hoc facere, sed illa cum autoribus suis jamdudum intercidit, postquam egregie illam confutarent Aristoteles *de resp. c. 6.* Strato *l. de spiritu* & Galenus *l. de usu Respirationis*. Hodie multis placet & inspirato aëre simul & sanguineo alimento calidum innatum cordis conservari. At profecto aërem citra necessitatem huc trahi patet, quod nec foetus in utero nec pisces in aquis respirent, & vivant nihilominus. Deinde si aër est alimentum, crebrior respiratio intendere calorem, suppetere enim tunc major fomes igni, at hoc experientia repugnat, nec alicujus momenti est si res-

spon-

spondeas, simul etiam refrigerari aëre inspirato calidum, nam & oleum in ignem reagit, magis tamen intendit. Præterea demonstratur à Cæsalpino *l. 5. Quest. Perip. 4.* Scherbio *disp. Medica 7.* & doctissimo Hofmanno *l. 3. de Thorace. c. 7.* non posse aërem cor ingredi, quare nec quod in corde est alere potest.

XVI. Superest ergò solum sanguinem in alimentum animali igni cedere. Cujus etiam indicium est, quòd quibus calor intensior est redditus, majore egeant nutrimentu, & quibus minor, pauciore. *Aphorism. 140 & 15. l. 2.* Innuebat verò hoc Philosophus *de long. vite c. 5. naturale calidum, ajens, consumere materiam in qua est, ideoq; & animalia & plantas alimentum non assumentes mori.* Magis exsertè *l. de Respir. c. 6.* negans enim aëre nutriri internum ignem potius, ait, *hòc ex alimento fieri videmus.* Galenus etiam tùm pluribus aliis locis cùm in primis *l. 3. de Temperam. c. 2.* & *de Usu respirat. c. 3.* manifestè huic sententiæ adstipulatur, sicut & Strato *l. c.*

XVII. Sed cum sanguinis substantia heterogenea sit admodum in omnibus omnino animalibus, nec quod purè aqueum est alat ignem, liquet, non integrum sanguinem, sed id solum quod in eo pingue, leve, & tenue est, fomentum calido innato præstare, ut dicit Galenus *l. 2. de Temp. c. 4.* Id quod si quis vini spiritui, quem vocant Chymici, cum Quercetano *l. de sign. int.* comparaverit, nescio equidem an vim faciat veritati, præferim cum haut ab simile quid arte ex sanguine elici posse notum sit. Nequeo tamen mihi persuadere, hanc ipsam sanguinis pinguiorem partem à reliquo abjectam & impermixtam igni obijci: non enim video quomodo hæc ratione caveri possit ne flammam cor concipiat, quod experientiæ repugnat & naturæ legibus. Attrahit igitur noster ignis integrum sangui-

sanguinem, etsi parte ejus solum nutriatur, reliquo in ipsam cordis substantiam absumpto, si verum est quod *l. 6. Vsf. part. 17.* dicitur, cor crassiore sanguine ali: sicut & oleum attrahit flamma, & intactum nihilominus relinquit quod in eo terrestre est, quod bene observavit Zabarella *l. de nutr. 23.*

XIIX. Quamobrem in hoc negotio cor sese ad instar ellychnij habere existimandum cum Galeno est *l. de Vsf. resp. 3.* Ideoque nec solida adeo ejus substantia est, sicut carbo: non enim semper ita in promptu haberet quod tanto igni possit sufficere; nec tamen nimis rara etiã est, cum ne nimia affluentis materiae copia obruatur, tum ut rectius conservare possit caloris principium *3. de partib. 4.* Densitas enim prohibet externum frigidorum affluxum, & dum in unum constringit, ignem validiorem reddit. Certè imbecilliorum esse diffusum calorem & fortiorem collectum, multis rationum momentis à Theophrasto legimus probatum. Hinc animalibus, quibus cor densum & spissum est, sensus est hebetior, & quibus mollius, accuratior *3. part. 4.* quia in illis calor est intensior, in his verò benignior. Sic & quibus minus cor est, calidiora sunt, & quibus grandius præ frigiditate nunquam non expavescunt: cum parum caloris in magno conceptaculo exoleseat. *l. 7.* Quæ sit igitur natura animalis ignis in corde, quodnam ejus alimentum, & quo pacto ad illum cor sese habeat, hoc modo declaratum est. Sequitur videamus quomodo communicetur calor alijs partibus.

XIX. Partes omnes à corde calorem aliquem recipere, indicio est, quòd in syncope refrigerentur, in febribus contra valde incalescant, & univèrsim alterato varijs modis corde ipsæ etiam iisdem modis alterentur. Igitur necessum quoq; est, ut meatibus quibusdam & canalibus

Nn

cordi

quem à corde habent distinctus sit. Equidem, omnibus partibus spiritum aliquem insitum esse, Stoicis primum visum olim; ab ijsque acceptum Athenæum Antaleum in Medicinam introduxisse ex *9. cap. libri qui Medicus inscribitur*, discere est. Et obtinet hæc sententia passim hodieque unde illa orta distinctio in calidum influens & fixum seu complantatum: hisce enim nominibus appellant spiritum illum quem toti corpori insertum volunt, quemque hæticum vocabant Stoici, nisi quod hi suum lapidibus etiam tribuerint, (*cap. 13. Medici*) quem illi in animatis solis agnoscunt.

XXIV. Verumenimverò quod si talis spiritus omnibus partibus à primo ortu ad obitum usque inesset, ut illi volunt, utique aut in sensus incurreret, aut quædam necessitas rationem nostram egeret istum agnoscere. Sed profectò sensu talis percipi nequit, quoniam statim ac in syncope aut plurimâ sanguinis effusione influens cordis spiritus partem linquit, frigida illa nobis videtur. Nec sufficit in primâ syncope accessione aliquem calorem sentire: ille enim in diuturniore affectu tandem desinit, ita ut verè mortuum cadaver interdum habeatur quod etiam in cordis calore vivit. Sicut sese res omnino habet in illis qui elati reviviscunt.

XXV. Nec ulla heic potest esse necessitas. Cum enim omne quod in corpore est animæ gratiâ sit, utique vel sufficeret ad animæ operationem aliquam vel adjuvaret. At nec vel ad sensum, vel ad motum, vel ad nutritionem ex se sufficiens est. Obstructis enim nervis statim & motus & sensus perit, haut labefactato illo, si quis in parte fixus inest, spiritu. Nutritio verò qui fieret tam debili calore qui ne sensum quidem movere potest? Quin obstructâ arteriâ etiam ali pars desinit in quam illa implantatur.

Taken.

Galen. l. de usupulſ. 1. Imò ſi ſufficeret, cur recipit quævis pars calorem à corde? Nam quod respondent, ut vivat, id verò abſonâ nititur hypothefi illa, vivere & nutriri diſtinctarum eſſe facultatum opera.

XXVI. Quod ſi ergò ad nullam animæ actionem ſufficit iſte ſpiritus, unicum id reſtat, ut adjumento ſit reliquis ſpiritibus influentibus. At unius animalis ſpiritus, quem vocant, gratiâ eſſe nequit, cum in multis hunc inſitum agnoſcant, quæ nec ſenſum nec motum perficiunt. Nec omnino ille alicujus fixi caloris auxilio egere videtur, ut ratio dictat. Eodem modo & ſine cauſa fingitur, ſpiritum qui per arterias vadit hujus ope indigere ad ultimam concoctionem. Nam & ille non eſt adeò debilis, ut juvamine alterius opus habeat: & naturâ ſuâ tam commodus eſt huic muneri, ut ſi rectè res perpendatur, fixus ille ineptus planè habendus ſit. Etenim propter fomenti tenuitatem in quoſvis partium poros penetrat, & ob molli-
tiam blandiſſimus eſt, & ob humiditatem rectius concoquit: cum nutritio quaſi quædam ſit elixatio. *4. Meteor. 3.* omnis verò elixatio fiat in humido. At ſi quis in partè ſolidâ calor eſſet, aſſaret potiùs, tum durus eſſet, nec conveniens nutritioni, ut vel ex illis ſolis intelligere eſt quæ de Ig-
nis differentiis elegantiffimo libello tradit Theophrastus. Proindè ſi nullius operationis gratiâ eſt com-
plantatus ſpiritus, manifeſtum eſt commentitium eum eſſe & confictum.

XXVII. Amplius, *l. de ſat. form. c. 3.* non agnoſci-
tur ille repor complantatus niſi in ſanguine & ſanguineis
partibus, ex ſanguibus verò planè denegatur: non ergo
omnibus partibus competit, id quod in controverſiam
veniebat.

XXIX. Quandoquidem igitur non omnes partes in isto spiritu præditas esse demonstravimus, inquirendum etiam erit, utrum forte aliquibus id concessum sit. Vbi primum vulgata sententia est, Hepar proprio calore sanguinem corpori præparare, & ut quidam explicant, cum venoso sanguine reliquis partibus eum communicare, cordis instar. Sed ut liberè dicam, hæc etiam opinio & à veritatis tramite & veterum placitis abire non leviter videtur. Prisci enim alimenti coctioni spiritum insitum præficebant, cujus initium à corde sit. Sic & 13. cap. Medici, Naturalis spiritus, qui animantia nutrit, sedes in corde ponitur.

XXIX. Valent verò etiam adversus eum omnes penè ratiocinationes, quibus fixum partium spiritum expugnavimus: nisi quod plerique hunc, quem Naturalem appellant, sufficere sanguificationi manifestè profiteri audeant. At si illud verum est, cur tot arterias recipit hepar? Sane quod l. 4. de usu. part. 12. & 13. dicitur, fieri id, ut refrigeretur visceris temperies, absurdum planè est, nec consentaneum propriis dogmatibus. Volunt enim dilatata arteriarum oscula aërem recipere quo sanguis refrigeretur: necesse igitur est ut attingant aërem frigidum: quod si igitur idem sit in arterijs quæ in hepar desinunt, jam antè in hepate aër adfuisse debebat. Deinde non potest mente cogitari: quomodo, quod calidius est, si moveatur in frigidiorè spacio, possit frigefacere quod multò est frigidius. at ipsi arterialem sanguinem calidiorem longè faciunt ipso hepate. Insuper iidem arteriarum in lienè usum agnoscunt, ut motus assidue atque innata caliditas, quæ ipsis à corde affluit, robore confici, frangi, mutari & alterari possit crassities assumptorum succorum: quare ergò aliud earum officium in hepate erit? Effugium verò elumbe est quo utuntur, non præberi hepati

hepati multum vitalis spiritus: nam & id falsum est & ipsis repugnans. Quomodo enim sibi sufficit, si cogitur à corde quidpiam emendicare? & licet pauciores arterias habeat quàm lien, satis tamen multas habet, præcipuè cum venâ adeò ingenti cordi cohæreat, cujus in calefaciendò sanguine usus *6. lib. cit.* asseritur non obscure.

XXX. Vtèrius *7. Aphorif. 52.* legitur: Quibus hepar admodum dolet, ijs superveniente febre solvi dolo-rem: at cum ille dolor sit à flatibus, ut ipsi agnoscunt, si febre solvitur, utique à corde calor in hepar transmittitur.

XXXI. Prætereà l. 1. corde actio etiam hepatis perit *5. de l. aff. 2.* igitur aut non transmitti tunc à corde quod debebat, aut quod non debebat transmitti necessum est. Hoc nemo dixerit: quod si verò illud, igitur à corde aliquid accipit hepar quo actiones suas peragit, id quod nihil aliud quàm calidum arteriale sanguinè esse possè manifestum est.

XXXII. Fatentur ijdem *l. de fat. form. 2.* in jecore absque calore cordis tepidam tantum caliditatem sicut in sanguine esse. At si non major naturalis ejus calor est, non poterit propriâ virtute alimentum coquere. Item si absque cordis calore tepet solummodo jecur, ergò quod reliquum caloris in eo sentitur, à corde est. Innititur verò assertio illi fundamento, quasi sanguis ex se sit calidus, ita enim dicitur *eod. cap.* tantò cor calidius jecinorè evasisse, quantò arteriosus sanguis calidior est venoso. Quod si ergò aliquis Spiritus hepati innatus est, saltim auxilio cordis eum indigere ex hisce satis constat. Debilem verò in hepate calorem quendam reperiri, ijsdem potest refutari argumentis, ut antè monuimus, quæ adversus complantatum spiritum in medium adducta sunt.

XXXIII. Ex quibus etiam id fit manifestum, non mitti aliquem spiritum ab hepate pervenas, quod vulgus
asserit

asserit Galenò ipso audacius, quem *12. Meth. 5.* dubitasse legimus: sed quem fortè mittit, non largitur cum hepar de suo. Tolerari tamen sententia hæc posset si ita explicetur: quod in sanguine, ubi hepate excidit, jam tum levis illa & oleosa substantia reperiatur, etsi minùs elaborata, quæ postmodum in corde perfectior reddita alit animalem ignem. Verùm hoc illi nolunt, quibus idcirco ex abundantia alia argumenta placet opponere. Neque tamen recoquimus illa omnia quibus in hoc negotio alij & inter eos præcipuè Manardus, utuntur: fatemur enim invalida pleraque esse. Vnum quidem, quod de spiritus ex aëre nutritione sumitur, alicujus est momenti adversus illos qui hanc hypothèsin admittunt, adeò ut Altomarius & alij ad absurdas ferè responsiones adacti sint: at quia hanc hypothèsin falsam esse novimus, hæc sequentia saltè adferemus.

XXXIV. Aut ille hepatis spiritus specie à vitali distinctus esse debet, aut non. Illud esse nequit, quoniam ad concoctionem nihil nisi calor ab efficientis parte requiritur, concoctio enim omnis alteratio est. Quod si verò specie conveniunt, malè in corpore duo eorum principia statuuntur diversa: unum enim esse principium debet ubicunque fieri potest *3. part. 4.* præstat enim: natura verò semper id agit quod est melius.

XXXV. Amplius, Solum cor febre afficitur & calorem præternaturalem membris omnibus potest communicare. Hepar ergò principium universalis alicujus caloris non est aliàs enim converso ejus calore in igneum similiter febrem pateretur, ut benè disputat Casalpini *l. 2. Artis cap. 3.*

XXXVI. Porro si quis ab hepate in venis esset spiritus, utique ad spiritum illum pertinet calor qui in venis sentitur. At sanguis suum calorem à corde suscipit testante

Galenò

Galenus 1. de Temp. 9. de us. puls. 3. 4. de us. part. 6. Cujus etiam signum poterit esse, quod timore in corde suborto non minus venosus quam arteriosus sanguis contrahatur, & ad interiora refugiat, in gaudio contra pari modo diffundatur. At nisi cor quodammodo tangeret illum, qui in venis est, sanguinem non posset in illum agere: contactus verò ille non nisi spiritus interventu fieri potest. Patet igitur in ipsis etiam venis vitalem, quem vocant, spiritum reperiri.

XXXVII. Ad hoc, ponatur omnem illum calorem quem habet venosus sanguis, ab hepate esse, non video tamen quomodo ejus vi ultima concoctio possit perfici, cujus gratiâ à plerisque introducitur. Parùm enim caloris à venâ parti cui libet subministrari patet experimento quod Galenus adducit l. c. de puls. Ex ijs etiam quæ 37. & seqq. capp. Artu, idem docet, colligitur: corporis habitum calidum esse posse licet hepar sit frigidum, posse etiâ frigidum esse, licet hoc sit calidum, dummodò solius cordis temperies contraria sit hepatis: sic nec hepar calidum posse calefacere corporis habitum, nisi cor consentiat; nec hepate frigido reddi habitum frigidiorum, nisi tale etiam cor sit. At si habitus corporis ideò inter alia calidus est, ut ultima ista concoctio in partibus fieri possit, ille verò tam parùm dependet ab hepatis venarumque calore, liquet utique non hepatis, sed quæ à corde profluit, caliditatem concoctionis istius causam esse, adeoque hunc in finem malè introductum alium hepatis spiritum.

XXXIIX. Denique frustra in omnes partes mitteretur aliquis calor à corde, si hepar dat spiritum quo nutritio perficitur: nulla enim firmè operatio animæ est, quæ tanto calore egeat, solam si nutritionem excipias. Quamobrem etiam concludimus, nec ullum spiritum

in hepate esse, præter eum quem à corde accepit, nec si quid reliquis membris ab eo mittitur, id nutritioni posse præfici.

XXXIX. RESTAT ut pari modo de cerebri spiritu obtineamus, non minus illum à corde esse quam qui in hepate est. Etenim non minor de eo controversia est, quibusdam eò etià audaciæ procedentibus, ut omnino, eum dari, negare non vereantur. Sed quoniam illi absurdam sententiam, & quæ fortassis, veritati non consentiat, foveant, illud, solum considerabimus, utrum Animales spiritus, (ita enim appellantur) toti à cerebro, an verò etiam à corde dependeant, seu an primum initium sui esse à corde, an autem à cerebro habeant.

XL. Sed cum spiritus illi calidi sint, patet eos à corde initium sumpsisse, non à cerebro: hoc enim naturà frigidum est, Hippocrate teste *l. de princ.* cui frigidi metropolis dicitur, & probatur *2. part. 7.* quia aquæ & terræ est, nā cum coquitur, indurescit & siccessit evaporatā humiditate.

XLI. Præterea læso corde læduntur cerebri spiritus, ut in syncope manifestum est, quare ab illo dependeant necessum est: Quod enim movebatur, si quiescit quia aliud quid quiescit, ab altero movetur. *7. Physic. 2.*

XLII. Eodem modo cui crassiore sanguine arteriæ carotides obstruuntur, apoplexiā corripitur, monente Hippocrate *de vict. acut. 4. 1. 23.* cujus verba in hunc sensum ipse Galenus *de morb. caus. c. 3.* interpretatus est. Necessum est ergo à corde affluere spiritus, quorum defectu atrox ille morbus excitatur.

XLIII. Porro, in Exsanguibus quibusdam animalibus, qualia sunt vermium genera, nihil est quod cerebro, sed solum quod cordi respondeat. Non igitur principium sensus & motus à cerebro primò sed à corde dependet.

XLIV.

XLIV. Præterea, multis celebribus cum Philosophis tum Medicis semper visum est, Spiritum animale sanguinis evaporatione nutriri *Gal. de us. resp. s.* Et ipsi plurimis locis fatentur, vitalem spiritum animali pro alimento esse. At hoc nihil est aliud, quam suppeditari cerebro à corde spiritus, quibus animales actiones peraguntur.

XLV. Nam quod ajunt, restaurari simul illos ex aëre naribus attracto, id verò commentitium esse vel ex ijs satis potest probari, quibus idem de vitali spiritu modò negabamus. Nam nec foetus in utero, nec pisces in aquis aërem trahere possunt. Deinde non datur via aëri in cerebri vasa & nervos, quibus animalis spiritus continetur. Via enim quæ tendit in ventriculos huc non facit, quoniam spiritus in ventriculis nullus est, ut postea probabimus; nec, etsi ibi aliquis esset, clarum est, quomodo per processus mamillares, quod illi volunt, aër eò possit pervenire, si illi concavi non sunt, ut recentior anatomia docet. Insuper, quod si aër indiget animalis spiritus, in diuturna coryza, aut polypo, vel aliâ nasi malâ conformatione, impedirentur animales functiones: illis enim morbis sæpè omnis aditus aëri præcluditur, ut ex odoratus abolitione manifestum est: at hoc repugnat experientiæ. Quare ex solo spiritu vitali animale generari necessum est, adeoquè dependere illum totum à solo corde ita ut sine eo esse nequeat.

XLVI. Idem de spiritibus, quibus principes animæ functiones exercentur, potest seorsim probari ex eo, quod illæ actiones operâ temperamenti cerebri peragantur, ipsis fatentibus. Est autem magna & potissima temperiei pars à corde. Præterea Hippocratis effatum est, *Sanguinem in homine maximam partem conferre ad prudentiam*: id quod de omnibus omnino animalibus demonstratur *l. 2. part. 2. & 4:*

At profectò minimè hoc modo res sese haberet, nisi animalis spiritus à venarum & artieriarum qualitatibus dependeret.

XLVII. De Sensibus verò tam internis, quàm externis signum hoc capi potest: quòd prout illi circa diversa objecta occupantur, ita confestim diversi vel lætitiæ vel tristitiæ motus in corde oriantur. Sed si animales spiritus cum corde non cohærent, non patet quomodo subita ista mutatio in spiritu isthoc contingere possit.

XLVIII. In Tactus autem sensu peculiare huius rei indicium est illud: quòd dolor qui in extremis corporis est partibus, pervadat ad cor usque, ut omnes experimur: imò vulneratus nervus in minimo etiam digito lipothymiam inducat.

XLIX. Manifestior adhuc res est de motu: præsertim cum totū illud dubium admodū sit, num spiritus qui motui præst voluntario per cerebri nervos fluat, quod tamen tanquam verum in præsentiarum ponimus, quoniam ad institutum nostrum nihil refert. Sed cum omnis motus magnā ex parte caloris operā perficiatur (uti notum est vel ex iis solis quæ circa Paraly sin contingunt.) seorsim, hunc calorem à corde communicari, constat experimento quòd Aristoteles 2. *de gen. animal.* 4. *de Somno* 2. adducit, quia vehementius aut validius quidquam moturi, retento spiritu, quem in inspiratione accepimus, intendamus prius calorem cordis, unde nobis vires augeri & quasi robur aliquod addi nemo ignorat. Quod verò in nobis facit inspiratus aer, id in quibusdā ex sanguibus aerē congenitum facere indeliquet, quòd insecta quibus sub diaphragmate scissura est, cum moventur bombū edant, allisione scilicet conpati spiritus ad membranulam illam: quomodo bombum excitari docet Aristoteles *de Somno* 2. & *de respir.* 1. & plur.

pluribus probat Aldrouandus, licet Scaligero displiceat. Manifestum vero signum est, motus principium à corde oriri, & huic cum movemur nos quasi inniti.

L. Deinde, cum vel timore vel ira cordis calor æstuat, illos interdum motus perficimus facillimè, quos alio tempore vix magno conamine perageremus, ut ex historiis & quotidianâ experientiâ constat. A corde igitur est spiritus quo movemur.

LI. Præterea, Convulsio interdum oritur à nimia sanguinis profusione. *Aph. 3.* Hujus proxima causa cum sit inanitio, manifestum est sanguini connexum fuisse spiritum illum nervi, cujus defectus inordinatum hunc motum producit.

LII. Egregiè vero huc facit, quòd ipsi agnoscant in corde appetitus & irascibilis facultatis sedem esse, ut bene obicit Averroës *2. collig. 18*. Nam verò motionis causa appetitus est, ut demonstrat Aristoteles. Quòd si igitur principium facultatis motivæ in corde residet, patet instrumenti etiam initium hinc esse. Ac proinde quòd *animalis spiritus* ortum in corde habeat, ab eoque dependeat, & in genere, & specie seorsim, prout huic vel illi functioni inservit, hisce etiam demonstratum est.

LIII. SUPEREST videamus quid vitalis spiritus à cerebro patiatur. Necessum enim est ut aliquid ipsi eveniat vi cerebri nervorumq; quia functiones istæ animales, uti vocant, tantopere egent cerebro & nervis, ut illis læsis neque istæ possint exerceri. Et sanè vulgata hac de re sententia est, vitalem spiritum, postquam in choroide plexu leviter præparatus est, effundi in cerebri ventriculos, ibique in aliam planè novam substantiam transformari. Sed profecto nec locum aptum videntur indicasse, nec præparandi modum.

LIV. Nam qui in cavitates effunditur sanguis, in grumum

num concrefcit. Ventriculorum etiam natura eft recipere excrementa cerebri: at improbable prorfus eft puriffimū corpus eandem fedem cum excrementis obtinere. Amplius, cum ex tertio ventriculo via in palatum fit, quid prohibet quo minus hāc portā effluat ſpiritus? quid deducit ipſum potius in quartum? Ad hoc, nulla cum ventriculis nervorum eft continuitas, quòd ſi ergo ex iis in nervos quid aſſumi debet, neceſſum eſt ut in laxam prius cerebri ſubſtantiam diffundatur: quare deperderetur maxima ſpirituum pars, quoniam vel parum admodum vel nihil eorum in nervos abiret. Omne enim quod ſpirituofum eſt naturā ſuā diffunditur, & quā parte poteſt diffluit. Quod ſi igitur in latum illum cerebri campum ſpiritus via daretur, manifeſtum eſt vix minimam eorum partem nervos eſſe ingreſſuram. In ventriculis igitur ſpiritum generari admodum improbable eſt.

LV. Eodem modo non donari vitalem ſpiritum novā aliquā formā ſubſtantiali priuſquam animalibus functionibus poſſit miniſtrare, patet: quia in ſyncope ſubito perit & ſubito denuò reſtituitur; at ſubſtantialis tranſmutatio non ita velox eſſe ſolet. Sic odor vaporis ab olfactus ſenſorio percepto debilitatus cordis ſpiritus refocillatur, quod quomodo fieri queat, ſi ſpiritus qui in nervis odoratus reperitur, ſpecie à vitali ſit diſtinctus, vix poteſt cogitari.

LVI. Nulla etiam eſt neceſſitas cur animalis ſpiritus novā formā ſubſtantiali opus habeat. Senſuum ſanè cum externorum tum internorum gratia nequaquam id opus eſt. Specierum enim receptio fieri poteſt in vitali, dummodo temperatus ſit & quietus, quomodo ipſi, temperie cerebri animales functiones exerceri, concedunt. Senſorium verò omnium integra eſſentia cum in eo poſita ſit, ut potentiā talia ſint, qualia objecta ſunt actu, neque in horum

rum usum aliqua forma nova substantialis necessaria est. Quod enim tactum attinet, quem maximè urgent, sufficit ut sensorium ipsius, cum omnimodè fieri nequeat, saltem ita sit liberum à tactilibus qualitatibus, quantum ad extremorum perceptionem opus est. At verò tale solà qualitarum temperie redditur. Sed nec spiritum motivum alià formà substantiali informari necessum est, quia omne id quod ab eo præstari debet, etiam sine eà fieri potest. Nam & muscoli majores reddi tendique possunt solo calore aucto, & contrahi rursus à frigiditate *Arist. de Anim. mot. 7;* & quod ajunt, Spiritum animale per nervos delatum tumorem facere duritiemque, unde musculo robur concilietur, ut os vectis instat tollere possit, id omne à solo vitali spiritu effici potest; quod negabit nemo, qui vel in plethorico vel irato tumentes vitali spiritu musculos, vel in iis qui timent flaccidos eosdem observaverit. Quare, spiritum cordis à cerebro non accquirere novam aliquam substantialem formam, manifestum est.

LVII. At cum aliquid tamen patiatur, ut ante ostendimus, alterationem subeat superest. Itaque cum cerebrum naturà suà frigidissimum esse novimus, Spiritum verò cordis calidum, oportet ut cerebrum spiritus caliditate, Spiritus autem frigiditate cerebri temperetur. Redditur verò hoc pacto spiritus idoneus mentis operationibus, quoniam illæ maximà quiete debent exerceri *7. Physic. 3.* frigiditas autem introducit humorum tranquillitatem & stabilitatem.

LVIII. Atque hic fortassis est ille usus cerebri quem Philosophus *2. part. 7.* innuit, ob cordis caliditatis refrigerium generatū illud esse docens: quomodo sanè multi eum explicarunt, & ante omnes Averroës. *paraph. in d. l. & 2. Collig. 11.* Fortassis inquam hæc est mens Aristotelis. Vere tamen cerebro etiam cor refrigerari docet somnus, qui fit concretis vi cerebri calidis evaporationibus. Hinc, quia motus sanguinis calidi circa cor obtundit virtutem sensificam, in capite posita sunt sensoria *2. part. 10.* quod scilicet temperies sanguinis ibi sit moderata & apta cum ad conservan-

dum cerebri naturalē teporem, tūm ad sensuum quietem & acumen. 4. part. 10.

LIX. Hoc vērō moderamen ut servaretur, neve nimius calor impedimento esset, non pauca exq; amplā, sed frequentes & exiles venæ per cerebrum sparguntur, nec sanguis copiosus & crassus, sed tenuis & sincerus eò subit 2. part. 7. seu, ut alibi dicitur, tenuissimus & purissimus. Quod partim ex materiæ necessitate, partim ideo fieri putandum est, quia humorum tenuitas & mundities, & imprimis sanguinis, ad sensuum & ingenij exactiores & politiores functiones facit. 2. part. 2. & 4.

LX. Sicut igitur qui ex vino eliciunt aquam ardentem, spiritus per fistulam in spiras recurvam ascendentes vase aquā frigidā pleno, per quod transeunt, refrigerant, ne in auras evanescant; Sic quoque cum ex sanguine in corde fervente tenuissima pars sublimatur, cerebrum in superiori loco consistens frigidā & humidā suā virtute eam contemperat, & naturæ usibus reservat, ut egregiè admodum more suo docet Cæsalpinus.

LXI. Hanc alterationē in ipsis valis cerebri fieri putandū est; quæ cum sint contigua cū nervis, ut Arist. innuit, effundunt fortē in illos florē hunc & quasi spiritum sanguinis. Imò, retinent illum & per ipsas nervorū medullas transferunt; si nervus non est aliud quā exilium vasorum concursus cerebri medullā & membranis tanquam tomento sultus, quod post Praxagoram & Erasistratum ingeniosè docuit Cæsalpinus, & nuper probabile admodū nobis reddidit acutissimus Hofmannus 2. de Thorace 28. Quā de re re latius agere nostrum non paritur institutum: Sufficit nobis demonstrasse etiam Cerebri spiritum à corde esse, & à cerebro nihil nisi alterationem perpeti.

LXII. Arque ita tandem concludere etiam licet, nulli parti insitum aliquem calorem à naturā concessum esse nisi uni cordi, sed partes omnes cordis liberalitate calere. Quare solis instar cor sese habere putandum est, à quo lumen hisce inferioribus communicatur. Sed, sicuti illud à Sole quidem uniformiter prodit, pro nubium tamen differentiā in varios abit colores: eodem modo etsi unus sit calor qui à corde fluit, non tamen omnes partes æqualiter calent, sed alius ille atque alius redditur, prout subjecta diversa sunt in quibus recipitur.

3



3

3

6th

i





